

[S]

101-5 7/24/6


100 00/15

1000

Part IV
Girolamo Benzoni's
History of the New World
Frankfurt am Main 1594

Part V
Girolamo Benzoni's
History of the New World
Frankfurt am Main 1594

Part VI
Girolamo Benzoni's
Hist. N. W. Frankfurt
am Main 1598



Digitized by the Internet Archive
in 2012 with funding from
Research Library, The Getty Research Institute

<http://archive.org/details/americaeparsqvar00benz>



AMERICA
PARVA QVARTA.

Sive,

Insignis & Admiranda Historia de reperta
primùm Occidentali India à Christophoro
Columbo Anno M. ccccxcii
Scripta ab Hieronymo Bezono Mediolanense,
qui illic ānis xiii. versatus, diligēter omnia observa-
vit.

Addita ad singula ferē capita, non contemnenda scholia
in quibus agitur de earum etiam gentium idololatria.
Accessit præterea illarum Regionum Tabula
chorographica.


Omnia elegantibus figuris in aes incisus expressa
à Theodoro de Bry Leodienſe, cive
Francofurtensī Anno dñi h̄ xciii. Ad
Imperat. Rudolph. II. Rom. Imperator.
Cum privilegio S. C. Maiest. tat.



THE
OFFICE OF THE
TREASURER
OF THE
UNITED STATES
OF AMERICA
WASHINGTON
D. C.



1862



Exemplar Cæsarei Priuilegij.

RUDOLPHVS II. Diuina fauente clementia electus Romanorum Imperator, semper Augustus, Germania, Hungaria, Bohemia, Dalmatia, Croatia, Sclauonia, &c. Rex, Archidux Austria, Dux Burgundia, Styria, Carinthia, Carniola, VVirtembergæ, &c. Comes Tyrolis, &c. Recognoscimus & notum facimus tenore presentium vniuersis, nobis & Imperio dilectum Theodoricum de Bry, ciuem Francosurti ad Mœnum, humiliter nobis exponendū curasse, quod magnacura & magnis sumptibus Incolarum America habitus, ritus & mores in aeneas tabulas inciderit, quod opus libenter in lucem emittere cuperet, demisse etiam supplicasse (quandoquidem nemini id aduersum, sed multis gratum futurum sit, magniq; in eam rem sumptus sint ipsi faciendi) ut Cæsareo nostro priuilegio eum munire clementer dignemur, ne cuiquam alteri, qui suum commodum cum ipsius summo detrimento querit, aeneas istas tabulas aut icones vel hoc opus imitari aut exprimere liceat. Nos illius humilibus precibus annuentes, ex certa nostræ Cæsareæ Maiestatis scientia & autoritate hanc gratiam & priuilegium predicto Theodorico de Bry cōcedimus, ut predictos typos & icones in lucem edat, & ne intra quadriennium ab huius priuilegij concessione supputandum, quispiam, quicunq; tandem ille sit, istas icones ad imitationem excudat, aut sic impressas inuehat, importet aut vēdat. Quapropter inhibemus singulis nostris & sacri Imperij subditis & fidelibus, cuiuscunque dignitatis, status & conditionis sint, præsertim autē omnibus Typographis, bibliopolis, aliisq; librariam negotiationem exercentibus, nisi nostram indignationem & grauem pœnam incur-rere velint; & vetamus, ne quis eorum, aut alius eorum nomine, predictas areas tabulas & icones quas sæpe memoratus Theodoricus de Bry excudet, intra dictū quadriennium ad imitationem imprimat, aut sic impressas circumuehat, venales proponat aut quoquo modo distribuât, aliosve id facere permittat, sub pœna nostræ indignationis & amissionis singulorum exemplarium dictæ impressiōis, quæ sæpe dictus Theodorus de Bry, ubicunq; locorum nactus fuerit, per se, vel suos, propria authoritate & sine impedimento sibi vendicare, atq; illis pro suo arbitrio uti poterit, libere, & sine detrimento.

Debeat tamen sæpe præfatus Theodoricus de Bry, nisi hac nostra gratia & priuilegio priuari velit, tria præfatæ impressiōis exemplaria propriis impensis ad nostram Imperialem Cancellariam transmittere. Harum testimonio literarum manu nostra subscriptarum & sigilli nostri impressiōe munitarum, Datum in nostra Regia arce Praga, vigesima quarta Martij, Anno Domini Millesimo quingentesimo & nonagesimo, Regnorum nostrorum Romani decimo quinto, Hungarici decimo octauo & Bohemici etiam decimo quinto.

Rudolphus.

Ad mandatum sacræ Cæs. Ma-
iest. proprium.

Iacob Kurz von Senfftenau.

A. Erstenberger.
Non



THEODORVS DE BRY BENEVOLO LECTORI.

NON existimo, candide lector, tibi ignotos esse tres illos priores libros, quos de noui orbis seu Indiæ occidentalis tribus regionibus, nempe Virginia, Florida & Brasilia præteritis annis in lucem edidi cum figuris & iconibus ad viuum expressis ac in æs incisis: in quibus barbarorum illorum tum corporis cultus & ornatus, tum mores, tum deniq; fides & religio eleganter describuntur & exprimuntur, non minore cum legentis & contemplantis voluptate & delectatione quàm vtilitate. Cùm autem originem atq; initium inuentionis illarum terrarum noui orbis prætermittere mihi nec æquum nec decorum videretur, vt non tantum meo, sed & aliis bonis ingeniis satisfacerem, superioribus illis tribus libris, hunc quartum adiicere visum est, in quo reperies primum tabulam chorographicam eius regionis quæ prima ab illustri viro D. Christophoro Columbo Italo reperta est, in qua tabula loca ipsa ad quæ vir ille appulit quatuor illis nauigationibus quas in eas terras suscepit, accuratè notantur, adhibitis in eius rei diligentioris inquisitionem omnium maximè idoneorum authorum scriptis, atque in primis authoris nostri M. Hieronymi Benzoni Mediolanensis, qui in illis terris per 14. annos commoratus est: Inuenies præterea iconas complures tabulis æneis mea filiorumq; meorū opera incisas, quibus exprimuntur multa quæ ad incolarū illius regionis mores, viuendi rationem atq; religionem pertinent: ex quibus poteris videre quantum sit discrimen inter illos trium illarum regionum superioribus libris descriptarum incolas, & hos de quibus in hoc libro fit mentio, præsertim in religione: siquidem hi non vnum solum Deum rerum omnium creatorem ac figura aliqua lignea repræsentatum instar Virginie incolarū, nec solem aut Lunam sicut Floridenses, nec Maralea velut Brasiliani colunt, sed ipsum Diabolum, qui sese ipsis omnis generis horrendis formis exhibet & ostentat, sicut ex figuris sequētibus, ac ipsius libri lectione videbis & intelliges. Quod sanè horrendum est & maximè deplorandum, homines licet barbaros, creatos tamen ad imaginem Dei, vt ad Angelorum imitationem eum perpetuò colerent & glorificarent, eò cæcitatatis esse delapsos, vt loco creatoris ipsum iuratum Dei & generis humani hostem adorent. Veruntamen quid miseros illos tantopere detestamur & damnamus? In nos ipsos descendamus, ac videamus num ipsis meliores

simus, nos, inquam, quibus vera Dei salutisq; æternæ cognitio tum per Prophetas & Apostolos, tum per ipsum D. Iesum Christum Dei filium & sermonem æternū reuelata & patefacta est. Omitto multa vitia quibus Christiani Diabolo ipsi militant & quibus barbari illi carent: Taceo luxum illum immodicū qui tum in vestitu corporis, tum in apparatu ciborum inter nos cōspicitur, à miseris autem illis prorsus exulat, siquidem iis bonis quæ natura per se producit contenti sunt, suaq; pudenda simpliciter tegunt vel fasciis vel pellibus ferinis, vel musco, præter eos qui omnino nudi incedunt nullo pudoris sensu, quod quidem probare humanum non esset nedum Christianum. Sed iis omisissis, annon etiam nos Christiani Deo palam repugnamus, vt Diabolo pareamus & eum adoremus? Quis non detestandum illud avaritiæ vitium sectatur, quæ tamen ab Apostolo idololatria vocatur, quoniam avarus aurum & argentum atq; in his principem huius seculi loco Dei adorat? Quotusquisque credit Deum nobis omnia quæ ad huius vitæ sustentationem necessaria sunt suppeditaturum, modo renunciatis omnibus inordinatis cupiditatibus eius regnum primum quæramus, eiusq; iustitiam, quæ est vt Deum amemus ex toto corde nostro, & proximum sicut nos ipsos? Paucos sane reperiatis qui eiusmodi fidem habeant. Hinc fit vt Diabolus cautus & astutus videns nos Deo non fidere, nec nostro victu & tegumento contentos esse, sed immodicis cupiditatibus ferri & abripi, nobis hunc mundum eiusq; gloriam & opes ostendet, vt nos ad se adorandū rerum illarum cupiditate alliciat, sicut Christum tentauit, promittens se illi totam mundi gloriam daturum, si se adoraret. Ea autem est cæcitas ingenij nostri, atq; is huiusce seculi amor, vt facile nos ab eo decipi patiamur, & Deo derelicto, Diabolum ipsum sequamur, illiq; pareamus. Horret quidem animus cum audimus Diabolum à cæcis illis hominibus adorari. Sed quid respicimus festucam quæ est in illorum oculis, & interea trabem quæ in nostris est non cernimus? Lege hunc tractatum, videbis cæcos illos Indos nostram infirmitatē & avaritiam melius quàm nos animaduertisse, atq; etiam aliquādo exprobrasse, cum frustum auri ostendentes dicerent, En Deum Christianorum. Rem sane pudentiam oportere Christianos tales habere pædagogos & magistros. Præterea in hoc libro videbis quæ quamq; insatiabilis fuerit Hispanorum avaritia, in quæ quantaq; flagitia hæc eos impulerit, quàm sæuè & atrociter miseros barbaros tractarint, quam turpiter etiam insana illa sua cupiditate accensi in mutuas cædes sæuierint. Quæ omnia sanè in hominibus Christianis valde damnanda & deploranda sunt. Veruntamen ne quis hæc in Hispanicæ gentis ignominiam trahat, expendat vnusquisq; quid ab aliis aliarum nationum hominibus fiat. Annon similia quotidie à nobis perpetrantur? Frumentum & vinum coëmimus, & in cellas ac horrea condimus, vt pauperes tempore famis aut annonæ caritatis iugulemus. Fraudibus, vsuris & imposturis fratres nostros facultatibus suis spoliamus & exhaurimus. In mutuas cædes ambitione & avaritia abrepti quotidie ruimus, nec modus est vllus aut finis nostræ cupiditati & crudelitati. Ne simus ergo tam præcipientes in damnandis Hispanis, quin prius nos ipsos serio examinauerimus, num ipsis meliores simus. Multos enim inter Hispanos noui viros pios & probos non minus quàm in vlla alia gente, quod absq; vllius præiudicio dictū sit. Si quæ sæuè, crudeliter, auarè & iniquè gesta sunt ab Hispanis in India, ea genti imputanda non sunt, sed potius militari licentiæ, quæ in aliis gentibus nō minus efferata comperietur. Quis enim ignorat quàm multa crudeliter patrata sint atq; etiamnū hodie patrentur à militibus Gallis, Germanis, Italis, & aliis in omnibus fere expeditionibus ac bellis. Quis tamen æquus iudex hæc toti genti imputabit? Faxit Deus vt ex aliorum exemplis discamus mores nostros corrigere, atq; ea quæ in aliis damnamus, in nobis emendare, ac in primis cupiditates nostras frenare, vt contenti simus iis quæ Deus nobis pro sua liberalitate & benignitate largitus est, nec plura appetamus quàm quæ ad nos alendos & regendos sufficiunt iuxta Pauli consilium, cum cætera sint superuacanea, siquidem nihil in hunc mundum intulimus, nihil etiam hinc auferemus: Cōsiderantes præsertim eos omnes qui plura concupiuerunt, in extrema pericula ac tandem in exitium seipsos præcipitasse. Cuius rei fidem facient, quæ in hoc libro continentur: quem vt candido animo excipias, beneuole lector, te etiam atque etiam rogo, nec minorem voluptatem in eo legendo & contemplando, quàm ego in elaborando, sumas oro; quòd si hunc meum laborem quoq; tibi gratum fuisse comperero, me breui Deo propitio & fauente, cætera quæ adhuc restant tibi communicaturum spondeo. VALE & fructe.



EPIGRAMMA

IANI IACOBI BOISSARDI VESVNTINI.

AD THEODORVM DE BRÿ.

CONDITOR ille orbis rector stellantis olympi,
Ad cuius nutum cuncta creata tremunt:
Arguta ratione hominem donauit, ut illa
Adiutrice suum noscat ametq; Deum.

At Deus aeterno consistens Spiritus ortu,
Humana cerni qui ratione nequit.
Proposuit mundum hunc structura atq; ordine mirum:
Hoc sapiens Opifex dicitur atque potens.

Prostat diuina ceu Maestatis imago,
Qua mortale genus iudicet artificem.
At cum nemo adeo sensu videatur egere,
Qui neget à summo Numine cuncta regi:
Per pauci nouere quod expedit. Hocce disertè
Discendi cupidos pagina sacra docet.

In cruce quos Christus precioso sanguine lauit,
Circumspecta magis lumina mentis habent:
Alti toto animo amplexi mandata Tonantis
Concipiunt firma caelica regna fide:
In tenebris reliquos densa calliginis error
Detinuit, miseris implicuit que modis.

Inter quos terra illa Notis Zephyrisq; subacta,
Qua toto à nobis dissidet Oceano:
Cui nunquam conspecta Helice septemque Triones;
Aut instat gelidis qua Cynosura rotis;
Astra sed opposita contraria suspicit Argus,
Australesq; tuas, clare Canope, faces.
Gens Ogyge sat a antiquo, Ianique nepotum
Progenies duris edita sideribus:
Gens patribus priscis incognita: suetaque nudis
Sub Dio quouis tempore corporibus:
Qua flaua Cereris, nec Bacchi munera nouit;
Cruda sed humana viscera carne replet.
Sola hominem facie referens risu atque loquela;
In reliquis similis vita habitug; feris.
Diuinum Numen cognoscere nescia: quamq; est
Praestigiis solitus detinuisse Satan:
Nunc Christo assertam maiori ex parte videmus;
Purag; thuricremis dona adolere focis.
Nunc passim ingeniis melioribus esse politam
Cernimus, & mores erudiisse feros:

Artes


*Artes & cultum versata discere terra, &
 Martia consulta Pallade bella sequi.
 Gloria prima tibi hac debetur, magne Columbe:
 Fama Magellano deinde secunda venit.
 Ac tibi, quæ inuento fecisti nomina mundo,
 Vespusi Hetrusca laus celebrata plaga.
 Hi primi curvis pelago se puppibus ausi
 Credere, & occidui ferre pericla maris.
 Ignotam tentare Tethin, nec cognita cæli
 Antipodum aduersis astra subire polis.
 Quam sæpe undisonis hærentes fluctibus ipsa
 Exemit fida Doris amica manu!
 Exanimi quoties vidère immania Cete
 Cateraq; aquorei monstra pauenda freti.*

*Proteag, Et rauca squamosum clangere conchâ
 Tritonem inuita sustinuere mora.
 Incolumes rediisse, salig, solique pericla
 Iuuat, & emensas tot superasse vias.
 Intrepidus posthac verret vada cærulea tonfis,
 Et classe assuetum nauta parabit iter.
 At nos interea spectabimus omnia tuti,
 Artifici cum sint singula picta typo.
 Gratia habenda tuo hac, Theodore, aterna labori;
 Hæc cui tam exactè scribere cura fuit.
 Dumque representas diuersis cuncta figuris,
 Ingenium felix arguis & genium.*



SONNET

DE PAUL PERROT SIEVR DE LA SALE AV
 SIEVR THEODORE DE BRY SVR L'HISTOIRE
 DES INDES OCCIDENTALES MI-
 se En lumiere & depainte par luy.



*E n'estoit pas assez qu'un hazardeux Pilote
 Eust franchi le fossé de L'Océan ronfleur,
 Pour nous venir conter le plam, Et la grandeur,
 D'un royaume incognu, et le cours de sa flotte:
 Il falloit que de Bry qui d'un burin nous note
 Le beau de ce voyage; augmentat la valeur
 De L'histoire, Et le nom de son obscur auteur,
 Monstrant ce que pour voir l'impossible nous oste.
 Au moins sans nul hazard on peut prouffit tirer
 De luy, voire un prouffit qu'on doit plus desirer
 Que L'or Perusien, le caillon de nos feus:
 Car en representant de ce peuple barbare
 Les Abus, Et les faicts D'un Espagnol auare
 Il apprend d'euiter le vice de ces deux.*

SYMBOLVM THEODORI DE BRY.



*Ei quantum à primo miseri mutamur Adamo!
 Ver illi aeternum risit & alma quies.
 At nunc cura homines facit irrequieta beatos,
 Huc ratio, huc omnis vis subit ingenij.
 Scilicet ut corpusque animamq; & cætera serues,
 Res tibi cum curis efficienter erit.*

*Parua sed ingentis formica laboris imago,
 Exemplo hac nobis dat documenta suo.
 At mihi quando anima dabitur curare salutem,
 Non me deficient quas colit orbis opes.*



Christia-



Christianis & piis lectoribus S.



QUOD magni initio operis florentissimus rerum Romanarum scriptor Luuius præfatur, Se nimirum, dum prisca populi Romani facta & primas origines tota mente repetit, tantisper à conspectu malorum, quæ sua multos per annos vidit atas, animum auertere: id in tenui hoc scripto propemodum contigisse profiteri mihi licet. Me videlicet, quum ardente iamdiu bellis Europa solatium malis & animo meo requiem quærerem, longinque alicuius prouinciæ secessum & secretum sæpe optasse, ubi liceret non modo à tot scelerum conspectu, sed etiam auditu & fama, procul agere. Ergo nihil hinc usquam quietum circumspectans, tandem aliquando in nouam illam Indiam (quam vocant) ut vacuum bellis orbem, toto animo transuolo. Et eo potissimum multa inuitabant: Auriferi amnes, montes aurei: miracæci temperies, noua fructuum auiumque species, rudis & antiqua hominum simplicitas: mare unionum ferax, gemmis grauida tellus: denique obuia opes fama magis quam rerum fide traditæ: quæ omnia perlustrare vel animo iuuaret: sed ante omnia inerme ocium & quies, & morum nostrorum tadium.

Ac mox quidem transgresso, uti dixi, ea primo omnia non plane uana arridebant. Sed quum ijs miraculis animum attenderem, ecce è diuerso longè alia rerum facies. Extorres indigenæ, & Christianis insensæ: subuersiæ montes & auro pene vacui: exhausta mapalia, tristis ubique & horrida solitudo: serui, aut seruitutem horrentes Barbari, cuius ne ^{Indiæ Occid.} nomen quidem ante nouerant: & atrociorum eorum cum nostris bella, & ^{facies hodie} ^{misera.} quæ bella sequuntur calamitates. Deniq; nostra illic omnia vitia, scuitiam, libidinem & auaritiæ reperi. Hic continuo mecum: Earum rerum causas numquid sciscitari & exsequi libet? Itaq; cognoscendi auidus, Hispanos scriptores adeo, eorum libros euoluo. Mira illic: Uno aut altero prælio perdomita prouinciæ: prius pene raptæ quam inita Regna: insignes Hispanorum de Barbaris victoriæ, nisi quis deberentur. Denique tot Scipiones aut Alexandros magnos diceres, quot Hispani duces in illis terris bella gessere. Neq; profecto gloriam meritos abnuerim, si vel ipsi scuitiæ, vel scriptores laudib. modum statuissent. De sceleribus interim eorum

);();(& flagi-

mentariis illis quibus Tyrannum verius quam Principem instituit Machiauellus, suadeat inter alia, ut quum ex animo Deum non colat, pietatis tamen externam speciem praeseferens, eam de se opinionem ac famam apud omnes, quoad eius fieri possit, conciliet. Id non perniciosius docuisse videtur iste, quam Hispani apud Indos praestitisse. Ac nihil primo facilius, quam crassis Barbarorum ingeniis hoc persuadere, qui nouae & peregrinae gentis miraculo capti, de ea praecleara omnia & quamuis absurda crederent. Ergo Hispanis, quum splendidum Dei & Christiani nominis gloriae promouenda titulum suis expeditionibus imponerent, & se Christianos, ac filios Dei altissimi, alternis prope verbis iactarent, usque adeo habita fides, ut etiam descendisse istos e caelis (nam & hoc ementiri non pudebat) vulgo illis gentibus persuasum esset: donec res ipsae & facinorae hac vanitatem coarguerent.

Machiauel-
li dogmatum,
& rerum ab
Hispanis in
India gesta-
rum, collatio.

Hispani vero pronae interim Barbarorum crudelitate adeo abuti, ut etiam opinionem & spem quandam salutis illis insitam (caecam quidem illam & inanem, sed tamen spem) ad exitium miserorum & suum quastum verterent. Exemplum unum referam. Ex quo in Hispaniola vicinisque insulis indigenae operarii Hispanis ad exercenda metalla defuerunt: providere sibi ex Lucaiis insulis, quae infra Cubam ad Septemtrionem versa sunt, mancipia instituerunt. Quae in remira arte & consuetudine illa sua Pietatis larua utebantur. Quum enim illi simplices & minimi mali homines, rigore Septemtrionalis plagae expiatis suis peccatis, in Elysios quosdam campos migraturos se aliquando confiderent, quos ad Meridiem sitos esse somniarent: Hispani illuc nauibus appellentes, persuadebant se eo venisse ut eos in beatas illas sedes traducerent. Ita miseros vana spe illectos, & pro certo habentes se in Paradisum aliquem amœnum abduci, plenis nauigiis in aurisodinas asportabant. Et eiusmodi quidem capturis quinquaginta hominum millia absunta, & uniuersa prope Lucaiensium gens deleta est. Tantum videlicet in Hispanis illis Religionis erat, ut istos in Paradiso illo suo collocare nollent, nisi prius in Purgatorium demersos. Sed spectemus cetera.

Hispani specie pietatis
Indos in feruitutem pelliciunt.

Hispani Lucaiensium credulitate abutuntur.

Monet Machiauellus, non posse melius prouinciam aut agrum recens captum sub imperio teneri, quam si deductis in eum coloniis veteres incolae pellantur, aut ita attritis premantur opibus, ut nulla vis ac rebellio ab iis metui possit. Id quoque strenue ab Hispanis praestitum. Ita enim eas terras occuparunt (quo iure ac titulo ipsi viderint) ut non tantum Colonias arcesque imponerent domitarum gentium cervicibus, sed eas quoque sibi compedes suis manibus fabricari cogerent. Neque id satis: sed quum indigenas intolerabili sauitia pepulerint domibus, exturbarint agris, aut inter mancipia habentes laboribus attriuerint, plerisque locis

ex veteribus incolis nullos: multis quam paucissimos, omnibus quidem ita inopes humilesq; Indos reliquerunt, ut ab ijs rebellionem non pertimescant. Eius tyrannidis testes sunt Hispaniola, Cuba, Iamaica, Sancti Iohannis de Portu diuite, & Guanaxia insula, in quibus (vel ipsis Hispanis historicis testibus) ex quadragies centies capitum millibus, quibus olim habitabantur, vix hodie quingenti aut sexcenti Indi supersint. Adeo ingentium etiam bellorum clades Auaritia superat.

In vita A-
gricolæ.

Neq; ullam fere gentium hodie video, cui iustius quadret q̃ Romanis quondam exprobratum à Britannis scribit Tacitus: Raptores orbis, postquam cuncta vastantibus defuere terræ, & mare scrutantur: si locuples hostis est, auari: si pauper, ambitiosi: quos non Oriens non Occidens satiauerit: soli omnium opes atque inopiam pari affectu concupiscunt: auferre, trucidare, rapere, falsis nominibus imperium, atque vbi solitudinem faciunt, Pacem appellant.

Hispanorum
consuetudi-
ne Indorum
liberorum
punitur.

Idem Tyrannicus doctor præcipit, Nulla ratione melius ciuitatem aut prouinciam posse subigi quam si malis moribus impleatur: qua arte Cyrus, suadente Cræso, Lydos magis quam ullis armis fregit. Ac ne istud quidem Machiauellus melius scriptis, quam Hispani facta expressere. Vulgaria hæc, Insuetos vino Barbaros ebrietate mollire & vincere, quod sæpe illis loco virtutis fuit: mulierum virginumq; pudicitiam attrectare, unde mox in Europam atq; in totum orbem Indica lues sparsa est: quum liberos etiam eorum, in disciplinam acceptos, inuare, sacrum Dei nomen blasphemijs proscindere, aleari, furari, mentiri, scortari & scissas vibrare, docuerint. Ac ne ea quidem gratuito: quando & aurum, & uniones, & libertatem, & cetera bonorum, ab illis gentibus accepere, quum sua illis vitia traderent. Quam in re tamen illud percommode accidit, quod, præter naturalem lucem, Præcepta Dei, quæ utcumq; ab Hispanis didicere, cum eorum exemplis & factis componentes, horrenda ipsorum scelera & flagitia graui præiudicio damnent, donec in iudicio aduersus eos consurgant Barbari.

Hispani Bar-
baris quæ ha-
bent & quæ
non habent
extorquent.

Præter hæc Machiauellus docet, Nulla ratione facilius in pace ac fide contineri, & prohiberi à rebellionem subditos, quam si inopia & labore cohibeantur. Mirum quam auide arreptum hoc dociles isti ad vitia discipuli, in rem atq; vsum verterint. Neque enim tantum quidquid circum brachia, colla, aures, braculas, auri habuere Barbari, cum ceteris delicijs excussere: sed penitus ire in viscera terræ, & paruo alioqui contentos, versis montibus, scrutari abditas opes coegerunt. Hinc tributa, onera, metalla, seruientium pœna, Indis imposita, & cetera, in quibus excogitandis nimio plus quam velimus ingeniosa Auaritia est.

Nec contenti eripere quacumque habebant, etiam quæ non habe-

bant, miseros homines vi, malo, tormentis inuenire subegerunt, & ijs locis ubi ne mica quidem auri esset, aurum superbis dominis pendere: donec miseri illi homines tot malorum exitum desperatione & deformi exitu quaerent. Atq; hic quidem (nisi uniuerso Christiano nomini grauius iniustum esset dedecus, quam ut risum mereri posset) operae pretium sit cognoscere, quam lepide Barbarorum nonnulli furiosam illā auri famem expleuerint: quum ut rex Mithridates Aquilio Romano duci capto, ita Hispanis isti aurum in os infunderent. Immo quum Barbaros coegerunt, cum diris execrationibus, Aurum, Christianorum Deum, palam vocare: quibus piaculis se ab tam graui noxa umquam exsoluent?

Barbari avaritiam Hispanorum mirifice expleant.

Longum esset, omnia ad hunc modum persequi, quibus impotentem illum & tyrannicum suum dominatum in India isti fundarunt exercueruntq; quum Christi imperium propagare velle pratexerent. Illud quidem praefracta & insanabilis avaritia seuitiaq; insigne documentum est, quod absumtis montium, amnium, terrarum & maris opibus, aut in Hispaniam transuectis, quum nil iam Indis praeter nuda corpora superesset, corpora ipsa habere quaestui coeperunt, nec tantum illis pro asinis & mulis abuti, sed liberos quoq; homines undecumq; in seruitutem rapere, vendere, occidere: scilicet quia Christiani fieri nollent. Ac, credo, Indiam & Hispaniam mancipiis replessent, ni vaganti avaritia frenos iniecisset Carolus Quintus: cui tamen usq; adeo obeditum non est, ut rebellare Colonia & arma sumere in principem cum periculo, quam parere cum detrimento mallent.

Hispani Indorum fortunis consumtis, corpora seruituri mancipant.

Carolus V. Indos liberari iubet.

Miremur iam Indos Christianam fidem respuere haecenus? Quo fructu predicari Euangelium apud Barbaros ab ijs speres, quibus miseros homines in India affigere saxis, lacerare tormentis, obycere canibus, proterere equis, urere flammis, iocus & ludus fuit? Itaq; his & talibus factis tam implacabile odium omnium Barbarorum non in se tantum, sed in omne quoque Christianum nomen, conciuerunt: ut vulgo Christianos, non homines ex hominibus ortos, sed purgamenta quaedam maris & monstra ex barbari elementi spumis concreta electaq; esse pro certo habeant: malintq; liberos ex se ortos trucidare sua manu, quam mancipia tyrannis alere.

Hic nonnulli, etsi Hispanos in totum non excusant, subleuant tamen, & maximam partem horum malorum in earum gentium vitia exonerant, quae Deus scilicet ita vlisci voluit. Nec ipse quidem meritos abnuerim, nisi peiores y fuissent à quibus oppressi sunt. Et si enim isti suis quoque vitiis, & quidem magnis, laborant, sunt tamen in ijs nonnulla quae non erubescamus imitari: & utinam ex hac indole aliquid Hispani hausissent, nec auidius aut gloriam aut caducas opes quam isti concupi-

Hispanorum excusatio.

scerent. Certe, ut deessent illis alia, vel insigni quiete vita, vel innocentia umbra, vel hospitali benignitate in aduenas, non plane indignos iudico quibuscum mitius ageretur. Quum vero etiam à litteris & religione non abhorrerent, alliciendi potius beneficiis quam vitiiis absterrendi erant.

CETERVM ne ipse quidem tamen has diuinitus illis clades obtigisse dubito: immo Deum (cuius profunda sunt iudicia & imperscrutabiles via) ut quondam Gottthorum & Hunnorum opera Italiam, Saracenorum Gallias & Hispanias, Patrum nostrorum etate Gallicis armis Neapolitanos principes attriuerit: ita nostris temporibus non tantum ad beluinas India gentes domandas, sed Europa quoque lasciuiam castigandam Hispanis ministris uti. Sed an propterea (ô Gottthorum & Vandalorum sanguis) quod patrum vestrorum vestigia sequentes, ventis hodie admodum secundis utimini: quod nauibus, armis, viris, equis, terras & maria consternitis, Dei manum effugere vos posse existimatis? Venient haud dubie, venient tempora, quibus stata vice vretur Hispania bellis, & vos qui alienis spoliis diuites estis, vicissim spoliabimini: Vos qui non tantum quietas sollicitastis gentes, sed etiam afflictas premitis, & iam diu nostrum quatitis orbem: aliquando & ipsi quoque calice irarum Domini, quem aliis hodie porrigitis, bibetis. Nondum stirps Maurorum plane extincta est, qui Hispaniam armis occupatam aliquot secula tenuerunt. Nondum omne Indorum genus funditus substulistis, qui omnes rebellandi occasiones speculantur. Viuit adhuc in Sicilia eorum soboles, qui quondam licentius alieno utentes Gallos, una literarum significatione, uno die, omnes obtruncarunt. Atque ut, fatali omnium ignauia, nulli aduersum vos sese arment populi, viuit tamen in cælis Dominus, qui publicam Gentium insaniam & insolentiores triumphos suo tempore compscere consuevit.

VERVM, ut ipse quoque, & quidem æquius quam Hispani, Hispanos subleuem, primum me nullo Hispanorum odio, Indorum patrocini-um suscepisse profiteor: ac si quid forte hic asperius in eos dictum exciderit, in bonos & honestos eius gentis viros dictum id me nolle significo: quos singulari beneuolentia complector: In primis fratres meos, pro Christo indigna multa atque aspera in Hispania perpetientes: pro quibus & nunc & quotidie Dominum oro, ut eos è fornace illa Babylonica mirabili potentia sua liberet. Deinde quum multa praeclara Hispanos in India gessisse facile agnoscam: ita, siue diuturna earum gentium consuetudine, siue angustis rerum, efferatos, multa sane perperam, quorum pudeat, egisse non dubito: nec ipsos quidem, si quid veræ indolis inest, recusaturos censeam, quominus in Historiis, quibus res eorum gesta narrantur, ut egregie facta, ita de suis vitiiis non nihil audiant: quando nauos & maculas si nudaueris, eluuntur: laudibus corrumpimur.

POSTREMO, ut in singulis saepe personis, ita in Gentibus naturalis quadam & propria ad peculiare aliquod studium animi propensio est. Hanc nosse & dextre regere homines debent: siquidem specie virtutis saepe in vitium degenerat. Hispani, bellis nata gens, & magnos fere magis quam quietos gerens spiritus, otii impatientes sunt, pigritiam odere. Laudabile id: sed ex eo, dum non cauent, & currere ad Indos, & laceffere quietos, nunc vero etiam ab Indis & Turcis in Christianos arma vertere assueverunt. Itaque quando ad contractas, necdum expiatis in India culpas, hoc quoque nefas addunt: patiantur se moneri, ut matura poenitentia imminentem suis capitibus iram Dei antevertant: discant operarimanibus & terram colere, & suis contenti opibus intra Hispaniae terminos, per laborem corporis & quietem animi securam potius & tranquillam, quam cruentam senectutem expectent. Ne quidem hoc libello non minus eorum saluti quam memoriae consuluisse nunquam pigebit, si libenter haec legant & resipiscant.

D E A M B I G V O I N D I A E

nomine.

INDIA, proprie ingens illa Asiae ad Ortum regio vocatur, quae Alexandri & Macedonum armis perlustrata est. Hoc autem Orientalis Indiae nomen Nouo huic orbi à Columbo primo eius iuuentore impositum putamus, quum Nouas illas insulas primum repertas, Cipangon esse existimaret, quae ex aduerso Sinæ & Cataii sita, Orientali potius quam Occidentali limiti attribuitur: idque iuxta Aristotelis & Senecæ sententiam, qui non procul abesse Indiam ab Hispania scripserunt. Porro ut veterem illam Indiam ab hac noua nota aliqua distinguamus: illam Orientalem, hanc Occidentalem fere nuncupabimus.

EPI-



EPIGRAMMATA

ALIQVOT.

De Aurea ætate apud Indos Occid. in
Ferream mutata.

QVAERITIS unde Nouum tot ferrea bella per orbem:
Cúr-ve quies illis non sit vt ante locis?
Auro facta Ceres, & seui nescia Ferri,
Illic innocuas sponte ferebat opes.
At simul Occiduos, quos nondum norat, ad Indos
Thusca per incertas carbasus iuit aquas:
Inde Auro rediere graues; Ferrúmque tulere,
Hispani, & populis imposuere iugum.
Hinc quondam atque diu, miseris nunc gentibus, et as
Aurea qua fuerat, Ferrea facta fuit.

VRB. CALVETONIS.

EIVSDEM.

De Indorum conuersione.

Hispanus, cecis vt lumen redderet Indis,
Sciderat ignotas per freta longa vias.
Nec tamen vlla fides: nec lux promissa refulsit,
Nec coepit miseris clarior ire dies.
Quin sibi Barbarus hinc, & clare & multa videnti,
Ereptos visus iam prope conqueritur.
Quid mirum, exhaustis opibus terraque marique
Si minus, aut potius, si nihil Inde vides?

EIVSDEM

Celtiber Indorum sitiens (vt fama) salutem,
Et Christo multas quarere certus oues:
It, redit, adificat, templis imponit honorem,
Corporaque infusis Barbaralustrat aquis.
Nec labor incassum: & quidni conuerteret Indos
Voce, manu montes vertere qui potuit?



¶ De Hispanorum in Indiam Occid. nauigantium consilio.

Captus opum studiorabieq; insanus habendi,
 Tentauit longas impiger Astur aquas,
 Vt quondam iuuenes, Argius a robora pubis,
 Sunt vetitas ausi per maris ire vias,
 Ad seuum AExten, rigidasq; Phasidis oras,
 Auratum Colchis vellus vt eriperent:
 Oceanum haud aliter penetrauit classis Ibera,
 Vt raperet quas fert India diues opes,
 India, quam memorant baccis auroq; beatam:
 Auro multa illic splendet arena micans,
 Indica gemmiferis sparguntur littora conchis,
 Et cara é terris offediuntur opes.
 Ergo, Hispana audax, lucrum fuit unica causa:
 Tanta Religio non tibi causa vie.

ST. TR

E I V S D E M.

VRBANVS Latia perstrinxit arundine classis
 Hispana in miseros effera facta viros.
 Et merito, miti quia nomen ducit ab vrbe,
 Immites odit, nec fera facta probat.

A

PRIMI





PRIMI LIBRI SVMMMA ET AR-
GVMENTVM.

INTER singularia huic seculo à Deo concessa beneficia & decora, Noui Orbis patefactionem merito numerare possumus. Ac primi quidem eius Inuentoris nomen pia memoria prosequi, gratitudinis pars est. Itaq; Benzo, postquam suscepta à se illuc nauigationis causas, cursum & appulsum breuiter exposuit: quis primus in eas terras nauigare ausus sit, discussis ea de re Hispanorum fabulis, aperit. Mox ut Hispani tantum Dei munus seuitia, auaritia, libidine & seditionibus corruperint: unde inusitati in Hispaniola insula, quæ prima reperta est, turbines, indigenarum motus, & pradonum naufragia consequuta sunt. Inde varias Indorum de noua gente opiniones, quum Hispani se filios Dei esse passim iactarent: Barbari rem ex factis æstimantes, adduci ut crederent non possent. Inter hæc transgressi in Indicam continentem Hispani, quum insensos inquietæ ipsorum auaritiæ Barbaros in amicitiam pellicere non possent: eos ut insociabiles apud Regem Hispaniæ criminantur. Itaq; ob id imponitur regio Edicto Indis seruitus, & mox abrogatur. Interea nihilo secius crescere seuitia Hispanorum in eos, & eorum implacabile in Hispanos odium, quorum etiam tyrannidem vulgo quasita morte fugerent. Ac ne ipsi quidem Præfecti Hispani satis inter se concordēs, iam tum odiis, ambitione, & inuidia, omnia miscebant, donec, tragica seuitiæ exemplo, generum focer securi percuteret.

IN hæc egressus Benzo, ad Hispaniolam reuertitur (de qua proprie hoc libro: ut Secundo de rebus ab Hispanis in Castella aurea, Nicaragua, Cuattimala, Indicæ continentis prouinciis, gestis: Tertio, de iis quæ in Peruano regno acciderunt, peculiariter agit) & eius indigenarum peruicacem superstitionem, ritus, mores, fruges: Postremo Insule ipsius situm, soliq; naturam & commoda describit.



NOVAE NOVI ORBIS
HISTORIAE PRIMVM AB
HIERONYMO BENZONE ME-
diolanensi Italico sermone conscriptæ,
nunc vero in Latinum
translatæ,

LIBER PRIMVS.

*¶ Quacausa Benz onem ad nauigationem in Indiam
Occid. suscipiendam impulerint.*

CAPVT I.



Vv m essem adolescens, annos viginti duos natus, & multorum exemplo, peragrandi orbis cupidus: præfertim visendæ eius mundi partis nuper repertæ, cui Indiæ Occidentalis, & Noui orbis nomen factum est, explere animum ipse tandem mecum constitui. Postquam igitur eo ire mihi sententia stetit, Mediolano profectus, anno M. D. xli. Deisummi gubernatoris ope fretus, terrestri itinere Medinam campi, celeberrimam totius Hispaniæ emporium, perueni. Inde Hispalim progressus, secundo Bæri flumine ad oppidum S. Lucari de Berrameda, Lembo peruectus sum: vbi omnium nauium ex Hispania in Indiam commeantium atq; inde redeuntium appulsus & portus est. Ibi forte nauim mercibus onustam nactus, soluere & in Magnam-Canariam vela facere parantem: quum breuior atq; expeditior traiciendi ratio mihi non occurreret: præterea accepissem naues vino, farina, melle, caseo, ceterisque eiusmodi rebus instructas, quæ ad eas regiones necessariae importantur, è Canariis insulis in Indiam omni tempore decurrere: desiderii mei velociter explendi auidus, eam nauim conscendi. Bimestri spatio expleto, in Magnam-Canariam peruenimus: vbi quum audiuissem celocem vnam in insula Palma (ea vna è Canariis est) vino onerari vt mox in Indiam traiceret, protinus conscenso nauigio in eam insulam bi-duo trauectus sum. Inde, posteaquam paucis diebus ea nauis omnibus rebus instructa est, soluimus.

Benzonis in
Indiam nauigatio, anno
M. D. xli.

Pisces volu-
cres.

PORRO quum quatuordecim dies prospero vento nauigasse-
mus, ingentem vim marinarum auium repente conspeximus: vnde
non sine incredibili animi voluptate nos haud procul abesse terra,
iudicium faciebamus. Nocte quoque sæpius volucres quidam pi-
sces, longitudine palmi, in nauem nostram volitantes cadebant,
quibus haud multo secus atque ipsis vespertilionibus species quæ-
dam alarum inerat. Iam Nauclerus nauigatoriæ artis peritus Solis
altitudinem & declinationem explorare cœperat, quæ ex linea Me-
ridiana deprehenditur: noctu polum Arcticum seruans, aut vicinam
illi stellam (Tramontanam illi vocant) quæ iam multum nobis de-
pressa erat. Ad eum modum nauigantes, post duos dies, Dominica
quadam die mane sub ortum Solis terræ conspectum habuimus.
Ibi magister nauis mihi affirmat insulam eam ipsam esse, quam pri-
mam inuictus Christophorus Columb. secunda sua ex Hispania in
Hispaniolam nauigatione vidisset. Eum enim, quum è Canariis sol-
uens vigintiquatuor aut viginti quinque totos dies nauigasset, abs-
que vllius occurso terræ, quum aliquam conspiciere incredibiliter
arderet, protinus oculo eam insulam notasse, ac propterea Desidera-
tam vocasse.

Desiderata
insula.

IN eo tractu multæ sparsæ insulæ, quarum maximam Hispani
Guadalupeam appellant, incolis Caribibus fere habitantur, qui hu-
manis carnibus, id est hostium suorum, vesci consueuerunt. Dum
eas præteruchimur, lintrem quem Indi piscatores agebant, obuium
habuimus: sed illi nobis cōspectis aufugere: nos institutum cursum
sequuti, flexa in læuam prora, versus AEquinoctialem lineam, alias
quasdam insulas continenti obiectas, post octauum diem conspe-
ximus.

Cubagua in-
sula.

AD earum vnam, Cubaguam nomine, appellimus, qua in in-
sula tum forte erat Hieronymus Ortales Cumanæ Præfectus. Is tan-
tos animo meo stimulos admouit, splendidis me verbis & pollicitis
onerans (sicuti earum regionū Gubernatorib. facere solenne est) vt
me secum manere subigeret. Quippe quum is propediem cum non
spernenda Hispanorum manu in suam Prouinciam iturum præ se
ferret (quam indigenæ Nautal, Hispani hodie Dorado, id est aure-
am, nuncupant, vel eo vno vocabulo spem diuitiarum faciente) &
nos breui ditissimos euasuros alternis prope verbis sponderet: vanis
istis eius promissis, & multis aliis maioribus effectum est vt cum eo
manerem, non minus videlicet rei faciundæ quam visendi Noui or-
bis cupidus.

I. *Ouiedus in sua Epitoma India Occident. § cap V. lib. XI III.*
Hist.

Hist. Naturalis, hæc de piscibus istis volucris scribit. Inueniuntur (inquit) horum nonnulli adeo pusilli ut exigua apem non superent, alij vero qui maiorum Sardarum magnitudinem æquent. Nauibus, plenis velis procedentibus, videas mari emergentes, & in aerem tollentes sese magnos & mediocres horum piscium greges, ex utroque illarum latere, in quas sæpe viui decidunt. Alæ à branchys procedentes, piscibus ipsis non sunt minus longæ, tenues & membranaceæ instar alarum vespertilionis, vel ut piscium fluuiatilium pinna. Singulis volatibus centum aut ad summum ducentorum passuum longitudinem emetiuntur, hoc est quamdiu humiditas aliqua in alis superest: illis desiccatis in aquam relabuntur, tum denuo sese attollunt, aut consistunt, nisi alij pisces aut aues eos persequantur: nulla enim quiete frui possunt miseri isti pisces. Memini semel vela faciens supra insulam Bermudam, voluptatem capere ex alijs piscibus, & marinis auibus hos pisces persequentibus. Genus Auratarum erat summa aqua natantium, interdum etiam dorsum exerentium, & hos alatos pisces insequentium ad deuorandum. Miseri hi pisces magno impetu subito ex aqua se tollebant, ut volatu periculo se subducerent, Auratis tamen natatum prosequentibus, ut in aquam recedentes occuparent. Inde fulicæ, mergi, & aliæ aues marinæ in procinctu erant, ad eos volantes excipiendum: sic ut neque in mari neque in aere tuti essent. Viua sane imago vitæ hominum, qui nullam securitatem in hoc mundo habent, siue in summo gradu constituti sint, siue in infimo. Atque una hæc res sufficere debebat ad excitandos homines, ut aspirent ad felicem illam & securam quietem, quam Deus preparauit diligentibus se.

Elegantissima & utilissima reuera est hæc Ouiedi consideratio.

II. Caribe lingua Indica, strenuū siue audacē significat. Et eo nomine dicuntur maioris India Occidentalis partis incolæ, optimi sagittarij, qui semper Hispanis restiterunt, præsertim qui insulas Borichen, Guadalupe, Dominicam, Matitino, Cibucheira (hodie S. crux nuncupatam) & alias in eo Climate sitas inhabitant. Solebant antiquitus hi Sagittarij Caribes, gens bellicosa, arcubus & sagittis veneno tinctis cum suis Canois siue lintribus monoxilis bello petere Hispaniola insula incolas. Arbitrantur quidam hos Caribes insulanos, alio nomine Canibales appellatos, omnes humana carne vescentes, exceptis Borichenis, originem ducere ex Prouincia quadam Continentis ad dextram Sinus Vra-be sita, Caribana dicta. Caraipe aliud significat, ut quod nomen sit Sacerdotum aut Pseudo-prophetarum Brasiliæ Prouinciæ.

*Quomodo Hispani in India Occid. Barbaris, tum
amicis tum inimicis, utantur.*

C A P. I I.



AVCIS post diebus quàm in Cubaguam appulera-
mus, eodem Petrus Errera insulæ Margaritæ præfe-
ctus duobus phaselis triginta cum Hispanis applicu-
it, vt inde in aduersum traiciens mancipia aliquot è
continenti raperet. Itaque eo consilio paucis quàm
eo venerat diebus mane duabus post lucem horis inde soluens, Hie-
ronymum Ortalum & nos secum abduxit: & sub eius diei vesperam
Cumanæ fluuii ostium inuecti sumus. Eo loco ædificatum erat ab
Hispanis propugnaculum è materia, ad tutanda nauigia, è Cubagua
ad flumen illud aquatum commeantia. Exstruxerat quidem ante
aliud munimentum è cespite in eo littore Iacobus Castellio, quo
tempore vnionem piscatus vigeat: sed paulo post actum continuis
imbribus flumen plana camporum ad duo ferme passuum millia
ita inundauit, vt eam arcem quoq; euerteret. Ibidem erant quatuor
ferme aut quinque tuguria fluuiialibus cannis & arundinibus con-
texta, vnde (sicuti post dicemus) Didacus Ocampus trib. mil. Tole-
tum urbem condiderat. Iam Hispani omnem eam oram prope de-
solauerant: & ex tanta Indorum multitudine quanta olim erat, nul-
li ferme tum reperiiebantur præter paucos aliquot & pauperes regu-
los, quibus Hispani pepercerant, vt iis ad operas suas pro mancipiis
vterentur. Ceteri in solitudines & deserta loca concesserant, tan-
tum vt Christianorum imperium fugerent.

Toletum no-
ua Colonia
4. aut 5. tugu-
riis constans.

Indicę mulie-
ris inusitata
species.

SE D dum nos aliquot in Cumana moramur dies, eo venit In-
dica mulier præcipui eius prouinciæ reguli vxor, quæ illum patriis
fructibus plenum ferens: ceterum eo oris corporisq; habitu vt tam
deformem ac prodigiosam speciem neque ante neque post eam di-
em vidisse me vnquam meminerim: neque tum rei nouæ miraculo
stupefactus eam intuendo explere oculos possem. Illa vt venit, ad
Erreram præfectum ingressa, posito ei ante pedes quod attulerat
munere, tacita in scamno assedit, tali habitu ac specie: Primum pror-
sus nuda exceptis pudendis, quæ velare eius prouinciæ consuetudo
fert: vetula, virgata toto corpore ac depicta nigro, promissis ad pu-
bem capillis: præterea auriculis infimis adeo productis demissisque
vt in humeros vsque penderent, (scædum visu spectaculum) deinde
per medium fissis, ac foraminibus insertos anellos gerens, leuissi-
mos, è ligno quodam elaborato, quod eorum lingua Cacoma dici-
tur.

tur. Ungues ei præter modum longi, atri dentes, os patulum, nares perforatæ inserto annulo quem ipsi Caricori appellant: ita ut monstri cuiusdam potius quam humanam speciem haberet.

Bi dvo expleto, è Cumana soluimus & usque oram legentes in Ortum per sinum Pariæ, ad ea litora appellebamus, in quibus Reguli fœdere & amicitia cum Hispanis iuncti erant: quumque iis fere locis egrederemur in terram, pro paululo vino Hispaniensi, pro indusio, pro cultello & aliis eiusmodi minimi precii rebus, quibus Præfectus illos munerabatur, ipsi nobiscum aliquot è suis clientibus & subditis mittebant, duces itinerum, qui loca & tractus indicarēt, unde capitales ipsorum hostes Indos captiuos abduceremus, quum ipsi Christianorum se amicos & socios ferrent. Itaque manente Præfecto cum octo Hispanis in Cariaco eius oræ litore, ceteri omnes inter ingressi, præeuntibus ducibus de gente amica datis, & commeatus ferentibus, prædabundo agmine, centum ferme passuum millia terrestri itinere introrsus emensi sumus: montes, valles, flumina, saltus & cetera locorum aspera multa cum vexatione transgressi, qua iter duces monstraauerant. Tandem per inuias rupes & prærupta saxa, & foramina, quâ vulpes quoque ipsas transire dubitaturas existimem, sæpius noctu quam interdiu procedentes; ducentos & quadraginta Indos mares ac feminas, puberes atque impuberes, manu captos abduximus. Agminis nostri ductor metuens ne alimenta deficerent (tametsi ex Indorum mapalibus aliqua cibaria contraherentur) signum receptui dedit. Quum retro unde veneramus regrederemur, mane quodam ad primam ferme Auroram forte duos ignes eminus repente conspiciamus, vnum in monte, alterum in planicie: quum utroque ire liberet, agmine in duas partes diuiso, alii in planitiem, alii ad montem contendunt. Qui in plana sese demiserant, velocius quo destinabant perueniunt: ibique reperta tantum anu quadam cum filia, quæ infantem aleret, manus utrique iniiciunt. Illæ somno correptæ facillime oppressæ sunt, sed improviso irruentium impetu excitatæ tantum clamorem ediderunt, ut qui in monte erant procul eam vocem exaudirent. Itaque priusquam nostri ad eos peruenissent, clamorem & ipsi alte tollunt: unde nostri pauci Indorum multitudine territi, retro sese ad suos recipiunt, ut iunctis cum reliquo agmine viribus, ubi nos eramus, hostem propulsarent. Interea hostes iuga & aditus qua subire nos oportebat, occupare festinant: sed quum orta lux maiorem armatorum multitudinem quam quantam rati erant aperuisset, præsidio exceßerunt. Nihilo secius interea abeuntes sagittis venenatis configere nostros,

Hispani in
India prædas
hominum
agunt.

& conuiciis incessere, latrones, canes, proditores, prædones vocando & probra alia obiectando: neque dubito quin, nisi ab amicis nostris probiti & fugati essent, ingens clades accipienda nobis fuerit. Ita absque vlllo detrimento saltum illum superauimus, relicta anu illa quam ceperamus, quum ambulare non posset: ac biduo post ad eum locum vbi præfectus erat, peruenimus: mox inde, refectionis aliquot dierum quiete corporibus, & correptis aliquot lintribus quis indigenæ vulgo vti solent, octoginta ferme millia passuum eius oræ percurrimus. Indi alueis ex singulis arboribus cauatis nauigant, quas cymbas illi Piraguas vocant, & earum maximæ quinquaginta circiter homines ferunt.

Indica nau-
gia monox-
yla.

PORRO quum per omnem eius oræ longitudinem Indorum aliqui è montibus ad mare discandi causa descendere consueuissent, nos eius moris minime ignari, aptis ad insidias locis abditi, vnde minime conspici possemus, totum sæpe diem opperiebamur, si quos forte in æquum degressos excipere possemus. Mox vt Indi apparuerant, tum nos subito omnes ex suis quisque latebris exorti, in eos, ceu lupi in agnos, vndique impetum faciebamur. Hac arte amplius quinquaginta mancipia, omnes ferme fœminas, cum liberis paruulis, cepimus: tandem tamen, quum ea omnia littora crebris exscensionibus infesta fecissemus, à quibusdam inimicis Indis conspecti sumus. Illi vero piscantes simulac nos viderunt, ingenti clamore sublato aliis signum nostri aduentus dedere. Itaq; quotquot circum ea litora erant, diffugiunt: nos vero in terram egressi nihil prædæ inuenimus, præter siccos pisces qui craticulis ex arundinibus compactis impositi lento igne torrebantur, & locustas ad solem exsiccatas, quas indigenæ vt domi reconderent, linea tim filo traiecerant.

Hispani ad
capiendos
Indos Indo-
rum opera
abuntur.

D V X noster postquam detecta fraude prædam hominum se facere vltra non posse intellexit, retro iter flexit & ad domum pauperis cuiusdam reguli Hispanis amicitia iuncti, applicans: postquam eum muneribus, phiala vini, indusio vno, & cultellis aliquot conciliasset, blandis verbis rogat velit se deducere in locum vnde prædari mancipia possit. Regulo Christianos secum ducere in expeditionem non placuit, sed sumtis aliquot è suis abiit, & postridie eius diei reuersus decem & sex Indos adduxit manibus post tergum reuinctis, eosque ductori nostro dono dedit. Is ei multas gratias agens promissis hominem implet spondetque se aliàs ei maioris precii res & elegantiores allaturum. His gestis, Cariacum reuertimur: diè sequenti in Cumanam peruenimus: Præfectus captiuos in Cubaguanam

quam mittit, & Indis sociis, qui eum prosequuti fuerant, domos suas redeundi potestatem facit. Illos abeuntes in itinere inimici adoriuntur & quatuor interficiunt : reliqui in Cumanam regressi præfectum adeunt, & calamitatem suam querentes rogant ut secum Christianos aliquot armatos mittat, qui communes inimicos vlciscantur. Præfectus, quamquam vicem eorum vehementer dolere vultu & verbis præ se ferret, tamen quando præuertendum ei aliud maioris momenti inceptum esset, in præsentia ipsis consulere se non posse respondit: verum fidem interea dare, hostes non impune eam iniuriam laturos, sed simulac facultas adfuisset, se meritas de illis poenas sumpturum. Illi male admodum contenti & offensi abeunt, diras in Christianos & eorum rapinas iacentes, qui tot ipsis malorum autores & causæ essent.

¶ Indi captiui quomodo ab Hispanis tractentur.

• Pariensium mores, & arma.

CAPUT III.



PRÆFECTVS paucos post dies cum vniuerso agmine è Cumana soluens & oram occasum versus legens ad Amaracapanam appellit. Oppidum est quadraginta ferme domuum, quod quadringenti Hispani assidue incolebant. li quotannis è suo corpore legebant ducem, qui dimidia militum parte attributa & multis eius sinus accolis Indis quibuscum societas erat, assumptis, per multas eius oræ prouincias prædatum discurrebat. Ibi dum moramur, Petrus de Calice trib. mil. quatuor millia mancipiorum & amplius trahens, venit: multo etiam plures captos adducturus, ni partim labore, lassitudine & alimentorum penuria, partim ægritudine animi & desiderio patriæ, parentum ac liberorum, quos inuiti reliquerant, permulti in via defecissent. Nonnullis etiam, quum agmen raptim ductum facile sequi non possent, ne ad bellum instaurandum superessent, Hispani latera & pectora ferro traiecerant. Spectaculum profecto fœdum ac miserabile intuentibus calamitosum agmen illud seruorum: nuda, lacera, mutilata corpora, fama & miseria debilitatos viros feminasque. Infelices matres cerneret duos tresve filios trahentes, aut collo atque humeris gestantes, mœrore & lacrymis perditas: omnium ceruices, brachia, manus, funibus & catenis ferreis innexa erant: neque vlla inter eos adulta virgo, quam prædatores non stuprassent: tam profusa libidi-

B ne,

Hispani solitudinem in India fecerunt.

ne, vte a mox Hispanis in contagionem atque inde in perniciales morbos euaderet. Iste tribunus mil. amplius septingenta millia pass. à mari in mediterranea earum regionum penetrauerat, quæ sub primum Hispanorum aduentum frequentes & incolis refertæ: quum ego eò veni, propemodum in vastitatem & solitudinem redactæ erant. Hispani equites qui aduersus eos populos bellum gerunt, thoracibus gossipio bene suffultis muniti corpora, lanceisq; & gladiis armati, prælia ineunt: peditum arma scutum, ensis, ballista, tegmen quoque corporis equestri simile, sed leuius. Tormentulis verò, loriceis, aut thoracibus ferreis non vtuntur, non tantum propter humidos vapores qui è palustri & vliginoso solo gignuntur, sed quia quum sæpius in campis milites cubare necesse sit, partim sua sponte abundantius humescente terra, partim roscidis admodum noctibus, id genus armorum breui corrumpetur.

Pariensis regio Indiae ferè amœnissima.

CETERVM, meo iudicio, totus ille tractus & ingenti illi sinui Pariensi adiacens regio quæ meridiè spectat omniū quotquot ad iudiciæ terrarū amœnissima est & feracissima. Siquidē ibi spaciofa planicies est, fertilis terra & assidue flores fundens tum suavis tū tetri odoris: arborib. velut vere ppetuo, toto anno folia durāt, etsi paucae sunt salubres & frugiferæ: plerisq; etiam locis magna vis casiae reperitur. Prouincia hæc in vniuersum calida est & humida. itaque multa ex eo infecta generantur: in iis culices, incolas noctu plurimum infestantes, & magna vis locustarum, quæ satis perniciem inferunt. Incolæ earum regionum penem tubo è cucurbitula, ceu theca aut vagina, includunt, cetera pendere extra sinentes: quondam eiusmodi bracculas, aureas & vnionibus decoras gestare consueuerant, sed Hispani hunc illis morem finierunt. Fœminæ viris iunctæ peplo aut castula (quam Pampanillam vocant) muliebria velant: virgines fascia tantum aut vitta. Regulis quam multas libet vxores ducere licet: vna tamen tantum legitima habetur, eique in ceteras imperium est. Plebei it res quatuorve sibi pro arbitrio iungunt: mox vbi consenuere, eas ablegant & iuniores asciscunt: & coniugum suarum virginitatem delibandam tradunt sacerdotibus quos Piacchos appellant.

Pariensibus quæ lex matrimonii sit.

CETERVM Indos non in Pariensi tantum sinu, sed in aliis quoq; Indiae tractib. piscatus ferme alit: vinū è Maizio, q; pro frumento illis est, & aliis fructib. radicibusq;, moliuntur. Humana quoq; interdū carne, pediculis simiarū ritu, ranis, vermib. & aliis eiusmodi spurcis alimentis vescuntur. Vnguentū quoddam ad confirmandos dentes conficiunt hoc modo. Vnionum feraces conchas cum foliis Axi cremant: mox cinefactas modica macerant aqua, donec calcis candorem referant.

rant. Eo vnguento illitos dentes tam atros reddunt quam carbo est, & tali remedio eos semper absq; dolore cōseruant. Nares quoq; labra, aures, proforare mos illis: & corpus variis herbarum succis aliisque rubris & nigris fucis distinguere: denique quo absurdiores cultu sunt, eo sibi pulciores videntur. Reguli lectis, straguli aut toralis longioris quam latioris instar factis, vtuntur: plebii vero ferme omnes retis ad formam suos contextunt, omnes quidem pariter è gossipio, & in iis ad duo tigilla alligatis atque in aere suspensis dormiunt. Qui in campis cubant, aduersus nocturnum frigus, perpetuum ignem vna ex parte, altera lectum, habent. Atque hunc in vniuersum cubandi vsum moremque seruant earum rerum regionum incolæ usque ad fines ² Nominis dei (id oppidum Panamensis isthmi est) neque alia dormiendi consuetudo est in multis septentrionalis Oceani insulis.

Medicamentibus confirmandis, Pariensibus vsurpatum.

Cubandi mos.

ARMA illis præcipua arcus & sagittæ venenatæ. eas dupliciter fingunt, primum è palma, deinde arundinibus quibusdam concinnis, quas in ripis fluminum enatas, inopia ferri duris piscium squamis aut filicibus acutis asperant, mox bitumine nigro vngunt: pestiferum id virus est è radicibus, herbis, formicis, pomis, aliisque fœdis succis, permixtum, quod vetulæ cum serpentum sanie multo labore & diligentia decoquunt, donec ad exactum modum adduxerint: nec pauci interea tetro vapore, qui ex dira illa colluie exhalat, exanimantur. Si quis sagitta eo liquore adhuc recenti peruncta faucietur, ei corpus intumescit, vi veneni adeo rapida vt breue intra spatium rabie correptus intereat: si vero venenum aliquanto ante aut dudum factum sit, maximam partem lethalis efficaciam deperdit. Veneni huius remedium præsentaneum est ferrum candens, inustum vulnere: & multos ego noui Hispanos, qui ea ope sanati sunt.

PORRO omnes serui qui ab Hispanis in iis prouinciis capiuntur, abducuntur in Cubaguam: siquidem in ea insula Regii procuratores resident, qui regia vectigalia colligunt, nempe vniones, aurum, mancipia, & cetera id genus, ex quibus omnibus quinta Regi penditur, id est, viginti è centum. Seruorum omnium faciei & brachiis ferro ignito, C. litera in sculpto, nota inuritur: mox præfecti & duces de illis pro arbitrio statuunt: pars quoque militibus in prædam cedit, qui eos postea aut Hispanis aliis venundant, aut de illorum capitibus inter se colludunt. Appellentibus quoque eò ex Hispania nauibus, mancipia ista vino, farina, nautico pane & aliis rebus necessariis, permutant: & quamuis Indicæ mulieres aliquæ ex Hispanis prægnantes sint, eas tamen quoque vendere nulla ipsis reli-

Indicis mancipiis quomodo abutuntur Hispani.

gio est. Mercatores eos seruos inde auctos aliò , reuendunt. Alii mancipiis magnos quosdam phaselos ad formam celocium (quas Carauellas vocant) factos complent , & in Hispaniolam insulam transmittunt. Sed præterquam quod mediterranei homines (quippe qui remotis ab Oceano terris fere capiantur) nauigandi tædium ægre tolerantes : adhæc conferti stipatiq̃ue in carinis sub tabulatis nauium, inter putidas sentinæ sordeis , nausæasq̃ue & reliqua excrementa corporum, ceu pecora, in fæce ac stercore computrescunt: etiam non raro , in summa maris malacia , tanta aquæ & ceteri victus penuria laborant, vt ferme omnes siti , fœtore atque æstu anima interclusa fœdum in modum expirent. Quibus ex rebus hodie totus ille tractus & ora Pariensi sinui circumiecta ab Hispanis desolata est. Quum enim iam neque vniones, neque aurum ibi reperitur, & piscatio margaritarum finem ceperit, nulla Hispanis spes quæstus, nisi ex mancipiis, superest, quæ & ipsa hodie pauca sunt. Earum enim regionum incolæ pristinæ libertati Cæsaris beneficio restituti, aliò demigrarunt.

1 Axi, planta vulgo nota in insulis & continenti Indiæ Occid. cuius fructu Indi per totum annum, pro condimento & pipere vtuntur.

2 De primo huius colonie conditore, & cur ita dicta sit, infra huius lib. c. 22. De eius situ lib. 2. c. 9.

¶ Indi Hispanos mortales esse, quomodo deprehenderint, quum immortales esse crederent.

C A P V T I I I I.



Nunc ad Amaracapanam reuertor, quo , paucis postquam eo veneramus diebus , Regiæ San-Dominici curiæ mandatum allatum est. Ea iubebat Hieronymum Ortalum præfectum propter delictum ab ipso commissum, corripì, & firmo cum præsidio tuto in Hispaniolam perducì. Quare expeditionem illam promissam affluere sinens, spem quoque diuitiarum quam mihi sæpe fecerat, secum abstulit. Sed me præterea ex cœli mutatione, insolentia ciborum & vehementiore æstu affectum, quum adhæc male cubando multum humidi terreni traxissem, morbus corripuit: ac nisi vir vnus extitisset, qui meas misérias respiceret , res meæ in perditissimo statu haud dubie erant. Is Antonius Castellanus fuit, sacerdos Gallus , nobilis, summa vir comitate ac liberalitate, quam decora & plena dignitatis corporis species honestabat , quæ res ei omnium beneuolentiam

Galli erga Italum in India benignitas.

lentiam ac reuerentiam conciliauerant. Is me in Amaracapanę portu nauis impositum in insulam Margaritam misit, iussitq; ibi aduentum suum opperiri, vbi maximam partem seruitiorum suorum & facultatum habebat: moxque vt eò venit, tanta in me charitate ac beneficentia vsus est, vt si ex eo natus essem. Neque enim tantum sex menses domi suę me dilecti filii loco habuit & curauit, sed recepta quoque valetudine inde abire volentem comiter dimisit, rebusque omnibus ad nauigandum necessariis copiosissime instruxit.

INDE quum carauella vna mancipiis onusta soluissimus, & oram legendo promontorium seu Caput Velicircumuecti, altum non sine magnis laboribus propter summam maris tranquillitatem traiecissemus, tandem Boriquenam insulam tenuimus: quę ab Hispanis vulgo S. Ioannis dicta, etiam propter ingentem auri & argenti vim in ea repertam, S. Ioannis de Portu-ricco, id est diuite, nuncupata est. Quum primo Hispani eam insulam subigere aggressi essent, insulares eos immortales¹ esse pro certo habebant: eius rei periculum facere vnus è primoribus insulę regulis aliquando constituit: dat negotium famulis vt Hispanum quendam, hospitem suum, perlatum ad flumen, tandiu pede vno retentum sub aqua mergi finerent, donec extingui posset si mortalis esset. Illi sic demersum & suffocatum Hispanum humeris ad herum deferunt: is quum haud dubie mortuum esse videret & tali experimento iudicaret ceteros quoque mortales fore, iniuriis Hispanorum accensus, à quibus aua- re ac crudeliter habiti erant, in eos cum ceteris regulis coniurat. Illi in Hispanos nec opinantes vnà impetum faciunt, & centum quinquaginta trucidant, qui per insulam palati & auro legendo intenti erant: ac ne vnus quidem cladi superfuisset, nisi Didacus Salazar cum noua manu laborantibus subsidio venisset. Ex ea insula, vbi dierum aliquot quiete recreati essemus, soluentes, breui in Hispaniolam appulimus, atque in ciuitatem San-Dominici venimus. Ea prima terra ab Hispanis in illis regionibus frequentata, & colonia² condita est.

Indi Hispanos mortales esse quomodo deprehenderint.

1. *Insula Borichen, (nunc & S. Iohannis de portu diuite nuncupata) incolę, intelligentes Hispaniolam Insulam ab Hispanis occupatam, quam non ignorabant magnam, & frequentibus hominibus habitatam, incredibile putabant, Christianos illam sibi subycere potuisse, nisi immortales essent. Deinde cum audirent eos ex illa orbis parte aduenisse ex qua Sol oritur (est enim nostra Europa illis Orientalis) sibi persuadebant eam gentem è cælo delapsam, & Solis prolem esse, fieriq; non posse, vt vulneribus aut alia quacumq; vi ab Indis conficerentur. Præterea conside-*

rantes, illos paulatim Insulas sibi subiungere, atque iam in suam excendisse, licet ducentorum hominum armis præditorum numerum non excederent; valde moleste ferebant suam libertatem imminui, & suam insulam occupari à tam parua hominum manu, sed memoria repetentes sibi negotium esse cum immortalibus hominibus, animus illis languescebat.

Tandem post varias sententias Reguli eius Insulae conveniunt deliberaturi de hoc negotio, atque itum est in eam sententiam, ut periculum facerent in Christiano aliquo, si quem à reliquis seiunctum, excipere possent. Vnus Regulorum cui nomen Vraioan Dominus Provinciae Iaguaca, hanc in se curam recipit, & hac quidem ratione rem aggressus est. Forte adolescens quidam, Salsedo appellatus, per eius Provinciam iter faciens, ad reliquos Hispanos contendebat. Vraioan eum humanissime in suas ades excipit, cibum præbet, & discedenti quindecim aut viginti Indos, itineris futuros comites, & ad eius impedimenta ferenda idoneos addit.

Ad flumen peruenientes nomine Guarabo, parte Insulae Occidentali situm, Indi Hispanum compellunt, & an eum humeris ferre velint, ne maderet, interrogant. Annuat, nihil sinistri cogitans, & sibi admodum placens de tam frequentibus ministris. Validissimi ergo quique eum excipientes fluvium ingrediuntur, sed quando in medium alueum perueniunt, illum in profluentem abiiciunt, atque in ipsum omnes insilientes suffocant. Deinde illum in ripam protractum compellant (tamen si conspicerent immobilem esse) his verbis. Surge domine Salsedo, & ne nobis vitio vertas, nam nostra culpa factum non est ut caderemus, atque aliis eiusmodi pluribus, subinde illum revoluentes in hanc, aut alteram partem, ad observandum an surgeret, atque ita toto triduo apud cadauer hæserunt, donec corrumpi & putrere inciperet: nihilominus tamen, eum mortuum, aut Christianos mortales esse sibi persuadere non poterant. Tandem cum animaduertent se surdo loqui, quid actum esset, suo Domino denuntiant, qui credere nolens, singulis diebus alios subditos mittebat qui viderent an Salsedo se non commoveret, imo tantem ipse proficiscitur, ut oculatus testis esset: sed nec adhuc persuadere sibi poterat quin Salsedo tandem exurgeret, donec conspiceret cadauer in dies magis corrupti. Quum igitur ipse & reliqui Reguli intellexerant Hispanos non minus mortales quam ceteros, nec sibi cum Dijs negotium esse, sed cum hominibus perinde ut ipsi mortalibus: tum animose arma sumserunt, & plusquam mediam partem Hispanorum occiderunt.

2. Prima Colonia Hispanorum duce Christophoro Columbo in prima sua navigatione in Americam facta est, adificato propugnaculo quodam, cui Natiuitatis nomen imposuit, & triginta Hispanos reliquit, sub Præfectura Roderici d' Arana: sed omnes ab Indis fuere caesi.

Alter

Altera nauigatione urbem condidit, Isabellam nomine, in honorem & memoriam Isabellæ Reginae, in qua coloniam traduxit mille & quingentorum virorum, quos aduexerat. Sed hæc priore non fuit magis firma: Anno enim M.CCCC.XCVIII. omnes Hispani qui inerant, ea deserta, ad quinquaginta milliaria distantem locum alio Insulæ latere, nempe S. Dominicum sese contulerunt, urbem recens conditam ad flumen Ozama, à Bartholomæo Columbo, anno M.III.XCIIII. ut cap. XXIX. huius libri latius explicabimus. Eam ob causam noster Auctor urbem S. Dominici vocat primam Hispanorum coloniam: nam reuera illa urbs prima, in qua Hispani sedes fixerunt in ea insula, atq; constanter porro perstiterunt.

¶ Christophorus Columbus Genuensis primus Indiæ Occid. repertor, utcumque Hispani eam laudem alteri transcribunt.

CAPVT V.



IAM vero quis incognitas quondam eas terras primus aperuerit, inter scriptores non satis conuenit. Primum Franciscus Lopez de Gomara in secunda parte Historiæ generalis Indiæ in hanc sententiam scribit: Naclerus quidam in Oceano nostro celoce nauigans, flante diu & vehementer Apeliote raptus, quum vento obsequi ei necesse esset, in regiones incognitas delatus est, quæ neque in Cosmographicis vllis tabulis notatæ, neque in indicibus nauigationis extarent. Inde ægre in Hispaniam reuersus, tribus tantum aut quatuor nautis superstitibus, in ipso portu morbo extinctus est, quem ex miseria, fame, siti, ceterisq; in tam longa nauigatione perpeffis malis, contraxerat: neque vllam aut nominis aut patriæ suæ memoriam reliquit. Quamquam ne id quidem ipsius culpa accidisse putandum est, sed aut quorundam malitia, aut eius inuidia quam Fortunam vocant. Eum nonnulli Turdetanum seu Vandalum fuisse tradunt, ac tum mercaturas factitare solitum in Canariis insulis, & Madera, quum ei longus ille & exitialis error obtigit. Alii Cantabrum ferunt, in Anglia & Gallia negotiantem. Sunt etiam qui Lusitanum fuisse contendunt, qui tum ad Minam (ut vocant) vel in Indiam nauigaret, aut inde rediret. quod quidem commode quadrat nomini nouis hisce terris imposito. Præterea dicunt nonnulli Naclerum istum carauella vna appulisse in Portugalliam: alii in Maderam, „

Splendida fabula de primo Indiæ Occid. inuentore.

„ram, aut aliquam Hesperidum : nemo tamen ea dere certi & explo-
 „rati quidquam affirmat. Omnes tantum in eo vno consentiunt,
 „quod videlicet Naclero illo apud Christ. Columbum extincto,
 „penes eum defuncti hospitis aduersaria, chartæ, & indices omnes
 „remanferint, atque in iis relatio tam longinquæ nauigationis cum
 „designatione Paralleli & Climatis eius oræ tum primum repertæ.

„ Et paulo post: Principio Columbus nauiculariam exercuit, &
 „multis annis Syriam aliasque Orientis oras obiit. Inde indices mari-
 „nos seu chartas nauigatorias conficere aggressus, atq; eius artis pe-
 „ritiam consequutus, vnde fortunam & opes postea nactus est, Por-
 „tugalliam adiit vt Australia Africæ litora & quæcumque tum Lusi-
 „tani nauibus perlustrabant, cognosceret, atque ita non parua acces-
 „sione auctis & illustratis Indicibus suis maiorem autoritatem preci-
 „umque conciliaret. Postremo in eo regno vxorem ducit, vel (vt non-
 „nulli tradunt) in Madera insula, vbi tum, opinor, commorabatur
 „quum dicta ante carauella applicuit. Ibi ergo quum esset, nauis eius
 „forte magistrum eò ex diuturno errore appellentem domi suæ exci-
 „pit: is Columbo omnem nauigationis suæ historiam exponēs, quid-
 „quid de oræ à se repertæ situ & parallelo compererat, aperit, conten-
 „ditque vt nauigatoria paginæ quam ab eo emebat, nouæ illius ter-
 „ræ specimen simulque eius nomen à quo inuenta esset, adscriberet.
 „Interea Naclerus ille moritur : indicium & relationem eius terræ
 „Columbo relinquit. inde Columbus primum nouæ illius Indiæ no-
 „titiam habuit. *Idem scriptor postea subiungit*: Nequid intactum præ-
 „termittam, sunt qui Columbum linguæ Latine & Cosmographiæ
 „peritum fuisse affirmant. Quumque Platonis Timæum & Critiam
 „legisset, vbi ille ingentis cuiusdam insule Atlantæ meminit, & ob-
 „rutæ aquis terræ quæ Africam & Asiam amplitudine excederet, eo
 „impulsum ad vestigandas Antipodum terras & auream illam Mar-
 „ci Pauli Cipangon.² Adhæc legisse apud Aristotelem, vel Theophra-
 „stum, in libro De mirabilibus, negotiatores quosdam Carthagenen-
 „ses, à freto Herculeo in Occidentem & Meridiem nauigantes, tan-
 „dem multis exactis diebus in vastam quandam insulam peruenisse,
 „desertam illam quidem & incolis vacuum, sed rebus tamen huma-
 „næ vitæ necessariis abunde instructam, & fluuiis nauigabilibus per-
 „futam.

„ Mo x *idem autor satis fidenter*: Equidem Columbum (*inquit*) si
 „suo marte & ingenio vbi esset noua India cognosset, multo ante
 „quam in Hispaniam veniret, de ea peruestiganda cum suis Genuen-
 „sibus acturum fuisse existimo, qui tum negotiandi causa totum or-
 „bem

bem peragrabant: sed tale quid aggredi ei nunquam venit in mentem, donec cum Nauclero illo Hispano egit, qui eam tempestate maris actus repererat.

S E D hæc vt fabulosa & indigna fide refellere, non magni operis est. Petrus quidem Martyr Mediolanensis, in eo quem de his conscripfit libello, Columbum ea de re cum ciuitate Genuensi egisse ante omnia testatur, simulque causam commemorat quæ eum ad vestigandas illas oras impulerit. Eius verba hæc sunt: Quum Columbus (inquit) pro suo more ac instituto, trans Gades in Portugaliam & omnem illam Oceani oram nauigaret, sæpenumero animaduertit, & quidem multa cum cura & diligentia obseruans, ventos quosdam statis anni temporibus ab occasu flare consueuisse, qui multos dies constanti & æquabili tractu spirarent. Quos quum non aliunde quam ex transmarina aliqua ora, cuius halitu gignerentur, proficisci posse iudicaret, tamdiu circa eam rem cogitando animum versauit, vt eius certitudinem quærere aliquando constitueret. Ergo annos natus ferme XL. Senatui & populo Genuensi coram sua consilia exponens sponndit se si à ciuitate aliquot nauibus instrueretur, Herculis columnas præteruectum tamdiu in Occidentem nauigaturum, donec orbem circumuectus in aromatum feraces insulas perueniret. Sed eius rei inceptio tum primum audita incredibilis videri omnibus, quibus videlicet nihil tale vnquam ne somniantibus quidem venisset in mentem, & nihil tamen eorum quæ ad nauigandi artem pertinent, ignotum esse videretur. Itaque omnes hanc Columbi commentationem, ceu inanem fabulam aut somnium, respuerunt: etsi forte accepissent veterum scriptorum alicui proditum de quadam ingentis magnitudinis insula, quæ multorum dierum in Occidentem nauigatione à Gadibus distaret.

Christophorus Columbus primus Indiæ Occidentis inuentor.

Columbus quibus coniecturis Nouas terras deprehenderit.

H A V D equidem dubitem eam ipsam fuisse causam qua impulsus Columbus nouas illas terras quærere aggressus sit: vnde facile æstimare licet, Gomaram multis argutis commentis veritatem permiscere ac corrumpere conari, & quidem eo consilio vt immortalē Christophori Columbi famam imminuat. Quippe ægrè multi patiuntur, peregrinum hominem, & quidem è nostra Italia ortum, tantum honoris ac gloriæ consequutum, vt non tantum Hispanicæ gentis, sed & cuiusuis alterius, homines superauerit.

N O N alienum fuerit hoc loco quiddam narrare quod Columbo in Hispania, vti accepi, contigit, posteaquam iam Indiam repererat (etsi enim id olim quoque aliquando esset factum, recens tamen hoc inuentum, eius est) Quum forte Columbus celebri con-

Columbus
mordaces in-
uidorum in
se sermones
ingenioſe re-
percutit.

uiuio cum multis nobilibus Hispanis adhibitus eſſet, & inter eos (vt fieri ſolet) de India ſermo ortus eſſet, vnus eorum ita cum alloqui „ cœpit: Domine Chriſtophore (inquit) etſi tu Indiam non reperiffes, non defuiſſet tamen in hac noſtra Hispania, qui idem ac tu tentaſ- ſet, vt quæ multis magnis viris & ingenioſis abundet, Coſmograp- phis & literatis. Ad ea Columbus nihil prorfus reſpondit: ſed ouo afferri in triclinium iuſſo & menſæ impoſito, verſo ad omnes ſermo „ ne: Agedū, inquit, domini mei, cum quolibet veſtrūm depoſito in „ cœnam pignore certo, neminem eorum qui hīc ſunt facturum ouo „ iſto quod ego facturum ſum, nempe vt nullo nixum adminiculo, „ ſtans & erectum in pedem ſuo pte nutu maneat. Experti ſunt om- nes, neque vlli eorum ſucceſſit: ſed quum circumactō orbe ad Co- lumbi manus perueniſſet, ipſe ouum, altero eius faſtigio menſæ illi- ſo ac leniter quaſſato, rectum firmumque conſtituit. Ea res omni- um animos verecundia pupugit, poſtquam vtique illis patuit quid ſibi tacitis ambagibus vellet: Nimirum, id poſtquam primus ipſe tentaſſet, iam apertum omnibus & factu facile eſſe: debuiffe ipſos po- tius principes Indiæ quærendæ viam rationemque inire, nec ſe ride- re qui primus id experiri auſus eſſet, ſicuti ante id cœptanti mirabun- di illuſiſſent, quaſi rem impoſſibilem aggredienti.

Conſaluuſ Ouedo, Imp. Caroli V. Hiſtoricus, hanc lepidam fa- bellam etiam recenſet, tanquam rem auditam, non tamen aſſerit, vt iſte Gomara, qui eum ſequutus eſt, ſed modeſte ſuam opinionem in medium adfert hiſ verbis.

„ Sic ne res ſeſe habeat, an non (inquit) nemo aſſerere queat: vulgo ta- „ men ita circumfertur. Ego nihilominus falſum eſſe hunc rumorem cenſeo: „ & cum Auguſtino dico: Præſtat dubitare de re non certa, quam pertina- „ citer affirmare rem dubiam, & quam probare non poſſimus.

Hæc ſunt Ouedi verba. Gomara tamen adeo confidenter hæc affir- mat tanquam præſens ipſe adfuiffet, cum & Naucleri nomen, & vnde fuerit oriundus ignoret, aut notabilem aliquam circumſtantiam, quaſi iam bis mille anni effluxiſſent à re peracta.

2. Marcus Paulus Venetus in ſuo Itinerario, Cipango aut Zipan- gri hanc Inſulam vocat, à Luſitanis primum poſtea obſervatam & Ia- pon dictam. E regione Sinarum Prouinciæ ad Orientem poſtrema, eſt, circiter ducentas leucas à Continente, & ſexies mille leucis à Luſitania marino itinere, eiufdem cum Hiſpania altitudinis. Rigida ſunt iſtis fri- gora & magni æſtus, pro temporis ratione. Niuēs, venti, pruina, & terra- motus iſtic frequentiores quam apud nos. Incolæ bellicoſi, laudis auidi, pro qua conſeruanda, vel in fruſtra concidi præoptarint, aut ſeſemet con- ficere.

ficere. *Varia est eorum Religio: nam quidam Lunam & Solem adorant, alij Cacodamonem.*

3. *Is Solon est, unus è septem Sapientum Græcia numero, quem Plato in Dialogis Critia & Timæo sic loquentem inducit, tanquam id intellexisset à Sacerdotibus urbis Sais in Ægypto, qui scripta apud se conseruabant admodum vetusta, continentia memoriam plurimarum rerum ante diluuium, ut ipsi referebant, gestarum. Ad me quod attinet, arbitror non magis extitisse Solonis tempore, ulla monumenta continentia veram narrationem eorum quæ ante diluuium contigerunt, quam nunc, præter Mosis libros. Vt tamen non est æstimandum Dei Spiritum nobis in illis scriptum reliquisse, quicquid actum est totis mille & amplius annis qui effluerunt ante arcam Noë fabricatam: sic à fide absonum non est, liberis relictam esse à parentibus memoriam rerum quarundam particularium & singularium, & conseruatam inter Ægyptios, aut alias nationes prophanas. Nam exempli gratia, etiam nunc in Occidentalium Indorum, cantilenis, obseruantur confusa quadam vestigia historiae Diluuij vniuersalis.*

Sed ut ad nostros sacerdotes Ægyptios redeat oratio; Aiebant olim ingentem fuisse Insulam Atlantidem nomine ad fretum Herculeum, latius patentem quam tota Africa & Asia, in qua ampla essent regna, & potentissimi Reges, qui tum temporis non modo vniuersam Insulam possidebant, sed in continentem egressi, tantum terræ in latitudinem occupauerant, quantum patet Africa in Ægyptum, & in longitudinem, quantum Europa in Tusciam. Inuasit etiam illos Reges cupido (dominandi enim appetitus non magis extingui potest, quam Auaritia) Asiam inuadendi, & in potestatem redigendi omnes eas Prouincias quæ Mare mediterraneum cingunt usque in Pontum Euxinum. Itaque coactis omnibus viribus singulis formidinem incusserunt: Hispanijs, Gallia, Italia, nemine resistente, superatis, penetrarunt in Græciam usque. Sed neque in Græcia quisquam resistere ausus, præter Athenienses, iam tum temporis potentem Rempublicam, & totius Græciæ primariam urbem, ad quam reliqui Græci confugerunt. Soli igitur Athenienses totum onus belli sustinentes, prælio superarunt hos transmarinos Reges, atque hac ratione non modo libertatem Græciæ propugnarunt: sed etiam seruitute liberarunt omnes eas nationes quæ cis Herculeum fretum erant.

Sed coortis paulo post præter omnium spem magnis terræ motibus, & aquarum diluuiio, diurno & noctis spatio terra dehiscente, absorpti sunt omnes illi strenui Athenienses milites: atque eodem tempore perierunt etiam omnes illi Atlantidis Tyranni, ipsa itidem Insula Mari submersa: ut deinceps totum illud mare Atlanticum adeo lutosum euaserit, ut nulla ratione nauigari posset.

Verum demus hæc ita se habere. Creditu tamen difficile est, Indiam Occidentalem, Insulam illam Atlantidem esse, cuius Plato meminit. Nam licet non dubitem diluvium magnas in orbe mutationes induxisse, & alijs adiecisse quæ alijs ademerat (scribunt enim quidam veterum, Siciliam Italia avulsam, Cyprum Syria, Eubæam Bæotia atq; alias plures: rursus Insulas mari ablatas iunctasque terris) tamen non est verisimile, tametsi Gomara non dubitandum esse censeat) Insulam quæ panem Hispaniam attingebat, mille ducentis leucis ab ea recessisse: totidem enim numerantur ab Hispania in eam regionem. Ad hæc recentium Navigationibus observatum est, eam non esse Insulam, sed continentem India Orientali coniunctum ab una parte, ab altera, ijs terris quæ utrique Polo subiacent: aut si separatur, tam angusto freto & intervallo id fit, ut propterea Insula nomen non mereatur.

4. *Etiam nunc extat libellus inter Aristotelis opera (licet nonnulli aliquem ex ipsius discipulis potius auctorem censeant quam Aristotelem) cui titulus De Mirabilibus. Quisquis tandem auctor eius est, narrat Carthaginenses quosdam negotiatores, ab Herculis Columnis, in Atlanticum mare nauigantes, post exactos multos dies tandem in vastam, quandam Insulam peruenisse silvis abundantem, & ingentibus altisque fluminibus irriguam, procul ab omni continente sitam: atque ipsos & alios præterea ubertate illius illectos, eò cum uxoribus & liberis commigrasse, & Insulam cœpisse colere. Verum Carthaginensem Magistratum, cum animaduerneret civium suorum numerum paulatim imminui, pœna capitis vetuisse, ne quis in posterum eò nauigaret, atq; novas istas colonias inde exegisse: metuebant enim (ex quorundam sententia) e illis viribus cum tempore auctæ eos tandem opprimerent.*

Non desunt alij, qui de hac materia disceptantes ex coniecturis æstiment hanc nuper repertam Indiam, celebres illas Insulas Hesperides, esse adeo à Poetis decantatas, & à Rege Hespero appellatas, ordine duodecimo inter antiquos Hispaniæ Reges, CLXXI. annis ante conditam Troiam, & circiter M.DC.LVIII. ante natum Christum: & eos falli qui Hesperides esse Fortunatas Insulas (quas Canarias cognominant) censent. Solinus enim postremo suæ Cosmographiæ capite, ex veteris auctoris Sobesi assertionem scribit Hesperides ultra Gorgonas insulas (nunc de cap. Verde cognominantur) esset circiter dierum quadraginta nauigatione, & in intimos maris sinus recessisse. Tantundem scribit Plinius lib. 5. cap. 31. Atque si recte observemus tempus quod in nauigationem impenditur à Gorgonum insulis in Occidentalem Indiam, reperiemus convenire cum distantia, quam Solinus ponit inter Gorgonas & Hesperides, nempe quadraginta dierum nauigationem. Nam tantundem nunc tem-

poris

poris impenditur, interdum paulo minus, pro nauigiorum videlicet bonitate & Nauclerorum præstantia. Sed & Christophorus Columbus ipse, in secunda nauigatione, qua reperit Desideratam, Marigalante & alias in hoc climate insulas, tantundem temporis impendit. Hæc est quorundam opinio. Supposito igitur hoc argumento, Hesperides insulas esse Indiam Occidentalem, concludunt, ante circiter ter millenos ducentos & triginta septem annos istam Indiam Regibus Hispania subiectas fuisse, ut nunc sunt. Sed hoc difficile creditu est: non est enim verisimile, Hispanos adeo peritos rei nautica fuisse illo æuo, ut sine pyxide nautica & Astrolabio (cuius usus non valde antiquus) sese Mari ignoto committerent, ad inuestigandas terras unde nemo redisset. Nam mille & quingentis fere post annis, Alexandri magni Naucleri, ad oceanum obseruandum missi, Indiæ duntaxat oram maritimam legerunt, neq; in altum ulterius progressi sunt, quam ad Taprobanam Insulam, quinque aut sex dierum itinere à continente seiunctam.

*¶ Christ. Columbi constans querenda Indiæ nouæ propositum,
atque ut diu irrita spe, tandem à Ferdinando
Castellæ rege classe instructus,
voti compos fuerit.*

C A P V T VI.



NUNC, ut ad institutum reuertar & exequi pergam quomodo hæc India primum à Columbo inuenta fuerit: ut cognouit ipse ad tam præclari operis inceptum suscipiendum in Genuensibus parum opis sibi esse, transgredi ulterius in Occidentem statuit: spe haud dubia fore ut ab aliquo principum, quorum ibi diuitiæ atque opes inclytæ essent, rebus ad eas quas ardentè deperiret terras explorandas necessariis aliquando instrueretur. Itaque in Portugalliam concedens, inde fratrem suum Bartholomæum ad Henricum VII. Angliæ regem mittit, qui fauorem & naues Indiæ vestigandæ peteret: promittens se breui ex terris illis incredibiles diuitias allaturum. Sed Bartholomæus inde irrita spe & sine ope rediit. Itaque cum Alphonso V. Portugalliæ rege Columbus eam rem communicat, eum que supplex rogat, ut sibi naues aliquot armis & commeatu instructas tradi iubeat: se vero fidem ac iusiurandum dare, tam diu in Occidentem nauigaturum, quoad ditissimas auri, gemmarum & aliarum deliciarum quibus precium est, prouincias inueniret. Verum

*Columbi diu
turna perse-
uerantia in
suo de quæ-
renda India
proposito.*

sicuti Columbus à Genuensibus suis pro vano habitus erat, ab Anglis ridiculus, ita tum quoque à Lusitanis pro futili & deliro circulatori derisus est. Erant tum in Lusitania hominès, qui Cosmographicam artem profitentes, nullam se eius partem ignorare arbitrarentur. Itaque superciliose Columbum despicientes, regi suadebant, ne quam peregrini hominis somniis fidem adhibere vellet. Quippe amen-tem esse: neque in Occidente aurum, aut diuitiarum quidquam ex-istere posse, veluti exploratum affirmabant. Imo neminem subie-ctam AEquinoctiali lineæ plagam transgredi posse, quin immodi-cis solis ardoribus torreretur, siquidem eo in spatio maiorem æstus esse vim, quâ perpetua inter duos Tropicos solis orbita & cursus est.¹

COLVMBVS vbi in Portugallia se ac verba sua ludibrio esse vidit, in Castellam profectus aulam Ferdinandi & Isabellæ regum adit, eisq; suas cogitationes, vt ceteris, exponit, simulq; eas quam efficacissi-mis potest rationibus, exemplis & testimoniis confirmat. Sed illis, etsi principia ipsa primo arriderent, incredibilia polliceri videbatur. Tandem consumtis aliquot in aula annis, quum in proposito con-stanter perseueraret, & tantæ rei spem exemplis & demonstrati-onibus euidentissimis confirmaret, ad extremum quorundam Hispa-niæ procerum ope atque interuentu aditum ad Isabellam reginam obtinuit. Itaque tempus familiariter cū ea colloquendi nactus, adeo firmissimis rationibus eam labefecit, vt dictis suis assensum fidem-que præbere cogeret: donec tandem persuasa promitteret se ea de re cum Rege acturam, omniq; ope atque opera enixuram nequid illi rei ad inceptum illud exsequendum necessariæ deesset. Quam-obrem breui, Deo bene iuuante, & magnanimæ eius Reginæ sup-plicatu, Rex Ferdinandus liburnicam vnā & duas carauellas Chri-stophero Columbo instructas & armatas tradit.

Prima Christi.
Columbi in
Indiam nau-
gatio.

I P S E, cum Bartholomæo fratre, ineunte Augusto, anno M. cccc. xcii. è Palos portu vela in altum faciens, Gomeram insulam tenuit, quæ vna è septem Canariis est. Ibi aliquot dies commoratus, vt a-quam & cetera inde necessaria fumeret, coeptum iter, Occidentem solem sequutus, peragere institit.

PORRO quum emensa dierum aliquot nauigatione nondum ter-ra vlla in conspectu esset, milites in Columbum fremere incipiunt: ille mitigatis eorum animis, trigintaquinque dies nauigando extra-hit, neque vlla tum quoque terræ nota aut indicium apparebat. Ita-que focii aperte Columbo minari & probra pro se quisque ingere-re, Genuensem impostorem & planum palam vocitantes. quippe
nescire

nescire eum quorsum tenderet aut quo appelleret, & se eius ductu in certam perniciem ruere. Hic Columbus pro virili simul rationes suas firmare, simul eos precari, orare ne animis per impatientiam deficerent: sibi spem esse, Deo bene iuuante, breui terram nouam in conspectu fore.

Columbi in
tolera da Hi
spanorum im-
patientia in-
uictus ani-
mus.

Histum vocibus sedati, quum aliquot præterea dies nauigassent, neque vlla tellus occurreret, fremitum in nauibus redintegrât, & se reduci iubent: alioqui pertinacius vltra tendentem in mare proiecturos. quippe vltius progredientib. non suffecturos commeatu, maxime aquam, quæ in Hispaniam reuersuris necessaria foret. Ad extremum eores rediit, vt pto mitteret reuersuros nisi intra triduum terram vidissent, interea perspicue ostendens non tantum suffectura ad reditum alimenta, si moderate vti vellent, sed multo etiam longius. Itaque prospere iter exsequi pergens, postridie eius diei demitti vela iubet: ac credibile quidem est, quum id diceret Columbus, haud procul terra affuisse, idque ex cœli conspectu deprehendisse, aura, & nubeculis quæ circa orientem solem in horizonte apparerent: aut certe instinctu quodam ingentis & inuicti animi.

2. N O C T E quæ eum diem sequuta est, nauta quidam Lepiensis, è summo mali fastigio alta voce proclamans, Ignem, inquit, ignem prospicio. Tum euestigio excipiens adolescens quidam, Non diu est, inquit, quum mihi dominus meus Columbus id ipsam dixit. Nauta ipse ingenti lætitia & spe auctus, haud dubius se, simul ac Hispaniam attigisset, tam fausti nuncii à Rege præmia laturum, quod primus visi ab se ignis è naui signum dedisset: postquam indonatus abiit, ira & dolore victus profugit in Africam & Christi fidem exiit.

1. *Videtur noster Auctor Petri Martyris mentem non satis affectus. Nam is de Columbi conatibus scribens, hoc non voluit, Lusitanos hanc rationem inter reliquas produxisse, vt Columbi conatus eluderent: sed duntaxat, eo tempore fuisse in Lusitania Nauceros & Nauium Præfectos adeo arrogantes, vt neminem sibi comparandum putarent in arte nautica: quia, inquit, totam Africam oram maritimam quæ Meridiem spectat legerant, non tamen adeo in altum prouecti vt continetis conspectum amitterent. Deinde addit.*

Primi Lusitani eam Nauigationem instituerunt quam veteres tentare non sunt ausi: quia certo credebant, tantum æstum sub Aequatore esse, vt quisquis eo penetraret, illico solis ardoribus conflagraret: atq; adeo cum intelligerent inueniri qui à freto Herculeo ad mare rubrum nauigassent, & totam Africam circuiuisent, pro fabula habuerunt. Ita ex

Mar-

Martyris mente hac ad Veterum opinionem, non ad Lusitanorum disceptationem referenda sunt.

2. *Ipse Petrus Martyr in quadam Narratione quam Italico sermone conscripsit, ait, Columbum triduo ante quam ullam terram conspiceret, mirandam in somno visionem habuisse: ut excitatus, letabundus & alacris, omnes conuocari iusserit, eosque confirmauerit, breui terram conspecturos. Præterea, iacta semel bolide in mare, ex terra inherente agnouit non procul abesse ab aliqua regione, atque eo magis confirmabatur in sua opinione, quod præcedente nocte ventos obseruauerat solito inconstantiores, hanc igitur ventorum inæqualitatem non aliunde procedere iudicabat, quam à terrestri vento marinum repellente.*

3. *Is fuit Salsedo Columbifamulus, qui nauta hæc proferenti respondit. Thalassiarcha meus herus iam ante id dixit: tum Columbus famuli responsum confirmans, Verum est, inquit, iam ante dixi, nec diu est quod ignem illum, de quo est sermo, conspexerim. Atque adeo verum est, quodam die Iouis, duabus horis post mediam noctem, Columbum euocasse Nobilem quendam virum Hispanum nomine Escobedo, Regi Hispaniæ à cubiculis, & dixisse, Ignem video, nec procul à terra aliqua abesse, se suspicari. Itaque solum Columbum manet gloria conspectarum primum Indiarum Gonzal. Ouid. lib. 1. cap. 5.*

¶ Columbus noua India reperta, primo ingenti Hispanorum gaudio, mox inuidia & calumniis excipitur. Cubam & Hispaniolam detegit. Indi Hispanos amicissime excipiunt. Hispani Indos auro & ornamentis, per speciem amicitie, spoliant.

C A P V T VII.



AM quanta omnes voluptate perfusi fuerint, postquam nouam eam terram conspexere, nemo dicendo assequi possit. Alii vix præ gaudio mentium com-potes, nouam oram intuendo explere oculos non poterant: aliqui perfusi lacrymis Columbum amplectebantur: nonnulli venerabundi manus eius deosculabantur, & qui eum offenderant, ignorantie petebant veniam: denique omnes sese admirandæ ipsius virtuti humiles seruos ac deuotos ferebant. Interea Columbus demitti scapham in mare iubet: egreditur in terram: & deiecta arbore crucem ex ea factam in nomine D. Iesu

su Christi crucifixi in litore statuit, & Noui illius mundi ius ac possessionem Regum Catholicorum nomine vsurpat. Hoc modo Columbus propria virtute atque ingenio, secundum Dei gratiam, primus Indiam nouam aperuit.

NEQVE minustamen ex tam mirabili opere, cuius ipse auctor & effector extitit, mille in eum inuidorum calumniæ exortæ sunt, uti mox dicam. Primum enim Regii fisci procuratores, postquam in Hispaniam reuenerat, litem ei intenderunt, iam à fratribus Pinzonibus Martino & Francisco duarum carauellarum magistris apud Regem accusato, quod, nisi ipsi à fœdo incepto deterruissent, regredi in Hispaniam ex itinere, non visa India, parasset.

Columbo inuidia ex gloria oritur.

CETERVM, possessione Indiæ, ut diximus, vsurpata, quum ibi diutius morari Columbus operæ precium non duceret, quòd ea insula in quam appulerat, exigua esset: regressus in naues vltius prouehitur & multas alias insulas detegit. Quum in Cubæ litora exsensionem fecisset, eam Fernandinam in memoriam gratiamque Ferdinandi regis nuncupat. Ibi haud satis libenter ab insularibus conspectus est: quumq; interea forte mare turbari cœpisset, & ipse quod in statione non satis tuta & fida nauibus esset, metueret ne tempestas nauigia ad scopulos allisa frangeret, subito soluendi signum dedit.

Ferdinandi. na insula, vulgo Cuba.

INDE prouectus in Haytin insulam appellit, quam Hispaniolam nuncupat: sed ibi iactis in portu ancoris, quem Regium nominavit, Prætoria naus scopulo icta frangitur: quotquot tamen eā vehebantur homines cum maxima commeatum parte, duarum carauellarum ope naufragio erepti sunt. Indi complures per omnem litoris oram sparsi naues mirabundi spectabant, sed simulac egredientes in terram Christianos viderunt, correpti formidine, celeri fuga dilapsi sunt. Hispani cursu vnā ex iis feminam assequuti ad Columbum perducunt: ille mulierem cibo potuque expletam, eleganti & mundo indusio vestiri iubet: mox signis edoctam iussamque ire ad suos eosque hortari ut fidenter & sine vllō metu ad naues venirent, dimittit. Illa abijt: Barbari feminæ circumfusi, eam inusitato cultu vestitam non sine ingenti stupore aspectabant. Illa Columbi comitatem & munificentiam in se inter populares prædicat: ceteri huius verbis adducti, præterea nouæ gentis barbata & vestita videndæ cupidine, certatim lintribus suis carauellas circumdant.

Hispaniola insula, vulgo Hayti.

IBI gaudium ingens pertentare Hispanorum animos cœpit, quum neminem in tanta Indorum multitudine viderent, cui non aurum & argentum in brachiis, collo & auribus fulgeret: mox etiam

Cælum non animum mutant, qui trans mare currunt.

Damea

Diomedis &
Glauci per-
mutatio.

am ea petere ab Indis vltro incipiunt : & illi , qui eas res paruifacerent, cuilibet liberaliter & hilariter dabant. Columbus quum tantum Indorum in nauibus videret quantum vix ille capere poterant, in terram cum multis Hispanis euadit. Ibi quum ab eius loci Cacico (ita regulos patrio idiomate appellant) cui nomen Guacananillus, summa comitate exceptus esset, muneribus inuicem datis acceptisque ambo fidem futuræ amicitiae sanxere. Eum Columbus induisiis, pileolis, cultellis, speculis, crepitaculis, & tintinnabulis, donauit: Cacicus contra satis magno auri pondere eum remunerans, è suis aliquot misit cum lintribus patriis (illi Canoas vocant) qui ad effendas in terram res & onera fractæ nauis Hispanis operam darent. Quam quidem illi adeo amico animo & propenso studio præstiterunt, vt si suæ illæ res essent.

1. Petri Martyris historia refert, Christophorum Columbum simulatq; in terram excendisset (factum autem id est in Guanahani parua Insula) in genua procidisse, atq; sublatis ad cælum manibus, fufisque præ gaudio lachrimis, hanc ad Deum orationem habuisse.

„ Domine Deus aterne & omnipotens, sacro tuo verbo cælum, ter-
„ ram, & mare creasti. Benedicatur & glorificetur nomen tuum. Laude-
„ tur tua maiestas, quæ dignata est per humilem seruum suum procurare,
„ vt eius sacrum nomen agnoscatur & publicetur in hac altera mundi
„ parte.

Egregium Columbi factum, qui ante reliquas actiones, gratias Deo egerit & agnouerit non propria scientia aut prudentia, sed peculiari privilegio atq; dono Dei, se primum omnium hunc Nouum orbem reperisse, in quo ipsius cognitio sereretur. Si Hispani hoc exemplum imitati, Deo consecrassent omnes Prouincias quas postea obseruarunt, non subsequuti fuissent adeo tragici exitus, quales infra videbimus.

2. Tres fratres quibus cognomen Pinzones è Palos Hispaniæ quodam portu oriundi & duarum carauellarum (id nauigij genus) quæ in prima Columbi navigatione, in eius classe erant, magistri, inuidentes gloria Columbi adquisitæ ex hac noui orbis apertione, simulatque in Hispaniam redierunt, sese Columbo opposuerunt, accusantes per eum non stetitisse, quominus non inspecta India in Hispaniam redirent: sed ab ipsis compulsum vt ultra porro pergeret: eam ob causam Noui orbis aperti gloriam sibi deberi, non Columbo. Vt verò hac probarent, non defuerunt ipsis testes, quippe omnes quos habuerunt nautæ, & illis sanguine iuncti, & ex eadem vrbe oriundi. In summa, tantum suis clandestinis consiliis effecerunt, vt licet Columbus aperti noui orbis laudem auferret, & Talastarchi officium consequeretur, implicarent tamen illum lite aduersus
fiscum

fiscum Regis, qua tota vita conflictatus est, & Dominus Franciscus eius Filius natu maior, Patri in officio successor, prius vita excessit, quàm litis finem videret.

3. *Amissa à Columbo Pratoria naue, cui nomen Gallega, plerique æstimarunt de industria id factum, ut partem suorum in ea Prouincia relinqueret: t reuera aliquos istic reliquit. Ouid. Lib. 11. Hist. Ind. ca. 6.*

¶ Indi de funesto Hispanorum in suas terras aduentu demonum oraculis moniti. Prima colonia Hispanorum.

*Columbus in Hispaniam reuersus
premiis augetur.*

CAP. VIII.

MIRABILEM insulares illi Indi cuiusdam oraculi memoriam tenebant, inde à patribus traditam, quo vera & futura prædicebantur: Non multis videlicet ab illinc annis venturam in eas barbaram gentem, quæ simulacra deorum terræ alideret, & filiorum ipsorum sanguinem effunderet. Hoc si certe tum illis venisset in mentem, non tam festo cum triumpho & lætitia aduenientes Hispanos excepissent.

CETERVM quum peteret Columbus vnde metallum illud fulvum nanciscerentur, illi nutibus, & signis demonstrabant, è quibusdam fluminibus mediterraneis peti, qui ex altissimis montibus decurrerent. Affluebat interea quotidie ex omnibus locis noua eius gentis & copiosa multitudo, ut inusitatas nostrorum hominum barbaram gestantium formas cultumq; viderent: fructus, pisces, aurum, panem & alia alimenta, vndique afferentes: ac simiarum more vestigia ritusque Christianorum imitantes, quoties hi genua flexerant, flectebant & illi: Christiani reuerenter oculos in cælum sustulerant: Indi pariter & ipsi tollebant. denique quidquid ab Hispanis ad recitandum Ave Maria mane & vesperi conuenientibus fieri so-
leret, itidem ab istis fiebat.

Indi quam-
quam simiæ,
semen tamen
aliquod pie-
tatis sibi inef-
se ostendunt.

COLVMBVS ipse non mediocri lætitia affectus propter novas illas repertas terras, auri adeo & argenti feraces, quum Hispaniam repetere & alterius inuenti mundi nuncium ipse Regi ferre cuperet: cum bona Cacici gratia domum coctili laterculo exstruit. Eo loco duodequadraginta Hispanos relinquit, qui ad reditum suum res insulæ sedulo & accurate explorarent: præmonitos ut in omnibus prudenter & modeste sese gererent. Hæc prima domus ab Hispanis in India exstructa est: Columbus cum reliquis soluit, inde secum sex

Primæ colo-
niæ in India
Occid. ab Hi-
spanis condi-
tæ rudimen-
tum.

D 2. Indos,

Indos, omne aurum quod à Cacico acceperat, Pfittacos aliquot, Maizii paniculas (quæ vna Indicarum frugum est) & alia Indiæ peculiaris & noua referens. Prospero cursu & incolumibus omnibus in Hispaniam peruenit, præterquam duobus Indis qui in itinere extincti sunt. Appulsum Rex & Regina quam honorificentissime exceperunt, confidere eum coram se iubentes: & in aula quidem Indos ab eo aduectos quod prorsus nudi essent, mirabundi omnes intuebantur: nec minus ipsi quoque Indi obstupescabant, quum Regem & aulicos vestitos cernerent. Rex vero Columbum insignibus honorum titulis auctum summum Oceani Præfectum designat: (Almirantem vulgo appellant) & ei omnium regionum ex India reddituum decimam attribuit. Bartholomæum quoque ipsius fratrem Hispaniolæ insulæ præficit.

1. QVOD de Oraculo illo scribit, ita se habet. *Cacici & Bohitij (id est Reguli & Sacerdotes) penes quos antiqua rerum quondam gestarum vel dictarum monumenta à patribus sine literis tradita manent, Christophoro Columbo & Hispanis narrabant, Garionexij Cacici patri & alteri cuidam Regulo cupidinem quondam ortam sciscitandi è Zemibus (id est numinibus suis) quid post sua tempora euenturum fata portenderent. Id porro, ut extorquerent ab Idolis, quinq; dies continuos ab omni cibo & potu abstinuisse, tempusq; illud perpetuo in luctu & lacrymis egisse. Ergo his rite peractis, tandem respondisse Zemes, Quanquam fata in occulto teneri à Diis & futura celari homines satius esset, moueri tamen se ipsorum religione ut ventura panderent. Itaq; scirent venturam non multos post annos ad eam insulam peregrinam gentem: viros vestibus amictos, promissa barba, & gladiis micantibus accinctos, quibus medium hominem uno ictu secarent, qui vetera Deum simulacra solo alliderent, præscos sacrorum ritus & ceremonias abolerent, liberos eorum vel mactarent, vel libertate sublata in omne scelerum genus corrumperent. Tam horribilis oraculi carmen memoria ut proderent, flebilem quandam cationem (quam Areito vocant) velut elegiam, composuere: eam diebus atris & festis quibusdam tristibus lugubri & querula voce canebant. Ceterum ita postmodum euenere omnia uti prædixerant Zemes, & canebant Sacerdotes: sicuti sequentia docebunt.*

¶ Secunda Christophori Columbi in Indiam nauigatio. Hispaniola sanguine Hispanorum imbuta. Isabella colonia à Columbo conditur. Indorum aduersus Hispanos tumultus.

C A P V T I X.



COLVMBVS omnem Regi itineris & rerum ab se gestarum successum exposuerat: & præterea gradu ex ea insula facto, amplissimas & ditissimas alias oras aperturum se promiserat. Itaq; Rex trium Liburnicarum & quatuordecim carauellarum classem instrui iubet, & in eam ultra mille ac quingentos homines imponi, maximam partem mechanicarum artium opifices, & quidem earum quæ illi terræ maxime necessariæ essent. Columbus præterea equis, bobus, ouibus, suibus, capris, fœminis maribusque ad propagandam eius generis stirpem: deinde hordeo, frumento, leguminibus, & omnis generis plantis ac frugibus, in naueis prouisis & collatis: secum etiam sacerdotes & monachos abduxit, qui gentes illas Christiana religione imbuerent. Postremo rebus omnibus necessariis munitus instructusque, anno M. CCC. C. XCIII. die secunda Septembr. è portu Calicio soluit.

¹ COLVMBVS, iam Almirans regius, in Indiam renauigans, multo alacrius quam prius secabat fluctus, quatuor Indos reuehens quos Rex baptisari curauerat: & Canarias insulas præteruectus, paulo magis læuorsum quam priore nauigatione cursu in Africum inflexo, Desideratæ insule conspectum habuit. Ea prima (vti ante dictum est) illi à Canariis occurrit tellus: sed neque in vllam eius oram egressus, neque vllò eius portu tacto magna cum alacritate & Hispaniolæ desiderio cœptum iter persequutus est. Eam vbi classe tenuit, longe alio statu reperit quàm reliquerat. quippe omnes Hispanos ab eo depositos Indi ad vnum mactauerant. Almirans euestigio legatis ad Cacicum Guacananillum missis, sciscitari iubet, quænam causa mortis suis hominibus fuisset. Ille nutibus atque aliis significationibus quibus mentem suam vtcumque exprimere poterat, respondens, multum & grauiter conquestus est: ² Hispanos post eius discessum, suorum coniuges stuprare, eosque ipsos fustibus atque indignis aliis modis accipere cœpisse, neque illos tamen à suis vllò dicto factove esse violatos: sed venisse quendam nouū Regulum, quales multos potentes haberet ea insula, qui barbato homines sedes in suis finibus capientes atque ædi-

Hispani mactare Indiam stupris & librociniis, mox etiam suo sanguine, nobilitant.

ficia molientes nactus, veritusq; ne insulam totam aliquando subigerent, omnes ad vnum trucidasset. Se quidem, quum casam Hispanorum conflagentem vidisset, ad opem ferendam pro officio accurrisse. Sed meæ vires (inquit) parum valuerunt: & graui vulnere ictus sum, vt videtis. Simul hæc dicens, crus fascia bombycina inuolutum ostendit. Sed hæc simulata omnia & falsa erant, quemadmodum postea Columbus cognouit, Hispanis eo missis, qui fasciis solutis & inspecto Cacici crure, nullum vulneris aut cicatricis vestigium vidisse se retulerunt. Atque inde illis haud dubia suspicio, Guacanarilli consilio atque opera Hispanos interemtis & casam incensam fuisse, quod illi, aurum vi extorquendo, feminas constuprando, & alia foeda faciendo, nullis verborum ac rerum contumeliis in Indos parcerent. Plerique Christophoro Columbo suadebant vt hanc iniuriam vlcisceretur: sed ille veritus ne maius detrimentum acciperet, vt qui vires atque opes indigenarum nondum penitus nosset, cohibere se maluit & vltionem meliori occasione seruare.

Isabella, colonia.

INTEREA è nauibus secundò in eam terram egressus, cum suis principium coloniæ dedit, quam in memoriam Isabellæ reginæ Isabellam, vocauit: mox ad Cibaui³ aurarias (is locus est insulæ vnde aurum effodiebatur) arce exstructa, munimento valido & ad impetus Indorum arcendos idoneo, Bartholomæum fratrem insulæ Præfectum relinquit. Ipse tribus carauellis ad nouas terras vestigandas profectus, Cubæ latus Meridionale, & Iamaicam & alias insulas, aperuit. In aliqua earum litora exscensu facto, à nonnullis populis æquis oculis visus est: mox inde Hispaniolam repetens, commodum nactus portum S. Nicolai nomine insignem fecit. In eo portu iactis ancoris Almirans constitit, tum vt suis tempestiua quieta refectis, tum vt carauellis instauratis, quæiam omnibus compagibus multam aquam acciperent, mox inde ad delendos Caribas, & exurendos eorum lintres moueret.

SED tum forte graui morbo correptus, eam expeditionem omittere in præsentia cogitur, & in Isabellam valetudinis causa portari: 4 vbi multos Hispanis vita functos, alios morbis implicitos reperit. alii quibus valetudo integra supererat, Bartholomæi fratris eius imperiis parum obedienter acceptis, non paruum tumultum mouerant. Cacici præterea aliquot propter iniurias, raptus, homicidia, rapinas, ceteraque ab Hispanis multis insulæ partibus perpetrata flagitia facinoræque, sumtis armis rebellionem coëptauerant.

Insulares Indi Hispanis famem relinquunt.

QVINETIAM maxima pars Insularium, non tantum inculta rura, nulla frugum suarum semente facta, reliquerat, sed quidquid etiam

am

am in agris vsui esse poterat, id omne vastarant accorruperant, vt nudum & sterile solum Hispanis obiicerent: sperantes peregrinam gentem, vbi nihil victui idoneum reperisset, tandem insula excessuram: imo ipsi quoque adeo quum indignis modis habiti tam miserabilem seruitutem pati non possent, abiecta spe & omnibus vitæ solatiis, vulgo inedia se ipsos necabant. Columbus, sumto à prudentia consilio, in omnes Hispanos seditionum autores & scelerum compertos vltimo supplicio animaduertit & Cacicos ipsos quacumq; ope potuit reconciliare sibi studuit. Ex ea seueritate, tantum Hispanorum in Almirantem odium ortum est, vt quum eorum flagitiis & latrociniiis indulgere nollet, ne nomen quidem eius æquo animo ferrent. Qua ex re factum est vt multi de eo & fratre eius ad Regem dira & atrocia scriberent, itaque Columbus simulac conualuit, in Hispaniam regressus est.

1. *Antequam ea classis solueret è portu, Catholici Reges Curso-rem Romam ablegarunt, qui suis legatis, eò profectis vt Pontificem Alexandrum V I. salutarent, Relationem exhiberet earum Prouinciarum recens inuentarum: ea videlicet de causa, vt iustiore titulo, animi cogitationes in actum deducere possent, nempe vt promouerent fidem Catholicam. Pontifex hac intelligens, proprio motu & speciali auctoritate dedit Regibus Catholicis & ipsorum successoribus quascunque Prouincias inuenire possunt in India Occidentali, ducta pro limite à polo ad polum per diametrum linea centum leucis ultra insulas Acoras, & totidem à Gorgadibus, quæ vulgo de Capo verde cognominantur. Vniuersum orbem secabat hæc linea, & diuidebat ea quæ erant occupanda à Regibus Lusitania & Castella, vt quidquid ultra lineam comprehenderetur versus occidentem, Regibus Castella cederet, modo non possideretur ab ullo alio Principe Christiano; & quidquid cis lineam esset, Lusitanis. Deinde, pactis factis Anno M. CCCCXCIII. inter Lusitania Regem Joannem eius nominis II. & Regem Castella Ferdinandum linea translata fuit trecentis septuaginta leucis ulterius versus Occidentem. Sed & alia controuersia suborta inter prædictos Reges de Moluccis Insulis Aromaticum causa, quæ nondum decisa est. Ouedus lib. II. Historia Indicæ: & Gomara Historia Generalis cap. XCIX. c. & subsequentibus.*

2. *Triginta octo illi Hispani à Christophoro Columbo in Hispaniola relictæ sub præfectura Centurionis Roderici de Brana & sub Magistro quodam Joanne, nobili Chedurgo, maxima ex parte nautæ erant, malè educati & vilis animi homines. Eam ob causam, statim à Columbi discessu, singuli (vt postea Columbo ipsi Incolæ retulerunt) eorum qui alijs substituti erant, si quid primis humanitus accidisset, imperare volebant:*

lebant: itaq; inter se diuisi, bini aut terni simul iuncti per insulam vagari cœperunt, vim inferentes mulieribus & virginibus, & in summa licentia viuentes. Jndi initio eorum facinora perpeſsi ſunt, quamdiu viderunt eos coniunctos: ſed per insulam deinde diſperſos omneſe trucidarunt.

3. Ditiſſimæ ſunt totius Hiſpaniola Inſulametallicæ venæ, apud flumen Giamico. Propugnaculum iſtic extructum nomen à D. Thoma accepit, quia qui primi venam aperuerunt, puri auri grana in ea inueniunt. Eius rei rumore ad reliquorum Hiſpanorum aures perlato, fidem non adhibuerunt, donec oculis conſpicerent & manibus tractarent. Indi porrò ante Hiſpanorum aduentum iſtas venas ita contemnebant, ut niſi aurum ſupra terram ſparſum inuenirent, non dignarentur, ad illud inquirendum, terram vertere.

4. Inter reliquas calamitates quibus afflicti fuere Chriſtiani, dum Chriſtophorus nouas regiones inueſtigat, prima fuit quatuor nauium amiſſio ſecundum Inſulam Iſabellam, inter quas fuit prætoria anno xciiii. deinde, cum urbem Iſabellam condere cœperunt, Jndi indignati ſe tales habere vicinos, qui iſtic ſedes velle figere videbantur, rem adgreſſi ſunt admirandam nec ante auditam, ut illos iſtinc abigerent. Nam ſationem ſolitam intermiſerunt, & abſumpto ſuo Mayo, iucca (genere planta illis in cibo vulgari) ſe ſuſtentabant, atq; deſerta regione à Chriſtianis habitata, in intimam Inſulam ſeceſſerunt. Hiſpani non animaduertunt quamdiu annona abundarunt: ſed illa abſumpta, dum inter Indos requirere coguntur, mirati ſunt ſe nihil inuenire. Vnde factum ut miſeri Hiſpani Iſabella & D. Thomæ urbium incolæ paulatim tabeſcentes, inedia & fame morerentur. Adhæc paſſim in agris iacebant, Indorum fame extinctorum cadauera, quorum fœtore aër infectus peſtem generauit, qua maximus numerus fuit ſublatus. Acceſſere præterea lues venerea, & alij morbi incurabiles ex uſu mali ſucci ciborum. Magnum errorem admiferunt primi illi Hiſpani, quod Incolarum animos ſibi non conciliarint, antequàm eorum regionem ſibi ſubiicerent: multo enim felicius rem geſſiſſent.

5. Supplicium quo Columbus Hiſpanos affecit, præſertim Caſparem Feriz Arragonium, quem cruci affigi iuſſit, reliquos ita irritauit, ut monachus quidam Buil nomine, ordinis Benedicti, è Catalonia oriundus, eò miſſus cum aliis ut Indos ad fidem Chriſtianam cōuerterent, eius rei cauſa, ſacris interdiceret, & Columbum fulmine etiam feriret. Columbus contra vetuit ne quid ex ſuo penu huic monacho & reliquis eius ſodalibus, neq; etiam ſacerdotibus ſubmiſtraretur. Petrus Margarita D. Thomæ Præfectus, atq; alij Nobiles viri iſtic præſentes rem componere ſtuduerunt, ſed ad tempus duntaxat hæc cōciliatio durauit. Nam
ſimul-

simulatq; Columbus in Hispanum aliquem iuridicè agere volebat, opponebat se hic monachus, & Columbum à sacris arcebat: Columbus verò monachum à cibo. Reges Catholici ista intelligentes, eò ablegarunt Nobilem quendam virum Ioannem Agnadum regiis literis suffultum, quibus utramq; partem in Hispaniam euocabat. Ouiedus lib. 11. cap. 13.

¶ Inusitata vis turbinum in Hispaniola. Eius mali causam Indi Hispanorum sceleribus & flagitiis tribuunt. Columbus Hispaniam repetit. Hispanorum ab ipsius fratre secessio, & scelera.



PER eos dies mirabilis & prodigiosus quidam casus in illis terris interuenit, quem quia consideratione dignus est, non prætermittam. Nonnulli existimabant humani generis hostem, quum sibi eripere faucibus tot animas, quæ per Baptismum seruandæ essent, ægrè ferret, tantos turbinum furores, procellasque emisisse. Alii discordias seditionesque ex Indicis spoliis & opibus erupturas, eo ostento portendi arbitrabantur. Vulgi fermè opinio hæc erat, signo Crucis, quod in vexillum salutis erectum ibi fuerat, ex illis insulis violenter eiici, & earum gentium diutina velut possessione detrahi tartareos spiritus, quos per tot ætates bruti illi homines pro patronis suis & numinibus coluerant. Itaque dum præcipiti fuga ruerent, tantas strages & portenta edidisse.

PORRO casus eiusmodi fuit. Ab Ortu tanta ventorum rabies coorta est, qualem nunquam antea Insulares se vidisse aut audiuisse meminerant: in primis vehementissimus quidam Typhon, (quem Hispani Furacanum appellant) tanto impetu irruit, ut cælum simul ac terras rapere secum & miscere velle videretur. Omnes improviso malo attoniti præsentem mortem imminere sibi ante oculos, confundi elementa, & finem rerum adesse, vulgo pauidi credebant. Tum vero ingenti sono cælum strepere, & inter horrendos tonitruum fragores crebri micare ignes, aer incendi fulguribus: nox interdiu omnibus noctibus nigrior densiorq; adeo ut per obscurum alius alii occurrantes, mutuo intueri non possent. Errabundos homines, defixis præ formidine animis & lymphatis similes pervias perque auia discurrere passim ac peruagari cerneret. Tanta vi inter ea furentium & horrendo cum stridore colluctantium ventorum, ut iis ab radicibus erutæ arbores, & auulsa montibus saxa magno cum fragore in planum prociderent: & ea ruina ingenti villarum

E mapa-

Indi de calamitatum causis verius quam Hispani iudicant.

mapaliumq; strage facta, multos mortales opprimeret. Solidas vero etiam cū incolis dom⁹ furiosi illi turbines sublimē correptas & absorptas dissipauere. Quib. ex malis grauis vndiq; earū gentium planctus & mœsti clamores exaudiebantur: paucis horis ingentia detrimenta accepta, vt ne tres quidē naues quæ ad portū securæ in ancoris stabāt, eius calamitatis immunes essent. Ancoris .ni. ipsis, quamquā robustis, fractis, & ancoralib. firmis nouisq; trūcatis cū omnib. nauticis profundo mersæ sunt. Indi complures speluncis abditi discrimen effugerunt: inde tamen rei tā nouę prodigio perculsi adeo & consternati crepserunt, vt vix animam reciprocare aut quidquam proloqui possent, adeo vocem inusitatus pauor incluserat. Sed vt se ex tanto terrore collegerunt insulares isti, longe aliter ea de re inter se disceptantes sentiebant ac Christiani. Quippe eius cladis causam flagitiosis fœdisque Hispanorum exemplis assignantes, cœlum infestum in eos ruere, & è suis terris illos eiicere velle dicebant. Sed hæcne vera fuerit eius rei causa, an alia quæpiam, sapientiorum potius quàm meo vel illorum iudiciis existimandum delego.

QV I N Q V E ab illinc annis duæ aliæ eiusmodi procellæ inciderunt, sed vltima inter paucas memorabilis, totam insulam mirabiliter conterruit. Quippe omnibus fermè fatis stragem intulit, maximam partem ædificiorum & torcularia faccarea euertit: armenta quoque propè omnia & greges fœdè interemit. Etiam Hispani famē periclitabantur, ni Deus eorum misertus naues ex Hispania opportunè adduxisset, quæ farinam, nauticos panes, & ceteros com meatus abundè subueherent.

CETERVM Almirans priore illo turbine fractas Celoces exemplo refici iubet, quum eius rei peritos artifices multos & omnis generis fabros haberet: moxque vt illæ instauratæ sunt, ipse quā strage illa ventorum, quā Indorum clade stupefactus & confusus, vela in Hispaniam fecit. Quò quum secundo cursu peruenisset, è Calicio portu, per dispositos equos in Regiam profectus, Regi nouas ab se repertas terras exposuit, aurum & alia rara obtulit: & narratis quæ in Hispaniola acciderant, iudicia quoque & processus Hispanorum in quos legibus egerat, exhibuit: simul malignas obtreçtatorum in se calumnias & falsò obiecta crimina diluens. Rex Columbi fide fatis comperta, quòd tantum auri aduexerat, vt aliquot etiam palæ librales essent, deinde ex commentariis quæ attulerat actorum eius integritate spectata & probata, eum vltro consolatus gratias quoque pro tantis eius in se meritis atque officiis egit: monuit tamen vt in posterum, poenarum acerbitate remissa, cum Hispanis, qui tam longinquas

ginqvas terras sui obsequii causa peterent, paulo mitius ageret.

Mox duodecim carauellas armari iubet, easque omni genere commeatus instructas Columbo ad nouam expeditionem attribuit. Ipse confestim duo ex ea classe nauigia ad Hispaniolam recta tendere iubet, & vt fratrem suum adeant edicit. Illa quum prospero cursu eò peruenissent, fortè ad Occidentalem insulæ partem appulerunt, vbi tum agebat Roldanus quidam Ximenez: quem ex vili & obscura persona iuridicalem prætorem designatum, Columbus extulerat. Sed is tum multis Hispanis in partes tractis, secessionem fecerat: quum arrogantia contumaci Præfecti imperium exuisset, quollicentius omnibus legum frenis solutus latrocinia & quolibet flagitia per Insulam exerceret: quod Præfectus pati non sustinisset. Is appulsis eò vbi tum casu erat duobus illis nauigiis, Hispanos qui in iis erant conuenit, sollicitat, & Insularium opes obuias paratasque ostentans, docet, si secum facere vellent, liberrimè omnia barbarorum mapalia peruagaturos, atque inde, nullo impediēte, egesto auro ac rerum preciosissimis breui ditissimos euasuros. Quaspe labefactatos facilè impellit vt omnem fortunæ ac rerum sortem cum eo miscere vellent. In primis ergo commeatu quem naues attulerant, auidius ipse ac ceteri se explent: inde prædabundo agmine insulam peruagantes, promiscua licentia spoliare, verberare, occidere: denique nullum genus sceleris, libidinis, auaritiæ, in indigenas prætermittere.

Seditionum
& ciuiliū
bellorum in
Hispaniola
tentamenta.

CACICVS quidam, Garionexius nomine, quum ditionem suam omni belli clade à Christianis vri & res suas suorumque ante oculos suos ferri agique videret, iunctis cum alio Cacico (Marabone-
sum vocabant) viribus, defendere se ab eorum iniuriis & latrociniiis statuit. Itaque sepe cum Indorum manu, quos in societatem ad-
sciuerat, è montibus in plana degressus, vbi Hispani statua habebant: quoscunque ex eis capere poterant ipse ac focii, barbara rabie excarnificantes frustillatim
discerpebant.

*¶ Columbus tertio in Indiam nauigat. Cubaguam insulam
Vnionum detegit. Frustra Hispanorum seditiones
componere laborat. Indos per-
duelles domat.*

C A P. X I.

Columbi
tertia in Indi-
am expeditio.



Cubagua,
insula Vnio-
num.

DUM hi tumultus in Hispaniola agitantur, Almirans è portu S. Lucari soluens cum reliqua classe, anno M. CCCC. XCVIII. vigesima octaua Maii, cursum in Maderam direxit. Ea vna est ex septem Lusitanorum insulis quas illi Azorias appellant. Illac autem nauigare multo tutius duxit, tum quia belli id tempus erat, tum maxime propter piratas Gallos, qui iam fama Indicarum opum excitati, prædandi spe maria illa infestabant. Inde præmissis recto cursu ad Hispaniolam sex carauellis, ipse trib. reliquis versus Caput-viride seu Gorgades insulas deflectens, propius AEquinoctialem lineam iter suum direxit, & in ea nauigatione multis malis conflictatus est, tum ob maris malacias, tum ob immodicos ardores, quos mense Iunio media æstas intenderat. Vix tandem quum Indiam attigisset, sinum Pariensem ingressus in Cubaguam appulit, quam ipse Perlarum insulam nuncupauit. Cuius nominis origo hæc fuit. Almirans quum eum sinum nauibus percurreret, forte quibusdam Indis qui è lintre piscarentur conspectis è nautis suis aliquot scapha propius ad eos accedere iubet, & sciscitari quinam ii homines essent, & quas terras incolerent. Nautæ raptim lintrem assequuti & in eum transgressi, Indis sese adiungunt: atque illi nil conspectu tunc primum à se visorū hominum conterriti, eos etiam, vt pulcros viros, summa cum voluptate aspectabant. Hispani ostreas in piscatorio illo lintre conspiciunt: quas, eduleis esse rati, quum aperuissent, plenas vnionibus reperiunt, vnde maior illis lætitia orta est. Peruenerant ad littus: ibi interram egressi, mulieres Indicas vniones pulcerrimos collo & brachiis gestantes conspiciunt: & illos quidem ei genti adeo viles, vt in vulgaribus & quotidianis feminarum ornamentis simpliciter haberent. Siquidem pro catino fictili, & eo quidem fracto, quem nauita Hispanus Indicæ mulieri dedit, ea illum contra quatuor margaritarum fertis seu lineis munerata est. Ille munere lætus & diues ad naues rediit, omnibus vniones suos ostentans. Quæ ex re incredibili voluptate affectus Almirans, clara voce ceteras naues circumuehitur, & socios affatus: Nos, inquit, ad ditissimam mundi oram appulimus.

INDE propius terræ succedens, Cumanæ fluminis ostium inuectus est. Indigenæ quum viderent carauellas, tantæ molis opera & tam affabrè facta, deinde barbatorum hominum inusitatam speciem demirantes, inter se vulgò dicebant: Quinam aut vnde sunt homines? Supernè, an ex aqua? Mox quibuscunq; sciebant aut poterant nutibus ac signis, per legatos ab Almirante contendunt vt in ea litora egressus, cum ipsorum Cacico congregi velit & sui copiam faciat: quippe illum eius videndi ac cognoscendi auidum esse. His auditis Columbus, etsi omnia beneuolentiæ signa atque indicia præ se ferrent, doli tamen aliquid subesse suspicatus, in terram egredi metuebat. Id postquamprehenderunt Indi, multi eorum carauellas ingressi, Almirantis potestati semetipsos vltro permiserunt, puram omnino ac sinceram amicitiam demonstrantes: neque nauigia tantùm ipsa, velut diuinæ potius quàm humanæ artis opera, intuebantur: sed ad omnia armamenta, ancoras, vela, ancoralia, & singula nauium instrumenta, defixis præ admiratione animis obstupescabant.

ALMIRANS verò ipsos postquam omni comitate excepisset, abeuntes quoq; cultellis, speculis, & tintinnabulis, cæterisque eiusmodi minimi precii rebus muneratus, quam accuratissimè potuit sciscitando exsequutus est, vndènam hæc baccarum & margaritarum decorapeterent. Illi oram maritimam quæ Cubaguam spectaret signis indicabant, ibi se conchas vnionum feraces piscari. Itaque Almirans Hispanos aliquot egredi in terram iubet: eos Cacicus domum suam inuitatos vino epulisque more patrio apparatis, quamquam spurcis, hilariter excipit, quumq; ab illis vniones expeti intelligeret, dat magna copia, vt qui illis abundaret, nec pluris ea faceret quàm apud nos fiunt globuli illi vitrei, quos precatorios vocant. Hispani tantis diuitiis expleti, ad naues redeunt: Almirans mirificè eo commercio contentus inde soluit & Veli-caput circumuectus, mox traiecto mari breui in Hispaniolam appulit, vbi magnos motus & seditionum turbas inuenit.

IPSE vt omnia componeret, scriptis ad Roldanum Ximenem secessionis autorem litteris, monet hominem vt sub imperium præfecti volens redeat, neu delinquere pergat & prauis exemplis Indos ipsos auertere. Quippe non his factis neq; ea via sperandum esse vt illi ad fidem nostram adduci possent: neq; amplissimam illam Alexandri VI. pontificis bullam quæ Regibus Catholicis ditioni suæ adiacere eas terras permiserit, eò spectare vt nouæ illæ gentes indignis modis habeantur: imò potius vt benignitate & honestis exemplis

Columbus frustra seditiones ab Hispanis excitare conpore nititur.

plis alliciantur ad amplectendam sanctam fidem Christi seruatoris & redemptoris nostri.

Calumniæ
Roldani in
Columbos
fratres.

HÆC Almirantis monita & preces aspernatus Roldanus, sectę caput ac principem se gerere perseuerauit: mox etiam Bartholomęi Insulę præfecti actiones apud Regem per litteras criminatus est, sæuitiam ei & tyrannicum imperium obiectans, qui videlicet minimis & leuissimis de causis homines in patibulum ageret: imò præfectos omnes illos suos, ambitiosos & superbos esse: neque se ab illis secessionem fecisse, nisi postquam eos tyrannos, sæuos, & sanguinis humani auidos expertus esset. Postremò Regem quoq; ipsum tandem aliquando re ipsa cogniturū, suę Maiestatis & dignitatis inimicum esse Almirantem, idq; vnum moliri vt Insularum imperium occupet. Et iam aurifodinis solos eius familiares & clientes præesse: ceteris omnibus obseptum esse & clausum earum aditum. ¹ Iudicia ipsa pro libidine & gratia, non iure & æquitate, ab iis exerceri. Ad hæc Almirantem quoque de reperta Vnionum insula Regem quantum in se esset, celasse, vt clandestina præda solus ipse frueretur, & circumuento per pactum aliquod Rege, ditissimam illam insulam sibi vni seponeret. ²

ALMIRANS quoque ipse contrà litteras ad Regem componens, pessimam sceleratorum istorum & flagitiosorum hominum mentem & vitam exponit. Quippe istis nihil prorsus pensi esse, nisi vt quotidianis latrociniis, feminarum stupris & omni scelerum genere, libidinem, sæuitiam & avaritiam expleant: perduellionis quoque ac prodicionis reos omni Dei metu ac pudore posito, per omnem insulam latronum instar vagari. Postremò duas carauellas quę ad fratrem suum Bartholomęum ex Hispania missę essent, cum omni commeatu, auertisse, ac pellectis in suam societatem nauium illarum hominibus, rapiendo & infanda omnia perpetrando certare. Actam fœdis facinoribus commotos multos Insulę Regulos cum maximo omnium damno defecisse, eosq; etiamnum pro commissis pœnas metuentes, si sub imperium redirent, pergere in insania & solutos iugo viuere.

Columbus
Indos perdu-
elles, & sub
imperiu red-
eunt, cle-
menter tra-
ctat.

DVM hæc vtrunque crimina & accusationes in Hispaniam mittuntur, Almirans fratrem cum octoginta Hispanis, in iis equitibus aliquot, mittit aduersus Cacicos perduelles, ³ Illi sex milia armatorum & amplius in acie habebant: sed vbi ad manus ventum est, violento equorum impetu conterriti, & fusi, in densissimas syluas se abdiderunt. Pugnatum deinde est aliquoties cum Gario-nexio & quatuor aliis Cacicis: sed breui profligatis omnibus eorum copiis,

copiis, Cacici montes fuga petunt: mox tamen capti omnes in Almirantis potestatem venire. Porro quum promitterent se amicitiam ipsius colentes sub Hispaniæ regis imperio futuros, tum ut clementiam erga eos suam commendaret, tum ne iniuriarum quas ab Hispanis acceperant, autorem ipsum fuisse existimarent, benignè illos in fidem & gratiam recepit, & rebus nostris donatos, in ditio- nem quemque suam remisit.

1. *Detectis ab Almirante Christophoro Columbo metallicis Provincia Cibao venis, animaduertens Indos colligentes in fluminibus aurum magnis cum ceremoniis: licentiam Christianis auri colligendi non dabat, nisi primum peccata confessi essent, & ad sacram synaxin accessissent. Aiebat enim, si Indi tametsi barbari tali cum deuotione ad auri grumos querendos proficiscerentur, ut etiam viginti diebus à suarum coniugum amplexibus ante abstinerent & ieiuniis se macerarent, affirmabant enim sicum coniugibus se miscuissent, nullum aurum inuenire: aquum esse ut Christiani ab alienis vxoribus abstinerent, & se ad sanctimoniam pararent: Deo enim reconciliatos, auius & securius bona temporalia & spiritualia adquisituros. Verum tam exacta sanctimonia plerisque Hispanis non placebat, atque dicebant, ad vxores quod attineret longius ab illis se esse semotos quam Indi essent; se enim suas in Hispania reliquisse: multos etiam sepius ieiunare quam vellent, quando quidem interdum extrema inedia premerentur, & radicibus siluestribusque fructibus per agros quasitis vesci cogerentur. Confessionem duntaxat semel in anno, videlicet ad Paschatis festum esse mandatam: maximam tamen eorum partem sepius peccata confiteri. Nihilominus tamen Almirans nemini concedebat ad venas auri prosecutionem, nisi iis qui peccata essent confessi & sacram synaxin sumpsissent, & reliquos castigabat qui sine eius vna metallicas venas adibant. Itaque mirum non est si Hispani illi, ipsi indignabantur, ut qui auri grumum pluris facerent, quam totius orbis confessiones & Hostias. Gonzal. Ouied. lib. 5. cap. 11.*

2. *Hæc fuit una ex præcipuis accusationibus (seu potius calumniis) quæ ab inuidis Almiranti Columbo fuerunt intentatæ. Sed qui nullo præiudicio occupati, & secundum veritatem iudicant, aiunt Admiralem, simulac istam Insulam detexisset, illico nobilem virum Arroial ablegasse ad Reges Catholicos, qui hæc illis nunciaret, & simul illis offerret specimen primarum margaritarum quas istic habuisset. Nam, quàm verisimile est illum Reges celare voluisse tantas diuitias quæ in omnium conspectu fuerant detectæ, etiam conscia nautica hominū turba, quæ omnia effutire solet? Ab his enim hominibus originē sumpsit calumnia: quia cum Hispani circiter tria margaritarum tum crassiorum tum minutarum à Cubagæ*

Cubagua incolis redemissent, permutatione quarundam nolarum, & aliarum vilis pretij mercium facta, Admirans metuens ne Hispani his illecebris capti, inde distrahi non possent, diutius istic herere noluit. Nonnulli ex eorum numero qui uniones redemerant, in Hispaniam redeuntes, statim publicarunt eius Prævincia opulentiam, quæ fama multos excitauit ut eam adirent: atq; etiam quibusdam inuidis ansam præbuit calumniandi Admirantem, quod aduentu nautarum qui ipsum in eâ nauigatione comitati erant, & quorundam peculiarium litteris prius ista essent intellecta in Hispania quàm ex ipsius Admirantis ad Regem litteris. Sed mera erat inuidia, quæ omnes Columbi actiones peruertere satagebat, licet ipsa veritas ab eo staret. Gonzal. Oued. lib. 3. cap. 6. Histor. Nat. & lib. 9. cap. 1.

3. Tum temporis in Hispaniola Insula quinque præcipui erant Cacici, siue Reguli, quibus reliqui minores parebant. Horum nomina Guarionex, Beheccio, Goacanagari, Caiagoa, Caonabo. Primus occupabat planitiem in medietate Insulæ, septuaginta aut amplius leucas patentem. Beheccio Occidentalem Insulæ partem possidebat, & Sciaragna Præuinciam.

Goacanagari, siue Guacanarillo (sic enim noster Auctor appellat) Dominus erat Borealis Insulæ partis: atq; in eius regionem prima nauigatione Admirans appulit, & triginta octo Hispanos reliquit.

Caiagoa possidebat Orientalem Insulæ partem, usque ad locum in quo S. Dominici urbs fuit extracta, & Flumen Aina, ab altero latere eius possessio extendebatur ad ostia Fl. Iuna. Hic obiit paulo post quàm Hispani bellum aduersus eum mouissent. Ei successit in Imperio ipsius uxor, quæ Christianam religionem amplexa est, & Agnes de Caiacoa nominata.

Rex Caonabo montana occupabat, & potenserat. Habebat Cacicum quendam cui nomen Vsmatex, Regni vicarium, & Polemarchum, virum strenuum, & qui suos milites adeo animosos reddiderat, ut neque vicinos Cacicos, neque reliquos Insulæ habitatores metuerent. Nam interdum exoriebatur inter illos bellum, tres tamen duntaxat ob causas, nimirum vel limitum iurisdictionum causa, aut piscationis, aut cū aliarum Insularum Caribes, ipsis bellum inferebant, sed tum ut cunque essent discordes Cacici, denuo reconciliabantur, ut iunctis viribus peregrinum hostem expellerent. Gonzal. lib. 3. cap. 4.

Quantum ad bellum quodcum Christianis gesserunt, ortum id est, quia Christophorus Columbus arcem nomine Diui Thomæ dictam extrui curarat apud venas metallicas Cibao: cui præfecerat Alphonsum Hoiedam cum quinquaginta Hispanis, cū ut venas tueretur, tum ut
nomen

nomen Christianis acquireret inter barbaras illas nationes. Sed simul atq; intellexerunt Almirantem in Hispaniam denuo profectum, Indi arma sumpserunt, praesertim Caonabo qui eam Prouinciam possidebat, & agrè ferebat Hispanos adeo sibi vicinos, & ita oberrantes, libidineq; & omnibus sceleribus per insulam grassantes. Collegit igitur ad quinq; aut sex hominum millia, atque inter reliquos, multos sagittarios, Septentrionalis Insula partis tum incolas; ea voluntate ut arcem obsidione cingeret, flammis vastaret aut omnino dirueret, in ultionem scelerum ab Hispanis commissorum in subditorum suorum coniuges & filias: existimans se non minus facile istos oppressurum, quam Goacanagari octo & triginta illos Hispanos, quos Almirans prima nauigatione istuc reliquerat. Obsedit ergo arcem mensis unius spatium tam arctè, ut neminem obsessorum egredi pateretur. Sed Praefectus Hoieda, prudentior & magis vafer Caonabo, animaduertebat non vi agendum esse cum istis hominibus furentibus, sed temporis mora illorum furorem infringendum & bilem sedandum. Ea de causa, diuturna aliquot mensium, obsidione domandos censuit, leui eruptione interdum in illos facta, ad vires illorum periclitandum.

Tandem ut illos falleret, simulauit se viribus diffidere, & pacem cum illis inire velle: atq; eadem opera, aliquorum Indorum amicorum ministerio per hostis castra rumorem dissipari iussit Almirantem Christophorum aduenire cum magno Hispanorum militum numero, ut obsidione arcem liberaret. Is rumor Indos iam remissiores effecit ut ipsi cum suo Rege Caonabo facilius inclinarent ad pacem. tametsi alij Cacici dissuaderent, pollicerenturq; & milites & facultates ad exigendos ex Insula Hispanos. Grauis ergo fuit eius error, quem consequuta est etiam ipsius ruina. Nam sub prae-textu fidei quam illi Hoieda sanctè iurauit, se in arcem cum primariis tribunis pertrahi sinit. Hispanus autem iam illum in sua potestate habes, causas prae-textuit cur eum non dimitteret, sed pro vade retinere vellet.

Fratrem habebat hic Caonabo virum strenuum & Indis charum, qui fratrem vi liberare cupiens, & tot Christianos se capere posse existimans, quorum permutatione ipsum & eos qui cum fratre captiui detinebantur, redimere posset: collegit ad septem millia sagittariorum, quos in quinq; acies distribuit, & D. Thoma arcem denuo obsidione cinxit. Acceperat tum Hoieda aliquot equitum subsidium à Bartholomaeo Columbo, sic ut circiter trecentorum hominum numerum conficere posset. Parua hac manu tanto impetu in Indos irruit, ut illos facile profligaret: nam cum nunquam tale pugnae genus experti essent, neque equites pyxidibus igni uomis aut lanceis armatos conspexissent, attoniti sunt ista equitum

agilitate per medias ipsorum cohortes ruentium & eos cadentium, neque resistere potuerunt, capto etiam Caonabi fratre.

His auditis Bartholomaeus Columbus, statuit consultum fore, si Caonabo cum fratre & aliquot aliis Insula primatibus in Hispaniam ablegaret: sic enim reputabat, ipsos istuc in insula captiuos detinere, neque decorum, neque suo statui commodum futurum; & deterius adhuc fore si illos liberaret: nam Caonabo unus ex primariis & potentioribus insula Cacicis siue Regulis esse, & quamdiu viueret, in Hispaniola insula nunquam bellum defuturum. Itaque statuit illos imponere in binas naues carauellas dictas, quae anchoris firmatae omnino paratae erant ut velis sublatis in Hispaniam cursum tenerent.

Sed ubi Caonabo atque eius frater intellexerunt in Hispaniam ad Regem Catholicum mittendos, tantus mœror eorum animos occupauit, ut frater moreretur decem aut duodecim diebus ante quam naues soluerent: & ipse Caonabo breui subsequeretur. Nam naui impositus mœrore etiam contabuit ante quam in Hispaniam perueniret. Hac ratione tota eius prouinciam Hispani pacifice occuparunt: & Caonabi uxor Ana Caona nuncupata, acris pro Inda, ingenij, discedens ex mariti prouincia, in Sciaragua regionem ab ipsius fratre Cacico, cui nomen Behecchio, possessam, se contulit: apud quem summo in honore habitae est. Postea Gubernator Nicolaus Ouandus anno M.D.III. illi gulam laqueo frangi iussit, qui cum aliis quadraginta Cacicis in necem (ut aiebant) conspirasset omnium Christianorum qui in Prouincia Sciaragua commorabantur.

Eodem fere quo Caonabo D. Thoma arcem obsidione premebat tempore, Cacicus Guarionex reliquos Insula Cacicos conuocat & ad quindecim aut amplius Indorum milium exercitum cogit, ut Christianos qui cum Bartholomaeo Columbo erant, opprimeret: nulla enim ratione ferre volebant, ut Christiani pedem figerent in Insula, vel metuentes rerum statum ab illis immutatum iri, vel indignè ferentes suos ritus & caeremonias palam ab Hispanis ludibrio haberi. Animaduertebant præterea commodiorem occasionem, quam istam, sese offerre non posse. Nam pauci in Insula restabant, maxima eorum parte aut morbis aut laboribus quos pertulerant absumpta. Deinde breui expectabatur Almirans Columbus qui in Hispaniam nauigauerat, ut supplementum militum adduceret. Itaque rebus Christianorum ita afflictis, atque illo absente, eos opprimendos esse censebant.

Bartholomaeus Columbus his intellectis, censuit non esse expectandum, donec hi Cacici Isabellam obsessum venirent: sed ut Dux strenuus, eductis suis militibus ipse hosti obuiam procedit, nullo loco quiescens do-

nec proximus illi fieret. Cum verò milites quos ducebat quingentorum numerum non excederent, & plerique aduersa valetudine afflicti essent, astu potius quam vim cum hoste agendum aestimauit. Animaduertens itaque hostes metu solutos, nullas excubias circum exercitum collocasse, nunquam enim putassent Columbum noctu eos adoriturum: ista occasione usus est. Suos itaque paratos esse iubens, primis tenebris mouit, & nocte intempesta ad Barbarorum castra perueniens, facta duobus è lateribus impressione ea adoritur: illi altum dormientes strepitu excitantur, fugam capeffunt: velocissimi quique noctis & tenebrarum beneficio periculum euadunt, plurimi concisi, maxima pars capta: E captiuorum numero fuerunt ipse Guarionex, cum quatuordecim aliis Cacicis. Hæc victoria contigit circa locum illum in quo postea extructum oppidulum Benotantumque nomen hac victoria per eam insulam adquisiuerunt Hispani, ut incolæ ex eo tempore depositis armis, Hispanis se subiicerent. Verum quidem eam gentem, totius Indię occidentalis maximè imbellem fuisse. Eam ob causam animum statim abiecerunt. Quetacæ autem Brasiliæ, aut Caribes Veraguæ, non tam cito domiti fuissent.

Post victoriam, Bartholomæus Columbus existimans se commodam occasionem nactum, ad firmandam perpetuam pacem inter Indos & Christianos, Guarionecem & alios Cacicos liberos dimisit cum maximè tolerabilibus conditionibus. Ita ut iste Guarionex Hispanos postea semper humaniter exciperet, quotiescunque per ipsius ditionem iter facere contingeret. Quidam negant hunc Cacicum prælio interfuisse: sed suum vicarium, Cacicum Maiobanecem misisse, qui captus fuerit: eodem autem bello Guarionecis uxorem captam etiam fuisse: cuius redimenda causa ipse Guarionex pacem cum Hispanis factururus aduenerit. Sunt etiam qui dicant, hæc omnia à Bartholomæo Columbo confecta absente fratre. Alij, è quorum numero noster Auctor, ipsum Almirantem præsentem fuisse affirmant, atque auctorem fuisse ut Cacici humanius tractarentur. Gonz. Ouiedus. lib. 3. cap. 1.

& 2. Gomara suæ Historiæ
cap. 22.

¶ Columbus inimicorum calumniis honore deiicitur. Bambadilla ei succedit. Hic in Hispaniam reuertens, coorta tempestate, cum multo auro mergitur.

C A P V T X I I.



Hispani nobiles Columbo inuidentes non vera virtute, sed astu & calumniis in eum grassantur.

QVUM toti in eo essent Almirans & eius frater vt Regulos & rebelles populos in Regis fidem reducerent, eodem tempore literæ tum ipsius Almirantis, tum Rolandi in Hispaniam perueniunt: quæ res non mediocri dolore Regem ac Reginam affecit, quum res Hispaniolæ adeo turbatas & miserum insulæ statum intelligerent. Iam in Aula sparsus rumor auri inter nobiles, & vulgatæ opes quas ingenti copia flumina ipsa vltro funderent, omnes auaritia incenderant. Nemo erat ex ipsis quin talem Præfecturam obtinere ardentissimè appeteret: nemini tamen ad id petendum satis audentiæ erat, propter ingentem opinionem quam de Almirante Rex & Regina habebant. Itaque alia via grassari, & optata ad eum finem cui inhiabant, perducere instituunt. Ergo isti Nobiles per omnem Aulam spargunt Columbum & eius fratrem, iam partis opibus quæ priuatum modum excederent, Insulas vsurpare velle, & nuper repertæ oræ omnis principatum inuadere. Idque non obscuris manare indiciis, quantum ex multorum & quidem dignorum fide hominum literis colligi posset: tum videlicet ex ipsa auri effodiendi ratione, tum quòd ex eo pauculum in Hispaniam mitterent. Adhæc, quod multò peius esset, quum Hispanos paulatim specioso prætextu alium alia de causa tollerent, quorum id spectare, nisi vt iis de medio amotis, soli fine arbitris destinata sua facilius perficerent? Hæc & similia frequentibus susurris ac rumoribus per Aulam adeo increbuerunt, vt ad aures vsque Regis ac Reginae deferrentur: nec deerant interea æmuli qui hæc occultis flabellis in Regum animis accenderent, quo grauior criminantium esset autoritas.

REX ipse, ne quæ ad status sui detrimentum spectarent, lentius accipere videretur, totius rei veritatem cognoscere & Prætorem eò mittere instituit, qui quæreretur cur tantum auri allatum non esset quantum se missurum promisisset Almirans. Cuius profecto intermissæ pensionis non alia causa erat, quam quod inter domesticas discordias, & sociorum defectiones atque inde exorta bella, aurum effodi non potuerat.

His ita constitutis, Rex nouo Insulæ præfecto Francisco Bombadilla designato, quæstionem de intestinis dissidiis decernit, & de causis discordiarum Columbi & Roldani cognoscere iussum, amplaque autoritate & potestate imperii instructum mittit. Is cum hac commissione & mandato Regio è Calicio portu anno M. CCC. XCIX. quatuor carauellarum classe instructa soluens, in Hispaniolam traiecit. Almirans & Bartholomæus frater, noui Præfecti appulsi audito, ad eum honorificè excipiendum, vt regio missu venientem reuerenter obuiam egressi sunt. In portum vt peruenerant, rati, vt sibi, sic alius sincerum animum esse, pro amica complexus ac salutationis vice, capti fratres in vincula traduntur. Mox iniectæ vtrique catenæ, & seiuncti alter ab altero, quò grauius dolerent, duabus Carauellis in Hispaniam mittuntur. Miserabilis equidem casus, ac mutationis rerum humanarum exemplum memorabile: eum qui paulo antè in maximo honoris fastigio fuisset apud potentissimum Regem, propter repertas illi propria virtute & excelso ingenio adeo nouas & diuites terras: cui, si Græcorum aut Romanorum veterum tempore vixisset, aut alterius cuiuslibet liberalis & munificæ gentis, meritò statua fuisset erecta, ac fortè, vt numini, templum & diuini honores decreti essent, eum (inquam) nunc malignitate atque inuidia hominum afflictum & vinctum adduci: cuique ob tanta in Regem merita vlla satis digna gratia reddi nequibat, eum tam atroci iniuria affici vt nullo nouo beneficio expiari posset. Simulac celoces in Hispaniam peruenerunt, & nunciatum Regi tam claros viros compedibus vinctos adeo fædo ac miserabili habitu adduci, motus in misericordiam Rex cursore Calicium missio, emitti illos è custodia & leuari vinculis iubet: deinde splendido comitatu cultuque vt talibus viris dignum erat, in conspectum suum venire. Vt in Regiam peruenerunt, comiter excepti & auditi sunt ac quum ibi obtinisset veritas, poenæ in noxios decretæ.

Bombadilla
sua potestate
aduersus Co-
lumbum fæ-
dè atque im-
potenter abu-
titur.

Regis Hisp.
pudor ingra-
titudinem Hi-
spanorum
damnat.

POSTQVAM gubernator nouus Bombadilla Columbos captiuos in Hispaniam miserat, Roldanus cum aliis secessionis sociis sub imperium rediit. Ibi tum rursus omnes vno consensu miseros insulares in aurifodinis demergere & immodico labore vexare: quibus videlicet nihil pensi erat, nisi vt horrendam illam auri famem quam maximè explerent & ingurgitarent. Dum ea geruntur, Rex Ferdinandus, cui hæc dudum animo cura infederat, qua maximè ratione res Hispaniolæ Insulæ turbatas, necdum bene sedatas, pace & iustitia componeret: abrogato Bombadillæ imperio, Nicolaum Olandam Proregis titulo & autoritate, eò mittit. Is è portu S. Lucari sol-

Auaritia fem-
per crudelis.

„Quandam
alii vocant.

Bombadilla
prouincia de-
cedit.

Iusta Dei vin-
dicta in aua-
ros & crude-
les.

uenstriginta nauium, partim liburnicarum, partim celocium, clas-
se, quadagesimo demum die Insulæ applicat. Bombadilla vbi ma-
iorem potestatem & successorem adeo potentem superuenisse vi-
det, decedere illico prouincia, & iisdem illis nauibus quas Prorex ad-
duxerat regredi in Hispaniam, statuit. Ergo, imposito multo in na-
ues auro, quod amplius centum quinquaginta millium ducato-
rum pretium æquaret: ac multos præterea rudis auri grumos, in iis
vnum inusitatæ magnitudinis, & ponderis trium millium ducato-
rum, quem Regine seposuerat, secum referens, vela in Hispaniam
fecit. Eum sequuti sunt Roldanus Ximenez & alii aliquot militares
duces, cum amplius quadringentis Hispanis, qui omnes auro gra-
ues & locupletes cum eo soluere. Hic animaduertere operæpretium
est, quantum vindicandis hominum sceleribus Dei iustitia polleat,
ac ferio cogitare omnes thesauros ac diuitias nostras, in quibus tan-
topere spem ac fiduciam nostram defigimus, somnia prorsus vana
atque vmbra inanes esse. Ecce atrox in mari tempestas coorta rapit
difficitque classē: vigintiquatuor fractæ naues & fluctibus ita hau-
stæ sunt, vt nemo in terram enauerit: demersus Bombadilla, demer-
sus Roldanus, & maxima pars Hispanorum periire: ipsorum quoque
manubias & thesauros, ac sepositum Regi Reginaeque aurum mare
absorpsit: postremo iurgia, lites, & querelæ eorum, quemcunque exi-
tum habituræ essent, mature ibi finem inuenere. Insulares Indi,
quum naufragium Roldani & aliorum Hispanorum à quibus in
eruendo auro durissime vexati erant, pro certo accepissent, lætari &
hilarescere, vulgò inter se dicentes: Enimuero isti quidem nos dein-
ceps in aurifodinis non detinebunt, neque in tantis æumnis, quan-
tis solebamus, trahere animam cogent.

1. *Hic Franciscus Boadilla seu Bombadilla vetus erat aulicus, e-
ques ordinis Calatrauani. Sunt qui dicant eum nullum mandatū Ami-
ralli capienti à Rege Hispaniæ habuisse, sed tantum missum fuisse, vt iu-
ri dicundo præset, ac inquireret quibus de causis Roldanus & eius socij
se se ab Amiralli obedientia subtraxissent. Sed vt ut sit, quum primum
appulit, tres fratres Columbos, Christophorum, Bartholomeum & Di-
dacum comprehendi iussit, quos tribus nauibus separatim impositos, ac
compedibus vinctos in Hispaniam transportari curauit, vbi in manus
præfecti Cadum traditi sunt, donec Rex & Regina quid de iis fieri vel-
lent indicassent, Acta processus eorum simul cum ipsis missa sunt, quibus
continebantur causæ propter quas in vincula coniecti fuerant. Sed veræ
causæ non proferebantur.*

*His auditis Rex & Regina statim iussere vt dimitterentur, atq; in
aulam*

aulam veniendi facultas ipsis daretur. Vbi Amirallius Rege Reginaq̃ salutatis, ac lachrymis obortis, sese purgavit à calumniis, quibus grauabatur, veluti quòd voluisset inuentionem insula gemmarum suppressere, & ab aliis non minus impudentibus. Statim à Regibus dignitates pristina, reditus & stipendia, quæ ab eo tempore quo in carcerem coniectus fuerat ipsi ablata erant, restituta sunt. Noluerunt tamen ut ad Indiarum gubernationem rediret, quoniam animaduertebant nimiam esse morum ipsius cum Hispanorum moribus antipathiam. Cum enim vir esset integer, & gratiam Dei in se collatam in orbe illo ignoto reperiendo agnosceret, agrè ferebat tam egregium donum libidine, vitæq̃ inordinata Hispanorum contaminari, atque Indos, quos ad Christum adducere conabatur, instar asinorum & mulorum haberi.

Quod ad Hispanos attinet præterquam quod illibenter imperium extranei patiebantur, multo iniquius ferebant, si quando per insulam grassati fuissent, aut Indum aliquem percussissent aut spoliassent, se iussu Columbi aut virgis cadi aut laqueo suspendi. Reges ergo metuentes ne ex tanta naturæ & morum antipathia, diuisio aliqua & distractio oriretur, unde illarum regionum amissio & iactura tandem sequeretur, Columbum à præfectura & gubernatione noui orbis submouerunt, atque alium substituerunt. Qua in re forte Tiberij imperatoris consilium secuti sunt, qui cū præfectos ad prouincias imperij regendas missurus erat, non eminentes virtutes sectabatur, & rursum vitia oderat: ex optimis Cornel. Tac.
lib. I. Annal. periculum sibi, à pessimis dedecus publicum metuebat. Sic Reges isti Catholicici Christophorum Columbum dimiserunt tanquam nimis iustum & seuerum, ac cum Hispanorum moribus, qui omnia sibi licere volebant, minus conuenientem: illumq̃ Bombadilla suffecerunt, qui indulgere ac eorum studiis se accommodare nouerat. Sed res illis male cecit, nam simulac hic Bombadilla illuc peruenisset, ita sese illis accommodauit, ut breui inter ipsum & Roldanum (id est, inter iudicem & latronem) bene conueniret, totumque damnum in miseros Indos recideret, quos tum ipsi tum alij multi priuati, ipsorum exemplo, in fodinis ultra modum laborare cogeant, idq̃ ab anno 1499. ad annum 1502. quo Bombadilla ab illius insula gubernatione summotus, potestatem in Hispaniam redeundi accepit. Sed antequam eò perueniret, ultione diuina eum persequente misere periit, atque ut Roldanus ipsi in vita sic & in morte obeunda societate coniunctus est.

2. Anno 1562. Nicolaus d' Ouando magister equitum Larezi, Hispaniole præfecturam suscepit, Bombadilla autē parauit se ad redeundum in Hispaniam cum Regis venia, plusquam centies mille pondo auri fusi secum deferens, simul & multa auri grana qualia reperta erant miranda

randæ magnitudinis, inter quæ unū erat quod cum minerali suo 37. pondo, hoc est circiter 3600. Castilianos aureos pendebat, detractisq; tribus mineralis, quod inerat, pondo, 3300. Castilianos æstimari poterat. Hispani visatæ auri massa mirificè latati sunt, cumq; porcellus affaretur, unus ex iis socios suos sic affatus est: iam dudum cupivi ex disco aureo cibum sumere, cumq; hoc granum sit eiusmodi, ut ex eo multi disci confici queant, imponamus ipsi porcellum nostrum, quem esuri sumus. Conenserunt alij, ac porcellum de veru detractum imposuerunt diuiti illi disco, qui tantus erat, ut totum porcellum facile caperet, eumque sic comederunt.

Hoc granum auri, in mari periit cum reliquis rebus quas secum deuehebat Bombadilla, qui ex Hispaniola soluit cum classe triginta nauium tempestate valde incommoda, contra Christophori Columbi consilium. Amiralius enim Columbus, qui ex Hispania profectus erat ad quarendum sinum aliquem, quo in mare meridionale nauigari posset, (hac autem fuit quarta & postrema eius in Indiam nauigatio) illuc forte fortuna appulit die vno aut altero antequam classis illa ex S. Dominico solueret. Cumq; vno tantum miliari à portu S. Dominici abesset, prefectus nauem ipsi obuiam misit, nunciatum, cauere ne portum ingrederetur. Amiralius responsum tale illi referri iussit, se cum ita ipsi visum sit, obtemperaturum, sed interim orare ipsum, ne sinat ut classis illa mari se committat: non enim opportunum sibi videri tempus ad nauigandum, quod ad se attinet, se alium portum tutum quesiturum, cum ille sibi denegetur. Sic Columbus bonum pro malo rependit iis qui ipsum vinctum & compedibus constrictum in Hispaniam miserant, ingressuq; regionis eius quam repererat prohibebant.

Sed contemptum fuit eius consilium: quod male cessit illis. Vix enim octo vel decem milliaria in mare progressi erant, cum ecce horrenda tempestas oritur, ita ut ex triginta illis nauibus magnis, quatuor vel quinque tantum euaserint, perierintq; in illo naufragio plusquam quingenti Hispani. Inter quos insigniores erant perditus ille nebulo Roldanus, qui aduersus Amiralium seditionem concitauerat, item Antonius de Tortes copiarum militarium prefectus generalis, ac ipse Bombadilla cum multis aliis, qui labores plurimos in terra spolianda ad mare ditandum susceperant.

Ouied. lib. 3. c. 7. & 9.

¶ Alphonsi Ninni in Indiam Occid. nauigatio. Quanam primò fuerit Indicarum gentium de Hispanis opinio. Hispani se Christianos & filios Dei esse apud Indos venditant, sed mox longe aliud re ipsa & factis se esse produnt.

C A P. X I I I.

IN multis Hispaniæ locis de vnionum diuitiis, ab Almirante in Cubagua & Cumana repertis, rumor latè manauerat: & ea res multorum animos ea visere cupientium commouerat. Id vbi cognitum Regi, expresso ipse edicto, grauibz pœnis constitutis vetuit nequis nauium magister nauclerûsve CC. millia propius (id est L. leucas) oras à Columbo repertas, absque suo permissu, nauibus accederet: liberam tamen interea potestatem omnibus faciens, quascunq; alias terras & Insulas nondum cognitâs pro arbitrio quærendi.

Edictum regium.

ERG O per eos dies Alphonsus Ninnus, naue vnâ cum triginta quatuor Hispanis, eo consilio vela in altum dedit. Inter eos Hispanos fortè nonnulli Almiranti adfuerant, quum Cubaguam reperisset. itaque vt Indiam attigerunt, neglecto Regis mandato, diuitiarum cupidine Pariensem inuecti sinum, Cumanæ, Amaracapanæ & omnem eius tractus oram iam ab Almirante repertam legere instituunt. Ibi etiam Alphonsus cum sociis in terram egressus ab ea gente comiter exceptus est: mox inito quoque commercio, quum merces magna vnionum copia permutasset, diues in Hispaniam regreditur: sed in itinere de vnionum partitione lis inter ducem & milites exorta est. Hispaniam verò vt videre, Hispalis portum fugientes, ne constituta à rege pœna plecterentur, quod oras à Columbo repertas tentassent, nauem in Galleciam dirigunt. Attamen simulac in litus exiere, nauales focii aliquot eius prouinciæ Præfectum adeunt, Alphonsum insimulant, nec tantum spreto Regis edicto litora ab Almirante reperta circumuectum referunt, sed peculatus quoque criminibus vrgent, quod fraudata Regis quinta, ingentem margaritarum vim interuertisset. Præfectus corripit hominem & custodia claudi iubet: ac tandem, vbi in carcere maximam vnionum suorum partem consumsisset, vinctum eum ad Ferdinandum Regem mittit.

Alphonsi Ninni nauigatio.

ANTEQVAM vltrâ progrediar, age hîc plenè exponere mihi libet, quanam esset earum gentium de Christianis opinio, vbi pri-

Variz Indorum de peregrina gente opiniones.

mum eos nouis illis terris appulsoſ vidēre. In primis ergo tenendum
 eſt, vbi principio Hiſpani in Indiam nauigantes ad eas prouinciās ac
 præſertim nouæ continentis oram appulerunt, quā ſeptentrionali
 Oceano alluitur, Indos, quum ad eōs velut ſimulacra verſi defixis
 præadmiratione animis ſtarent, vulgò dicere inter ſe conſueuiſſe: Vnde
 aut quibus è terris gens iſta barbata venit? Mox quum enſes, ve-
 ſtis & cultus ſpeciem, inde nauigia ipſa, vela, rudentes, ancoras & ce-
 tera nauium armamenta, intuerentur, tum planè obſtupefacti, poſt-
 quam inuſitatam rerum ſpeciem iterum atque iterum fixis oculis
 contemplando hauſiſſent, de illis pro ſe quiſque alius aliter iudici-
 um ferebant. Nonnulli dicebant tempeſtate aliqua eo fuiſſe eie-
 ctos: alii qui bombardarum fragorem audiſſent, cientem tonitrua
 in nubibus gentem è cœlo in terras deſcendiſſe credebant: alii deni-
 que obturato ore incerti & confuſi reſtabant, quum de tam nouo
 hominum genere nihil affirmare haberent. Quos quidem pleriq;
 locis æquis oculis indigenę, velut rem nouam intuebantur: alii con-
 tra haud ſatis libenter excipiebāt, quum ex ipſo vultu gentem aſpe-
 ram & ferocem eſſe coniectantes, amicitiam eorum detrimento ſi-
 bi potius quàm emolumento futuram iudicaret. Itaque ſæpenu-
 mero vt appulſi & in litus egreſſi erant, eorum locorum accolæ ſa-
 gittis obuioſ conſigebant, ſaxis etiam eos & miſſilibus violenter
 ſum mouentes, naues repetere trepida fuga compellebant. At in eas
 oras quum incidiſſent Hiſpani, vbi aduentus & conſpectus eorum
 indigenis gratus eſſet, ſummiſſi & ſupplices vltro Reguli obuiam il-
 lis ad ſineis exhibant, rogabantque per ſigna vt ſuas terras libentes
 inire vellent: nemo illic erat qui eos hoſpitaliter in mapalia ſua inui-
 tatos appoſitis epulis ſumma cum lætitia non exciperet. Hiſpani ve-
 ro coniectis in vniones oculis quos Indi vulgò brachiis & collo ge-
 ſtabant, protinus concupiſcere & occulta cura incendi quomodo
 iis potirentur: quumque præterea Indis nares baccis onuſtas, eranis,
 ſmaragdis, & auro cernerent, petere tandem vltro audebant: & illi
 ſimplices ac parum aſtuti homines, quum & illa vilia haberent, li-
 benter omnibus & magna copia dabant.

Barbari ho-
 ſpitaſes Hi-
 ſpanorum a-
 uaritiā in-
 uitant.

Splendida
 verba ſi res &
 facta reſpon-
 diſſent.

Dum hæc amica commercia & congreſſus vtrinque agitantur,
 alii alios, vt poterant, per ſigna & nutus variis de rebus perconta-
 bantur. Indi ſcire volebant, vnde venirent Hiſpani, & qua gente or-
 ti eſſent. Illi ad hæc ita reſpondebant, Se Chriſtianos eſſe, filios Dei
 creatoris cœli & terræ: in eas oras miſſos à ſummo viro Caſtellæ Re-
 ge & à Papa cœleſtis ſeruatoris vicario, vt res magnas & conſolatio-
 nis plenas per orbem terrarum vulgarent: ac breui vnde veniſſent

reuer-

reuersuros. Indi quum dictis eorum fidem haberent, & reuera ita esse crederent, rati se eorum aspectu vltius non fruituros, ad eorum spectaculum multi quotidie concurrebant, & qui eos contingere & aliquo munere donare poterant, felices se existimabant. Mox vero Indi, vt disgressis illis venire alios, & iam ædificia moliri, commorari in suis finibus, & infanda in se ac suos facinora & contumelias edere, aurum, vniones & gemmas insatiabiliter flagitantes, viderunt: tum demum queri & dicere inter se: Hæc facta verbis non respondere. quippe illos se filios Dei vocasse: sed apparere haud dubiè illis alium, & quidem malum, dominum ac principem esse: quando ab illis ipsius mandatu & priuarentur libertate, & in seruitutem redigerentur, & interficerentur: neque hæc esse opera eorum qui è cælis descendissent. Postremò non veros & bonos Dei filios esse, qui accepto beneficio maleficio redderent. Illos quidem bonis & commodis verbis vti, sed facinora fœda perpetrare.

Indi de arbore ex fructib. iudicium faciunt.

ERANT etiam inter eos qui dicerent: Qualis, malum, Deus iste est, qui tam impuros ex se filios & sceleratos homines progenit? Si pater quidem ille filiorum similis est minimè bonum eum esse oportet. Hec & similia vulgò inter se colloquentes iactabant.

Nomen Dei blasphematur inter Gentem, propter Hispanos.

EQVIDEM si Hispani vbi primum eas terras attigerunt, perinde vt crudelitate & avaritia grassati sunt, sic iam inde ab initio benignitate & clementia earum gentium animos sibi conciliaissent, atque eodem tenore perseuerassent in iisdem exemplis: haud profectò dubitauerim futurum fuisse vt agreste illud hominum genus non tantum cum ratione viuere disceret: sed etiam virtutis atque honoris studio, & Christiani nominis vtilitati animum adiungeret: neque sequenti tempore inde tot Hispanorum clades, nec tantæ Indicarum gentium vastitates accidissent, quantas postea memorabimus: sed vt nunc implacabili odio alii ab aliis dissident, ita socialem inter se cum mutua reuerentia amicitiam colerent.

Homines non vi & malo, vt fera, sed beneficio domandi sunt.

Initio Hispani miseris istis Indis multa absurda persuadere conati sunt: atq; inter reliqua, animaduertentes illam gentem Idololatram esse, & Solem venerari, vt tanto melius exciperentur, Solis filios se profitebantur, atq; ex ea regione aduenire, in qua ille oreretur. Quod facile persuadebant, quia observabant venientes è regione ipsis orientali, deinde eorum tormenta igniuoma esse.

Verum vt magis perspecta fiat eorum (quantum ad hanc rem attinet) simplicitas & ignorantia: ne tadio adficiatur Lector lectione brevis dialogi habiti inter Indum quendam & Centurionem Hispanum, missum abs Domino Antonio Mendozza Prorege Hispaniæ nouæ, vt

Occidentalem Regni Menicani oram detegeret anno M.D.XL. Hac igitur sunt ipsius Centurionis verba.

„ Meus (inquit) interpretes intellexit eum, qui ad nos tendebat cymba
 „ vectus, reliquis dicentem: percontatum eo quinam isti sint, vndenam ve-
 „ niant, sintne sub aqua nati, an supra terram, an cœlo delapsi. Audito eius
 „ sermone, maxima Indorum multitudo aduenit properans, tanquam ad-
 „ mirans & attonita quod meloquentem audirent: iste autem Indus sub-
 „ inde ad illos ibat & cum ipsis sermones conferebat alia lingua meo inter-
 „ preti incognita Tandem renunciari iussi Indo qui de nobis percontaba-
 „ tur, Nos Christianos esse, è procul disita regione ad ipsos aduenire. Inter-
 „ roganti verò, quis me misisset: respondi, Solem, digitis innuens, ut ante,
 „ neme in sermone variantem deprehenderet. Sed ille rursus. Quâ fieri po-
 „ test ut Sol te miserit, quando quidem tam alte supra nostra capita fertur
 „ nusquam quiescens, sed nec nos, nec qui inter nos maxime senes, unquam
 „ viros vobis similes conspeximus, nec unquam de similibus audiui-
 „ mus: nec Sol hactenus ullos vobis similes, aut alios, ad nos misit. Respon-
 „ di, ve-
 „ rum quidem esse, Solem valde alte iter conficere; sed eos facile posse obser-
 „ uare, in ortu & occasu magis vicinum esse illi Regioni in qua habitaret,
 „ praterea ex eodem semper loco egredi. Ipsum me generasse in illa ipsa regio-
 „ ne unde exiret, ut etiam pleròq; alios quos aliò ablegauerat: mandatum
 „ praterea mihi dedisse, ut hoc flumen & eius accolae inuiserem, ipsos com-
 „ pellarem, cum illis amicitiam contraherem, illisq; donarem quibus care-
 „ bant: deniq; monerem, ne amplius sese mutuis bellis conficerent.

„ Adhæc ille. Cur Sol te ad nos maturius non misit ad componenda
 „ nostræ bellæ iam inueteratæ, in quibus tot ceciderunt viri? Respon-
 „ di, ma-
 „ turius venire non potuisse ob teneram ætatem. Ille ad meum interpretem
 „ conuertens sermonem, interrogat, an bello à nobis captus sit, an vi no-
 „ bis cum illum pertrahamus, an vero sponte nos sequatur. Respondit, se
 „ non cogi, sed voluptatem ex nostra consuetudine capere. Rursus interro-
 „ ganti Indo, cur ipsum solum circumduceremus qui eorum sermonem in-
 „ telligeret, atq; quare sermone uniuerso orbi cognito non vteremur, quan-
 „ do quidem filii Solis essemus, respondit interpretes, se non minus Sole geni-
 „ tum quam nos, & ab ipso sermonem accepisse, quo ipsi ab eo intelligeren-
 „ tur, & ipse eos, meq; & reliquos intelligeret: Praterea Solem non latere,
 „ quod istic habitarent: sed cum multa alia haberet expedienda, tum etiam
 „ ob teneram meam ætatem, non voluisse nisi nunc temporis me ad ipsos ab-
 „ legare.

„ Tum Indus conuerso ad me vultu, Venisne igitur tu (inquit) ut
 „ sis noster Princeps? & debemusne tibi inservire? Ego æstimans agre latu-
 „ rum, si annuerem, respondi, Non eo venisse ut illis imperarem, sed ut eo-
 „ rum

rum frater & amicus essem, communicaturus cum illis qua haberem. „
Ad hac ille rursus. Genuitne te Sol, ut & reliquos de quibus modo loque- „
baris: & an essem illi sanguine iunctus aut filius. Respondi filium esse. Ille „
sermonem prosequens, interrogat, an mei comites etiam Solis liberi essent, „
negavi: illos tamen illustri familia natos, & ex eadem regione oriundos in „
qua natus eram.

Tum ille sublata voce. Quandoquidem tam multa commoda pra- „
stare nosti, & bella nostra intestina abhorres, filiusq; Solis es, te pro Prin- „
cipe nostro agnoscimus, tibiq; semper inservire volumus, atq; eam adeo ob „
causam petimus ne à nobis discedas. Et subito conuersus ad suos, refert, „
me Solis esse sobolem, propterea debere eos unanimes voce me pro suo Do- „
mino agnoscere. Hæc audientes Indi, valde attoniti, singuli ex ordine me „
contemplaturi accesserunt.

Et paulo post. Postridie mane, unus ex eorum primoribus nomi- „
ne Naguachato ad me venit, orauitq; ut istic excensionem facerem: ha- „
bere enim se plurimam annonam qua me donare vellet. Nec abnuī, ani- „
maduertens me tuto loco esse: simulatq; pedem in continenti fixi, senex qui „
dam liba ex Mayzi farina confecta gestans, & paruas quasdam cucur- „
bitas, ad me accessit. Vicinus factus, altissima voce me compellat, multas „
gesticulationes brachis & toto corpore faciens, iubetq; me faciem conuerte „
re ad magnam populi frequentiam, qua in littore erat. Ille etiam sese ad „
eos conuertens ait, SAGVYCA (hoc est, Iste est vester Dominus) omnesque „
responderunt, Hv, quod eorum idiomate, Ita, significat. Tum senex ille „
depositis humi qua gestabat, & quidpiam de singulis sumens, primum So- „
li obtulit, deinde tantundem mihi (licet postea mihi omnia donaret) atq; „
consequenter omnibus qui mihi aderant.

Rursus paulo post. Alio etiam loco, Senex ad eundem, quo superi- „
or, modum, in littore stans, mihi attulit cibaria iisdem ceremoniis quibus „
alter: atq; adstantibus dicebat: Hic est noster Dominus & Princeps. „
Et vos scitis quanto iam tempore audiuerimus nostros auos narran- „
tes, in orbe esse nationem albam & barbatam: verum eos ludibrio habe- „
bamus. Sed nec ego iam senex, nec quisquam eorum qui nunc senilem æta- „
tem attigerunt, videre meminimus nationem huic similem: quod si cre- „
dere nolitis, considerate quæso omnes eas qua secundum hoc flumen habi- „
tant. Benigne ergo illos excipiamus, quandoquidem nobis communicant „
qua habent: voluntarie huic Domino seruiamus, qui erga nos bene ani- „
matus est, qui nos vetat mutuis bellis nos conficere & qui nos omnes am- „
plectitur. An non conspicitis istos habere os, manus, oculos perinde ac nos, „
ac etiam ut nos loqui? Relat. Ferdinand. Alarch.

Ista ratione excepti sunt nonnullis locis Hispani ab Indis æstiman-

tibus illos tam sincera fidei esse atq; ipsos. Sed alijs locis in quibus iam ipsorum mores erant cogniti, sagittis excipiebantur, nec magis verebantur deuorare istos Solis filios, si quem nancisci poterant, quam comites Vlyssis, eius boues. Ista ratione promontorijs D. Mariæ incola amplexi sunt miserum Ioannem de Solis & sexaginta eius sodales, & plerosq; alios alijs in locis.

¶ Quarta Columbi in Indiam nauigatio. Veraguam & Vrabam Indicae continentis provincias detegit.

Hispanos rebelles praelio vincit. In Hispaniam reuersus moritur.

Posteritas eius.

C A P V T XIII.



Nunc ad Almirantem Columbum reuertimur. Is tres annos in Regia mansit, Regi ipsi acceptissimus, & in præcipuo honore habitus. Tandem triennio exacto, Rex ipsius supplicatu atque arbitrio quatuor Celoces instruit, eumque nouas alias terras vestigatum remittit, & fretum aliquod peruium, quod ad mare Australe pertineret. Id postea à Magellane quodam Portugallo repertum, Magellanicum dictum est. Itaque è Calicio portu soluens nona die Maii M. D. IIII. cum fratre suo, breui in Hispaniolam appulit. Memorant nonnulli eum à Bombadilla portus aditu prohibitum esse, & ea iniuria non mediocriter offensum Columbum dixisse: Falli Præfectum, si eum à coloniæ ab se conditæ ingressu arcendo, gratum Regi obsequium præstare se existimaret.

Columbi
quarta nauigatio.

Guanaxia in
sula.

Alii portum eum intrasse referunt. Vt cumque ea se res habeat, cursum in Occidentem dirigens, Guanaxiam insulam vicinam cōtinenti reperit, ingenti prouinciæ quæ ab indigenis Iguera, ab Hispanis Caput-Fondurense, dicitur. Ibi exscensu facto, benignè à Regulis exceptus est: multæ ei gallinæ patriæ, panes & fructus oblatis: nullum tamen ibi auri specimen aut indicium reperit, quamquam inuentis fodinis ditissimis, quarum nulla indigenis cura aut pretium erat. Almirans eos solitis minimi precii mercibus remuneratus, flexis retrò in Ortum proris, oram sequens Veraguam repetit, & applicatis ad insulas Zorobari nauibus, haud procul cōtinenti, ex Insularibus cognoscit, omnem eam Veraguæ prouinciā abundare auro. Inde præteruectus & litora legens vsque ad sinum Vrabæ peruenit:

nit: vbi in terram egressus, aliquot locis Australis Oceani notitiam habuit.

D V M hæc noua litora perlustrat, duas carauellas amisit: duæ supererant, multam & ipsæ aquam accipientes. itaque inde retrò abeundi signum dat. Regressus primo Cubam insulam, mox Iamai- cam tenuit, amissis aliquot Hispanis, quos ærumnæ & labores ab- sumserant, reliquis etiam ferè omnibus ægris. Ibi Franciscus Poresius vnus carauellæ prætor, cum fratre, & maxima militum pars, com- mota in eum seditione & contractis aliquot Indorum lintribus, in Hispaniolam profugiunt. Insulares quum Christianos inter se dis- cordes, & de toto exercitu quod roboris esset à Poresio abductum scirent, ceteros qui cum Almirante mansissent propè omnes ægros & imbecilles esse: non solum commeatus iis suppeditare nolle, sed de ipsis quoque interimendis consilia inter se inibant.

Hispani in
Columbum
rebellant.

ALMIRANS ob hæc ingenti animi ægritudine anxius, quum hinc Indos nec gratia, nec prece, nec precio vlllo adduci posse videret vt cibaria exercitui præberent, nec armis ab se cogi propter infirmitatem suorum: alia via idem aggredi statuit. Atq; id cœlesti quo- dam instinctu ei venisse in mentem, libens equidem crediderim, prouidente videlicet Deo ne tantus vir fame interiret. Id porro ita factum est. Forte in propinquo tugurium barbarorum erat: inde Columbus Indos foras euocans, monet ac prænunciat, ipsos, ni vitæ subsidia sibi ac suis suppeditarent, peste à Deo cœlitus missa breui omnes perituros: Cuius rei id habituros signi, quòd duos intra dies Lunam sanguine fœdatam visuri essent. Id quum eadem die & hora qua Almirans prædixerat conspicerentur Indi, (Lunæ autem defectus is erat) subito victi formidine, quæcumque ei ad victum necessaria fuerunt, quoad in ea Insula mansit, benigne præbuere, insuper veniam culpæ orantes, neu ipsis irasci pergeret. Ipse ægros socios paupere illo & misero victu, vt potuit, recreauit.

Columbus
astuto consi-
lio commea-
tus à Barbaris
impetrat.

INTER hæc Franciscus Poresius, quum tam exiguis lintribus impetum maris eluctari & traicere frustra tentasset, in Insulam regressus est, rapturus alteram ex carauellis Almirantis, si facultas da- retur, vt si qua noua ope posset in Hispaniolam transfugeret: sed vt portum attigit, vtramque depressam & mersam aqua reperit. Almi- rans audito eius aduentu, suos cum fratre in aciem educit: ventum est ad manus: cadunt nonnulli, multi vtrunque faucii: Franciscus Poresius cum fratre capitur. Hæc prima pugna inter Hispanos in In- dia commissa est.

Columbus
Hispanos se-
ditiosos vin-
cit.

E A victoria auctus Almirans, quum nullæ ipsi naues superes-
sent

sens quib. inde solueret, postquam in ea Insula menses aliquot moratus, nulla ope, nisi contracta aliqua ex Hispaniola naue, abire se posse vidit: Didacum Mendez, œconomum suum & decem cum eo Indos lintre vno piscatorio mittit, è monoxylis illis quibus indigenæ vti solent. Ipse insulares illos spe ingentium præmiorum onerat, si Didacum incolumem eò perducerent: illi abeunt, & quò securitati consulerent periti locorum homines, circa scopulorum crepidines nauigium agendo notis sibi vadis traiciunt. Quippe pusilli illi lintres, nisi summa tranquillitate, alto prouehi nequeunt, & vel minimum verberati fluctibus facillimè subuertuntur. Ergo ægrè emenso mari Indi, ex Hispaniola extemplo Iamaicam repetunt, & peruectum à se atque expositum Didacum Almiranti renunciant: ipsum pedestri itinere Dominicam petere. Almirans eo admodum lætus, multas illis gratias agit, & cultellis, crotalis & crepitaculis donatos dimittit. Illi, perinde hilares vt si ingens aliquod munus accepissent, domum abeunt.

“ Nicolao
Quando sc.
Hispaniolæ
tum Præfe-
cto.

DIDACVS Mendez, vbi in Dominicam peruenit, “Commendatario maiori literas ab Almirante reddidit. Ille carauellam vnā ad eum reuehendū instrui iubet. Mendez pecunia Almirantis alteram comparat: mox ambas onustas commeatu in Iamaicam traducit. Vbi æ appulerant, Almirans conscensa naui breui in Dominicam transuectus est. Mox paucorum inde dierum quiete sumpta, quæ primæ naues soluerunt, iis cum fratre in Hispaniam traiecit, & Regi successum itineris sui & quæ nouæ ab se repertæ essent terræ, non sine admiratione totius aulæ regiæ, exposuit.

Christ. Co-
lumbi obi-
tus, & poste-
ritas.

S E D paucis post hæc diebus, Columbus, fesso ægroque tot itinerum laboribus corpore, in morbum incidit, neque multo post, grauescente in dies eius valetudine, extinguitur. Quum ita honoratæ vitæ suæ cursum clausisset, octaua die Maii, anno M. D. VI. corpus eius, vt testamento cauerat, Hispalim delatum, in cœnobio Fratrum Certosinorum humatum est. Filium reliquit Didacum Columbum, qui nobilissimam feminam, Mariam, filiam Ferdinandi de Toletō, magni Commendatarii Legionensis, habere in matrimonio singulari virtute meruit. Ortus est Almirans Columbus Cucureo Genuensis ciuitatis municipio: maiores eius oriundi Placentia erant Liguriæ vrbe, nobili stirpe Pilistrellorum: ipse prima iuuenta nauiculariam artem exercuit. Iusta statura homo, firma & habili membrorum compage, iudicio sano, ingenio excelso præditus, læto & ingenuo vultu fuit. Acres illi & vigentes oculi, subflaua cæsaries, os paulo patentius: in primis iustitiæ studiosus erat: iracundiæ tamen pronus, si quando commoueretur.

I. FERDINANDVS *Magallanus Nobilis Lusitanus*, post administratam longo tempore praefecturam aliquot nauium Regiarum in *Barbaria* & *Oriente*, ubi fidelem suo Regi nauauerat operam: regressus in *Lusitaniā*, petijt à Rege vt ad ipsius stipendia dimidy ducati precium in singulos menses accederet, in remunerationem suorum laborum. Rex abnuuit, propterea duntaxat, ne illius exemplo alij idem peterent. *Magallanus* hac repulsa adeo offensus est, vt deliberaret de hac repulsa ulciscenda. Et hac quidem sese illi obtulit occasio. Fuit illi tum in *Moluccis Insulis* (vnde aromata aduehuntur) amicus ipsi etiam sanguine iunctus, *Franciscus Serranus Lusitanus*, Praefectus militum Regis *Terrenate*. Is frequentibus literis eum, (vt illuc proficisceretur) euocauerat, si rem bene gerere vellet. *Magallanus* hanc commodam occasionem non negligit, sed vt, quemadmodum vulgo dicitur, vna fidelia binos dealbaret parietes, alia via, quam ad Orientem nauigatione *Lusitanis* vsitata *Maluccas* petere statuit, Principis alicuius sumptibus, cui grata futura esset eius opera, & qui illum remuneraretur, atq; insuper utilitatem eius negotiationis *Lusitaniae* Regi adimeret, à quo indigne se acceptum aestimabat. In *Castellam* itaq; proficiscitur, Cardinalem *Franciscum Ximenum*, totius Regni praefectum in absentia *Caroli*, adit, huic, & omnibus qui Concilio rerum *Indicarum* praerant, exponit, *Maluccas* insulas (quae supra *Calecutium*, *Malacam*, atq; etiam *Sinarum* postremam ad Orientem Regionem sunt) *Castellanorum* iuris esse, easq; e mentito titulo possidere *Emanuelem Regem Lusitaniae*, prater pactum inter utramque nationem initum. Ad id porro demonstrandum, comitem sibi adsciuerat *Rodericum Falerum*, insignem *Cosmographum* & *Astrologum*.

Regi etiam *Carolo* (qui postea Imperator fuit huius nominis *Quintus*) illud ipsum demonstrarunt, & significarunt, non esse sequendam longam illam viam qua Promontorium *Bona spei* superandum est: sed sperare se Nauigatione ad Occidentem facta, fretum inuenturos in Occidentali *India*, per quod in mare Australe penetrare, & inde ad *Moluccas* peruenire possent. Ea autem via minoribus sumptibus minoriq; difficultate aromata, aliasq; Orientis merces inuehi posse, quam à *Lusitanis*.

Rex *Carolus* faciles aures illis prabens, ex consilio eorum qui Concilio rerum *Indicarum* praerant, quinq; naues suis sumptibus instruit, usq; *Magellanum* praeficit. Soluit hac classis *Hispani* 10. Augusti anno M. D. XIX. & superatis *Canarijs*, *Prouinciaq; Brasiliae* maritima ora prateruecta, ad XLIX. gradum cum semisse cursum tenuit ultra aequatorem, versus Polum *Antarcticum*. Deinde iactis istic anchoris, toto bimestri haerens, neminem mortalium interea conspexit, prater Gigantem, qui se in littore obtulit, adeo magnum, vt *Hispani* vix ad cingulum eius

H pertin-

pertingerent: alterum postea cepit 10. pedes altum, qui panis biscocti cor-
bem uno pastu voraret, & dimidiatam aqua situlam uno spiritu ex-
hauriret. Magallanus eam Prouinciā Patagonum nomine appellauit,
quia quos conspexit istic Gigantes, pedes ferarum pellibus inuolutos ha-
buerunt calceorum loco, sic ut urforum aut aliarum ferarum pedes po-
tius referrent quam humanos. Hæc est ratio istius vocabuli Patagones,
quam nemo (quod sciam) adhuc exposuerat.

Inde discedens, & huic loco, in quo quinque menses hæserant, Por-
tus S. Iuliani nomine indito, ulterius versus meridiem progressi sunt, cir-
citer triginta leucas, usq; ad elevationem quadragesimi secundi gradus à
Polo Antarctico, atq; tandem fretum inuenerunt centum & decem leu-
cas in longitudinem patens, binas in latitudinem, interdū plures, cinctum
utrinq; præaltis montibus niue obsitis, & penetrans usq; ad alterum ma-
re, quod appellarunt pacificum. Huius freti observatio Magallano tribu-
enda est: nam reliquarum nauium Præfecti fretum esse negabant, & Si-
num duntaxat esse censebant. Magallanus tamen fretum istic esse norat,
quia (ut fertur) in cartha marina adnotatum viderat, descripta ab insi-
gni quodam Nauclero, cui nomen Martinus Bohemus, quam Lusita-
niæ Rex in suo museo adseruabat. Propterea etiam id fretum appellatio-
nem à Magallani nomine sumpsit, & Magallanicum dictum est: alij Pa-
tagonicum cognominant: nec desunt qui Victoriæ fretum nominent, quia
prima nauis quæ illud observauit, idq; ingressa est, appellabatur Victoria,
quæ postea orbem circuiuit.

Superato eo freto, vigesima octaua Nouembris anni M. D. XX.
ingressi sunt mare Pacificum, in quo nauigarunt toto trimestri & vigin-
ti diebus, ante quam terram conspicerent. Interea absumptopane bisco-
cto & reliquo commeatu, euerrunt locum ubi panis biscoctus adserua-
tus fuerat, micaq; cum puluere & vermibus, qui frequentissimi erant,
deuorant, etiam si murium urinam plane resiperent. Eorum aqua adeo
corrupta erat & fætida flauescensq;, ut quoties illam biberent, oculos clau-
dere & nares obturare cogerentur. Deniq; tam ingens fames subsequuta
est, ut coriacea cingula, ocreas, calceos, thoraces coriaceos, parmarum te-
gumenta coquerent & ederent: neque etiam abstinerent ab ijs pellibus qui-
bus rudentes inuoluunt. Nam licet durissimæ essent, quia Soli, Vento, &
pluuiæ semper expositæ, illas tamen aqua marina macerantes per tridu-
um aut quatrimum emolliebant, deinde in fictili elixas edebant. Qui-
busdam gingiua adeo intumuerunt, ut longissimos etiam dentes intege-
rent, nec mandere possent, è quorum numero decem & nouem perierunt:
Alij in tam grauem morbum inciderunt, ut nec pedum, nec manuum,
beneficio uti possent.

Tribus

Tribus illis mensibus & viginti diebus confecerunt circiter quater mille leucas, nulla interea exorta tempestate aut ventorum turbine, (quam ob causam, mare illud Pacificum cognominarunt) & nulla conspecta terra prator binas paruas insulas desertas, in quibus nihil nisi arbores & aves conspexerunt, ideoque Infortunatas illas appellarunt, circiter ducentis leucis ab inuicem discretas, una distante quindecim gradib. ab Aequatore versus polum Antarcticum, altera nouem. Tandem superato AEquinotiale circulo, in plurimas insulas inciderunt (quibus Archipelagi S. Lazari nomen indiderunt) in quarum aliquot excenderunt, & inter ceteras in Zubut, & Matan, in qua cæsus ab Indis strenuus ille Præfectus Magallanus cum aliquot Hispanis, anno M. D. XXI. April. XXVI. antequam præstare posset quod animo conceperat.

Reliqui eius comites ulterius progredientes ad Malucas perueniunt, aromatibus naues onerant: atque inde discessuri statuunt, ut è duabus quæ supererant nauibus, magis integra, cui nomen Victoria, Hispaniam repeteret Lusitanorum via: altera, quæ aquam trahebat, in Occidentalem Indiam tenderet, ut Panamam veniret: aut aliquam Nouæ Hispaniæ oram.

In Hispaniam redituri, à Malucis discesserunt sub finem Decembris M. D. XXI. & præteruecti multas insulas, relictæque ad dextram totius Indiæ Orientalis ora maritima, & Sinus Ormus, magnum illud Bonæ spei promontorium flexerunt (septem tamen hebdomadibus circa illud errantes, antequam illud superare possent, ob aduersos ventos) atque tandem septimo die Septembris anni M. D. XXI. in Hispaniam appulerunt, & portum cui nomen S. Lucar de Barrameda ingressi sunt soli decem & octo, reliqui ex numero quinquaginta nouem qui ex Malucis soluerant.

Eo appulsi, compererunt se decies & quater millenas, quadringentas, sexaginta leucas confecisse, diligenter supputatis in singulos dies quot uecti essent leucas, circuito totius orbis globo ab Oriente in Occidentem. Eam ob causam summus eius nauis Nauarchus, Ioannes Sebastianus de Cano, pro insignibus sumpsit Orbis typum cui inscripta hæc verba, Primus circumdedisti me. Octaua Septembris Hispalim peruenerunt, & explosis in signum latitiæ omnibus tormentis, singuli, nudis pedibus, & solam subuculam induti, ardentemque faciem manibus ferentes, summum orbis templum adierunt, ad agendas Deo gratias, cuius benignitate tale iter confecissent. Et hæc summatim de Magalanici freti detectione, & tota illa nauigatione. Discursus Antonij Pigafetæ. Ozorius De rebus Emanuelis Regis Lusitiæ Lib. II.

Nemo post illum (quod sciam) orbem circumnauigauit, præter Franciscum Drak Nobilem virum, qui comitibus V Vilhelmo V Winter &

Humfredo Gilbert, Equestris ordinis viris, duarum aliarum nauium Praefectis, suis sumptibus iter illud Magallani sequi voluit anno Domini M. D. LXXVIII. Humfredo, cum ad AEquatorem peruenissent, in grauem morbum inciderunt quotquot eius naui vehebantur: eaq; de causa, cursum in Angliam conuertere coactus est. V Vilhelmus autem V Vinterus, & Franciscus Drak, iter prosequuti sunt, donec ad Fretum Magallanicum peruenirent. Consumptis istic aliquot diebus, V Vinterus longioris istius Navigationis pertasus, ulterius progredi noluit: sed deserto Drak, subsequente anno in Angliam reuersus est. Solus Drak in suo proposito constanter perseuerans, superato illo fretomare Pacificum ingressus, experiri voluit, an, facta navigatione ad Septentrionem, fretum aliud inuenire posset, per quod in Oceanum Borealem penetraret. Verum cum ad Septuagesimi vsq; gradus altitudinem versus Polum Arcticum peruenisset, nimio frigore, quod nec ipse, nec qui eadem naui vehebantur, ferre possent, urgente, conuertere nauem ad Aequatorem coactus est, & istic in Terrenate & aliquot alijs vicinis Insulis versatus, ad lauam maiorem peruenit, ubi cum paucos dies haesisset; inde soluit Martio mense M. D. LXXX. & superato Bona Spei Promontorio, totam illam Africa oram maritimam prateruectus, Plemuthium sequente Septembri appulit, amissis toto illius navigationis tempore duntaxat tribus e suis: adeo felici successum magnum illud iter confecit. Reducem comiter excepit Serma Regina Elizabetha, & Equestris ordinis honore illum affecit Martio sequente, anno M. D. LXXXI. in illa ipsa naui qua vectus fuerat iam lacerata, & in terram subducta ad pagum Det Sford paulo supra Gren vicin.

Fuerunt etiam qui ante Navigationem illam Magalani, & postea, simile aliquod fretum ad Septentrionem inuenire sategerunt, ut compendiosius iter ad Malucas insulas facerent. Inter reliquos, Lusitanus quidam Caspar Corteregalis dictus, naue suis sumptibus instructa, cursum in Septentrionalem plagam direxit, Olysiptone soluens anno M. D. eumq; primum esse arbitror qui in animum induxerit, ut qua ad Septentrionem pertinebant regiones perlustraret, licet Gomara suo more, hanc gloriam Castellanis tribuat, nullius nomine indicato. Nauigauit autem is Corteregalis, donec in flumē quoddam incideret niue plenum, cuius rei causa illud, Rio neuado, hoc est, Fluuium inuadem nuncupauit, situm ad altitudinem 60. graduum versus nostrum Polum. Eare attonitus, & glaciei abundantia, longius progredi non est ausus, atq; in Lusitaniam redijt, contentus illa navigatione circiter ducentas leucas à Flumio illo nivali vsq; ad Promontorium de Maluas sub 56. gradu ad Polum Arcticum situm perlustrasse, & multis insulis quae sunt secundum maritimam illam oram, imposuisse.

Sequente anno nempe M. D. I. denuo ad illa loca profectus, ut qui spe-

rabat se fretum illud quod inuestigabat reperturum: sed quid illi acciderit, nunquam scripi potuit: nec aliam sui memoriam reliquit, quàm à nomine suo aliquot insulas denominatas in sinu Quadrato nuncupato ad altitudinem 54. graduum aut circiter.

Fuit illi frater Michael Corteregalis, qui amore fraterno ductus, ut fratrem inquireret, anno M.D.II. duas naues instruxit, quibus in easdem oras nauigaret. Sed nec is ultra comparuit. Sic isti duo fratres perierunt, ut nobis aromata vilioris precij facerent. Restabat tertius frater nomine Vascus Ioannes Corteregalis, qui ad requirendos fratres eandem nauigationem suscipere instituebat: sed à Rege Emanuele fuit prohibitus. Osorius lib. II. Nauigat.

Anno M.D.VII. Nauclerus quidam Venetus cui nomen Sebastianus Gabottus, sumptibus Regis Angliæ Henrici VII. per Septentrionalem plagam ad Cataium penetrare voluit. Ille primus Cuspidem Baccalaos detexit (quam hodie Britones & Nortmanni nautæ la coste des Molues, hoc est Asellorum marinorum oram appellant) atq; etiam ulterius usque ad 67. gradum versus polum arcticum: sed frigora atq; densa glacies qua Septentrionale illud mare constrictum est, ipsum re infecta regredi coegerunt. Sum. Petri Martyris.

Decimo septimo post anno, celebris ille Nauclerus Ioannes Verazanus Florentinus, ter aut quater Nauigationem in eas partes suscepit auctoritate Regis Galliæ Francisci I. atque eius matris Regni Vicarium temporis, totam illam oram à Brittonum Promontorio usque ad Floridam legit (circiter quingentas leucas emensus) ut obseruaret, an Florida & Occidentalis Indiæ ab Hispanis habitata continens ad Polum usque porrigeretur, an verò fretum aliquod esset per quod in mare Meridionale transitus esset. Sed postrema nauigatione, cum inter Canata & Floridam excendisset aliquot ex suis stipatus, ad regionem obseruandam, casus fuit. Ex eo tempore Galli studium illud fretum inuestigandi deposuerunt, atque contenti sunt ea nauigatione qua fit ad Terras nouas, equali cum Gallia altitudine sitas, ad Asellos capiendos, Aromata tanto periculo redimere nolentes.

Anno M.D.XXV. Nauclerus Hispanus Stephanus Gomez dictus, qui Magalano comes fuerat, inuestigauit etiam fretum illud ad Septentriones Imperatoris Caroli V. sumptibus. Sed nihil ex sua nauigatione retulit commodi, præter mancipia, quæ amplam ridendi ansam præbuerunt. Nam ciuis quidam Corunnæ Portus Hispaniæ, intelligens Gomezium appulisse, atq; Esclauos lingua Hispanica, hoc est, mancipia aduexisse, similitudine vocabuli deceptus, & existimans illum clauos, id est Caryophylla (ut pollicitus erat) adferre, per dispositos equos in

aulam properavit, ut primus hac grata nova referret, ubiq^{ue} rumorem spargens Gomezium fretum inuenisse atq^{ue} magnam Aromatum abundantiam retulisse. Sed triduo post re, ut gesta erat, intellecta, affatim risum est. Fr. Gomara in Hist. generali.

Tandem Martinus Forbisherus Nauclerus Anglicus, duabus celocibus navigationem instituit ad extremum Septentrionem anno M. D. LXXVI. quo nullus mortalium adhuc penetrasset, ut inuestigaret aliquod fretum, quo transitus esset ad Cataium. Sed cum serius eò perueniret irrita fuit ea nauigatio propter frequentem glaciem. Sequenti anno Navigationem sumptibus Reginae denuo instituit, & ex Orcadibus insulis soluens, cum nauigasset inter Occidentem & Thraciam ab octaua lunij ad quartam Iulij, detexit tandem continentem & canalem inter binas insulas sub elevatione sexagesimi primi gradus: in quem (discussa à Fauonio & Thracia glacie, & per Oceanum sparsa) ingressus est XI. Iulij cum quinq^{ue} nauibus. Vtrinq^{ue} claudebantur hæ angustia præaltis rupibus & montibus perpetua niue obsitis: in summa, verè erat Hiemis Regia. Vt cumq^{ue} tamen sterilis, & penè omnibus commoditatibus, qua temperatae regiones abundant, destituta illa regio esset, inuenta est ab hominibus culta, & auro abundans, præter eorum opinionem, qui omnes orbis thesauros sub Aequatore concludi existimant. Forbisherus imposita nauibus magna huius aureæ venæ * quantitate, cursum in Angliam conuertit, quo peruenit 17. Septembris eiusdem anni.

* meram porro fabulam de opulentis istis auri venis inuentis fuisse, tertia nauigatione deprehensum est, magno quorundam mercatorum nimis credulorum malo.

Dicitur anno LXXIX. instructa sumptibus Ser^{mæ} Reginae XX. nauium classe denuo navigationem instituisse, ut penitus in hunc canalem penetret, & obseruet, an nauigabilis sit ad Australe vsque mare. Si nauigabilis erit; iam Anglis per Occidentem in Orientem patebit iter, unde summam auri, aromatum, reliquarumq^{ue} mercium ex Oriente, Sinarum regione, Cataio & alijs locis copiam referent.

Sed quis nostrorum hominum industriam & audaciam laudibus non efferat, qui Torridæ Zona æstus, & glacies superare ausi sunt, ut nos in contemplationem magnitudinis & diuitiarum orbis adducerent, saltem propositis tabulis geographicis, si ipsi navigationem instituere nolumus? Sed illud est incommodi, quod eorum maxima pars qui huiusmodi peregrinationes adgrediuntur, (in quibus multi pereunt) nullum alium scopum sibi proponunt, aut compensationem tot laborum & difficultatum, quam caducas quasdam opes, quæ centuplo pluris redimuntur quam valeant.

2. Insigne profecto & notatu dignum fuit id quod Nobilis hic vir suo hero præstitit beneficium. Nam non modo credebat suam vitam fragili ligno quali sunt hi Americanorum lintres, ut superaret periculosum hoc

hoc mare, sed etiam salutem suam committebat hostibus, qui potuissent cymbam euertere, nullo submersionis ipsorum periculo, quandoquidem natatores sunt peritissimi. Itaque Rex Catholicus hæc intelligens, non modo liberaliter hoc officium remuneratus est, sed voluit ut in huius fidelitatis memoriam lintrem in suis insignibus perpetuo gestaret: proposito sane eleganti exemplo Regibus & Principibus, quorum est virtutem in quolibet non minus honore & premio afficere, quàm vitia castigare.

3. Alterum etiam filium reliquit Columbus Admiralis, Ferdinandum, qui inter nobiles pueros Principi Hispaniæ Domino Ioanni inseruiens educatus, postea patrem tertio in Indiam navigatione comitatus est. Vir studiis addictus fuit, & egregie in varijs artibus versatus, præsertim in Cosmographia. Elegantem instituit Bibliothecam duodecies aut tredecies mille voluminibus constantem, quam moriens Dominicanis D. Pauli legauit Hispali. Iacobus, siue Didacus Columbus post mortem

Patris vixit annos circiter viginti; ei successit filius Ludovicus Columbus, tertius Indiæ Occidentalis Admirallius.

Ouideus & Gomara.

J Mona-



*Monachi & sacerdotes in Indiam Occid. transgressi cœnobia
exstruunt. A Barbaris trucidantur. Didacus Ocampus
trib. mil. Barbaros dolo circumuentos,
supplicijs coerçet. Tole-
tum colonia.*

C A P V T X V.



ERDINANDVS rex (sicut antè retuli) quo tempore ab Almirante Insula Margaritarum reperta est, edicto prohibuerat ne quis propius terras à Columbo reper-
tas CC. millia pass. (id est leucas L.) naueis admoue-
ret: sed quum in edictis atq; imperiis suis parum mo-
menti esse intelligeret, & quotidie multos concurrere: Quæstores &
procuratores suos eo mittit, qui vectigalia regia colligerent. Hinc
piscationis vnionum initium ductum est.

Indi nec Hi-
spanorum ty-
rannidem fe-
runt, nec pro
pastoribus
lupos.

Eo tempore Monachi aliquot vt Indos Christiana fide imbue-
rent, in Indiæ continentem transgressi, quo etiam multi Hispani per-
mutandarum cum Indis mercium causa commeauerant, cœnobia
ibidem exstruxerunt. Sed Indi, iam tum Hispanorum commercia &
dura imperia pertæsi, à quibus nimirum violenter correpti fustibus
& plagis assiduis ad piscandos vniones adigerentur, indignas con-
tumelias & vim vi arcere statuunt. Itaque mane cuiusdam diei pri-
ma aurora in Hispanos irruunt, & eorum cruentam stragem faci-
unt: mox cum tripudiis & saltatu non laicos tantum (vt vocant) sed
Ecclesiasticos ipsos & Fratres mandunt. Ex iis tamen aliquot, quum
celocis ope quæ ad Cumanæ fluminis ripam deligata stabat, perni-
ciem effugissent, Dominicam contendunt, & Bartholomæo insulæ
Præfecto Cumanensium rebellionem enunciant. Ille trecentorum
militum confestim manu scripta, Didacum Ocampum ducem illis
præficit.

Hispanicum
strategema.

Hic cum suis è Dominicæ portu soluens, breui in Cumanam
peruenit, & ad pelliciendos in naues Barbaros tali arte vsus est: suos
omnes, exceptis sociis naualibus, in aluum naus conditos sub ta-
bulis delitescere iubet: vt Indi, quum tam pauci Hispani appa-
rerent, promptius subirent nauim, & persuasum haberent ipsos ex Hispa-
nia, non ex Dominica, venire. Indi, conspecta naue, ad ripam flumi-
nibus obuiam effusi, Hispanos interrogant vnde venirent. Illi se à
Castella venire respondent: simul signis eos accedere ad nauim
inuitant. Indi etsi tota res suspecta esset, & Hispanos ex Hayti (id est
Hispa-

Hispaniola) venire contenderent, nonnulli tamen eorum vt se eo errore exsoluerent, haud dubii ex propinquo facillimè cognosci posse vtrum ex Hispania an aliunde venirent, nauim vltro subeunt, margaritas ferentes per simulationem commercii. Ibi Christianorum ab istis paucitas conspecta errorem fecit. itaque quum iam pro certo haberent, venire illos ex Hispania, non ex Hayti, neque ad eos peruenisse famam suæ rebellionis, ac istis se perinde vsuros vt aliis vfi essent, sibi pollicerentur, taciti secum ipsi gaudebant.

D v x Hispanus subeuntes benignè excipit, fit permutatio vnionum inter eos: ille se eorum quæ accidissent quidquam rescisse calidè dissimulat: per signa etiam rogat vt, si commercium cordi sit, plures vniones & ad maritimos vsus cibaria & cōmeatus afferant. Indi in litus regressi, paucos se in naui reperisse homines Cacico renuntiant: & omnes facillimè à se interfici posse. Itaque multo plures quam antea Indos nauem ingredi iubet: iis negotium dat vt quàm paucissimos Christianos in litus exire patiantur, quo facilius destinata exequerentur. Simul Hispanorum duci renuncient, eius loci Regulum multos habere vniones, quos cum illo permutare cupiat. Cum his male orsis & cœptis consiliis ad nauim regressi sunt. Hispanus dux quum prædam opimam in cassibus, neque maturiorem occasionem vltius expectandam esse duceret, signum dat exeundi è latebris militibus: illi improviso exorti Indos partim incautos capiunt, partim interficiunt: pauci in flumen desilientes discrimen effugere: quotquot captiuos in potestate habuit dux, suspendi ad nauis antennam iussit, quò ceteris terrorem incuteret, & his peractis in Cubaguam reuersus est. Insulanorum eo spectaculo fracta ferocia est, & attonitis animis hæserunt.

Mo x vero Didacus in Cumanam reuersus, milites in terram exponit, & omni sæuitiæ genere grassatus, miseram illam gentem ac prope deletam, vltro pacem petere cogit. Quæ quum ab eo supplicanti-
Indi suis manibus compedes sibi fabricari coguntur.
cantib. data esset, & fœderis conditiones transactæ, Indi viginti quinque casas è storeis paleisve ad ripam fluminis, ipso iubente, suis ipsi manibus exstruunt. Id Toletum urbem vocat, vti iam ante dictum est. Inde quidem rursum frequentari Cubagua, & piscatio margaritarum instaurari cœpit.
Toletum colonia.

I N T E R hæc appulsi è octo fratres Dominicani, duo monasteria, vnum in Cumana, alterum in Maracapana, exstruunt. Mox inde Christianam fidem per eas gentes promulgatum ibant, Regulorum & primorum filios legere & scribere docentes. Ex eo Indicum omnibus Hispanis amice & pacate viuere: sinere etiam illos

I passim,

passim, quo ferret animus, ire: adeo ut sine ullo metu per oram illam maritimam trecenta amplius millia passuum, aurum, uniones & alia quærentes, liberrimè vagarentur.

¶ Doctor quidam è sacerdote tribunus mil. factus, dum Indos piscandis unionibus conuertere nititur, semet ipse & suos euertit. Iac. Castellio in Barbaros seuit. Lampugnans Mediolan. in piscatione unionum naufragium fortunarum & vite facit.

C A P V T X V I.

Doctor quidam & sacerdos seruire simul Deo ac Mammonæ volens infelicem inceptorum exitum habet.

Optat ephippiabos, piger optat arare caballus.



Ubi hæ in Cumana vicissitudines agitantur, Bartholomæus quidam de Casis, sacerdos idem & Doctor, quum fœcunditate unionum & piscatu nobilem Cubaguam esse accepisset, fertilitatis etiam earum terrarum & sæuitiæ Hispanorum in eas gentes fama commotus, in Hispaniam traiecit, ad Regiam contendit. Hispaniæ regnum heres, morte Ferdinandi Regis, tum erat princeps Carolus, qui postea Cæsar designatus Caroli Quinti nomen asciuit. Eum adit sacerdos, docet nullum esse sceleris & auaritiæ genus quod Cumanæ indigenæ à militib. Hispanis passi non essent. ac propterea illos, quotidianis iniuriis ad rebellandum coactos, rupta fide quoscunq; Hispanos in suis terris reperissent, interfecisse. Itaque eius provincie administrationem sibi dari postulat: quippe se, simulac eam attigisset, motus omnes breui compositurum: Indos vero etiam tam equo & moderato imperio habiturum ut omnium laudem mereri posset: sed imprimis redditus regios aucturum, spondere.

Doctor Lodoicus Zappata, & alii qui rerum Indicarum curæ præerant, quum eum hominem vanum, ineptum, & tanto incepto minime parem, nulliusque famæ & autoritatis esse iudicarent, adhæc imperitum rerum, morumque illius gentis, tali eius proposito obnixè intercedebant. Verum, nequicquam contradicentibus tantis viris, Belgarum quorundam procerum & aliorum fauore subnixus, in primis comitis Nansouii, qui Cæsaris cubiculo præerat, quod petebat obtinuit, quod Christianæ religionis zelum præ se ferret, audacter denunciando se, si quisquam alius, Indos tum ad Dei ipsius cultum, tum ad Regiæ maiestatis obsequium versurum, &

vnio.

vnionum vim magnam missurum in Hispaniam. Mox trecentos rusticos legit, qui piscandis vnionibus operam darent, ne Indos fatigari opus esset: adhuc, quo libentius eam expeditionem susciperent, Regiæ maiestati supplicat ut eos Equestribus armis atque insignibus imprimis Cruce rubra, decoret, qualis equitum Calatrauæ ordinis esset. Cæsar hoc Doctoris studio & verbis commotus, ei quidquid peteret annuens, naues instrui, commeatus ceteraque expeditioni necessaria prouideri iubet.

ILLE Hispali soluit, & in Cumanam appulsus, Didaco Ocampo ibi fortè reperto diploma regium exhibet. Is se verò obsequuturum libenter ait: sed inde decedere sibi non licere nisi commeatu ab Almirante accepto, à quo coercendis rebellibus & regendæ prouinciæ impositus esset, quoad mitteretur successor. Ita elusus sacerdos: ac ne ipsi quidem postea satis inter se concordēs procacibus verbis alter alterum exasperabant. Tandem doctor ubi Regio mandato apud Ocampum parum momenti esse videt, & se vltro ludibrio esse, Dominicam petere intendit, & de Ocampi contumacia, qui regiis imperiis parere nollet, apud Almirantem conqueri. Antequam abiret, quod Toletum vrbe ab Ocampo exclusus esset, ligneum ædificium raptim exstruit: atque ibi depositis impedimentis & omni cōmeatu quem ex Hispania detulerat, Equites illos suos, quoad rediret, in præsidio relinquit. Inde abit: neque multo post Ocampus quoq; cum maxima militum parte decedit, quod spoliis Indorum onusti ac diuites, in præda & vnionibus diuidendis in dissensionem venissent.

CVM ANÆ reguli, quum Ocampum cum maxima exercitus parte abiisse cognoscerent, neque vltos superesse simul Christianos præter eos qui à Doctore præsidio relictī essent: ceteros palatos & dispersos per eas terras vagari vnionib. inhiantes & feminarum stupris, aliaque fœda edentes facinora, sumtis armis rebellionem cœptant. Itaque omnes pariter Dominica quadam die manè Hispanos ^{Hispani quas seuere fruges, easdem mox metunt.} adorti, quoscunque in Amaracapana & omni illa ora maritima Occidentem versus reperiunt, trucidant. nullius vitæ parcitur: Fratres ipsi inter sacra mactati, Doctoris dom⁹ obfessa & capta: omnes propè Equites noui venenatis sagittis confossi miserabiliter periēre. Pauci cum monachis aliquot scapha euasere, qui cum Sacramento (ut vocant) in Cubaguam raptim transgressi sunt.

POSTQVAM exercendæ in homines iræ materia Barbaris defuit, ignem iniiciunt tectis, templa & monasteria diruūt, campanas frangunt, statuas solo allidunt: postremo Crucifixi simulacrum de-

iectum truncatumque in viam abiiciunt ostentui & ludibrio. Gal-
linas quoque & canes Hispanorum abolent: ac ne Indis quidem ipsis
pepercere, quos vel monachi vel alii Hispani in ministerio habuif-
sent: terram ipsam ferientes execrantesque quod tam dirum ac per-
uersum hominum genus ferre sustineret.

EA res tantum terroris ac trepidationis Hispanis iniecit, qui in
Cubagua commorabantur, ut si continentis accolę Indi vim para-
tam linitrium habuissent, haud dubiè traiectu in Insulam factò, quæ
non plus xxii. millibus pass. continenti auulsa est, omnes Hispanos
qui in ea erant ad internecionem cæsuri fuerint. Sed quum pauca
nauigia essent, quanquam ingenti animo moliri cuperent, ince-
ptum omisere.

REGII procuratores, phaselo confestim in Dominicam mis-
so, rem uti gesta erat significant. Almirans eo nuncio accepto, qua-
dringentos milites scribit & iis Iacobum Castellionem ducem at-
tribuit: in Cumanam soluunt. Doctor audita suorum Equitum cæ-
de, subito cucullam induens, in S. Dominici cœnobium se abdidit:
quod eum facere, meo iudicio, præstitit, quàm piscatum margaritas
in Cubaguam reuerti.

INTEREA Castellio octauo die quàm ex Hispaniola soluerat,
Cumanam tenuit, & strenuè cum omnibus militibus in litus egres-
sus, totos quadraginta dies cum Indis pugnavit, & magnam eorum
stragem edidit. Illi, quanquam fortiter se defenderent, & Hispano-
rum aliquos interficerent, tandem tamen, quum neque animo, nec
viribus, nec ingenio pares essent, & omnibus præliis victi discede-
rent, pacem ultro supplices petere coacti sunt & Hispani ducis po-
testati se permittere. Castellio in deditos acerbe sæuiit: septuaginta
Cacicos suspendi iussit qui rebellionis autores fuerant: vulgus in na-
ues imposuit, misitque onustas Indis in Hispaniolam, vbi pro man-
cipiis venum darentur. Inde ad tutelam nauium ut dictum est su-
pra, arcem Cumanę fluminis ripæ imponit: Toletum urbem diru-
tam instaurat. Mox crescente Hispanorum multitudine, septuagin-
ta domus laterculo coctili in Cubagua edificat. Id pusilli municipii
instar, nouum Calicium appellat.

APPELLVNT post hæc è Dominica quatuor Franciscani, & ex-
structo monasterio in Insula sistunt, quum metu Indorum traicere
in continentem fugerent. Veriti scilicet ne à Barbaris, quod aliis eue-
nisset, aliquando & ipsi manderentur. Ita de integro piscatio vni-
um ab Hispanis frequentari cœpta est, & magna vis eruta. Cete-
rum Cubagua insula x. millia in circuitu patet, decem gradibus &
dimi-

Franciscani
pelliculæ ti-
mentes, loco
sibi cauent.

dimidio ab Aequinoctiali linea distans, omni sui parte plana, sterilis, nuda arboribus, aquæ expers. Itaque tanta plerumque humoris penuria est, quum propter contrarios ventos nihil è Cumana subuehatur, ut sæpenumero cadus vini pari aquæ cado permutetur. Cuniculis, sale & piscibus abundat.

Quo tempore piscatio vnionum feruebat, Lodoicus Lampugnanius, eius Lampugnani propinquus, qui Galeacium Mariam Sforciam, ducem Mediolani, interfecit, in eam Insulam applicuit, Cæsareo diplomate & priuilegio fretus: quo ipsi per omnem illam Cubaguæ oram tantam vim vnionum, quantam visum esset, piscari absque vlla contradictione liceret. Hic homo ex Hispania quatuor carauellis profectus, omni commeatu ad eiusmodi cœptum necessario instructis, qui ei à mercatoribus quibusdam Hispanis spe haud dubiè quæstus comparatus & collatus fuerat: Rastellum seu euerriculum quoddam eâ forma fabricari curarat, ut in quamcunq; maris partem deiectum esset, quidquid ferè concharum esset facillime corraderet. Verum Hispani Cubaguæ incolæ, omnes pariter ei obistere, neque priuilegio velle obsequi: dicentes Cæsarem de alieno plus æquo liberalem esse. Si largiri quid vellet, de suo largus esset: se omnem eam prouinciam magnis laborib. & periculis subactam ad eam diem tenuisse. itaque se eorum laborum fructum colligere quam peregrinum hominem, multo esse æquius. Lampugnanius, posteaquam priuilegium sibi concessum nullius momenti esse intelligit, tum ne Hispaniam repeteret, partim pudore irritæ spei, partim ingenti ære alieno impeditus est, breui obruentibus eius animum curis in amentiam incidit. Deniq; quum ex eo vulgò pro fatuo & infano habitus omnibus ludibrio esset, quinto demum anno in ea Insula miserabiliter obiit.

Qui ditescere volunt, in cupiditates damnosas incidunt & seipsos transigunt doloribus multis.

*¶ Indi Hispanorum mores per tæsi, amicitiam eorum respuunt
contra ius gentium, ut insanabiles & Euangelio mini-
mè obsequentes durissima seruituti addicun-
tur. idq; regio edicto, & suaden-
tibus Monachis.*

C A P V T X V I I.

Hispani tædi-
um sui apud
Indos mo-
uent.



RIVS QVAM cetera exsequi pergam, res admonet ex-
promere causas ob quas Indicę continentis indigenę
mancipati & in seruitutem addicti sunt. Principiò vt
ab Almirante Columbo post insulas noua continens
inuenta est, eò statim Hispani diuitiarum cupidine
confluere, & è prouincia in prouinciam transcurrere, donec crebris
itionibus & concursationibus inquieti homines apud Indos tædi-
um & odium sui mouerunt. Itaque, quum eos assiduus laboribus fa-
tigarent tractarentq;ue acerbius, aurum, argentum, vniones & sma-
ragdos insatiabiliter flagitantes: neque illi tam graueis ærumnas to-
lerare diutius vellent aut possent: omnes vbique Hispanos tollere
funditus atque extirpare è finibus suis studebant, ipsi semet exse-
crantes quod non omnes initio trucidassent.

HISPANI vero tum Ecclesiastici tum laici (vt vocant) quum
morum eius gentis vsu & peritia, eos neque amicitiam Christiano-
rum neque Christi fidem accipere velle cognoscerent: quinetiam
hæc ab eis derideri dicendo, Eas forte res Castellanis conuenire, sibi
verò minime: ob hæc transgressi in Hispaniam Dominicani aliquot
monachi, ad Regiam contendunt, & Ferdinando regi barbaræ illius
ac brutę gentis morem fœdæque instituta referunt. Denique mul-
tis rationibus, quarum exemplum infra est, ei persuadent dignius æ-
quiufq; esse istos homines pro mancipiis vendi quàm liberos viue-
re. Earum sententia hæc erat:

Hispani post-
quam Indos
fortunis spo-
liarunt, liber-
tate quoque
exuere conan-
tur.

INDI continentis incolæ idololatriæ & masculę veneri dediti
sunt, vani, mendaces, spurci, bruti, iudicii expertes, consilio vacui,
rerum nouarum auidi, feroces, inhumani ac scui: veneno sagittas
perungunt, adeò noxio vt qui iis vulnerantur correpti rabie intere-
ant. Nudi incedunt, pudoris omnis exsortes: ne pubertatem qui-
dem vllam aut barbam gerunt: ac si qui fortè pili erumpant, vofsel-
lis radicitus extirpant. Humana carne, & animalium spurcissimis
,, ranis, pediculis, lumbricis aliisque fœdis insectis, vesci apud illos sue-
,, tum est. Summam voluptatem in ebrietate collocant: neque in ma-
trimo-

trimoniis fidem aut iura vlla sancta habent : neq; ad mutandos mo-
res peruicacem gentem vlla ratione adduxeris. Nulla aduersum æ-
gros suos misericordia mouentur, & quamuis arctissima cogna-
tione coniunctos, deferunt : aut ita vt sunt ægros & semiuiuos, vt
procul à conspectu amoueant, in siluas & montes deferunt & ex-
ponunt, vbi ferarum ritu miserrima morte extinguantur. Postremò,
vt in pauca conferam quod pluribus exponi posset, affirmo nullam,
deteriorem aut immanio rem gentem sub cœlo viuere.

HIS Rex tam tetr̃is barbaræ gentis morib. auditis, magnum Con-
siliū suū (vt vocant) conuocat, & in eo refert illa omnia quæ Mo-
nachorū relatione ipsum accepisse diximus : rogatq; vt quid de tam
importuna & agresti barbarie statuendum sit, libere sententiam di-
cant. Ibi non rei certitudine vlt̃erius quæsitæ neque accuratori con-
sideratione adhibita, decretum fit : Placere Indos continentis inco-
las in seruitutem addici, nisi equidem grauissimis erroribus abdicatis,
Christiani esse & ab Hispanis humanum viuendi morem ediscere
vellent.

Hoc Senatusconsultum ita factum Rex autoritate sua con-
firmat, & ob signato diplomate sancit : mox Didaco Niquefæ & Al-
phonso Hoiedæ, qui primi in eas prouincias titulo Gubernatorum
missi sunt (Niquefæ videlicet Veraguæ, Hoieda Carthaginis) tradi-
dit : additis mandatis, vt priusquam bellum illis gentibus & arma o-
stenderent, sacrum Euangelium ante omnia annunciandum cura-
rent : mox etiam admonerent vt foedissimis moribus flagitiisq; reli-
ctis, cum honestis viris compositè & pacate viuere vellent, & Hi-
spanorum amicitiam sincere colere. Quas si conditiones accipe-
rent, & mandata seruarent, Regem Castellæ non tantum suam illis
permisurum libertatem : sed eos quoque pro amicis & vasallis suis
habiturum. Sin minus, iubere eos capi & trahi in seruitutem : deni-
que in eorum corpora, fortunas & vitam, ferro, flammâ & omni
belli clade sequiri.

Hispanorum
in Occid. In-
dos iniuriæ,
tristi S.C. &
Regia auto-
ritate com-
probatur.

EQUIDEM, credo, si seruator & redemptor noster Iesus Christus,
quum sanctos suos Apostolos per Orbem ad promulgandum Euan-
gelium dimitteret, talibus eos instruxisset mandatis, numquam tot
regna, tot gentes, tot potentissimos principatus humilitati crucis
subiecisset, quæ alioquin vlt̃rò verbo eius se submittebant, & diui-
nam eius legem toto pectore adorabant. Itaq; vel hinc exi-

stimare licet quantum sit discrimen inter
Dei iudiciū & sententias
hominum.

*¶ Didacus Niqueſa & Alphonſus Hoieda primi ad Indicam continen-
tem ſubigendam mittuntur. Monachi quod ſuaſerant diſſuade-
re coguntur & Indorum ſeruitutem damnare. Ea tandem
Bulla pontificia & Cæſareo edicto abrogatur. Recla-
mant diuites Hiſpani. Monachi irrita-
tos malis exemplis Barbarorum
animos, fruſtra verbis
mulcere conan-
tur.*

C A P V T XVIII.



Vo iſti Gubernatores, anno M. D. I X. è Calicio portu ſoluentes, proſpero curſu Hiſpaniolam tenuere. Ibi Hoieda comparatis ſua impenſa quatuor nauibus & amplius cccc. militibus ſcriptis, è Dominicæ portu ſoluit, Prius tamen negotium dat Martino Ancifo baccalaureo (qui regio mandatu ſummus Iuridicialis Prætor ampliffimæ illi prouinciæ impoſitus erat) vt cum reliquis militibus, equis, tormentis, & omni genere commeatus, quam ocyyſſimè poſſet in ſubſidium veniret. Quum ad Carthaginem appuliſſet in terram egreſſus, Regium edictum publicè Indis per interpretem enunciat, orans vt pacifice viuere & Chriſtianorum amicitiam colere vellent, & abiectis nefandis ſuis moribus Chriſti fidem ſuſciperent. Id ſi facerent, Regem Caſtellæ illis clementer uſurum & pro amicis cariffimis habiturum ſpondebat.

Indi Hiſpano-
rum amicitia-
m repudi-
ant.

Duri concio-
natores Eu-
ang.

INDI paucis verbis reſpondent: Caſtellæ regis amicitia ſibi nihil eſſe opus. Itaq; reuerterentur Hiſpani vnde venerant. quippe ſe quidem in ſuis finib. bonos & manſuetos aduenas ferre poſſe: ſed cum iis qui nihil niſi male agere ſciant, nec inferendis iniuriis vumquam ſatientur, nullum ſibi eſſe commercium. Hoc tam abſciſſo reſponſo accepto, Gubernator milites omnes in litus exponit: illi omnem eam oram peruagati, quotquot Indos reperiunt obtruncant.

CETERVM promulgato per omnes eas prouincias Regio illo E-
dicto, nec cuiquam ignotum eſſet, omnes omiſſa & ſepoſita Euan-
gelii prædicatione, capiendis Indis quos minus obediētes depre-
hendiſſent, & mancipiis contrahendis intendere: ac quamquam ea
lex ſolos Caribas, humanis veſcentes carnibus, conſtringeret, pro-
miſcuè tamen in aliis Indiæ partibus, vbi feralibus illis moribus lo-
cus non erat, Hiſpani Indis ad metalla effodienda, ſeruiles operas &
uſuum

vsuum necessaria omnia pro mancipiis abutebantur¹. Inde gliscere barbaris seruitus, & ea vsq; eò progressa est, vt nisi monachi aliquot obstitissent, qui zelo studioque charitatis incensi infelicissimæ gentis libertatem procurarunt, breui genus omne Indorum interituum fuerit.

MONACHI illi Dominicanerant, qui quum in noua Hispania commorantes, quàm acerbis & indignis modis Indi ab Hispanis asfiduè haberentur, palam ipsi cernerent, & tantas eorum iniurias tum pro concione tum priuatim vbique reprehenderent, monentes, venire aliquando ipsis in mentem debere, tantę immanitatis, quantam erga Indos exercerent, reddendam Deo esse rationem. Itaque imposerent modum sæuitiæ, & Indos deinceps mitius tractarent, quo videlicet illi Euangelii iugo libentius se submitterent. Hæc (inquam) & talia quum monachi Hispanis subiicerent, parum proficiebant, vltro irridentibus illis dicentibusque, quum nihilo segnius in consueto perseuerarent, Barbaros istos esse indignos Christianismo canes. Ita verba & monita odium non fructum pariebant.

Monachi vulnus ab se illatum sanare conantur, sed fero.

QVARE coniuncti isti Patres, quum eorum scelerum plenam & authenticam inquisitionem egissent, eam Romam ad Pontificem mittunt per F. Rodericum Minaiam Dominicanum, ei que negotium dant vt exposito Indicæ seruitutis præpostero & pudendo abusu, quæque inde damna consequuta essent, Bullam à Papa edi procuraret, qua Indi pristinæ libertati restituerentur. Apostolicam sedem tum regebat Papa Paulus III. Is causa & iniuriis Indorum auditis, veraque iis de rebus inquisitione comperta, Bullam concessit qua Indos suę libertati reddi iuberet. Eam secum in Hispaniam Rodericus referens, cum aliis monachis Regiæ maiestati earum rerum initium, ordinem, finem, vt gestæ erant, exponit: docens, Indorum peccata ab ignorantia expressa & pura, non à militia proficisci: illos quidem creatos esse à Deo homines, non bestias: liberos, non seruos: & ad fidem Christianam adduci debere bonis exemplis, non sæuitia aut tyrannide. Itaque cogitaret regia maiestas, prouincias illas sub imperio & pedibus suis subiectas esse: ac proinde pium fore prouidere, ne intolerandis malis atque iniuriis quas paterentur ab Hispanis, breui ad vastitatem & solitudinem redigerentur. Quippe nullum pudorem esse Hispanis, miseros illos homines sub oneribus gemere & exspirare cogere, terram è fodinis assiduè egerere, aliisque seruilibus & parum honestis operibus illaborare: adeò vt multi eorum, tædium & miseras fugientes, dilapsi in siluas sibimet ipsi gulam desperati frangerent.

Indorum seruitus abrogatur.

CÆSAR, ea relatione audita, doctorem Figueroam in Indiam mittit, ei que mandat vt ex monachis & præfectis sedulo verum inquirat. Ille abit, mandata exsequitur, quæ cognouerit refert. Cæsar extemplo, nullo præterea adhibito consilio, Indos liberos esse iubet, grauiissimis pœnis in eos constitutis qui illis deinceps pro seruis vterentur. Lex profecto sanctissima, & illustrissima, ab optimo Imperatore & clementissimo profecta.

ANNO M.D.XLIV. quum in Hispaniola essem, licentiatuſ Cæratuſ pro præſide in Inſulam venit, Ediçtum illud Cæſareum afferens: idque mox per omnes Indiæ Inſulas & prouincias, magno indigenarum ſolatio gaudioque & ſummo Hispanorum dolore, promulgatum eſt. Nec difficulter in Hispaniola, Cuba, Iamaica, San-Ioannis inſula, & in vniuerſum omni illa ora quæ vulgo à nauticis Terra firma dicitur à Nomine-dei uſque ad Parienſem ſinum, ediçtum illud obtinuit. Sed in Mexico haud perinde acceptum eſt, ditiffimis quibuſdam viris, quorum omnes prope fortunæ in mancipiis ſitæ erant, ei legi parere abnuentibus. Quippe contra afferebant, Indos à Ferdinando rege publicè ſeruituti addiçtos fuiſſe, idque poſtea à Cæſare confirmatum, & illis quintæ vectigal penſum eſſe: proinde ſi vellet Cæſarea maietas Indos libertati reſtituere, eadem opera ſibi nummos redderet, quos in id mercium genus erogaffent. Hæc & ſimilia omnes vulgò querebantur exſecrantes monachos damni illius ſui autores.

Mendoza
ſolerti conſi-
lio Hispano-
rum auariti-
am eludit.

Ea in re tum Antonii Mendozaſ proregis ſingularis prudentia apparuit: qua niſi opportunè uſus eſſet, res haud ſatis feliciter caſuræ videbantur. quippe ſe quoque ei legi aduerſari & iſſis aſſentiri ingenti ſollertia ſimulans, de ea abroganda ſcribere & ſupplicare eos Cæſari iubet: vero tamen eum officio functum exituſ demonſtrauit. Neque enim Cæſar aut ſententiam mutare, aut eorum voluntati obſequi voluit, ſed debere eos dicto ſuo audientes eſſe reſcripſit. Itaque Prorex, Mexicanę ciuitatis primoribus conuocatis, nouum Cæſaris ediçtum exhibet, ſed vbi locupletes dominos duriores, neque ſeruos manumittere velle animaduertit, ne turba inde aut tumultuſ oriretur, legis rigorem prudentia temperauit, eamque omnes tali forma acceperunt: nimirum vt quicunque ſeruos haberent, quotanniſ pro rata portione, viginti ex omni numero manumitterent. Qua ex re factum eſt vt omnes Indi breui in libertatem vendicarentur. Equidem ſi Blaſcuſ Nunez Vela, quum Regiſ illiſ mandatiſ inſtructuſ, Peruanam prouinciam Prorex iniit, ad eum modum ſeſe agitaffet, nec quem vitæ exitum naçtuſ eſt, habuiſſet, nec, quot poſtea exponentur, inde eueniſſent mala.

RESTITVTIS in libertatem Indis, monachi supplicant Cæsari, & potestatem illò commeandi fieri sibi postulant: vt quando Indicam linguam didicissent, eas gentes benignitate alliciendo, prædicationibus & concionibus conuerterent: sibi enim quidem satis esse animi, vt iuuante gratia Spiritus sancti eos ad fidem adducerent. Id concessum illis: quin etiam tum vetuit Cæsar vllas deinceps prouincias vi & armis subigi: sed bonis potius operibus ad Christianismum allici. Cum ea autoritate & mandatis octo monachi in Indiam profecti, ad Floridam appellunt: quatuor ex iis in terram egressi concionari cœpere. Indi iam antè ab Hispanis malè habiti, monachos fustibus excipiunt, & interfectos pro suo more comedunt. Duo alii ad fineis Gattimalæ prouinciæ appulsi, ad prædicandum exscenderant: sed idem istos, qui & priores illos, exitus habuit. His experimentis deterriti ceteri, inceptum illud commodiori tempore reseruarunt. Verùm equidem si iam inde ab initio pro turpitudine ac flagitio conciliandis eorum animis adhibita esset benignitas, non dubito quin prosperè cessura fuerint omnia, quippe fœdas illas & atroces iniurias, veluti exempla ad male agendum non habuissent.

1. OCCUPATA Regum Catholicorum nomine à Christophoro Columbo Indiæ occidentalis possessione, incolas sua libertati reliquit: idem fecerunt nonnulli post eum Gubernatores. Franciscus tamen Bondilla, qui postea in mari perijt, Rolandus Ximenez, & quidam alij, ijs tanquã mancipijs vti cœperunt, ad colendam terram, scrutandas metallicas venas, onera ferenda & alia opera seruilia exercenda, tametsi miseri isti homines sua sponte satis prouisi essent ad illis in seruiendum. Sed anno M.D.III. Caribes, id est, sagittarij illi feroces, qui Hispanos iaculis veneno tinctis conficiebant, deinde craticulis, quas ipsi Barbacois appellant, imponebant, pro mancipijs declarati, & expositi quibuscunque capere illos possent.

Ista permissio postea ad tantam licentiam peruenit, vt Hispani sine discrimine bonos & malos in seruitutem traherent. Atque vt hac licentia legitima censeretur, Thomas quidam Ortiz Dominicanus, & alij eiusdem ordinis, nihil aliud in suis concionibus vociferabantur: imo in Hispaniam traicientes, Discursum quendam Indicarum rerum Consilio obtulerunt, in quo vita miserorum istorum Barbarorum graphicè exprimebatur, multis lepidis rationibus adductis quibus probarent, eos ad nullam rem utiles esse quam vt mancipiorum vicem supplerent. Presidebat tum ei Consilio, Cardinalis Loaisa, summus Inquisitor, Commissarius Cruciata, & Præfectus Dominicani ordinis: illi facile persuaserunt vera esse quæ dicerent venerandi isti patres. Ea de Causa Impera-

Monachi Bar-
baros allice-
re ad fidem
prædicatione
conantur, sed
frustra, iam
malis Hispano-
rum exem-
plis exaspera-
tos.

tor decreto, factò Madritii M. D. XXV. sanxit, ut Indi pro mancipiis haberentur.

Postea tamen, mutata sententia, Dominicani isti debacchari cœperunt in eos, qui Indis tanquam mancipijs vterentur: sic ut denuo deliberandum fuerit, decennio post, de hac ipsa materia. Inter reliquos Frater Rodericus Minaia, allata à summo Pontifice Bulla, & frater Bartholomæus & Casas Dominicani ordinis, valde intercesserunt pro Indorum libertate. Ita Carolus V. Imperator, voluit Consilium Indicum, ex sententia multorum Iurisconsultorum, Canonistarum, & Theologorum, Edictum promulgaret, quod contineret XL. articulos: quo breuiter decernebatur, ut omnes Indi in libertatem vindicarentur, remitterentur in eas Prouincias ex quibus erant oriundi, & Christianam religionem edocerentur. Hoc edictum magnas turbas per uniuersam Indiam occidentalem, præsertim vero in Peruana Prouincia, excitauit; ut in tertio huius Historiæ libro apparebit.

2. Gomara de instituto horum Monachorum ex euentu iudicium faciens, hanc humanitatis & clementiæ viam valde damnat, ut nimis exoletam, & quia ab istis feris nationibus nihil impetrare possis. Hæc enim eius sunt verba XLV. cap. suæ Historiæ. Qui Monachorum opinionem probabant, nunc agnoscunt, operam ludere eos, qui tali via hæ nationes ad nostram amicitiam pertrahere volunt, multo vero minus ad nostram fidem, tametsi, forsitan, potior esset.

Eiusdem sententiæ erat Nunnius de Gusman Panuci Præfectus in eo Discursu, quem ad Carolum Casarem mittebat ex Prouincia Mechuan Magna illius Hispaniæ nouæ anno M. D. XXX. Nam in loco quodam suæ Historiæ, recitatis aliquot velitationibus aduersus Indos habitis, addit. Decurso dimidiæ miliaris vltærius spatio, nec vlla re obseruata: valde enim defatigati erant meus & reliquorum comitum equi, substiti, ut meos omnes colligerem. Bini ex meis famulis in eo ministerio occupati, & hac illac discurrentes, in magnam turbam Chichimecarum, (populi sunt Nouæ Hispaniæ contermini) Indos nobis confæderatos persequentium. Hac re intellecta, statim me conuerti, ut pleno cursu illos insequerer. Præfectus castrorum & alius nobilis à me educatus, incitatis equis reliquos præcedentes, perueniunt in quendam locum, ubi latebant plus quam quater mille feminae & pueri cum impedimentis. Illi conspectis equitibus, protinus fugam capessunt, & cum eò aduenirem, eorum vestigia adhuc conspexi. Paulo vltærius progressus, quarundam feminarum & puerorum sanguine conspersum locum offendi, quos Indi nobis confæderati mactauerant, & sacrificauerant. Nulla enim ratione inhiberi possunt, ut ab ista praua consuetudine desistant, etiamsi corripiantur & casti-

castigentur: maxima tamen eorum pars bonos Christianos se profitentur. Oro tamen V. Matem, ut sibi persuadeat, illos eadem nefanda committere qua prius solebant, clam nobis tamen, quantum possunt. Itaque tum ob has causas, tum ob alias iustas occasiones quas ad V. Matem perscripsi, mea sententia, non debebat illis concedi tanta libertas, sed imminuenda pro vita illorum & status ratione. Alioqui praebebitur illis maior ansa peccandi, & homines sacrificandi potius, quam ullam aliam rem: nam neque virtute ulla, neque humanitate sunt pradi, neque veritatis amantes, neque apti ad disciplinam aliquam percipiendam, aut vitam reformandam, sed potius in deterius vergunt. Addo, talem eorum esse naturam, ut sub metu contineri debeant, si quis probos Christianos ex illis efficere velit. Atque certo persuadeat sibi V. Mater, me veritatem proloqui.

Hac erat sententia Gubernatoris illius Nunnij de Gusman qui crudeliter in miseros illos Mechoacan, Xalisco, & Panuco incolas, & alios, imperium exercuit, quamdiu istis regionibus praefuit, sed singulare crudelitatis & barbari furoris exemplum edidit in miserum quendam Provincia Mechoacan Regulum, nomine Caconcy: eum enim cremari iussit, ne apud Caesarem, aut eos quos Iuri dicundo istuc praefecerat, conqueri posset, de latrocinij in se & suos subditos à Gusmanno commissis: & hac crudeli morte illum affecit, causam prae texens, quod rebellionem molitus esset in Caesarem, & multos Indos atque Christianos sacrificasset, perinde, ut facere solebat antequam baptisaretur: & varias alias calumnias in miserum commentus est.

Sed his duobus Hispanis, qui rigidum imperium laudant, binos alios opponam, primum Hispanum, alterum Gallum, qui ipsa experientia probant, humanitate plus effici posse apud eas nationes, licet barbaras, quam vi & crudelitate.

Primus Alvarus Nunnez, nomine, cui cognomen caput vaccinum, in discursu quodam misso ad Carolum Caesarem, de itinere quod comitibus aliquot Hispanis confecit novem annorum spatio per continentem Indiae Occidentalis, à Panuco aut paulo supra incipiens usque ad mare Australe, longè aliter loquitur quam Gomara. Ego quaedam in medium adferam ad hanc rem facientia.

Primum habita longa narratione de regionibus quas peragrarunt per bis mille circiter leucas, & quam humaniter ab incolis fuerunt accepti, pro natura earum regionum, quia morbis medendi artem profitebantur, hinc inde errabundi, & requirentes loca aliqua ab Hispanis habitata in qua se recipere possent: cum tandem circiter triginta leucis ab Australi mari abessent, non procul abesse Hispanos intellexerunt: Itaque addit.

His, inquit, intellectis, Deo gratias ex animo egimus, desperabamus enim amplius quidquam de Christianis intelligere: tamen valde metuebamus ne isti Christiani, de quibus referebant Indi, littus illud Australis maris lustrandi & obseruandi gratia duntaxat percurrissent. Sed cum nobis certiora indicia adijcerent, iter nostrum urgebamus, & quo longius progrediebamur, plures reperiebamus, qui nobis de Christianis verba facerent: nos autem illis persuadebamus, ideo ad illos Christianos properare, ut moneremus, ne Indos in posterum occiderent, mancipia facerent, ex ipsorum sedibus eicerent, aut eis nocerent: qua de re magna letitia afficiebantur miseri isti.

Multa loca inueniebamus ab incolis deserta, qui in montes confugerant, & istuc latebant, quia ob metum Christianorum in suis adibus consistere, aut agros conserere non audebant. Magno sane dolore afficiemur, cum videremus adeo fertilem regionem, & limpidis riuulis, & fluuijs rigatam, ita vastatam & incendijs corruptam, atq; incolas adeo miseros & attonitos. Præterea fames ita inualuerat, quia miseri neque serebant, neque plantabant quidpiam, ut arborum cortices & radices quasdam rodere cogerentur. Nos etiam toto illo itinere famem perpepsi sumus, quia incola necessaria nobis subministrare non poterant, cum tam maligne exciperentur, imo inedia vitam sibi adimere velle videbantur.

Nobis narrabant, ut aliquando Christiani in illam Prouinciam ingressi, eam vastam reddidissent, pagos & hominum ades incendio absumentes: & dimidiam incolarum, quos istuc inuenissent, partem, cum vxoribus & liberis abripietes: qui elabi potuerant, in siluas & montes se contulisse. Animaduertentes autem illos esse adeo perturbato animo ut nusquam consistere auderent, neq; velle aut posse serere terram, ve colere, sed potius constituisse semel mori, quam diutius perpeti ut tam crudeliter haberentur, atq; hæcenus fuerant, eos quantum poteramus solabamur: & satis apparebat ex vultu, ipsos libenter nobiscum versari. Nihilominus, plurimum verebamus, ut, si quando ad eorum limites perueniremus, qui continua bella cum Christianis exercent, in nos irruentes vindictam sumerent de omnibus iniurijs quas à Christianis acceperant. Eò tamen Dei beneficio peruenientes, incolas adeo mites inuenimus, ut non minus nos metuerent & reuererentur, quam illi per quos iam feceramus iter: quod summe admirati sumus. Inde facile iudicari potest, illas nationes bonis exemplis, & honesta conuersatione, ad Christianam fidem amplectendam, & ad Maiestatis Cæsareæ obedientiam præstandam, esse pelliciendos: & nullam esse viam, ista magis securam.

Illi nos perduxerunt in pagum in summo montis vertice situm, cuius ascensus valde asper & difficilis. Istuc inuenimus plurimos, qui ob metum

tum Christianorum eò confugerant. Miseri isti beneuole nos excipientes, nobis obtulerunt qua habebant, & inter reliqua plures quam bis mille saccos Mayzi nobis attulerunt, quod miseris istis famelicis qui nos eo usq; deduxerant, donauimus.

Sequente die quatuor viros ablegauimus per eam regionem qui sparsos hinc inde colligerent, & quotquot inuenirent, deducerent in pagum quendam trium dierum itinere istinc distantem. Deinde postridie illinc discessimus, cum omnibus quos ibi repereramus, & semper recentia vestigia agnoscebamus in quibus. Christiani illam noctem traduxissent. Circiter meridiem incidimus in eos quos ablegaueramus, qui referebant neminem tota illa prouincia potuisse inuenire, quia omnes fugerant, & in montibus se abdiderant, metuentes ne à Christianis occiderentur, aut in seruitutem abriperentur: atque nocte præcedente Christianos quosdam conspexisse trahentes Indos quosdam catenis vinctos: se autem post arbores latuisse, ut obseruarent quid agerent.

His auditis, incolæ illius regionis qui nos comitabantur, adeo perturbati fuerunt, ut quidam ex eorum numero regrederentur, ad alijs significandum, Christianos aduenire: & haud dubie plures discessissent, nisi illos admonuissemus ne metuerent, quibus verbis valde confirmati sunt. Nam tunc nobiscum erant nonnulli Indi quorum habitatio plus quam centum leucis inde aberat, qui nos etiam inuitos sequuti erant, licet obnixè illos rogassemus ut domum repeterent. Atque ut magis confidentes illos redderemus, ea nocte istuc perstitimus. Postridie perreximus, & in via pernoctauimus. Tertio die quos hinc inde ablegaueramus, deduxerunt ad locum in quo Christianos conspexerant: sub noctem eo peruenientes, facile deprehendimus verum nobis retulisse. Nam ex duobus stipitibus telluri infixis, quibus alligati fuerant equi, agnouimus equites istac iter fecisse.

Certis igitur Christianorum vestigijs deprehensis, ex quibus intellegebamus non procul eos abesse, Deo gratias egimus, illum orantes, ut à tam misera captiuitate nos liberaret. Eadē nocte quosdam ex meis comitibus rogaui, ut Christianos, qui per ea loca, in quibus ipsorum vestigia deprehenderamus, iter faciebant, & tridui itinere à nobis forte abesse poterant, sequerentur. Sed omnes summam lassitudinem causati, abnuerunt, tametsi me multo iuniores & robustiores essent, & eo officio multo me melius fungi potuissent: intellecta tamen eorum voluntate, postridie summo mane adsumptis mecum Aethyope & undecim Indis, sequutus sum Christianorum vestigia, & tria loca deprehendi in quibus noctem traduxerant. Emensis eo die decem leucis, postridie mane incidi in quatuor equites Christianos, qui me conspecti tam peregrino habitu am-

etum,

„ Etum, & Indos comites habentem, adeo attoniti fuerunt, ut & multo
 „ tempore ne verbum quidem effari possent. Ego vero illos oravi, ut ad
 „ suum Tribunal me deducerent. Appellabatur is Tribunal Diego, id
 „ est Iacobus de Alcaraz, qui, me audito, respondit; semet adeo esse attoni-
 „ tum, ut quid ipsi agendum esset ignoraret, quia iam diu per eam regio-
 „ nem vagatus erat, nullum tamen Indum deprehendere potuisset: itaque
 „ non perspicere quonam secum suis conuerteret, quia iam magna annonæ
 „ penuria laborare incipiebat. Tum illi significo Durantem & Castigium
 „ reliquisse cum magna Indorum qui eos deduxerant, turba, circiter de-
 „ cem ab eo loco leucis. Hoc intellecto, illico tres equites ablegauit cum quin-
 „ quaginta Indis ex eorum numero quos secum trahebat. Illis adiunxi me-
 „ um æthiopem, qui index itineris esset: ego vero istuc perstiti.

„ Post quintum diem Andreas Dorante et Alphonsus de Castiglio
 „ adueniunt comitantibus eos plusquam sexcentis Indis, qui, Christianos
 „ fugientes, ad montes se contulerant & varijs locis se abdiderant, & redu-
 „ centibus reliquos omnes (qui nos comitati erant ad eum usq; locum ubi
 „ eos dimiseram) ut Christianos comitarentur. Tum Alcaraz, orat nos,
 „ ut euocaremus eos qui secundum flumina habitabant, & alios qui in
 „ montibus sese abdiderant, iuberemusq; annonam adferre: tametsi non ef-
 „ set necesse hac illis præcipere, quando quidem ipsi sponte hac onusti adue-
 „ niebant. Nostros tamen cursores ablegauimus, qui quotquot potuerunt
 „ euocarunt. Itaque sexcenti simul aduenerunt, ferentes quidquid Mayas
 „ habebant in fictilibus vasis argilla tectis, in quibus illud sub terram con-
 „ diderant: præterea quacunq; penes se reliqua erant: sed, reſeruatis duntaxat
 „ quæ necessaria essent, reliqua Christianis dedimus, ut inter se distri-
 „ buerent.

„ Deinde altercatio nobis fuit cum nostris Christianis, quia in serui-
 „ tutem trahere volebant Indos qui nos comitabantur: & cum indignatio-
 „ ne illinc discedentes, multos arcus & sagittas quarum quinque insignes,
 „ cuspidem smaragdis armatam habebant & peras nobiscum sumere obli-
 „ ti, amissimus. Sed maxima difficultas nobis oborta, volentibus partem
 „ Indorum à nobis dimittere, & illos hortantibus ut nihil amplius metue-
 „ rent, sed singuli domum abirent atque suam sementem facerent. Sed sur-
 „ dis canebarum, nec à nobis discedere cupiebant, donec reliqui etiam Indi
 „ dimissionem impetrarent, prout consuetudo eorum ferebat, nam metue-
 „ bant ne occiderentur si sine alijs abirent: in nostro autem comitatu, neque
 „ Christianos, neque eorum lanceas formidabant.

„ Hæc grauitè ferentes alij Christiani, per interpretes illis significari
 „ iusserunt, nos quidem ex eadem gente esse secum, qui iam multo tempore
 „ aberraueramus, vilis tamen generis & conditionis: se vero rerum esse

Domi-

Dominos, & qui soli essent obseruandi. Indi nihili facientes eorum dicta, ita inter se aiebant. Magni nugatores esse debent illi Christiani, exploratum enim habemus hos ab Oriente Sole venire: illi vero ex locis in quibus Sol occidit. Præterea dicebant nos agros curare, illos autem sanos occidere: nos nudos & sine calceis incedere, illos cum vestibus & lanceis equitare: nos non esse auaros vel alieni cupidos, imo quidquid nobis donabatur, statim alijs elargiri, illos vero nihil aliud quam furari & rapere quidquid possent, nec quidpiam alijs donare. Hac erant Indorum de nobis iudicia collatione facta cum alijs Christianis, & ita de toto vitæ nostræ cursu discurrentes, contraria prorsus referebant de Christianorum vitæ, existimantes nos ex eorum gente non esse. Sed neque hæc inter se duntaxat musitabant, verum sermone etiam Hispanico deserte & alta voce responderunt: & suis, communi quadam inter se lingua, significarunt. Illud idioma vulgari apud ipsos in usu est, quadringentarum plus leucarum spatio, qua nos iter fecimus, & apud quos in usu est Primhaitu appellantur.

Tandem nunquam istis Indis persuaderi potuit, nos ex illorum aliorum Christianorum natione esse, qui ita regiones depradabantur: & summa cum difficultate illis persuadere potuimus ut domum repeterent, præcipientes ut cum securitate reliquos ex suis hinc inde dispersos in plana reuocarent, terramque colerent qua à suis incolis deserta, iam siluescebat, tametsi natura sit totius Indiæ fertilissima. Nam ter quotannis sata, ubertim fructus profert: deinde elegantissimis fluminibus & alijs aquis dulcibus & potulentis irrigatur. Habet etiam venarum auri & argenti indicia. Incolæ bene habito corpore sunt, & Christianis, quos habent, amicos, voluntario ministrant, & Mexici incolis longe robustiores. Breuiter, terra est in qua nihil, quantum ad ubertatem attinet, desiderare queas.

Discedentes à nobis Indi, polliciti sunt se nostris mandatis obsequuturos, & curaturos ut singuli suorum hominum in proprios pagos redirent, modo Christiani ipsos molestia non afficiant. Quantum ad me attinet, affirmo, nisi id fecerint, culpam in Christianos esse reiiciendam. Vix illi dimiserant, cum nostri Christiani, me & comites, cuidam Zebrero rerum capitalium præfecto, atque tribus alijs Hispanis tradiderunt abducendos. Istic experientia didicimus, quam fallacia sint hominum iudicia: nos enim quietem & libertatem inter Christianos quærentes & illam iam adeptos esse existimantes, prorsus contrarium experti sumus. Itaque illi, ut nos ab indis segregarent per montes & deserta loca nos abduxerunt, ne videremus quam male miseros incolas exciperent: nam iam inter se consilium inierant de opprimendis Indis quos pacifice & cum se-

„ securitatis spe dimiseramus, quod etiam postea fecerunt.

„ Qui nos abducebant, biduo integro, per montes illos difficilima via
 „ trahebant, in qua neq₃ aqua, neq₃ semita ulla apparebat, ut siti nos extin-
 „ ctos iri putaremus: nostrorum sane quinq₃, & plurimi Indi amici, quos
 „ isti Hispani deducebant, ea perierunt. In his igitur difficultatibus versa-
 „ ti, tertio die circa meridiem, aquam inuenimus; confecimus cum illis, vi-
 „ ginti quinq₃ leucas, deinde in pagum quendam Indorum pace utentium
 „ peruenimus, in quo nos reliquit ille Zebrero, & tres leucas ulterius pro-
 „ gressus est in pagum Guliaz zam, in quo commorabatur Melchior Di-
 „ az eius Prouincia Praefectus. Is audit o nostro aduentu, illa ipsa nocte nos
 „ inuisit, & nostrae miseriae indoluit, gratias tamen agens Deo de ipsis in nos
 „ misericordia, atq₃ Gubernatoris Nunni de Gusman, & suo nomine, ob-
 „ tulit quacumq₃ haberet in sua potestate, indignè, ut apparebat, ferens,
 „ Alcaraz & suorum in nos inhumanitatem. Et plane nobis persuademus,
 „ si ipse adfuisset, neq₃ nos, neq₃ Indos tam inhumaniter fuisse excipiendos.

„ Postridie mane, istinc abire cupientes, ut Aubacan peteremus, ro-
 „ gavit Praefectus Diaz, ne excederemus, insigne enim seruitium Deo & V.
 „ Matis facturos (quia regio deserta esset ab incolis, qui pagis suis desertis, ad
 „ montes confugerant, nec redire volebāt) si illos reuocaremus, atq₃ Dei &
 „ Vestrae Matis nomine praeiperemus, ut in plana redirent, & terram co-
 „ lerent. Arduum initio visum est nobis hoc negotium, nullum enim eorum
 „ Indorum qui nos comitati fuerant, & quorum opera in similibus rebus
 „ uti consueueramus, amplius habebamus. Tandem tamen succurrit, ut
 „ binos Indos e captiuorum numero liberaremus, qui illius regionis incolae
 „ essent, & cum Christianis erant, quando primum in eos incidimus, vide-
 „ rantq₃ magnum nos comitantium numerum, & ab alijs Indis intellexe-
 „ rant, quantam existimationem & auctoritatem adepti essemus per eas
 „ prouincias, tum ea quae a nobis istic acta essent, agros curando, & quae po-
 „ teramus beneficia in eos conferendo. Cum illis igitur, etiam alios pagi
 „ Culiaz zan incolas ablegauimus reuocatum Indos per montes dispersos,
 „ & fluminis Patachan accolae, apud quod Christianos inueneramus, atq₃
 „ mandatum dedimus, ipsis dicerent, nos eorum colloquium expetere, eam
 „ ob causam sine formidine ad nos venirent. Ut vero hi alacrius hoc iter
 „ susciperent, & alij aduenirent; singulis horum tabellariorum magnam,
 „ cucurbitam (ex earum numero quas gestabamus) in manum dedimus,
 „ magnae existimationis apud ipsos indicium & signum.

„ Abeuntes igitur hi feciales, post septimum diem demum reuersi sunt,
 „ adducentes tres Regulos Indos ex eorum numero qui in montes profuge-
 „ rant, quos comitabantur quindecim alij Indi, qui multa monilia, gem-
 „ mas quas vulgus Turquesas vocat, pennaceas cristas, & aliam pluma-

ceam

ceam supellectilem abunde adferentes. Fluvij vero Patachan accolarum, nullum reperisse aiebant, quia Christiani denuo illos erant persecuti.

Tum Melchior Dias nostrum Interpretem rogavit, ut eos Indos qui nostra causa aduenerant alloqueretur, ipsiſq; significaret: nos à Deo, qui in cœlis est, missos, per integros nouem annos errabundos orbem peragrasse, admonentes quotquot inueniebamus, ut in Deum crederent, & ipsi inſeruirent, totius enim orbis & quidquid in eo continetur eſſe dominum, qui bonos viros morientes ad ſe recipit in cœlum, ubi neq; mortem amplius metuunt, neq; frigore aut penuria vlla affliguntur, ſed tanta gloria fruuntur, quantam nulla hominis mens capere poſſit. Contra, eos qui ipſi obſequi non volunt, ſub terram deprimere in conſortium Diabolorum, atq; in ingentem ignem abijcere, in quo perpetuo torquerentur. Deinde, ſi vellent Christiani fieri, & Deo ſeruire eo ritu quo à nobis edocentur, Christianos, illos pro fratribus habituros, ipſiſq; nos imperaturos, ne in poſterum eos diuexarent, aut ex ſuis habitationibus pellerent, ſed eorum amici eſſent. Quod ſi conuerti nollent, ſibi perſuaderent, Christianos peſſime illos diuexaturos, & in exterâs regiones tanquam mancipia abducturos.

Reſponderunt interpreti, ſe Christianos futuros, & Deo ſeruituros. Interrogati, quiſnam ille eſſet, quem adorarent, cui ſacrificarent, & à quo pluuiam peterent ad ſementem rigandam ut melius creſceret, deniq; reliqua ipſiſ neceſſaria, Reſponderunt, viro cuiſpiam in cœlis commoranti: quod autem eſſet eius nomen, AGVAR, aiebant, & ſe credere, illum orbem creafſe, & quidquid in eo contineretur. Sciſcitati à quo iſta accepiſſent: dixerunt ſe à patribus didiciſſe, & iam multis ſaculis talem notitiam inter ipſos eſſe vulgarem, ſe ſcire ipſum aquam è cœlis demittere, & reliquas res bonas. Ipſiſ porro ſignificari iuſſimus, eum quem ipſi AGVAR vocarent, illum ipſum eſſe, quem nos DEVM appellaremus, quem ſi adorarent & colerent, eo quem nos doceremus, ritu, bene cum ipſiſ actum iri. Reſponderunt, quidquid dixiſſemus probe intellexiſſe, & id acturos. Monuimus autem, neceſſe eſſe, ut montibus relictis, planam regionem habitatum redirent, ſuas ades reſtaurarent, atq; etiam vnâ Deo extruerent, in cuius veſtibulo crucem figerent, illi ſimilem, quam nos iſtic habebamus. Deinde, quando Christianos iſta iter facientes animaduernerent, ut ſine arcubus & armis, ſed cum ſola cruce & labaro, iis obuiam procederent, & in ſuas ades deducerent, genialiterq; exciperent. Iſta ratione Christianos nunquam illis nocituros.

Concione finita, & fide ab ipſiſ data, ſe quacumque dixeramus facturos, Præfectus ſingulos veſte donauit, laute habuit, & domum dimiſit, Deo votum faciens, ſe nec excuſſiones facturum in ea loca, quæ ab Indis

„ nostra admonitione reducibus colerentur, nec passurum ut alius quispi-
 „ am faceret, aut mancipia inde abriperet, donec Maiestas Vestra, aut Gu-
 „ bernator Nunnius de Gusman, vel Maiestatis Vestra Vicarius, statu-
 „ isset quod existimarent commodum, ad Dei & Matris Vestrae seruitium.

„ Et paulo post: Cum ad urbem D. Michaelis peruenissemus, adue-
 „ nerunt etiam Indi narrantes, ut singulis diebus plerique montibus descen-
 „ derent, magnaque cura templa exstruerent, & cruces erigerent. Post quin-
 „ tum & decimum diem, aduenit etiam Tribunus Alcaraz, cum Hispa-
 „ nis quib. praeerat: referebant autem illi Praefecto Diaz, Indos, suos pagos re-
 „ parere, in planicie, & magnum Indorum numerum inuenisse, quacunque
 „ iter fecissent, etiam ijs locis quae ante deserta erant. Imo Indos ipsis obui-
 „ am progressos cum Cruce & Labaro, ad suas ades inuitasse, & quidquid
 „ haberent ipsis adposuisse. Ea nocte inter ipsos dormissey, valde admiratos
 „ talem mutationem. Indos autem illis significasse, nunc secure se viuere,
 „ quia Praefectus Dias praecepisset, ne in posterum quisquam illis noceret.

„ Deum autem oramus, concedere dignetur V. M^{ti}, ut ipsa viuente
 „ & sub protectione vestri Imperij, istae nationes reducantur ad veram
 „ Dei agnitionem, qui illas creauit & redemit. Quod existimamus futu-
 „ rum; nam non adeo difficile factum est, atque quis existimet. Per bis mille
 „ enim leucas quas nouem annorum spatium mari & terra emensi sumus, &
 „ decem insuper mensibus, à nostra misera captiuitate huc illuc sine inter-
 „ missione discurrentes, nullum sacrificij ritum, nullam Idololatriae speciem
 „ in miseris illis nationibus deprehendimus.

Hæc est Hispani hominis Narratio, qui ipse eas Prouincias pera-
 grauerat, nec ullum ex mendacio compendium expectare poterat. Nunc
 Gallum hominem in medium proferamus, Tribunum, de Brasilia lo-
 quentem, quam primi Lusitani detexerunt, & sui iuris esse asserunt. To-
 tistamen septuaginta & amplius annis, quibus cœperunt eo nauigare,
 nondum duodecimam eius partem occuparunt, quia nimirum magis se-
 duli fuerunt in exportandis regionis diuitijs, quam incolarum animis si-
 bi deuinciendis.

„ Is igitur sic scribit. Si Lusitani, qui se illius Prouinciæ Dominos
 „ venditant, vere fuissent Christiani, & honorem Dei suo quaestui praeu-
 „ lissent, dimidia eorum populorum pars iam Christiana facta esset. Multi
 „ enim ex ipsis nosse desiderant quid sit Deus, & valde sunt dociles. Sed Lu-
 „ sitani quantum possunt impediunt, ne miseri isti ad nostræ fidei cognitio-
 „ nem perueniant, & multa illis persuadent longè à salute illorum aliena, ut
 „ in perpetua ignorantia retineant.

„ Si quis autem me interroget, cur Lusitani ferre nequeunt, ut Galli
 „ Brasiliam, aliaque loca ab ipsis frequentata, veluti Guineam, Taproba-
 nam,

nam,adeant ,nullam aliam rationem proferre possum ,quàm insatiabi-
 lem eorū auaritiā in causa esse. Nam licet minima pars orbis sint ,nimis
 tamen angustus videtur ,ut eorum cupiditatem explere possit. Arbitror
 ipsos potionem hausisse cui inspersus fuerit puluis cordis Regis Alexan-
 dri,quæ illis tantam sitim excitauit ,ut ipsis videatur se pugno posse com-
 prehendere,quod ne utraq, quidem manu amplecti possint. Persuadent
 sibi,ut opinor,Deum,terram & mare ipsorum duntaxat gratia condi-
 disse,nec reliquas nationes dignas esse quæ nauigent:atq, si repagulis mare
 claudere possent ab Artabro Promontorio,in Hyberniam usq, , iamdu-
 dum mare illud interclusissent. Si nauigando Prouinciæ alicuius mariti-
 mæ præteruecti sunt, illico sui iuris esse pronunciant. Sed talis adquisitio
 facile fieri potest,nemine præsertim resistente. Gratias autem agere pos-
 sunt Francisco I. Regi Galliæ: nam si licentiam dare voluisset mercatori-
 bus sui Regni incolis,eò nauigandi,Lusitani potuissent valedicere illi re-
 gioni. Plures enim Prouincias noui istius orbis commercia exercendo
 cum inquilinis,& sola beneuolentia nullam vim inferendo adquisiuis-
 sent quatuor aut quinque annis,& longius penetrassent,quam Lusitani in
 quinquaginta fecerunt: sic ut ne vnus quidem Lusitanus tota illa Pro-
 uincia remansisset. Hæc vna est ex primarijs rationibus,cur Lusitani
 nolint Gallos commercia istic exercere. Nam simulatq, eius regionis in-
 colæ Gallorum consuetudinem degustarunt ,cum Lusitanis nihil sibi ne-
 gotij amplius esse volunt: sed eos odio habent & contemptui.

Nunc Lectori liberum relinquo deligendi utram magis probabit
 opinionem. Ad me quod attinet,maiorē fidem tribuo experto nauis
 Præfecto,aut Viatori constanter asserenti quæ vidit,& longo tempore
 mores earum quas adiit nationum obseruauit;quàm sacerdoti, qui nun-
 quam eas regiones vidit nisi in tabula Chorographica, ut Gomara, aut

Præsidi militari qualis Gufmannus,cui vnicus erat scopus exple-
 re suā auaritiā,& Casari suas sanguinarias actio-
 nes probare,qui tamen postea eius Pro-
 uinciæ Præfectura illum me-
 rito summouit.

*¶ Hoieda & Niquesa Gubernatores ferro & flamma in Indos
continentis incolas seuiunt. Hoieda vulneratur, &
fame è prouincia eiectus, ex vulnere
in Hispaniola moritur.*

C A P V T X I X .

D V M circa nouam Carthaginem moratur Hoieda cum Indis bellum gerens, ecce Niquesa superuenit liburnicæ vnius, septem carauellarum, & duorum phaselorum classe instructus, & cum amplius septingentis militibus prouinciam suam petens. Is socium suum Hoiedam infausto quodam casu ictum & afflictum reperit. Ille paulo ante à Carthagine xii. millia in mediterranea progressus, ingentis prædæ spe & cupidine illectus, genti cuidā infesta arma intulerat, quum Indis credidisset affirmantibus eo loco magnam vim auri reperturum. Sed ex ea expeditione nihil præter vulnera & detrimentum ingens retulit. Eius enim populi Cacicus, haud dubius aduentare Hispanos, Indorum multitudine excita, paratus in armis hostium aduentum expectabat. Qui vt apparuere, tanta in eos vi irruerunt Barbari, vt Hoieda fugam capeßere, amissis septuaginta quinque militibus, & ad mare regredi coactus sit.

His auditis qui superuenerant, consilium ineunt, & iunctis viribus in eius gentis fineis impetum facere ac suorum cædem vlcisci statuunt. Itaque sub vesperam maxima militum pars silentio è castris profecti, modico ac suspenso gradu medio itinere confecto, sub auroram Indos securos & somno torpidos opprimunt. Illi excitati vulneribus & ad necopinatum tumultum pauentes, in super etiam mapalium incendio perterriti, præcipiti fuga velut cæci euadunt: sed obseptis à milite itineribus incidentes in armatos cæduntur alii, alii incendio perire quàm Hispanorum manibus præoptantes, in igneis semetipsi præcipitant. Erant ei populo centum ferme casæ contextæ arundinibus & foliis palmarum contextæ. Omnes ferro flammaque absumti sunt, præter paucos, quos dubiæ adhuc lucis obscuro, fuga discrimini eripuit. Sex modo capti sunt & Hoieda in seruitutem traditi: victores, quum frigefactis cineribus aurum quærentes per pauxillum inuenissent, elusa auaritia nec præda pro spe inuenta, male alacres Carthaginem regressi sunt.

IND E soluens Niquesa & directo in Occidentem cursu oram præterlegens, Prouinciam suam quærere institit. Hoieda quoque &
ipse

ipse præter oram nouæ Carthaginis vectus, ducenta ferè millia à Carthagine sinum Vrabensem ingreditur, & ibi equis, machinis, omni-
 que commeatu in litus exposita, ædificia moliri & crebris excursio-
 nibus eas gentes infestare cœpit. Indi satis gnari quid Christiani quæ-
 rerent, rudis auri massas & monilia per vias spargebant: mox inten-
 tis arcibus abditi Hispanos, simul vt sese ad colligendum aurum de-
 miserant, venenatis sagittis figebant.

Barbari Hi-
 spanorum a-
 uaritiam elu-
 dunt.

DVM eius provinciæ finis Hispani populantur, Indi cuiusdam
 reguli vxorem fortè inter ceteros captiuos abduxerant. Is Guberna-
 torem adit, aliquot amicis comitantibus, vxorem se redimere velle
 simulans, & dare quidquid ille peteret: sed vt in eius conspectum ve-
 nit, magnificè exorsus, non eum tantum contumeliosis verbis, sed
 re ipsa quoque violat, & sagitta venenata configit. Milites audito
 clamore accurrunt, & circumfusi Regulum cum coniuge & sociis
 obtruncant Gubernatoris femur faucium, igni (vt fieri consuevit)
 medicatum est, & veneno non satis valido vtcunque sanatum.

Magnanimi
 viri exem-
 plum & mini-
 me barbaræ
 virtutis.

HISPANI tantam in hostibus animi magnitudinem demiran-
 tes, & ab illis dum animosè libertatem suam defenderent, multos
 iam ex suis interfectos: alios ex intemperie cœli vulgatis morbis quo-
 tidie interire, de Gubernatore conqueri incipiunt: Se videlicet ab eo
 in eum locum deductos, vbi propter impeditos saltus & densissimas
 filuas nequicquam arma & vires experirentur.

PER eos forte dies ex Hispaniola naus viris & commeatu onu-
 sta eò appellens, recreandis omnibus plurimum profuit: nec pro-
 pterea tamen fremitus militum & seditiosi clamores leniebantur.
 Quinetiam quum vehementius quam antea ardescerent, Guber-
 nator circumiens omnium vicem consolabatur, bono animo eos
 esse iubens: breui Ancisum baccalaureum ex Hispaniola cum subsi-
 diis & commeatu adfuturum. Sed verba frustra erant, & furdis hæc
 canebantur, metuentibus videlicet ne tandem Indos pascerent. Ita-
 que maxima eorum pars phaselis inde fugere clanculum molie-
 bantur.

His auditis Gubernator, tum vt seditioni obuiam iret, tum ne
 irritò incepto ditissimam provinciam relinquere cogeretur, nauem
 quæ venerat conscendens, legatum in sui vicem Franciscum Pizar-
 rum reliquit: pollicitus breui se ex Hispaniola cum commeatu & re-
 centium militum supplemento reuersurum: ac nisi quinquagesi-
 mum intra diem rediisset, potestatem sociis faciens, vt quomodo-
 cunque visum esset, rebus suis consulerent. Is fuit Pizarrus,
 qui postea cum Didaco Almagro amplissimum ditissimumque
 regnum

regnum Peruanum reperit & subegit. 3 Hoieda multis conflictatus laboribus vix tandem Hispaniolam tenuit, vulnere nuper accepto admodum grauis: vnde paucos intra dies summo cum dolore moritur.

1. DE venenatis Indorum sagittis: & remedio vulnorum, vide supra hoc libro cap. 3.

2. HIC fuit Pizarrus, qui postea Carolo V. imperium noui eius orbis Peruanis prouinciis ampliauit, Attabaliba Rege capto & interempto: mox Marchionis titulo auctus & consortis impatiens, Didacum Almagrum, quicum fortunarum & periculorum societas ei erat, Ferdinandi Pizarri fratris sui opera, de medio sustulit: ac vicissim ipse ab Almagri filio, Ioannis Rada & aliorum coniuratorum opera, Lima domi suae interfectus est, Anno M. D. XLI. De eo fusius lib. 3.

3. HOIEDA iste, postquam in Hispaniolam peruenit seu dolore vulneris retentus, seu deficientibus ad reditum necessariis: tandem, abiecta & prouincia & vita spe, Franciscanorum ordinem subiisse (velut ultimum desperatorum perfugium) & in eo cultu mortuus, fertur.

¶ Franciscus Pizarrus Hoieda legatus, è continenti India cum suis fame expellitur. Ab Anciso Pratore reuerti cogitur. Ancisus, victoria aduersum Indos potitus coloniam condit. Valboat, ractis in partes Hispanis aliquot, ab Anciso secedit.

C A P V T X X.

Hispani fame ex India continenti expelluntur.



AM duo præterierant menses, nec redibat Hoieda. Itaque Pizarrus, subigente fame, cum LXX. Hispanis (qui ex trecentis reliqui erant) duobus inde nauigiis soluit. Sed quum circa eius oræ litora erraret, sicunde alimenta expedire posset, mox repetendæ Hispaniolæ proposito, ingruente procelloso ventorum turbine, è duobus phaselis alter, cum omnibus qui in eo erant, id est, dimidia sociorum parte, haustus aquis periit. Nonnulli ab inusitatæ magnitudinis pisce eius gubernaculum frangi & excuti viderunt.

Fortis, insula.

INDE Pizarrus in Insulam Fortem eiectus est, in cuius litus quum aquatum egredi vellet, etsi pacis amicitiaque signa ederet, ab Insulanis prohibitus est. Itaque desperabundus, quum super omnia fæua atque aspera, coelo ac terra infestis, fatigatos etiam sitis exure-

ret,

ret, litus aliquod tutum quò exscenderet quærebat.

SEDIAM mitiore & mutata in melius fortuna, ecce in bacca-
laureum Ancisum incidunt, qui liburnicam vnam & phaselum vi-
ris commeatuque onusta Hoiedæ subsidium ducebāt. Pizarrus eo
occurso mirificè lætus, ei primum suos casus, deinde vt quò ire vel-
lent permisisset Gubernator, exponit. Ancisus primò non credere,
istos ob maleficio profugisse ab Hoieda suspicans: mox vt ea vera
esse comperit, ingemuit, & illos ponè subsequi iussit. Pizarrus ad hæc
supplex orare vt has infelicitis exercitus reliquias afflictas & ægras in
Hispaniolam perducì à se sineret. Quod quum Ancisus abnueret,
tum infirmi milites idem precari, & L. auri libras offerre: quas haud
grauatè accepisset, ni crimini id sibi verti metueret. Ergo gratias a-
gens munus repulit: ipsos vtique consolatus, breui redituras illis vi-
res & pristinam valetudinem, noui sui commeatus ope: quum non
aliunde morbos contraxissent quàm ex miseriis & fame. Ita haud
procul Carthagine naueis applicans, in Comagræ litus ad aquan-
dum egreditur.

INDI quum nec Niquefæ nec Hoiedæ eas naues esse agnosce-
rent, aquari Hispanos, ceteraque inde sumere quæ necessaria essent, Hoc nimirum nesciebant Indi, Ex vno nosce omnes.
multum mirantibus omnibus, permittunt. Mox inde soluens An-
cisus in Vrabam venit, vbi quum in eundem locum appulisset, in
quem antè Hoieda exscenderat, Naucleri imperitia, nauis prætoria
scopulo illisa est, & ea mox aquis hausta, equi cæteraque animalia
periere: milites ipsi ægrè, nulla propè re præter vitam incolumi, eua-
serunt, quam & ipsam ne breui fame amitterent, omnes metuebāt.

IPSE Ancisus, naue amissa & haustis commeatibus, quum iam
milites herbis & agrestibus pomis, quæ in maritima ora reperie-
bant, vefcentes cerneret, in mediterranea progredi statuit, satius for-
titer pugnando occumbere dictitans quàm turpiter fame tabescen-
tes mortem expectare. Itaque cum centum Hispanis profectus est:
sed vix quatuor millia pass. progressi erant, quum occurrens sagitta-
torum agmen Hispanos audacter inuadere & sagittis configere in-
cipit. Itaque illi subacti terga vertere, & terram ipsam & gentem, tam
lethales sagittas mittentem, exsecrantes trepida fuga litus repetunt.

MOX quum nulla inde alimenta expediri posse Ancisus videret,
cognouissetque è captiuis ex aduerso, non procul sinu, campe-
stem esse planiciem, frugibus, fructibus aliisque vitæ subsidiis abun-
dantem, cum centum Hispanis & duobus phaselis in aduersam si-
nus partem traiecit. Indi primò aliquandiu nouam gentem & eò-
rum consilii euentum quieti spectabant. Mox verò vt apparuit illos

Egregium
votum sc. qua
si Deus præda
& manubiis
delectetur.

ibi sedibus locum legere & ædificia moliri, ad eos arcendos arma capiunt. Altera parte quoque Baccalaureus aciem instruit, nilque barbarorum audaciam & sagittas metuens, impressionem facit, nūcupato prius voto, se sacram ædem è Cacici domo facturum. Manus conferunt, fit atrox pugna, vtrisque fortiter dimicantibus: tandem Indi, quum hostium vim sustinere non possent, in fugam vertuntur. Ea res Hispanis iam fame cæcis robur & audaciam accendit: fusos hostes persequuntur & omnia cædibus complent.

Auaritia fa-
gax.

HISPANICA victoria potiti, eius gentis pagos inuadunt: vbi panis, fructuum, radicum aliarumque rerum copiam nacti, barbaricis cibariis corpora strenuè reficiunt. Posthæc vicini fluminis ripam sequentes, in arundineto lodices, stragulas, fictilia & lignea vasa & amplius duo mille & quingenta pondo auri laborati reperiunt, quod Comaccus, eius populi Regulus, ne in manus Christianorum veniret, abdiderat. Neque profectò ab illis repertum esset, nisi vbi lateret, Indos tormentis fateri & prodere coegissent. Baccalaureus multas de victoria Deo gratias agens, locum ¹ Antiquam Darienis appellat: mirificè quoque lætis militibus ob tantam auri copiam repertam, quippe sine eo male alacres & parum expleta cupidine reuertebantur.

Antiqua Dari-
enis, colo-
nia.

Factiones in-
ter Hispanos
etiam in me-
diis calamita-
tibus.

INTEREA Baccalaureus missis phaselis Hispanos, quos in aduersa sinus parte reliquerat, accersit, qui vt venerāt, breui in factiones discessere: quū videretur Baccalaureus in diuidendo auro & spoliis partiū magis & priuati emolumentum curam agere quàm Iudicē deceret. Itaque ² Vascus Nunez Valboa, procax homo & seditiosus, cū factionis suæ popularibus secessit in partes, ac se Hoiedæ iurisdictioni non ultra subiici dictitans, licere omnibus Præfectis esse contendebat: nec se Baccalaureo pariturum, qui in iure dicendo priuato magis quæstui quàm communi omnium vtilitati consuleret, nihilque præter literati nomen haberet, reipsa vulpem astutissimam referens.

DVM Ancisus & Valboa ita inter se altercando & iurgiis tempus terunt, ex Hispaniola soluit Rodericus Colmenares, duabus carauellis nouum hominum supplementum & commeatus subuehens, Hoiedæ militibus auxilium, quos in summis rerum omnium angustiis versari acceperat. Inde continentis oram tenuit ad prouinciam Carthaginis, & aquæ penuria laborans, ad fluminis ostium applicuit. Simul quinquaginta milites, qui nauticis aquantibus præsidio essent, in litus exponit. Illi egressi in terram, vt si in tuto & pacato essent, veluti per iuuenilem lasciuiam saltare alacres & vitulari cœperunt. Sed Indi, qui carauellas fluminis ostium subeuntes conspexerunt.

ſpexerant, frequentes cum arcubus & ſagittis, ſubire ſiluas, atq; inde in Hiſpanos in litore ſecuros ac ſolutos de improviſo impetum facere, tanta ac tam feſtinata vi, vt ne vni quidē ad euadendū quidquam ſpacii relinquerent. Eodem veſtigio ſcaphas confringunt, ferociter etiam aliis qui in carauellis erant minantes, procul ſignificant, quantopere illis potiri cuperent.

COLMENARES Indos adeo acres bellatores expertus, ſitim ^{Indi Hiſpanis} aliquandiu pati quàm Barbarorum manibus interire præoptans, ^{formidabiles.} ſublatis ancoris, inde in Vrabam propere vela dat. Ibi, repertis tantum quibuſdam coloniæ ab Hoieda poſitę veſtigiis, multum obſtupefaſtus, ac ne omnes à barbaris laniati eſſent metuens: tandem ad naueis regreſſus, ſub noctem, vt ſi fortè aliò migräſſent, ſuum ipſis aduentum ſignificaret, tormentum vnum diſplodi iubet. Quo ſigno edito Hiſpani, qui in Antiqua erant, præfectum ſuum adēſſe rati, crebris & ipſi extemplo ignibus excitatis in montium & collium ſpeculis, ſe non procul abeſſe admonent.

ORTA luce Colmenares, qua fumum euolutum conſpexit, eò ſelectens ad Antiquam appellit. Tum inter eos ingenti lætitia conſalutatio facta, & mutuo alii alios amplexantur, diuerſis vtrinq; cupidinibus, illi ciborum deſiderio, hi auri fame ardentes: & (ſicuti dictum eſt) Indi maximam colonorum partem trucidauerant: ceteri petere ab indigenis cibaria, aut procul quæritando victum expedire non audebant, tantus ſagittarum timor inceſſerat. Itaque tegminibus laceris, ſeminudi, ſtriſtis arborum frondibus, agreſtibus pomis, & herbarum radicibus, aliisq; ſimilibus, ægrè inopiam ſuſtentabant.

1. *Vouerat Ancifus Virginis ſimulacro, quod ſub nomine B. Mariae Antiquæ Hiſpali ſacratum eſt, non tantum aurea argenteaq; dona è manubiis: ſed ſe eadem quoq; illi ſacram è Cacici domo, & Coloniam mox eo loco extruēdam ipſius nomine inſignem facturum. Ergo voti damnatus, impositam ripæ fluminis coloniam (quod Darien vocant) Antiquam Darienis nuncupat. Ea, quum Ancifi auſpiciis Hiſpanis colonis frequentari cœpiſſet, paulo poſt peſtifero paludum halitu & inſalubrium aquarum potu infamis, ab incolis deſerta eſt.*

2. *Hic poſtea Mare Australe (vulgò Mare del Sur) primus reperit: moxq; eius ora Præfectus deſignatus, à Petro Aria, ſocero ſuo, ſeditionis reus peractus, & capitali ſupplicio affectus eſt. Vide infra hoc libro, capite 24.*

¶ Didacus Niqueſa in Veraguam prouinciã ſuã tendens aberrat à curſu, & naufragium facit. Re-nectus ad ſuos Veraguam, ut infaſtam relinquit.

C A P V T X X I.

Niqueſæ errores.



RIVS QVAM enarrandis iſtorum Hiſpanorum diſcordiis finem faciam, Didaci Niqueſæ errores & caſus exponere hîc me neceſſe eſt. Is quum Carthaginis ora ſoluens in prouinciã ſuã tenderet, carauella vna & duabus biremibus præuectus ceteras naueis ponè ſubſequi iuſſit. Sed dum nauigat, noctu coorta tempeſtas biremes diſiectas à carauella abripuit. Luce orta quum biremes in vnum coiſſent, nec carauella in conſpectu eſſet, & ignota regio, quò aut quã irent, incertum faceret: tandem retrò proras vertere rectores ſtatuunt. Ita terrę applicant naueis, & oram præterlegentes vſque ad os Ciagri fluminis, ceteram ibi claſſem & ſocios reperiunt. Vbi quum nihil certi de claſſis Præfecto cognouiſſent, eum tandem ſe inuenturos rati, omnes inde abeunt. Centum millia emenſi, quum vltorius progredi non placeret, iaciunt ancoras, & explorandi aditus gratia & quã commodè terra prehendi poſſet, ſcapham ad litus & octo nauticos mittunt. Sed quum fortè commotum mare eſſet, & nautæ remis pertinacius euerberantes vndas ſuperare contenderent, obruta gurgite ſcapha cum ſeptem nautis demergitur. Octauus fluctibus ſe ſtrenuè euoluens, nando ad terram euafit. Nauium magiſtri, ſcapha in omnium oculis amiſſa, dum omnis pelagi furor caderet, exſpectant: mox ſequenti die, æſtu poſito, phaſelis & biremibus, equos, machinas, & commeatum omnem, in litus expoſuere.

“Olanum alii vocant.

INDE Lupo “Olando, dum Niqueſa rediret, ſummam imperii deſerunt. Is quò omnem ſociis ſpem fugæ tolleret, naueis fluctuantes temere ad litus ferri atque allidi ſinit: mox, nimis feſtinati conſilii errore animaduerſo, è fractarum nauium tabulis carauellam vnam, ad ſubitos & neceſſarios vſus fabricari iubet. Inde caſas moliri, Mai- zium feminare, & aliquot eius oræ loca peruagari, cœperunt: ſed omnes ferme pagos incolarum fuga deſertos reperiabant. Quippe Indi formidine in montes refugerant: & eæ proſectò gentes, quum id ſibi minus conducere arbitrentur, elici ad certamen nequeunt, neq; cum noſtris hominibus manum conſerere curant: nuda videlicet ac ſterili terra ſatis pro ipſis aduerſus aduenas pugnante, quibus nihil præter famem relinquant.

Indi famem quàm ſe aduerſus Hiſpanos pugnare malunt.

D V M

DU M hæc Olandus agitat, ecce tres nautæscapha eò appellunt, qui ab Niqueſa præfecto aufugerant. Illi de Niqueſa interrogati renunciant, illum, carauella amiſſa, in Zorobarenſem quandam inſulam eiectum, & iam tertium menſem per montes ſiluoſos, & ſolitudines auias ſine vllo humani cultus veſtigio, errantem, victu infelici, ſilueſtrib. pomis, & vulſis herbarum radicibus vitam trahere. Olandus extemplo biremem ad eum aduehendum mittit: ea vbi Inſulam attigit, nauim conſcendit Niqueſa cum paucis illis qui ſupere- rant militibus, & ad exercitum ſuum venit. Ibi plurimum de Olan- do conqueſtus, proditiſionis eum inſimulans, quod neglecta præfe- cti ſui ſalute & omiſſa eius veſtigandi cura, naues litori illiſiſſet vt ſummū eius prouinciæ imperium inuaderet: mox ſe ex illis ſedib. ex- cedere velle militib. denunciat. illi haud procul abeſſe maturitatem frugum quas ſeuerant monentes, paululum ſpatii ad metendum o- rabant: ſed ipſe frugum iacturam quàm vitæ facere malle reſpondit, neq; diutius tam infelici terra conſidere velle.

Niqueſa quā
in Veragua
pro theſauro
carbones re-
periſſet, inde
excedit.

PLACE T nonnullis ita loquutum Niqueſam vt Olandi gloriam minueret: verum opinore eius ſcemiſcriptores, ſi eam prouinciā perambulāſſent, vt à Niqueſa & aliis multis, & à me ipſo quoq; , per- agrata eſt, nunquam fuiſſe ſcripturos eam editam à Præfecto vocē, velle ſe inde excedere, vt alterius gloriæ officeret. Sed ne ſi velim nunc plenam horridæ illius & aſperrimæ prouinciæ deſcriptionem edere, longius ab inſtituto abſtrahar, eam commodiori loco reſer- uo. Quippe id mihi propoſitum, breuem hanc meam Hiſtoriam quàm accommodatè fieri poterit, pro exiguo ingenii mei modulo cōtexere, quò facilius res maximè memorabiles viſas à me, aut quo- modocumq; cognitās, quæ illis in terris accidere, ordine exſequar: tum peregrinationis meæ caſus & errores exponam quæ mihi qua- tuordecim annorum ſpatio per infrā ſcriptas prouincias exacta eſt. Primum enim in Inſulam Vnionum appulſus, mox Parienſis ſinus tum orientalem tum occidentalem partem perluiſtraui. Inde Inſulis Margarita, S. Ioannis, Hiſpaniola & Cuba peragratis, in continen- tem reſgreſſus, ad prouinciā Carthaginiſ applicui: & oram ſinus Vrabenſis præteruectus, in Achlam: vnde Auſtrali mari traiecto Pa- namam (quæ prouincia ab Hiſpanis “Caſtella aurea dicitur) & ex Nomine-dei Veraguam & nouam Carthaginem, Coſtamriccam, Caput-Fondurenſe, Vallem Olanchiam, prouinciā Cuattima- lam, & Nicaraguam adii. Poſt denuo in Panamam tranſgreſſus, re- gnum Peruanum ad extremum obii aliasq; præterea Inſulas, vt quo- uis loco planum faciam.

Lib. 2. cap. 10.
& ſeq.

Summa Indi-
cæ peregrina-
tionis, à Ben-
zone confe-
ctæ.

“De eius ro-
minis ratio-
ne, vide hu-
ius lib. cap. 23.

¶ Niquesa Veragua relictā, Nominis dei coloniae fundamenta ponit. A Darienensibus colonis ad componendas rixas arcessitur. Mox ob inconsultè iactas voces probrose expellitur ab Anciso & Valboa, factionum ducibus.
Mors eius.

C A P V T X X I I.



POST QUAM Niquesæ sententia stetit Veragua excedere, tanta militum & nautarum multitudine, quantum carauella noua & duæ biremes capere poterant, conscendere iussa, ceteros fortunæ arbitrio permisit, fide tamen illis data, se simulac idoneum colonie cõdendæ locum nactus esset, illico ad eos arcessendos missurum. Sed postea rebus illi vndique improsperè cadentibus, id præstare non potuit.

Portus bellus.

IN DE soluens, portum tenuit, cui Bello, id est Pulchro, nomen est, sic antè ab Almirante Columbo nuncupatum, quòd amœno & opportuno situ pulcherrimè condendæ vrbi sedem præbeat: sed Indi Niquesam eò appulsum, maxima militum parte amissa, regredi ad naues coegerunt. Itaq; ad promontorium Marmoris prouectus, feliciorem sibi rerum cursum quàm antea promittens, In nomine Dei (inquit suis) egrediamur in terram. Inde nomen postea loco mansit: ipse quò se aduersus Indos infestantes defenderet, propugnaculum è ligno raptim exstruit.

Nominis Dei coloniae origo.

Niquesa finis Darienens. coloniarum simultatibus arcessitur.

IN T E R E A dum Niquesa, circa ea loca variis ærumnis molestiisq; conflictatur, inter Hispanos Darienis colonos discordiæ studiis accensæ in dies magis ac magis crescere, aliis ad Valboam, aliis ad Baccalaureum Ancisum imperium trahentibus. Alphonsi Hoiedæ milites omnia ita agitari misceriq; ægrè ferentes, priusquam res ad vltimum discriminis certaminibus veniret, mittere in Veraguam ad arcessendum Niquesam statuunt, qui imperio suscepto, donec à Rege alius præficeretur, simultates Hispanorum & seditiones finiret. Itaque, quamquam ne id quidem nisi egrè obtineri potuerit, intercedentibus aduersariis neque assentiri volentibus, honestorum tamen aliquot virorum pacisq; ac quietis publicæ amantium interuentu effectum, missusq; ad Niquesam arcessendum Colmenares.

Is duobus phaselis oram præterlegens, eum tandem debilem, squalidum, seminudum & victus egentem ad Nomen-dei reperit. Niquesa, qui quiduis sibi potius euenturum quàm illud auxilium sperasset,

sperasset, magnam vim lachrymarum profundens Colmenarem amplectitur, & tanti beneficii ingentes gratias agit: mox infelicem hactenus suam sortem miseratus, mala & ærumnas quibus conflictatus erat, exposuit. Colmenares vicissim sui ad eum itineris causam & quibus moti Antiquenses eum accirent, aperit: deinde spe eum solatur & bono animo esse iubet: quippe ditissimam esse prouinciam in quam vocaretur, ibique eum superioris temporis damna & incommoda futuri prouentu facillimè sarturum.

ITAQUE Niquefa cum septuagintaquinque Hispanis, quos ex omni exercitu reliquos habebat, nauim conscendit: & dum nauigant, multa vana de Baccalaureo, de Valboa aliisque, multis stolidè iacere cœpit, haud dubiè præ se ferens, simulac prouinciam attigisset, animaduersurum in eos, aliosque; abdicaturum dignitatibus, alios auro & pecuniis multaturum. quippe id habere ipsis non licere sine suo vel Hoiedæ permissu, qui à Rege Gubernatorum titulum atque in vtramque prouinciam imperium acceperant. Multa præterea alia inconsultè effudit, quæ plurimum auditu excepta, exitium ipsi attulere. Nam ut in Antiquam appulerant, subito egressi in terram aliquot Hispani ad Consilium ciuitatis verba & minaces Niquefæ in eos voces referunt. Inde maxima fermè omnium aduersus eum indignatio coorta. itaque vix naui egressum certatim minas probraque ingerentes precipitem Antiqua expellunt, & inhumanissimè cum suis LXXXV Hispanis, soluere cogunt. Ipse multum mœrens abiit, & eam oram præternauigans quum adaquandum fortè in littus exscendisset, ab indigenis cæsus cum omnibus sociis & comestus est. Hunc Didac. Niquefa vitæ & susceptæ in Veraguam expeditionis cum exercitu exitum habuit.

I. NIQVESAE iste, lingua & ira impotens, quam mala exasperauerant, Dominicam rectè petere, atque ibi apud Regiam curiam Iudices Vascum & Ancisum de vi reos agere, in animo habebat. Creditur in itinere meris fluctibus, causam omnem & suam iustam secum ad pisces tulisse. Prodidere alij, quum Veraguam iterum cogitaret, applicuisse ad quendam eius ora fluuium: mox aduerso flumine inuectum & in terram egressum cum omnibus sociis, à Barbaris mactatum esse: atque ex eo casu inditum flumini nomen, quod non procul Zorobarensibus insulis Fluuium Perditorum, vulgò Rio de los Perdidos, vocant. Cui opinioni causam præbuit, quod in huius fluuii ripa hæc verba arbori inscripta reperta sunt: Hac, misero errore fessus, Didac. Niquefa infelix transiit. In tanta prodentium varietate, nihil habeo quod affirmem. Sed utcumque ea res sit, iste, cum collega suo Hoieda, infelici exitu insigne documentum prodidit mortalibus, quantum malum sit Auaritia.

¶ Ancifus à Valboa in vincula conijcitur. mox solutus in Hispaniam concedit. Valboa Australe pelagus detegit. Petrus Arias Gubernator ex Hispania in Antiquam mittitur. Is auarè & crudeliter habitos Indos aduersus Hispanos odio implacabili inflamat.

CAPVT XXIII.

Hispanorum
fœda inter se
certamina.



OST discessum Niquefæ, inter Antiquenses colonos renata subito fœdior priore seditio est. Valboa satis gnarus se viribus Baccalaureo superiorem esse, vespera quadam in eius domum irrumpens, hominem corripit iubet, & pecunias eius fisco addicit, Prætoriam potestatem priuato consilio sine autoritate regia vsurpasse infimulans. Neque Baccalaureus Regii diplomatis & mandati exemplum proferre poterat: quippe amissum inter alia quum prætoria eius nauis in sinu Vrabenfi frangeretur. Valboa verò postquam aliquandiu Baccalaureum in custodia habuerat, tandem emisit: moxque discessum apparantem, summissis qui rogarent, oblata summi Prætoris iuridici dignitate, retinere conatus est. Ille verò remisso stomachosè beneficio, in Hispaniam concessit, libellum accusatorium plenum querelarum in Valboam secum ferens: quem quum Indico senatui obtulisset, atrox in Valboam sententia lata, sed cuius nulla exsecutio postse quita est, propter mare Australe ab eo repertum.

Barbari Hispanorum
auaritiam castigant.

BACCALAVREVS abierat: Valboa auri cupidine in mediterranea progressus, cum aliquot regulis amicitiam contraxit: in iis cum Panchiaco quodam, à quo pelagi Australis notitiam habuit, & ab eodem illo deductus est. Eum postea, quum baptisandum curasset, Carolum nuncupauit. Is ipse Cacicus quum Valboæ grandem auri vim dedisset, ortèque fortè inter Hispanos in eo diuidendo rixæ essent, libram & lances pugno ita feriit vt omne aurum humi dispergeret, simulque addidit: Non parum equidem vos miror, Christiani, quòd de re adeo vili tanta inter vos oriantur certamina, perinde vt si ea res esui aut potui esset utilis. Verum quando vilis metalli tanta cupido vos tenet, in eum locum deducere vos volo, vbi auri fitim abunde expleatis. Secundum hæc dicta, eos ad mare Australe deduxit. Valboa ingentes in ea prouincia opes nactus, Castellam auream ex eo nuncupauit, in qua nunc sita est Panama ciuitas.

INDE varia eius prouincię loca perambulans, felici semper successu, sepe numero per iuris speciem sæuitiam aduersum Indos auri cupidine exercens, magna cum auri & vnionum vi Antiquā Darienis regressus est, ibiq; decretis supplicationibus, propter repertum ab eo ingentibus cum diuitiis Australe pelagus, festo apparatu & solenni pompa à colonis obuiam egressis exceptus. Mox naui in Hispaniam missa & scriptis ad Regem literis, rerum à se gestarum successum simul & presentē statum exposuit: Australe iam mare ab se apertum: proinde suppliciter ab ipsius Maiestate petere eius prouincię præfecturam sibi concedi & mille homines mitti, quo facilius eas gentes subigere & regere possit: cæterū polliceri se breui ingentem vim opum reperturum, vt facile ex ipsis initiis ac documentis colligi posset. In cuius rei specimen vigintiquinque ingentis magnitudinis vniones ad eum mittit, & triginta millia ducatorum, collecti auri quintam Regi debitam, aliaque præterea munera: quū iam antea quoque magnam pecunię vim misisset, sed naus qua ea deferebātur, cum hominibus omnibus demersa perierat.

REX munus, & vectigal quintæ & Valboę literas, læto animo accepit, ex quibus quum intellexisset repertum ab eo Australe Oceanum, sententiam aduersus eum latam antiquat, eięque attributa noui maris præfectura, mille Hispanos in supplementū mittit. Ceterum Antiquæ Darienis Petrum Ariam Abulensem præficit: episcopum verò designat fratrem Gobatum, ordinis Franciscanorum, concionatorem suum. Inter alia verò quæ Præfecto in mandatis dedit, diserte edixit vt clementer ageret cum Indis, pacemque illis ante arma offerret. Denique ex præscriptis Hoiedæ & Niquesæ mandatis ageret: semperque prædā ac res quęsitās cum sacerdotibus & monachis participaret, qui ad eas gentes conuertendas commeabant.

His mandatis atque imperio instructus Petrus Arias, è portu S. Lucari, anno M. D. XIII. quatuor nauibus & carauellis vndecim soluit, cum mille & quingentis Hispanis. Ad Antiquam vt apulit, Valboa cum omnibus amicis obuiam egressus, eum summa alacritate excepit, & apud se in hospitio habuit. Mox quęcunque animo incepta destinabat, ei penitus aperiēs, simul qui prouinciarum status esset exposuit. Lætissimo animo audiuit Gubernator, maximam earum gentium partem Hispanorum amicitiam colere: itaque in Tumanama ædificia moliri cœpit.

Panchiaci hu-
manitas indi-
gna mercede
ab Hispanis
pensatur.

Christianum
nomen ob Hi-
spanos male
audit.

INDE Ioannem costam cum quadringentis Hispanis in Co-
magram ad quærendum aurum duabus carauellis dimittit. Is
non tantam copiam nactus, quantam insatiabilis ipsius avaritia
concupisceret, quotquot regulos in potestate habuit, omni gene-
re cruciatus vexare institit: vt cogeret fateri vbinam aurum abdi-
dissent. Quinetiam ne Panchiaci quidem subditis pepercit: & spo-
lijs ac manubijs in eos grassatus socij reguli animum adeo ab Hi-
spanis alienauit, vt tantum illis infensus esset, & quidem meritò,
quantum antè amicus fuerat. Præterea quum magnam eius clien-
tium partem lapidibus obruisset, Indos rei indignitas adeò accen-
dit vt concursu facto & ingenti sublato clamore in Hispanos ir-
ruerent, subinde iterantes, Impij isti, scelerati, ac perfidi Christiani
pereant, indigni quos terra viuos sustineat. Simul Hispanos com-
plures trucidant. Tribunus ipse cum reliquis militibus & spolijs
carauella vna imminentem pestem effugiens, Antiquam repetit,
non sine maximâ Gubernatoris culpa, qui tanta scelera inulta at-
que impunita omitteret.

IPSE postea alios Tribunos militares & duces per diuersa e-
ius oræ litora dimisit: in ijs Bartholomæum Vrtadum in Achlam,
qui egressus in terram, per simulationem pacis, quotcumque In-
dos assequi potuit, rapuit & pro mancipijs vendidit. Fernandus
Valesius in Caribanam cum octoginta militibus profectus est: sed
vix in litus exscenderat, quum ecce Indi audaciter impetu in Hi-
spanos facto, quinquaginta interfectis, ceteros regredi ad nauim
& inde excedere cogunt.

ITA Hispani, propter aduersam famam atque opinionem
quam de se ipsi apud omnes cōmouerant, tanto vbique odio fla-
grabant vt ne eorum quidem cōspectum indigenæ ferre possent:
& vtrunque quidem, dum Hispani Indis libertatem eripere studēt,
Inde eam acriter defendunt, ad extremam propè perniciem atque
interneccionem ventum est. Ac, quamquam omnis eius fermè oræ
accolæ humanis carnibus vesci consueuerint, ex ijs tamen non-
nulli Hispanorum cadauera qui prælio ceciderant, ceteris mandē-
tibus, à tali cibo abhorrebant: veriti nempe, ne etiam tum eæ car-
nes corporibus suis aliquid damni adferrent.

Barbari Hispa-
nis captis, cū
fœda expro-
bratione aua-
ritiæ, aurū in
os infundūt.

QVOSCUNQUE capiebant viuos, militares præsertim du-
ces, reuinctis manibus pedibusq̃e proieiebant in terram: mox au-
ro in os iacentis infuso, cum hac exprobratione avaritiæ, EDEDE
aurum Christiane: ad maiorum cruciatum ac probrum cultellis
lapideis alius brachium Hispani, alius humerū, alius crus, abscin-
debant

debant, & subiectis prunis torrentes cum cantu & tripudijs mandebant: ossa verò suspendebant in delubris & principum ac Regulorum domibus, tropæum & monumentum victoriæ.

1. *Australe pelagus hic intellige; non quo recta in Austrum navigatur, aut quod polo Antartico subest: sicut nec per Septentrionale intelligi debet mare Glaciale, & quod arctico vertici subiectum est. Sed quum Indica continens duplici utring^q alluatur oceano: qui in Meridiem & Occidentem vergit, Australis, vulgo Mare del-Sur: qui in Orientem & Septentrionem, Septentrionalis appellatur, vulgo Mare di-Tramontana.*

Christophorus porro Columbus primus de Australi Mari intellexit, quarta sua in Indiam navigatione, cum continentis littus detexit, & fretum inuestigauit per quod in mare illud penetrare posset. Primus tamen conspectum eius habuit is Tribunus Valboa, cui ab Indo quopiam indicatum fuit hac ratione. Valboa cum irrequieti esset animi, bellum inferebat Regulis Indis, donec perueniret in Prouinciam Reguli cuiusdam cui nomen Comogro, cum quo fœdus iniit opera alterius Reguli amici, & trium Hispanorum, qui idioma illius regionis callebant. Habebat Comogro septem filios, quorum primogenitus minime stupidi ingenij, ut solent esse Indi, patrem compellauit his verbis. Hi peregrini barbati, qui ad te venerunt, omnibus promiscue bellum inferunt, & duntaxat ex prada viuunt: itaq; expedit, illos bene excipere, & liberaliter tractare, ne ijs prebeatur ulla occasio tibi & tuis nocendi, ut illos alijs nocuisse intelligo.

Hoc probato consilio, Comogro & Panchiaco eius filius, perbenigne Hispanos exceperunt: & cum animaduenterent eos supra omnia aurum expetere, miserunt Valboæ & Colmenari eius comiti aurum elaboratum in vasa & monilia, ad estimationem quatuor millium castellanorum, & sexaginta mancipia in eorum usum. Dum aurum hoc pendunt Hispani rixari cœperunt inter se, adeo ut eductis gladijs alter alterum ferire vellet. Quod conspiciatus Panchiaco, aurum cum trutinâ euertit, & per interpretem eos alloquitur: Pudetne vos Christianos, pro re tantilla rixari, & hæc pocula & monilia tam affabre elaborata, sic corrumpere? Si tanta auricupiditate ardetis (apparet enim, illius solius causa vos ita vagari, & turbare uniuersi orbis quietem, relicta vestra patria, & tot difficultates tolerando) regiones vobis demonstro, in quibus abundantissime aurum inuenietis. Maiore tamen numero vos esse oportebit, ut Regulos quosdam potentes, per quorum regionem aperiendum vobis erit iter, superare possitis, praesertim, quendam, Tumanama nomine, Regem potentem, cuius prouincia val-

„ de diues est eius rei quam maxime expetitis: qui haud dubie vobis ob-
 „ uiam progredietur. Eius Prouincia sex Solibus duntaxat hinc abest
 „ (hoc est sex dierum itinere: solent enim Indi diurni itineris spatia per
 „ soles numerare, non per Leucas nostro more.) Deinde vobis superadi-
 „ runt montes illi quos conspiciatis ad Meridiem spectantes, in quibus ha-
 „ bitant feri quidam homines, Caribes appellati, ἀνθρώποι, nulli Princi-
 „ pi, nullis legibus subiecti, & in otio viuentes. Deseruerunt isti suas sedes
 „ olim ut aurum ubicumq; possent, adquirerent, quod cum captiuis &
 „ mancipiis commutarent, ab ipsis, si quae nancisci possent, deuoranda: in-
 „ telligentes autem, aurum in illis montibus inueniri, eo profecti, inqui-
 „ linos exegerunt, & montes occuparunt. Quos autem ex inquilinis pri-
 „ marios apud se retinuerunt, etiamnum hodie cogunt aurum ex suis ve-
 „ nis eruere, deinde vel in elegantes statuas, vel pocula, vel alia opera
 „ conflandum dant suis aurifabris, quae tandem huc & in vicinas Pro-
 „ uincias permutanda adferunt, ut quod volunt obtineant. | Aurum
 „ enim infectum & quale est sua vena eruitur si adferrent, operam lude-
 „ rent. Nam quod ad nos attinet, non magis aestimamus aurum infe-
 „ ctum, & non conflatum, quam terra glebam: sed quando nobis adfe-
 „ runt vasa aliqua diligenter elaborata vel in aures, aut bombicinas
 „ culcitras, permutatione accipiunt vel mancipia, vel captiuos, quorum
 „ valde auidi sunt, aut panem, cuius magna apud eos est penuria, quia
 „ nullum Maysum inter illas rupes & scopulos crescit. Vobis itaq; per-
 „ suadete, illac transeundum, & ferro vobis iter aperiendum. Cum vero
 „ ad suprema montium iuga perueneritis, inde conspicietis mare, in quo
 „ sunt naues velis praeditae ut vestrae: superatis montibus, descendetis in
 „ regionem adeo opulentam, ut istuc non minus vile sit aurum, quam
 „ apud vos ferrum esse dicitis.

Quanta letitia perfusi fuerint Hispani, audita tanta auri &
 opum abundantia, nemo est qui dubitet, praesertim Valboa & Col-
 menar, quibus id in mente perpetuo versabatur, & unus dies instar
 mille annorum illis erat, donec Panchiaco polliceretur, semet vir du-
 cem futurum. Interea Antiquam redeunt, maioris militum numeri
 delectus gratia, & ad reliqua necessaria paranda. Quod factum est
 prima Septembris anno M. D. X I I I. Nam Valboa (praeterquam
 quod noctes insomnes duceret, donec quod animo destinarat, perfice-
 ret, & frequenter somniaret se è summo montium illorum ipsi demon-
 stratorum vertice mare conspicere auro constratum) intelligens Re-
 gem Hispaniae, nouum successorem mittere qui eam Prouinciam gu-
 bernaret (is erat Petrus Arias, qui cum magna classe & non contem-
 nendo Hispanorum numero adueniebat) & metuens ne is gloriam de-
 tecti

tecti Maris australis sibi usurparet: statuit nihil ulterius expectandum, sed fortunam tentandam, cum exiguo hoc quem paratum habebat, militum numero celocem conscendit, ducens secum viginti Indicas cymbas ex unicoligno constantes, cum multis Indis confœderatis, instructis, frequentibus ferris, securibus, & alys ferreis instrumentis ad aperiendam & complanandam viam in rupibus illis & densis siluis, per quas ipsis esset iter.

Inter ea porro quæ Valboæ in ista profectiōe acciderunt memoratu digna, pratermittendum non est, quod superato & cæso Regulo in Esquaragua, cum sexcentis & amplius Indis, ingressus est pagum Esquaragua, in quo inuenit Reguli fratrem, & alios quosdam muliebri vestitu ornatos. Valde admiratus, causam sciscitatur ab incolis qui frequentes aduenerant Christianorum conspiciendorum gratia, tanquam è cælo delapsi fuissent. Responderunt casum Regulum, & omnes eius aulicos nefando illo peccato naturæ aduerso infectos: cuius rei causa Reguli frater & omnes eius comites muliebri ornatu essent amicti, quibus neq; arcus, neq; sagittas tractare liceret, ut reliquis viris, sed in seruilibus officijs, in quibus aliàs femina solerent esse occupata, vitam traducere necesse esset. Quàm attonitus fuerit Valboæ hæc audiens, non est disquirendum, & præsertim quod adeo detestabile scelus ad istos Barbaros penetrasset, montes asperos & densissimas siluas incolentes, ubi neq; vinum, neq; fructus ullius precij: neq; aucupium, neq; ferina esset, neq; alia delitiæ, quæ alioqui in alijs Indiæ Prouincijs inuenirentur. Corripitur igitur iubet omnes istos Sodomitas, numero forte quadraginta, & canibus quos circumducebat, lacerandos obijcit. Pagi incole, conspecta castigatione à Valboæ facta, comprehendunt quotquot huic crimini nouerant obnoxios, & illorum conspuentes faciem, ad Valboam adducunt, ipsum orantes, ut Prouinciā ea peste liberet. Inter reliquos, senex quidam sublati ad cælum manibus & oculis, & conuerso ad Solem vultu (quem istæ nationes adorant) inquit, merito aduersus ipsos iratum esse ob nefandum hoc scelus: cuius rei causa, tam horrenda tonitrua, tam frequentia fulgetra & fulmina in eam prouinciā iacere, tam crebras aquarum illuuiēs ex montibus cadere, quæ ipsorum agros eluerent & Maysum corrumperent, unde fames subsequeretur per vniuersam regionem. Nunc autem, his monstris sublati, sperandum esse Solem iram mitigaturum, & se fruges sine noxa collecturos.

Hæc oratio valde placuit Valboæ, itaq; quotquot monstra huiusmodi ad ipsum adducebantur, è medio tollebat: omnes autem erant Principes aulici, nam vulgus illa labe non erat infectum. Nunc si mi-

seri isti Barbari solo natura instincta agnoscunt Deum iuste ipsis iratum ob talia peccata: quid dicemus de nostra Europa, quae tam multis locis male audit ob infames & furentes istos amores? nihil, nisi expectandum esse cœlitus horrendum aliquem ignem in ista monstra, prurientia in adeo prodigiosas cupiditates, vim natura facientes, & in eas regiones, ubi similia tolerantur; quemadmodum olim supra Sodomam & Gomorrhæam.

Sed ad Valboam redeamus: is coactus in Esquaragua partem suorum relinquere, cum difficultatibus itinerum, tum penuria adeo defessorum, ut vix consistere possent, robustiores secum ducens, & aliquot viæ duces, iter facit versus montium illorum fastigium, unde mare Australe conspici poterat. Cum fere eo peruenissent, suos subsistere iubens, solus in montis verticem contendit, unde in late vicina circum loca esset prospectus, & oculos ad Meridiem conuertens, Mare vidit. Illico in genua procidens, Deo egit gratias, quod dignatus esset ipsi tam vilis & abiecta stirpis homini concedere, ut primus Christianorum tam laudabilis conatus & instituti gloriam auferret. Et ter de osculatus terram surrexit, Mare salutans his verbis. O Mare Australe, Regina reliquorum marium, considerata opulentia qua abundant tua littora, sis in meo aduentu tranquillum & placidum, ne irascaris, si tuum nomen hæcenus incognitum & abditum, hodie celebre reddo supra omnes aquas, quæ terra superficiem rigant. Deus pro immensa sua sapientia te reseruauit, ut nostro tempore agnoscereris, ad insigne aliud quod opus peragendum, ab ipso præuisum, & ipsi soli cognitum. Itaque te denuo saluto, ô Mare, cui nullum est par opulentia, noue Oceane, & Rex supra reliqua maria.

His peractis, suis comitibus innuit ut conscenderent, & Mare hoc viderent. Illi non minus leti, quam si singuli Regnum adquisiuisissent, certatim conscenderunt, voces alacritatis plenas & clamores usque adeo tollentes, ut rupes & montium vicinorum fastigia personarent. Deinde ad memoriam posteritatis, ipsos primos fuisse qui mare illud detexissent, binos ingentes lapidum acervos congesserunt, in quorum medio magnam crucem fixerunt, in ipso montis vertice. Deinde descendentes, corticibus arborum, quas inueniebant, castella & Regis Hispaniæ nomen cultellis & pugionibus inscribebant, quasi titulum & possessionem illius regionis, Regis nomine capientes. Petrus Martyr, & Gomara Hist. general. cap. 62.

2. Hic Arias, Segouiensis ciuis, gladiator erat, seu (ut Petrus Martyr Mediolan. vocat) hastilator. Itaque nihil mirum, si eo lanista, ab eius legatis Indi crudelissime vexati sint, quando ne genero quidem suo percit.

3. Indi

3. Indi quum infinitos Hispanos trucidarint, eos tamen esui satis aptos negant. quippe duriore & exsicca carne, nisi trucidati tres aut quatuor dies prius macerentur. Cuius rei epistola à milite quodam ad medicum Hispanum è Lima in Perumissa, anno 1568. testis est.

Petrus Arias & Valboa dissidentes, domestico fœdere conciliantur. Mox male coharens amicitia dissilit. Valboa criminibus à socero structis circumuentus, securi percutitur. Petro Ariæ imperium abrogatur.

CAPVT XXIIII.



Ex eo quum omnia Petri Ariæ incepta fœdum atque improsperrum exitum haberent, Valboæ risui apertè & ludibrio esse: quæ res in eum Gubernatoris irâ adeò accendit, vt mox in rixas iurgia erumperet. Episcopus fœda inter eos dissidia ægrè ferens, ad reconciliandos eorum animos omne studium adhibet, tantumque perficit, vt firmandæ concordia Gubernator filiam Valboæ matrimonio iungeret. Et connubij fœdere pacto, nemo erat qui pacem inter eos firmam ac stabilem fore non crederet.

Ariæ & Valboæ dissidia pacem efficaciter fœdere conciliantur.

PERFECTIS nuptijs, Valboa consensu soceri, cum dimidia parte Hispanorum quos ex Hispania adduxerat, ex Antiqua in suam prouinciam concessit: neque ei per quosdam improbos homines, gloriæ ipsius inuidentes, ea diu frui licuit. Illi enim falsis in eum structis criminibus Gubernatoris aures occupant, deferuntque Valboam occultè per amicos tētare animos militum, & partem exercitus Ariæ subductam in suam prouinciam pellicere. Id ubi Ariæ cognitum, literas ad Valboam componit, quarum hæc summa erat: Vt ijs visis, nulla interposita mora ad se veniret: consultandum maximis super negotijs, quæ ad vtrosque pertinerent.

VALBOA, qui tum ad maris Australis oram nauigijs moliendis intentuserat ad nouas vestigandas terras, his literis acceptis, cum quinquaginta militibus in Antiquam festinat: eò ubi peruenit Gubernatoris soceri sui iussu correptus in custodiam traditur. Mox recitata accusatio, & crimina eius morte quoque Niquefæ & Baccalaurei Ancisi vinculis onerantur: ad hæc seditiosum, sceleratum & aduersus Indos immitem esse obijcitur, denique reum peragit Gubernator & capitis damnat. Valboa contrà obie-

ctane-

Socer gene-
rum, capite
damnatū, se-
cūri percutit.

ēta negare, ac deierare de plectis ad secessionem militibus falso & immeritō se accusari. Itaque videret etiam atque etiam Gubernator, quid de se statueret: se quidem, si eius rei tentatæ sibi conscius esset, numquam in eius conspectum fuisse venturum. cetera quoque crimina, ut poterat, diluebat: sed ubi vis plus potest, parū in iure & ratione præsidiū est. Postremō audire ulterius hominem negat se velle Gubernator, & peractō iudicio abduci cum quinque alijs Hispanis ac securi percuti iubet.

F I N X E R E nonnulli Valboam magnum quendam & illustrem victorijs ducem fuisse, felicitate etiam armorum quolibet Romanorum imperatorum præstantiorem, propterea quod omnium quæ cum Indis gessit bellorum semper victor extiterit. Sed immodicæ illæ eius laudes risum magis quàm admirationem merentur. quippe Romani quondā cum bellicosissimis & ferocissimis Orientis gentibus bella gesserunt: Hispani verō in Occidente nihil præter bruta animalia & bestias subegere.

Ferd. Cortesij
faciles de In-
dis victoriæ.

Q U O D quidem eques quidam Hispanus optimè intellexisse videtur. Is quum in Africa ad Argeriam Carolo quinto Imperatori militaret, essetq; vnā cum alijs aliquot equitibus, in ijs Ferdinando Cortesio (is est qui regnum Mexicanum aperuit & subegit, quod ab indigenis dictum Themestitan, ipse nouam Hispaniam nuncupauit) quum inquam vnā esset, ac fortè Maurorum globus hominum multitudine superior in eos irrueret, ipsi verō ad resistendum hosti se impares esse cognoscerent, dant sese in fugā. Ibi Cortesius clamore fugientes sistere, & hortari socios ut in hostem versi eum strenuè exciperent. Tum Hispanus ille eques, Belua isthæc, inquit, putat sibi rem esse cum suis Indis, quorum viginti-quinque millibus fundendis decem equites suffecerint.

A L L A T O in Hispaniā de Valboā nuncio, grauiter mortē eius Indicus senatus tulit, propter præclara eius in se officia ac merita, & opes Regi ac Regno Castellæ ab eo partas, reperto videlicet Australi Oceano, & inde ingenti auri & vnionum copia in Hispaniā missa. Quamobrē tum ob id, tum maximè quod Antiquenses coloni præter hæc multa ad regē in Petrum Ariam scripsissent, abrogatū ei imperium est: etsi Nominis dei & Panamæ colonis originis suæ initia dedisset, ¹ patefacto ex altero loco ad alterum itinere.

1. *Etsi enim Niquesa primus Nominis-dei conditor fuerit, & Panamam Indi incolerent: tamen utramque coloniam Arias Hispanis repleuit, & quinquaginta millium pass. spacio, à mari ad mare iter, antè siluis, lamis, rupibusq; inuis obstructum, & leonibus, tigribus, ursis & simis infestum, primus aperuit.*

J Hispana-

*Hispanorum praefectorum in India continenti clades. Alfingeri
& Georgij Germanorum caedes. Colonia ab Hispanis in
Castella Aurea condita Hispanienses Indi Hi-
spanicam tyrannidem pertasi, sibi met
ipsi mortem consciscunt.*

CAPVT XXV.



MULTI praeterea alij Gubernatores & duces eas Indice Avaritia, vñ
meretur in-
felix.
continentis provincias adiere, omnes vna quæren-
darum opum & diuitiarum cupidine incensi, sed eo-
rum nonnulli ab Indis comesti sunt, alij ab ipsis Hi-
spanis trucidati, quod ipsorum aduersus Indos rapinis & latroci-
nijs indulgere nollent. Non pauci quoque fluctibus hausti: & ali-
qui praeterea longius à mari progressi auri fame, in mediterranea
adeo sese immerferunt, vt in locis auis & vastis terræ solitudinibus
deprehenfi, quum eius cœli naturam & tempestatum morem ac
præfagia ignorarent, quæ illis in regionibus cum atrocissimis im-
bribus hyemeruere consueuerunt, neque verò progredi vltius
aut regredi possent, cum omni exercitu interierint.

CETERVM Hispani in ea ora continentis infra scriptas vr-
bes condidere, Nomen-dei, Antiquam, Carthaginem, San-mar-
tham, Caput-veli, Valentiolam, ditissimæ provinciae oppidum;
quam Cæsar anno 1528. Velzaris mercatoribus Germanis op-
pignorauit. Illi primum in eam provinciam Gubernatorem Am-
brofium Alfingerum misere, qui auri reperiendi cupidine crebras
in eas gentes excursiones, multa scuitiæ exempla, edidit. Sed eo
tandem ab Indis occiso, suffecere alterum stirpis suæ Præfectum,
cui Georgio nomen erat. Hunc Hispani qui ei aderant, noctu per
insidias incautum in lectulo adorti vulneribus confoderunt: Hispan. scuitia
in Germanos
in India pere-
grinantes.
mox excarnificatum & domo extractum, multis cum probris ac
contumelijs per viam raptarunt: postremo eius cadauer in proxi-
mum saltū abiecere: donec orta luce humaretur. Verum haud ita
multo post, Cæsaris mandatu, noxij vt nouissima exempla meriti,
exquisitissimis pœnis affecti sunt.

IAM quum breuem hanc meam Historiam quam accurratè
& commodè fieri poterit contexere pollicitus sim, redeundum
eò vnde deflexeram, & si quæ de Hispaniolæ & vicinarum insula-
rum rebus supersunt, exsequenda mihi hoc loco iudico. Almiran-
te Columbo mortuo, Ferdinandus Rex Didacum filium eius, ea-

Hispanorum
in Christ. Co-
lumbi filium
ingratitude.

dem autoritate auctum qua patrem ornauerat, Proregis titulo Hispaniolæ præfecit: sed imperium ei haud diuturnum fuit. Quippe Hispani, quum sibi imperari à peregrino pati nō possent, multa in eum ad Regem scribunt. Itaque Rex exutum magistratu in Hispaniam reuocat. Ibi de suis priuilegijs multos annos cum Rege litigans, tandem pendenti adhuc lite & incerto euentu iudicij moritur.

Barbari Hisp.
tyrannide op-
pressi, vim vi-
tæ suæ affe-
runt.

Post hæc alij Gubernatores, tum Ecclesiastici, tum laici, in Hispaniolam missi sunt: sed Insulani, postquam se vndique perpetuis atque intolerandis laboribus opprimi sentiunt, neque vllum finem adesse malis, aut spem recuperandæ libertatis, in planctus omnes & suspiria effusi crebris votis vtrò mortem optabant. Itaque multi abiecta omni spe, abeuntes in siluas ex arboribus semet ipsi suspendebant, interfectis prius liberis, dicendo: Multo optabilius esse illis semel mori quàm adeo misère vitam trahere, eiuscemodilatronibus teterimis & ferocissimis tyrannis seruientes. Feminae, postquam herbæ cuiusdam succo fœtus sibi ipsæ abegerāt, ne videlicet Hispanis mancipia parerent, virorum vestigia sequutæ laqueo vitam finibant. Denique quum per omnes lethi vias mortem lacefferent, alius ex edito monte iactō in præceps corpore, alius in mare, alius in profluentum demersus: nonnulli etiam voluntaria inedia vitæ finem inuenere. Erant etiam qui acutissimis è filice cultellis, aut mucronatis vallis pectora & latera transfigerent.

Indorum
gentes
ad Christianam
fidem conuertere?

Quibus tandem malis effectum est vt ex duobus Indorum millionibus, id est vicies centenis capitum millibus, quibus ea Insula incolebatur, alijs sua manu interemptis, alijs sequitia Hispanorum & acerbitate operum enectis absumentisq;, vix hodie centum quinquaginta supersint. Hoccine est barbaras gentes ad Christianam fidem conuertere? Nam nequis putet cum aliarum insularum incolis mitius actum esse quàm cum Hispaniolensibus idem plane in Cuba, Iamaica, Portu-riceo & alijs locis, contigit: immo quæcumque postea vindicandis ab solitudine insulis deportata sunt è continenti mancipia, quamquam incredibili multitudine, ad extremum tamen propè omnia erumnis & miserijs confecta interiere. In summa hoc affirmo, quibuscunque locis Hispani vexilla sua & signa fixerunt, ibi ingentibus sæuitiæ exemplis editis, æterna implacabilis in se odij monumenta indigenis reliquisse.

Indorum

*Indorum Occid. religio, Satanaq; in fascinando ipsos versutia.
Sacrorum ritus. Arbusti cuiusdam accensi
fumo inebriantur.*

CAPVT XXVI.



Vobis ad Religionem earum gentium attinet, non solum in ea insula, sed & in alijs omnibus noui illius Orbis prouincijs, adorabant atque etiam nunc plures & diuersos deos colunt, depictis simulacris

Indicarū gentium pertinax idololatria.

signisque, quorum alia est cæta, alia est ligno, nonnulla ex auro & argento, ficta sunt: & quibuldam indiæ nouæ locis, maximè in Peruano regno, effigie aulium, tigriū, ceruorum aliorūq; animalium expressa vidi: immo etiam quædam deformi specie, cauda ad pedes vsque promissa, quales vulgò apud nos pingi solent dæmones aut lemures nocturni.¹ Ac quamquam sacerdotes & monachi omni ope conati sint & quotidie conentur ea idola abolere, multa tamen eorum sacrorum antistites defossa specubus subterraneis asseruant. Quibus clam sacrificantes assidue supplicant, petuntque qua ratione & via Christianos in perpetuum è suis finibus expellere possint.²

Quinetiam deorum suorum nomine quemque propriò inuocantes, singulis sua officia tribuunt, & huic huius rei alteri alterius procurationem assignant: vti olim factitatum Ethnicis, qui vulgò victorijs præesse terra Martem, mari Neptunum, AEsculapium medicinæ, Herculem diuitiarum atque opum arbitrum esse credebant, illiq; decimam fortunarum suarum vouebant, quò cetera tueretur atque augeret. Ad eum modum nihil ferè à suis numinibus petunt hæ gentes præter largum ciborum & potus copiam, bonam valetudinem, & de hostibus victoriam. Sæpenu-
mero illis illudit Satana & alia atque alia specie visendum se præbet: sacerdotibus nonnulla eorum quæ precibus exposcunt annuens ac promittens. Ac si fortè promissis successus non responderit, illique de eo conquerantur, continuo excipit: Mutasse se sententiam propter grauissimum aliquod peccatum ab ipsis commissum: ita fallaci excusatione miseros eludit pater ille mendacij.

Satana ludibria quibus Barbaros fascinat.

Quvum Caecicorum Hispaniolæ aliquis præcipuo suo numini sacrum & festum diem celebrare institueret. omnibus subditis & clientibus suis, tam viris quàm foeminis, diem ad conueniendum dicebat: illi vbi vndique ad solenne illud, consueto loco,

Sacrorum ritus apud Indos Occid.

confluxissent, omnes aptè in ordinem sese disponebant. Cacicus ipse agmen antegressus, princeps templum inibat, vbi sacerdotes adorando idolo intenti erant. Ingressus vt confederat, tympanum ³ pulsabat: mox sequebatur vniuersa multitudo præcuntibus viris, qui nigro, rubro & flauo distincta corpora, versicoloribus etiam psittacorum & aliarum auium pennis ornaauerant: colla, brachia, crura, coronis, torquibus atque armillis ex concharum marinarum testis redimiti: foemine puro corpore & nullis pigmentis fucato, virgines quidem prorsus nudæ: quibus viri erant, peplis aut castulis muliebria velatæ, sicut in sinu Pariensi & alijs continentis prouincijs fieri solet. Tali cultu habituque saltantes & patria quædam carmina in laudem Idoli canentes templum subibant: Cacicus tympani sonitu ingredienti saluabat: mox demisso in guttur bacillo vomitum ciebat: vt Idolo palàm ostenderent, nihil se in pectore mali occultum gerere.

His tam absurdis ceremonijs peractis omnes complicatis pectinatim cruribus humi confidentes, alios quosdam hymnos cum murmure quodam lugubri concinebant: actum superueniebat aliud foeminarum agmen canistragestantium, popanis & panibus plena, & rosis floribusque odoratis conspersa: illæ ceteris canentibus circumfusæ orationes quasdam illis insusurrabant. Alij vt inuicem responderent, sese erigebant: donec cantionibus illis peractis, mutato concentu nouam quandã in Reguli sui laudem ordirentur: postremò panem Idolo offerebant. ⁴ Eum sacerdotes acceptum & ritè sacratum diuidebāt inter omnes, velut sanctum aliquid, & fausti ominis reliquias. Peraçto sacro, omnes admodum alacres atque hilares domos quisque suas reuertebantur.

Abfurda de
Solis & Lunæ
origine opi-
nio.

C R E D E B A N T præterea Solem & Lunam è quodam antro prodiisse: & cucurbitam velut sacrum monumentum habebant, vnde dicerent mare & pisces profluxisse: Duo simulacra lignea colebant, velut omnis abundantia largitores & præfides deos, quorum delubra quotannis Indi peregrinabundi frequentare cōsueuerant. Erat insuper illis Idolum quadrupes instar canis, quod (vt fertur) quoties illi bilis commota erat, in saltus ac montes aufugeret: ipsi verò solenni pompa, sollicitè quæsitum atque inuentum humeris in fanum reportabant.

I N hac Insula, vt & alijs noui eius Orbis prouincijs, arbuta quædam nascuntur modicæ magnitudinis, arundinum fermè specie: folia vt nucis habent, aut paulo maiora, quæ ab indigenis (apud quos hic mos inoleuit) plurimi fiunt, & ab ipsis quoque man-
cipijs,

cipijs, quæ Hispani ex Africa cò deuexere. Vbi maturum est, ea folia stringunt & in fasciculos collecta ligataq; in fumario suspendunt, donec inaruerint: quumque illis vti volunt, Mayzi, seu frumenti patrij folio resiccata folia inuoluunt fistulæ aut tubi instar: & eius capitum altero igni admoto, alterum ori inferunt, & spiritum flatumq; ad se retrahunt.

DENIQVE tantum fumi sorbent, vt ora, guttura & capita impleant: tantam interea patientiam præstantes durantesq; quoad voluptatis quam inde percipiunt non pæniteat: seque immiti illo fumo adeo inebriant, vt penitus sopito omni sensu è mentis potestate exeant. Reperiuntur etiam qui adeo auidè ac furenter eum hauriant, vt tanquam exanimés in terram concidant, ibique maximam diei partem aut noctis, velut stupefactis sensibus & capiti mente, iaceant. Nonnulli temperantius & hætenus tantum sorbent, quoad vertigine capitis corripiantur: neque vltèrius progrediuntur. Quam pestiferum, obsecro, & noxium hoc Tartareum venenum est? Mibi quidem persæpe vsuuenit per Guatimalam & Nicaraguã prouincias iter facienti, vt domum Indi alicuius ingrederer, qui eam herbam degustasset (quæ Mexicano idiomate *Tabacco* dicitur) & simulac fœtor acutus tetri illius & verè diabolici fumi nares meas contigisset, cogerer præpropere inde excedere & aliò migrare.

1 *Quæ nosster Auctor hoc loco de Indorum Religione scribit, consona sunt cum ys, quæ, quotquot de Hispanorum in eas regiones navigatione scribunt, referunt: cum his præsertim quæ memoriæ prodita reliquit Consaluis Ouedus, qui diu in illis Indys versatus, & qui Occidentalium istarum nationum ritus diligenter obseruauit.*

Nullam, inquit, in illis nationibus picturam aut sculpturam inueni antiquiorem, aut maiore reuerentia cultam, horrenda demonis effigie. Pingunt enim eum & sculpunt quam horrenda possunt specie, non catenis adstrictum, aut supinum, vt apud nos pingitur sub pedibus D. Michaelis aut D. Bartholomæi: sed in sua maiestate, interdum sedentem in tribunali, nonnunquam stantem, aliquando alyis modis. Vides aliquos quinque aut sex capitibus, & totidem caudis præditos, oblongis dentibus, amplissimis auribus, ardentibus oculis, draconis oculorum instar, atq; alios alyis speciebus, quarum elegantissima terrorem incutit aspicientibus. Est autem hoc illis adeo familiare, vt non modo similem aliquam effigiem in obscuro quodã adiuu loco semper habeant, sed etiam ex auro conslent, aut scamnis, quibus insident, insculpant, aut alyis omnibus materijs quæ sculpturam aut incisionem ferre possunt.

„ Eum etiam pro Deo agnoscunt, petentes ab eo, aquam, solem,
 „ Mayzum, victorias, breuiter quidquid desiderant. Solent isti Zemes
 „ noctu illis apparere ut phantasmata, & persuadere quacumq; cupiunt.
 „ Continentis incolæ non modo conflatas ex auro, velex ligno, lapi-
 „ de, & terra, fabrefactas habent istas imagines Diabolicas: sed etiam
 „ hanc impuram effigiem proprijs corporibus adpingunt, & ne ea pictu-
 „ ra elui & deleri possit, puluere quodam nigro sese fricant, qui cutem pe-
 „ netret, maneatq; velut signum perpetuum eius rei quam in animo scul-
 „ ptam habent.

Præterea senes quosdam falsos vates habent (Hispaniola incolæ
 eos Buhiti; qui littora Uraua incolunt Tequina, hoc est, Magistros:
 Brasiliæ Caribes appellant) qui se prædicere posse profitentur, & il-
 lis persuadent: Satanam, (cuius effigiem semper circumferunt) cæli
 & terræ esse dominum, & quæ futura sunt, nosse: ipsum pluuias, ven-
 tos & tonitrua immittere, Solem & Lunam regere, atq; anni tempora,
 & posse etiam illos sub terram deprimere, nisi ipsi rite inserviant. Pro-
 pterea misera ista Nationes illum colunt tamquam Deum, & quid-
 quid pretiosa suppellectilis habent ipsi offerunt, ut ne hominum quidem
 vitæ parcant, quos ei sacrificant, imo etiam proprium sanguinem. Qui-
 busdam locis illum placant suffumigijs odoratis, interdum etiam valde
 fœtidis. Tametsi autem falsorum istorum Prophetarum prædictiones
 non eueniant, retinent tamen pristinam auctoritatem (aliquando enim
 enenire solent, prout Deo libitum est Satanæ dare efficaciam erroris)
 nam vel prætexunt peccata populi: aut aiunt, ipsorum responsa, quæ
 plerumq; sunt ambigua, non fuisse probe intellecta.

Ad hanc rem refertur quidpiam de Atabaliba magno illo Rege
 Peruanæ Prouinciæ, ex quo apparet offensum fuisse responso cuiusdam
 sacerdotis qui ipsum fefellerat. Nam Hispanis in eius regnum ingressis,
 ad oraculum quod in templo quodam suæ ditionis erat, decem dierum
 itinere à Caxiamalca vrbe distans, sciscitatum, an bellum aduersus
 Christianos gereret, an vero eos benigne exciperet, misit. Summus eius
 templi sacerdos respondit, ut strenue aduersus illos pugnaret, futurum
 enim ut omnes caderet: idq; præceptum esse sui Dei. Atabaliba sequutus
 hoc consilium, captus fuit. Aliquanto post tempore, hic sacerdos Caxia-
 malcam venit cum duobus Cacicis, ut cum Gubernatore Pizarro a-
 gerent de redemptione sui Regis: quod intelligens Atabalida, Guberna-
 torem rogauit, curaret illicatenam adferri, se enim velle plectere sacer-
 dotem illum ob sua mendacia, cum illi consuleret ut bellum gereret ex
 Dei sui mandato. Nec semel sacerdotem ipsi imposuisse. Nam dum ad-
 huc viuus ipsius pater lethali morbo correptus esset in vrbe Cusco: in-
 terrogatus

interrogatus quis futurus esset illius morbi exitus, responderat, bene sperandum, nec eo morbo moriturum. Allatam catenam ipse Atabaliba sacerdotis collo iniecit. Peruerse nebulo, inquit, nunc te teneo, nec te dimittam, quin prius adferri iusseris quidquid auri est in tuo templo: volo enim id omne Christianis dare: stat enim ea sententia, quādoquidem tuus Deus mendax est, & impostor. Non profecto, nihil ipsi, nec tibi relinquam. Deinde videbimus an tibi hanc catenam adimet, quandoquidem tuus Deus est, & illum adeo potentem asseris. Verum eam ingenij præstantiam non habent omnes Indi, quam habebat Atabaliba.

Hispaniolas incolæ, idolum illud Cemi (quidam Zemis) appellant: Castella aurea, Vraua, Carthaginis, & aliarum prouinciarum ad litus illud sitarum accolæ Tuira (imo quibusdam locis, Christianum salutare volentes, illum Tuira vocant, existimantes se magno honore afficere, perinde tamen est, ac si quis diceret, salue Domine Diabole) Canadæ incolæ Cudruaigny nominant: Brasiliæ, Aignan, aut Kaagerre: Peruanæ, Pachacama: Patagonæ, id est qui fretum Magallanicum accoliunt, Setebos nominant: Maxicani Horchilouos, Chuemila, Quecadcaal: & alijs regionibus aliter. Sed quocumq; tandem nomine vocetur, semper est Satan, qui Dei nomen sibi attribuit, & istis miseris nationibus vera Dei cognitione destitutis, metum incutit.

Canadenses referunt ipsum frequenter eos alloqui, & prædicere commodas & malas tempestates. Atq; cum ipsis indignatur, coniecto in ipsorum oculos puluere abire.

Prouinciæ Auanares incolæ, Hispanis quibusdam circiter annum 1528. admirabile quiddam narrabant, quod fortasse quindecim aut sexdecim ante annis contigerat, ut ex ipsorum indicijs colligi poterat. Quendam scilicet virum, cuius nomen Infortunium ex eorum lingua interpretari licet, erronem, & iam multo tempore per eas regiones huc illuc vagantem, brevis stature & barbatum: tametsi, ut referebant, nunquam se aperte conspiciendum præbisset. Accedente illo ad ædes quaspiam, nemo tam audax & constantis animi inerat, cui comæ non erigerentur, & pectus formidine non tremere: & subito titio ardens ante ædium illarum vestibulum apparebat. Id indicium erat, Herum non procul abesse, cum tedifer præsto esset. Tum ædes ingrediebatur vir ille, & quemcumq; libuisset corripuens, ter in eius aluum adigebat lapideum cultrum sesquipedem fere longum, palmum latum: deinde manum per hæc vulnera in aluum immittens, intestina educebat, & inde recisum vnum aut alterum frustum supra prunas torrebat. Postea ter alterutrum brachium eodem cultro feriebat, ex quo multus emanabat sanguis, ut quidem videbatur. His peractis intestina, & tosta illa frusta, in

sta, in ventrem hominis sic laceri denuo inferebat, & vulnera curabat, ita ut momento temporis consolidarentur.

Addebant praterea, hoc phantasma frequenter ipsis saltantibus apparere, atq; ipsis se commiscere, modo muliebri forma, modo virili. Nonnunquam ades in quibus versabantur in aerem subleuare, tum cum iisdem cadere facto etiam strepitu. Sape etiam illi obtulisse cibum, sed nihil edisse: & cum interrogarent, unde veniret, & ubi commoraretur, magnum hiatus in terra ostendere solitum, sub quo domicilium eius esset.

Quibus hac referebantur, Hispani, ridebant tanquam fabulam, quod animaduertentes Indi, multos producunt, ex eorū numero, qui ab illo viro correpti fuerant, & cicatrices vulnorum acceptorum ostendunt. Tum Hispani monere, pessimum illum esse virum, aut potius Satanam, ex inferis prodeuntē ut illis illuderet: si crederent in Dominum nostrum Iesum Christum, ut ipsi, nullam futuram causam cur virum illum metuerent: neq; adeo audacem futurum, ut ipsos molestia afficeret, neq; appariturum quamdiu ipsi in ea Prouincia versarentur. Hec oratio nonnihil illos confirmauit, & partem formidinis ademit. Relat. Aluar. Nun.

Brasiliiani aiunt se ab Aignan (sic Diabolum vocant) torqueri, qui interdum illis apparet animalis effigie, aliquando alia forma: & eos adeo crudeliter verberat, ut dum de ea re loquuntur, aut memoria duntaxat repetunt verbera quae sunt passi, pra' angustia toti sudore madescant. Si Galli qui eam regionem adierunt, dicebant se Aignan non metuere: respondebant hi miseri barbari, suam conditionem deplorantes: o nos felices, si vobis similes essemus. Lerijs cap. 16.

Qui Magallanum ad fretum illud, quod postea ab eius nomine Magallanicum nuncupatum est, comitati sunt, Gigantem in Patagonum regione, freto vicina ceperunt. Is inter alia referebat, morituro quopiam ex ipsis, decem aut duodecim Diabolos apparere saltantes circum mortui cadauer, qui toto corpore varijs coloribus depicti viderentur, unum autem inter reliquos maiore corporis mole conspici, valde exultantem & in cachinnos etiam erumpentem: Illum Setebos, appellabant, minores autem Cheleule. Addebat praterea se ex minoribus illis vidisse, binis cornibus in capite praditos, & longa coma ad pedes usq; demissa, ignem per os & per posticum euomentes. Ecce quomodo Satan pro arbitrio miseris illis nationibus imperat, destitutis omni Dei cognitione. Sunt tamen homines nobis non dissimiles.

In Prouincia Carthaginis, quando Taira vult incolis terrorem incutire, minatur se Huracan immissurum, hoc est Tempestatem. Et certe

certè tantas interdum excitat, ut domus transferant, arbores radicibus euellant, & montes quasi evertant. Consalius Ouiedus scribit se ista diabolica opera semel conspexisse, cum per montem quendam Indorum in continenti situm iter faceret. Erat ille mons, inquit, omnino tectus arboribus vastis & paruis altera super alteram confertim euerfis, ad leuca fere spaciū, quarum nonnulla prorsus cum suis radicibus euulsa, tantæ magnitudinis, ut reliquam arborū molem aquarent. Ideo horrendum erat hoc spectaculum, ut aspicientibus etiam metum adferret, æstimantibus Satanae potius opus, quam naturale. Epitome Ind. Occid. cap. 11.

Porro testatur Petrus Martyr, omnes Indorum Cemi & reliquas illusiones disparuisse, simul ac Hispani pedem in Hispaniola insula fixerunt: unde seniores eius regionis iudicarent, Insulam breui sub alterius potestate futuram.

Referunt Peruanæ Historiæ scriptores, Satanam, qui se Pachacama, hoc est, creatorem appellabat, cuiusq; templa & oracula quatuor in urbe Lima erant, multis seculis inter eas nationes versatum fuisse, & conspiciendum se præbuisse sacerdotibus, quibus responsa dabat eorum quæ petebantur, sed illico ad Christianorum aduentum disparuisse, nec eum postea conspectum.

Non dubium est, quin tantillum boni, quod Hispani in eam regionem intulerunt, Satana, qui veritatem & lumen odit, quietem turbarint. Nam antea libere dominabatur supra eas nationes, tanquam in Regno tenebrarum, paulatim lumen illud naturale quod restabat in eis extinguens, omne discrimen boni & mali adimens, & illis suggerens animales & feros appetitus.

Deinde Hispani aduenientes, docuerunt eos Dei mandata, loquuti sunt de Iesu Christo, administrarunt illis Baptismum: nec dubium est, quin Satan, audit Iesu Christi nomine in his nationibus, valde turbatus sit, quemadmodum Latro in densissimis etiam silvis abditus, tremat commemorato duntaxat Iudicis nomine. Biblia deinde à Iesuitis eo illata, maximum metum illi incusserunt.

Quamquam autem Consalius Ouiedi tempore, cessarint aliquamdiu in Hispaniola & alijs locis hæc Tempestates: si tamen fides pro ipsius merito Authori nostro adhibenda est, impuri spiritus qui has tempestates excitant, nō diu feriatī sunt. Nam cap. 10. huius libri disertis verbis scribit, ipso in continente India versante, vnā in Hispaniola Insula exortam esse, quæ omnes fere quadrupedes occiderit, totam sementem corruperit, & plurima ædificia euerterit. Id accidit circa annum 1548.

Præterea tristes & tragici euentus, quos tempus in ijs regionibus

abhinc septuaginta annis produxit, satis declarant, Satanam non procul recessisse; ut insatiabilis Hispanorum avaritia, Indorum desperatio, & illorū in mancipia vendicatio, atq; civilia bella, quæ plura quam quadragesies aut quinquagesies centena hominum millia consumpsit. Singula hæc satis testantur, Satanam non fuisse eiectum, licet ad tempus latuisset. Sed ut olim crassas istas & stupidas nationes, crasso modo sub Imperio suo detinebat: nunc aliam viam ingressus est, & quocunq; tandem res se conuertant, suum regnum ut antea retinet, imo duplum auxit.

Nam quantum ad Hispanos attinet, captiuos detinet avaritia, quæ Idololatriæ species est: & ita detinet, ut nulli remiges naui Præfecto magis sint obsequētes, quam ipsi Satana, illiq; seruiunt montes euer-tendo, & vim naturæ inferendo, quamdiu aliquod aurum in Peruana regione reliquum erit.

Ad Indos quod attinet, licet initio aliquantum simularint se baptisari velle, & mandata Dei edoceri: cum tamen animaduenterunt, Hispanorum vitam ex diametro pugnare cum eorum doctrina, & se ab illis crudelius tractari ipsis bestiis, adeo in eos exarcerbati sunt, ut omnes Christianos internecino odio prosequantur, & Iesu Christi nomen, quod super nos inuocatur, contumelijs proscindant, sibi persuadentes ipsum esse auarum, inclementem, & crudelem; quæ de causa ad sua Idola conuersi sunt, & Satanam magis quam antea colunt, in despectum Hispanorū, ut ex totius huius Historiæ decursu intelligemus.

Breuitè Princeps huius mundi, ita nouit rem suam agere, ut licet Hispani multas terras occuparint in illis regionibus, Christianis tamen limites non longe propagarint: & verendum est, ut Satan dominium suum retineat, nisi Dominus noster Iesus Christus (qui solus & verus hæres est mundi) illum spiritu oris sui potenter eiciat.

Deniq; quisquis hæc fundamenta, nimis sane vera, præsupponet, Idololatriam videlicet hominis cordi esse insitam: atq; Satanam, qui inducit hominem ad colendum & adorandum creaturas (non eas solum, quæ elegantes & honoratæ sunt, quales sunt Sol & Luna, sed maxime etiam impuras: quemadmodum Egyptij, tametsi valde sapientes se æstimarent, antiquitus adorabant feles, allia, cepas, ibi in auem quæ podicem suo rostro purgat.) Quisquis inquam præsupponet hoc theorema, Quod Satan, reperiens cor hominis inclinatum ad Idololatriam, & illi proponens creaturas adorandas loco creatoris, semet non negliget: facile credet quæ dicuntur de Idolis & abominandis sacrificijs barbararum harum Occidentis nationum. Nam si Satan adeo impudens fuit, ut Dei Filio Regna mundi offerre non sit veritus, si eum adoraret:

cui mi-

cui mirum videbitur si colendum se præbet tanquam Deum his feris nationibus, ob leuia promissa, aut dona: Imposuit nostris primis parentibus, cum adhuc in sua integritate essent, illecebris fructus prohibiti, persuadens illis se commodi ipsorum studiosum esse: Quanto facilius illi est corruptam naturam miserorum istorum cæcorum flectere quo velit, postquam ipsis persuaserit se fructus terræ dare, & omnium bonorum originem esse?

Minus adhuc admirandum erit, feros istos homines adorare forma visibili Satanam, si perpendamus quale genus hominū inter Christianos hodie toleretur, ut qui toxica miscere solent, sicarii, blasphemæ, Apostatæ, Athei, Naturalistæ, Libertini, Lucianistæ, Simoniaci, Necromantici, Incantatores, Sodomitæ, Epicurei, Sardanapali. Nam quem quæso Deum isti adorant, nisi eum, quem D. Paulus Deum huius mundi appellat? Et, si Deus miseras istas Occidentales nationes adeo severe castigauit (quæ sola quadam naturali luce in ipsis restante conuinci possunt) propter peccata illis minora: quid futurum est de Christianis, qui sic contemnunt insignes illas gratias quas Deus liberaliter ipsis largitus est?

2. Interrogata semel idola à Nicaragensibus, prouinciā quandam Indiæ Occidentalis ad mare Australe sitam incolentibus, qua ratione possent Hispanos ex sua Prouincia eijcere, qui adeo crudeliter eos haberent, ut uxorum etiam consuetudine abhorrerent, ne Hispanis mancipia parerent. Satan respondit, se facile id effecturum, si vellent, nimirum maris supra terram effusione, sed eos etiam unā perituros. Tale autem responsum intelligentes: maluerunt Hispanorum iugum ferre, quam inundatione cum illis perire.

3. Illorum tympana e candicis arborei trunco sunt fabrefacta, pro humana, aut ea, quam ipsi cupiunt, crassitudine: cauato una ex parte trunco nullum corium aut pellē inducunt, sed fissuras duntaxat & foramina in trunci latere ad cauum usq; penetrantia faciunt, deinde caua trunci parte & terræ imposita, alteram non cauam baculis pulsan, sonum ea reddunt obscurum, qualē fere tympana mauritanica. Consult. Ouiedus lib. 5. cap. 1. Hist. Indiæ Occident.

4. Qui diligenter inquisuerunt qua ratione nationes illæ, rerum gestarum memoriam conseruent, ut ad posteritatem peruenire possit, affirmant ipsos neq; libros habere, neq; characteribus rem aliquam significantibus uti: sed patrias tantum cantiones (quas Hispaniolæ incolæ areitos nominant) posteris per manus tradere: eas illis Librorum & Historiarum vicem supplere. Eas in festis solennibus canere solent, in quibus suorum olim Cacicorum seu Regulorum facinora recitant,

Victorias quas ex hostibus retulerunt, & mortis genus quo perierunt, atq; intermifcent dicta quadam de felicibus successibus aut infortunijs prateritis, imo etiam Diluuij vniuersalis mentionem facientes, & aliarum Historiarum antiquarum, quarum memoriam perire nolunt.

5. Veteris & purioris religionis fugientia veluti quadam vestigia & imitamenta. Iussit Deus in lege offerri sibi panes, ut eo symbolo admoneret Patres alimenta quibus sustinetur hominum vita, sacra esse ipsi Deo. Exod. 25. Atq; ita primi homines, tradito diuinitus ritu, è fructibus suis sacrificia Deo obtulerunt, ut profiterentur se eius esse, & omnia illi sua accepta ferrent. Genes. 4. Cuius rei mox adulterina imitatio etiam inter barbaras Gentes propagata est. Sed, praterquam quod ille erant inanes absq; fide ceremonie, longe aliud est Deo viuo, aliud idolis sacrificia offerre.

6. Regulus quidam, Gamaretus nomine, Zemis idolum bombycinum habuisse fertur (Corocottum appellabant.) Hic Corocottus è summo domus culmine, ubi vinctus asseruabatur, sæpenumero exire atq; inter fœminas regij pagi ac totius circa viciniae, Satyri aut Incubi instar, oberrare, & cum ijs etiam ludere familiariter, epulari & coire, consueuerat. Mox quum ab eo congressu fœmina partus gemina corona aut alia illustri nota insignes eniterentur, nemo ex Corocotti stirpe ortos esse dubitabat. Interdum etiam indignabundum delitescere ferebant, quod à Cacico aliquid ex quotidiano eius cultu & sacris pratermissum esset. Alteri praterea cuidam Cacico (ut ferè singuli peculiaria numina habebant) Zemen fuisse ligneum memorant, quadrupedem (Epilguanitam appellabant) qui subinde, quoties irritaretur, in siluas se proriperet. Moxq; ut eum abesse senserat Cacicus, multos è suis mittebat qui eum studiose conquistum & placatum venerabundi humeris referrent. Ita nimirum inter miseras illas Gentes delicias faciebat Satan. Donec Christianis in Insulam aduentantibus, & iste & ceteri Zemes aufugerent, nec quasi reperirentur. Quibus rebus mutationem status & peregrina gentis dominatum portendi auguratos fuisse.

Insulares, scribit Petrus Martyr Mediolan.

Decad. 1. lib. 9.

*Indorum Occid. medendi mos. Matrimonij leges.
Avaritia inde exulat.*

CAPVT XXVII.

IN Hispaniola atque alijs insulis, quum eorum medici aliquem ægrotum curandum susciperent, ad fumigandum, vti diximus, ingrediebantur. Quumque eo ad satietatem inebriatus esset, tunc præcipua curatio fiebat: donec ad se reuersus mille rerum species sibi obiectas, & se ex concilio deorum rediisse referret. Deinde illi ægrotum ter aut quater circumeuntes, corpus illius, maximè renes, manibus leniter demulcebant: multiplici interea oris habitu gestuque, os lapidemve intra buccas tenentes. ea ossa & lapillos feminæ, velut sacras reliquias, studiosè condebant, persuasæ ijs amuletis adiuuari puerperia. Si æger medicum rogaret, quid de se futurum esset, breui ægritudine liberatum iri respondebat: si forte ex eo morbo eum mori contingeret, non deerant excusationes, sed hæc longè omnium optima, Mortalis nempe erat. Si quis medicus omisis illis rebus & consuetis ceremonijs ægrotum inuiseret, in eum grauissimè animaduertebatur. Quasunque prouincias adire mihi licuit, quantumque intellexi, iidem medici sunt & sacerdotes: & in alijs earum terrarum oris ita se habere facile equidem crediderim: eos patrio idiomate Bohitios appellant, maximæ ubique, illos autoritatis: quorum tamen opera & arte nulli ferè, præter primores, vtuntur.

Medici iidem
& sacerdotes
apud Indos.

APUD illos vxorum indefinitus est numerus: quàm multas libuit, ducunt: vnam tamen præ ceteris eximiam habent, quæ in ceteras imperium obtinet. Quum Regulus aliquis sine liberis moritur, in principatum succedunt sororum filij non fratrum, quum sui sanguinis haud dubiam stirpem planius constet esse quos sorores peperere, quàm hos non satis certa origine genitos. Cuius rei causa est, quòd illis parua pudicitiae cura & plerisque locis filiae & sorores inuiolatam castitatem vix retinent, quum permixti virginibus pueri, vt galli gallinacei cum gallinis, nullo pudore tum humi, tum suspensis in aere cubilibus, iaceant. Feminæ partus enixæ, ad mare aut ad flumen deferunt, abluuntque, & deinceps sine vlla cura liberos educant.

Indorum Occid. polygamia.

NONNULLI istos maximè latrocinij deditos esse, ac minima furta legibus eorum suspendij poena coerceri dicunt. Verum

Indi neque avaritiae, neque furto dediti.

quis credat istos furari, quando neque auari sunt, neque diuites; nihilque vilius ducunt quàm argentum & aurum? quibusque si habere libitum esset, liceret quantum vellent è fodinis, velut aquam è fonte, nullo impediante petere. Quod ad cultum attinet, nudi omnes incedunt: quod ad victum, nemo est qui petenti & domum suam incuntem ultro non det. In sollennibus verò ac festis quibus conuenire illis mos est, cibaria vulgo conferunt, simulque omnes & promiscuè epulantur, cantant & saltant ad ebrietatem & lassitudinem vsque. Ita dum liberi essent, inuicem se his lubricis oblectabant. Quamobrem inducere in animum non possum vt credam vlla inter eos esse latrocinia, nisi fortè furari didicerunt à primis, secundis & tertijs Hispanis, qui principio eas terras colonijs occuparunt. Vtinam à Deo nobis concessum esset, ne magis bonis temporabilibus affixi essemus quàm illi sunt: equidem Christianum nomen per omnes terras celebre & cæleste esset, si à nobis exularet Auaritia.

1. Hi Buhiti magna ex parte herbarum erant peritissimi, magnâque simplicium multorum, & plurimorum naturæ arcanorum notitiam habebant. Ac quoniam multos hac ratione sanabant, apud Indos Hispaniola quasi omnium sanctissimi habebantur, utpote qui & Medici simul, & Astrologi & Prælati ipsorum essent. Atque etiam plerumque hi erant, qui suffitus illos de quibus præcedenti capite egimus hauriebant ad ecstasim excitandam & Diabolum de re qualibet interrogandum. Indi enim bellum aut quippiam aliud alicuius momenti suscipere non solebant, quin prius Diabolum interrogassent, qui per os falsorum istorum Prophetarum fumo illo inebriatorum illis respondebat. Cumque isti ab illo animi deliquio ad se rediissent, prout immundus spiritus eis suggererebat, pronunciabant, num bellum suscipiendum esset aut differendum: an æger sanitatem recuperaturus esset necne, & sic de reliquis de quibus interrogabatur.

Brasilienses quoque suos habent chirurgos seu Medicos, quos Pages nominant (alios tamen ab ijs quoque Caraibas vocant, qui ipsorum falsi Prophetæ sunt) qui locum, de quo queritur ægrotus & in quo dolorem sentit, sugunt, atque ipsis persuadent se hac ratione non solum morbum tollere, sed & ipsis vitam prolongare. Vide Hist. Brasil. cap. 19.

Idem faciunt Piacchi in prouincia Cumana, qui etiam loci illius presbyteri sunt. Nam non tantum herbas & radices cum animum & piscium aliorumque animantium adipe contusas, lignum aliaque pharmaca vulgo ignota loco affecto applicant: sed etiam voces peregrinas, quas ne ipsi quidem forte intelligunt, demurmurant, ad Diabolum ex ægri corpore, si

pore, si forte insit, expellendum: deinde locum in quo ager dolorem sentit, lingunt & sugunt. Multis præterea alijs ceremonijs utuntur, quas Gomara cap. 83. lib. 2. historiae suae generalis prolixè describit. Ubi credo eum plura quam nouerat narrare.

2. Quod ad coniugia attinet, qui cum eis frequenter versati sunt, animaduenerunt in tota India Occidentali aliquos consanguinitatis gradus obseruari. Filius enim matrem, frater sororem, pater filiam in uxorem non ducet. Sed in alijs gradibus veluti Patruis & neptis, nepotis & amita, patruelis & ceteris, nullo discrimine utuntur. Quod à quibusdam abstinere, id non fit quod lege aliqua expresse inter eos constituta prohibeantur, sed tantum instinctu quodam naturali, ac quod si quis cum matre aut sorore aut filia sua coierit, eum misere periturum, pro certo statuant, siue experientia aliqua edocti siue aliter.

Ceterum Polygamia inter eos vulgaris & usitata est, præterquam in quibusdam continentis prouincijs, ubi tenuiores unam tantum uxorem ducunt nec plures. Sed eas cum volunt dimittunt, & alias ducunt, nec magna opus est occasione ad coniuges dirimendos: Satis est, si una aut altera pars id petat, vel utraq. Veruntamen etsi tam liberum sit diuortium, raro tamen eo utuntur: ac præcipua causa cur maritus aliquando uxorem dimittit, est sterilitas, quod scilicet ex ea liberos suscipere nequit.

Cacique autem, seu reguli aliquando septem vel octo uxores habent, quot gallus gallinas. Et quamuis inter tot uxores saepe una ceteris præeat, & à marito in amore coniugali præferatur, illud tamen nullam Zelotypiam seu emulationem inter eas parit, nec impedit quominus omnes simul cibum sumant, ac sub uno tecto iuxta unum maritum pacifice uiuant sine ullo murmure vel cōtentione. Quod insigne est exemplum concordiae, ac familiae bene institutae hac in parte, in coniugio alioqui illicito: Cum rarissime accidat etiam inter Christianos, ut socrus & nurus, vel etiam duae sorores sub eodem tecto habitantes diu sine iurgio & lite simul maneant. Quid ergo fieret, si singuli tres vel quatuor uxores haberent?

Peruani & Mexicani tot uxores ducunt quot alere possunt, instar Maurorum. Sed inter eas una est primaria, & quasi domus hera. Huius liberi bonis paternis succedunt: reliquarum, quae sunt instar concubinarum, liberi ab hereditate excluduntur, ac spurij habentur. Solent etiam Mexicani quibusdam ceremonijs uti cum primariam illam & legitimam uxorem sibi despondent, quas in aliarum nuptijs non obseruant. Relat. Themist.

3. Quod ad pudicitiam mulierum & puellarum illius regionis attinet,

tinet, iam ante dictum est, circa sinum Parie, in Cumania & in alijs continentis prouincijs, patres filias suas antequam matrimonio iungant, venerandis illis presbyteris quos Piacchi vocant, prostituere.

In Bresilia primo obuius eas prostituere non grauantur, (sicut & in quibusdam Orientis prouincijs) tamen cum semel nupta fuerint, sedulo ipsis cauendum est ne in adulterio deprehendantur, ne forte vel morte afficiantur, vel ignominiose à maritis dimittantur, qui utrouis modoeas puniendi potestatem habent.

In alijs continentis regionibus ubi Hispani frequenter versati sunt, mulieres non tantam sui honoris & pudicitiae rationem habent, praesertim nobiles feminae: non tamen cum quibusuis indiscriminatim coeunt, sed tantum cum iis in quibus aliquam stirpis aut virtutis nobilitatem animaduertunt. Hinc fit quod libenter Christianis sese prostituunt, quoniam eos viros fortes & magnanimos esse conspicientes, omnes vulgo nobiles existimant, ac maxime eos, quos in alios imperium aliquod habere vident, quos magnificiunt, summiq; honoris loco habent, si se ab aliquo ex ipsis coli & amari sentiunt. Multa etiam ex illis, ex quocum Christiano aliquo coierunt, quamuis discedat, fidem tamen ipsi seruant non secus ac in legitimo matrimonio, modo redditum diu non differat. Non sunt enim ex numero illarum, quae in viduitate diu permanere volunt, aut monialium, quae perpetuam castitatem vouerunt.

Hispani harum foeminarum nobilium Indicarum lasciuia commode vsi sunt, partim ad libidinem suam explendam, partim ad multa regionis arcana detegenda, ac pauci praefecti fuerunt inter eos qui primi has regiones occuparunt, qui tres aut quatuor eiusmodi concubinas Indicas secum semper non habuerint. Vasco de Valboa unam habuit, quae proditionem quandam Indorum aduersus ipsum & ipsius copias susceptam ipsi detexit. D. Dietericus de Almagra unam etiam habuit ex Panama, ex qua filium eiusdem secum nominis suscepit. Marchio Franciscus Pizarrus ex sorore Regis Atabaliba, & ex altera quadam Cuscanaliberos sustulit.

Interea Hispani non eandem ipsis fidem seruant, quam ipse Hispanis, praesertim si in bello aut inter praedandum captae fuerint. Non enim est ipsis religio, postquam iis uterum impleuerint, eas vendere atque à se abalienare.

Ceterum etsi hic coitus Hispanorum cum Indis foeminis, nihil boni protulerit, tamen Europa multum illis debet, quod inde luem veneream attulerint: Flagellum reuera aptum & conueniens ad supplicium de hodierno luxu & intemperantia sumendum. Hoc accidit in secunda Christophori Columbi in Insulam Hispaniolam navigatione, ubi Hi-

spani

spani ita intemperanter fœminis illius Insula abusi sunt, ut multi inde morbum illum contraxerint, eiusq; semen in Hispaniam attulerint, quod postea Neapoli sparserunt, unde deinceps in totum orbem disseminatum est. *GonZ. Ouid. lib. 2. cap. 14.*

In prouinciis Colima & Quirama virgines antequam nubant, cum viris ullo modo nec versantur nec loquuntur, sed sese vel domi continent, vel agris colendis occupant. Quod si forte quapiam cum viro concubuerit antequam nupta sit atque id postmodum innotescat, maritus eam deserit, atque alio se confert. Illæ autem quæ in eiusmodi peccatum inciderint, perpetua infamia notantur, nec unquam honestarum faminarum catui interesse audent. Vicissim si quis maritus in adulterio deprehendatur, primores illius vici, in quo ille habitat, (qui solent esse maiores natu & generosiores) cum morte mulctant, nec licet cuiquã plusquam unam uxorem habere, nisi fortè clam id fiat.

Quod ad caremonias attinet quibus matrimonia sua celebrant, valde simplices sunt. Qui filiam habet nubilem, per pagos et loca alia in quibus sit aliquis conuentus hominũ ambulat dicens. Filiam habeo nubilem, nullusne vestrum eam vult uxorem ducere? Si quis iuuenis ibi reperiatur, qui eam velit, respondet, Volo. Tunc simul colloquuntur, & matrimonium contrahunt. Deinde pater eius qui eam ducere vult, ad virginem se confert, illiq; munus aliquod adfert. Ab eo tempore, absq; ulla alia caremonia ratũ habetur matrimonium: restat tantũ nuptiarum celebratio. Ad nuptias autem celebrandas, cõsanguinei, affines & amici utriusq; partis in sponse pago congregantur, ubi cantant, saltant & potant toto die. Dein vesperi consanguinei sponsum & sponsam in loco aliquo ubi nemo eos videre potest concludunt, ac eos ambos solos ibi relinquunt. *Relat. Fernand. Alex.*

Bresiliani etiam in nuptijs celebrandis paucis caremonijs vtuntur. In hoc ab illis differunt quod apud hos qui virginem aliquam sibi matrimonio copulare voluerit, postquam ipsius consensum habuerit, ad patrem, aut si orphana fuerit, ad propinquiores cognatos eam petiturus se confert. Si consenserint, exinde absq; ullo alio cõtractu, eam pro uxore habet & secum deducit. In hoc etiam differunt, quod Bresiliani tot uxores habere possunt quot volunt: Illi vero unam tantum ducunt. *Hist. Brasil. cap. 17.*

Quod autem in hisce barbararum matrimonijs existimo maximè obseruandum, hoc est, nempe quod etsi Satan harum gentium barbararum mores & naturas mirè variauerit, tum hac in re, tum & in reliquis: tamen ex eorum animis hanc legem natura delere non potuerit, nempe, viros & fœminas non debere confuse & discriminatim, inter se

Q

coire

coire instar brutorum, sed hanc coniunctionem coniugij honestate velandam esse, atque oportere unumquemq; habere suam uxorem, & unamquamq; fœminam maritum suum, sicut à Deo constitutum est, non obstante pluralitatis abusu.

Item, quod apud has gentes Occidentales Satan id obtinere non potuerit, ut probarent adulterium, quod in plurimis earum regionum locis mortis supplicio punitur. Ita ut ad arguendos eos qui concubinitum concesserunt, prohibito matrimonio, alijs doctoribus opus non sit, quam his miseris barbaris Sibollanis aut Americanis.

Quicquid sit, tantum abest, ut Indi uxores suas Hispanis prostituant ad eorum benevolentiam sibi conciliandam (sicut inter Christianos sæpe fieri videmus, ut viri uxorum suarum pudicitiam prostituant ad comparandas sibi opes vel dignitates) quin potius si quando Hispanos tale quid tentantes inuenerunt, eam iniuriam seuerissime vlti sunt. Testes sunt primi illi Hispani qui in Indiam cum Thalaſsiarcho Christophoro Columbo transfretauerant. Nam simul ac Columbus naues conscendisset ad redeundum in Hispaniam, triginta illi & octo viri quos in Insula Hispaniola reliquerat, fœminas illius Insule rapere cœperunt. Præsumendum est id ab ijs factum, ad linguam Insule illius ab ipsis addiscendam, aut potius ad docendum ipsas linguam Hispanicam. Interea quocunq; animo id fecerint, Insulani non libenter viderunt suas uxores tam familiariter ab istis nouis amasiis Hispanis palpari, sed tam serio ira exarserunt ut ne unum quidem vinum reliquerint.

Insigne eius rei exemplum quoq; habuimus cap. 19. huius libri, de quodam Principe Indo, qui præfecto Horedæ quod uxorem suam rapuisset, eiusmodi vulnus inflixit, ut ab eo tempore nunquam bene valuerit, sed tandem ex eo vulnere insanus obierit.

Ex simili facinore exorta est semel periculosa Indorum seditio in Insula Hispaniola anno 1519. duce regulo quodam nomine Henrico. Hic Henricus baptismum suscepit, ac legendi scribendiq; artem didicerat. Quum ad maturam ætatem peruenisset, uxorem duxerat, Hispanisq; inserviebat qui in vico quodam illius Insule S. Ioannis de la Maguana vocato habitabant, ubi etiam nobilis quidam nomine Petrus de Vadiglio Amiralij Didaci Columbi legatus morabatur. Hic regulus cum animaduertisset uxorem suam ab Hispano quodam amari, de eo apud legatum illum conqueritur: qui non tantum reum pro merito non puniuit, verum etiam Indum illum contumelia affecit, ac in carcerem coniecit. Dein aliquanto post tempore eum dimisit, adiunctis minis nisi à tali querimonia abstineret. Indus ad Curiam

riam Parlamenti quæ erat S. Dominici se confert, & ibi suas querimonias exponit: remittitur ad iudicem suum, nempe Petrum illum de Vadiglio, cum expresso mandato ut breui tempore ipsi ius reddatur. Vadiglio rursus in carcerem eum conijcit, ac peius tractat quam antea. Henricus dimissus iniuriam quantum potuit dissimulauit, donec opportunitatem nactus esset omnes iniurias quas pertulerat semel ulciscendi. Quod tam seuerè executus est ut per tredecim integros annos, quotquot Hispanos reperire potuerit trucidauerit cum exquisitis tormentis, nec unquam Hispani eum comprehendere potuerunt.

4. Qui cupiet scire quomodo Indi, saltem Americani, infantes suos simul ac nati sunt alant & tractent, legat 17. cap. Historiæ Brasiliæ sub finem, ubi Lærius prolixè differit de ijs quæ ipsemet vidit.

5. Gomara lib. 1. Historiæ suæ generalis cap. 28. sic scribit, inter leges ipsorum (loquens de Hispaniola incolis) hæc est maxime insignis, quod fures cuiuscunque furti reos palo transfigunt. Si Gomara solus hoc diceret, vix crederem: Autor enim ille mihi admodum suspectus est: primum quia de his rebus magna ex parte tantum ex relatione aliorum differit: secundo quia ut plurimum Indis multa imponit & affingit de quibus ne cogitarunt quidem unquam: suos autem Hispanos fere semper extollit, eorumque vitia dissimulat: quod ab officio boni historici alienum est. Sed D. Gonzallus Ouiedus cum ipso consentit de furti pœna cap. 3. lib. 5. historiæ Indiæ, ubi sic scribit, Grauißimum peccatum, quod Indi istius Insulæ, (loquens de Hispaniola) magis detestabantur, quodque seuerius puniebant, erat furtum: ita ut quicumque minimi furti conuictus esset, palo viuus transfigeretur, quod vsitatum in Turcia supplicium esse dicitur, atque ita transfixus ibi relinqueretur, donec per se moreretur. Hoc tam crudele supplicium efficiebat ut rari inter ipsos fures reperirentur. Quod si quis in illud crimen incidisset, nec dissimulabatur nec celabatur, nec ipsi ullo modo ignoscebatur: nulla consanguinitas aut amicitia eum à morte liberare poterat: imo pro crimine fere habebatur, si quis ausus esset pro fure intercedere aut procurare ut pœna ipsi vel remitteretur vel mitigaretur. Hæc ille: cui si fidem adhibere voluerimus, dicendum erit, homines illos furtum non sic puniuisse, quod bona huius seculi magnifecerint, aut tot ferras, clauas, cistas habuerint ad diuitias suas à furum manibus tuendas, sicut in his locis fieri videmus. Sed quoniam Occidentales illi sunt magna ex parte liberales, parcosque & sordidos capitali odio prosequentes, fieri potest ut Hispaniola incolæ furtum sic punierint, tanquam rem prodigiosam atque ab auaritia proficiscentem, quam natura detestantur. Adde quod furtum solet seuerius puniri inter

eas nationes, in quibus nemo de altero diffidit, nec quicquam est clausum aut intra aedes repositum, quoniam nullus est furum metus: quemadmodum in multis Germania locis.

Ego tamen potius inclinarem in auctoris nostri sententiam: nempe, ubi auaritia non habitat, ibi nec furtum locum habere posse, ac de hoc idem fere responderem, quod ille qui interrogabatur qua poena afficerentur adulteri Sparta: Nulli (aiebat ille Lacedaemonius) reperiuntur Sparta. Sed si quis reperiretur (dicebat alter) qua poena multaretur? Tum ille, daret, inquit bouem tantum, ut porrecto ultra Taygetum montem collo, biberet ex Eurota: cumq; alter ridens dixisset, fieri non potest ut tantus bos inueniatur. Nec, inquit Lacedaemonius, fieri potest ut Sparta existat adulter, ex qua delicia exulant. Sic quomodo possent fures inueniri, ubi non est auaricia, & omnia fere sunt communia?

Præterea non memini me legisse nec in Ouiedo nec alibi, hoc genus supplicij usitatum fuisse apud Indos Occidentales præterquam hoc in loco. Ac posset hæc historia poni inter eas, quas Ouiedus conqueritur alibi se certo & cum veritatis fide describere non potuisse, quod suo tempore iam valde pauci Indi restarent ex stirpe illorum veterum Insula incolarum, ex quibus antiqui eorum mores vere cognosci possent.

¶ Indorum



*Indorum Occid. fruges. Panis faciendi mos. Potus.
Pomorum & fructuum varia
species.*

CAPVT XXVIII.



AE gentes frugem suam vulgò *Maiz* vocant (quæ ab Insula Hispaniola, primà Christianis reperta, conuehitur) vt vinum Chichia: lintres Canoas: enses Macanas: regulos Cacicos, nominât. Ad sementes faciendas terram non arant: sed modicæ altitudinis scrobibus effossis, tria quatuorve grana in vnam dimittunt, terraque operiunt. Singuli culmi tribus quatuorve paniculis onusti adolefcunt, quarum singulæ grana centum & amplius fundunt. Maizij scapus hominis altitudinem exsuperat, & quibusdam in prouincijs bis in anno colligitur.

Sementis faciendæ in India ratio:

FOEMINAE pistrices, quæ Maizij coquendi curam habent, prius sub vesperam frigidam eius frugis quantæ visum est mensuræ affundunt: ita maceratam, mane sequentis diei duobus filicibus paulatim tundunt & frangunt, quædam erecte in pedes, quædam flexis humi genibus: sedulò interea cauentes nequid pilorum aut pediculorum in opus decidat. Massa confecta, postquam aqua paulatim cōsperserunt, panes modicos aut longa aut rotunda figura vt libet faciunt, & folijs arundinum inuolutos, rursusque leuiter asperfos, coquunt. Hic vulgaris panis est, & post duos dies mucescit.

Panis faciendi mos:

NOBILES verò ita parato vescuntur. Maizij grana in pilis fœminæ tundunt & frangunt: mox aqua calida macerata ita folliculis deglubunt vt solus farinæ flos remaneat. Eam quo ad fieri potest subigunt, pinsuntque, & massa confecta atque in pastillos distributa, liba aut ferracea modica conficiunt: quæ testo rotundo imposita lento igne percoquunt. Genus id testuacei panis operosum est, quum recenti subinde sit opus: atque vt calidus, ita vetus & frigidior, parum utilis sit: medio verò temperamento salubris, quum neque nimium recens nec vetus est. Quum per carum terrarum inculta & deserta iter facerem, necessitate magistra pinsere id frugis genus didici, ne illud videlicet crudum aut tostum deuorare cogerer. Sed durissimi eius grani pistura molituraque immensi laboris est: ac quum sæpe ad satietatem mihi non superesset, Indorum nobilium more corticem non eximebam, neque verò ad

illud multum pinfendum lacerti mei fame debilitati pares esse poterant.

Cazabi, secū-
darius panis
Indorum.

ALIVD etiam genus panis habent, quod Cazabi vulgo appellant. Id ex Iucca conficitur: radix est napi crassitudine, quæ nulum ex se semen fundit, sed cannas tantum quasdam nodosas & solidas, viridibus folijs, vt cannabis. Eas cannas, vbi maturitas adest, in taleas duos palmos longas excrucant, quas in tumulos quosdam (Conuchos appellant) digestas, terra obruunt. Ex illis intra biennium radices miræ amplitudinis crescunt: quoties verò id genus panis conficere volunt, earum radicum quantum visum est eruunt, paucas tamen vnaquaque vulsione, quia breui corrumpuntur. Mox purgatas acutis filicibus, quos ad littus maritimum legunt, velut cultellis, excrucant: ac ex ijs segmentis panno inuolutis succum exprimunt (id præsentaneum venenum est, si bibatur) deinde luccam ita subactam inferentes foco, ingenti testæ fictili, velut libum farraceum, impositam igni tamdiu torrent quoad omnia cohæreant. Postremò inde sublatam massam ad solem exsiccant, eamque in modicos & maiores veluti pastillos distribuunt.

De eo mari
vide supra
pag. 104.

Id cibi genus, meo iudicio, admodum asperum atque infœlix est: si loco sicco & sūdo recodatur, tres quatuorve annos incorruptum durat. Sed fere quum estur, guttur humore aliquo collui necesse est: alioqui propter asperitatem fauces angit, atque ægrè deglutitur. Mihi quidem, quum eo sicco & minimè humecto vterer, videbar terram mandere: si iure carniū diluatur, iucundius est, sed ne ita quidem multo melius. Omnes naues quæ ex Hispania in eas oras traiciunt, redituræ eius panis commeatu onerantur, præter eas quæ à Vera-cruce, nouæ Hispaniæ portu, soluunt: si quidem in omnibus Septentrionalis Oceani oris, insulis & provincijs quæ ab Hispanis incoluntur, ne vnum quidem frumenti granum colligitur, Nauigia verò farina & biscoctis seu nauticis panibus instructa è Mexico veniunt: atque inde ducentorum ferme millium spacio mulis & carris varias in partes exportantur.

Battatas &
Haia radiciū
species.

DVO præterea radicum genera illis sunt, quarum alias Battatas alteras Haias vocant, indiscreta propè specie similes, nisi quòd Haiæ minores & sapidiore sunt alteris. Porro plantantur, & sextum intra mensem fructum edunt: ceterum sapore quidem aliquantulum dulci, sed satietatem mox & fastidium inducente, exigui etiam admodum succi sunt, ventosq; ac superuacuos flatus gignunt: & vulgò sub prunis coctæ edi solent. Sunt qui dicant eas
radices

radices panem sacchariten (vulgò Martium seu Marzapanem vocant) aut castaneas saccharo conditas gustu repræsentare: verùm mei palati iudicio, vel sine saccharo meliores sunt castaneæ,

Gomara 2. lib.
Hist. Gen.

QVANDO in eum sermonem de Indico pane incidi, haud alienum erit de eorum quoque vino agere, ac præsertim de eo potu quem ex Maizio moliuntur. Feminæ illæ panificæ de quibus antè, eius frugis quantum visum est pro modo vini quod facere instituerunt, capiunt: id vbi triuère & pinsuère, in ampla quædam vasa aquæ plena demergunt: tum illæ quæ potus eius faciendi curam habent grana aliquot depromūt, & in ollam infusa aliquantulum macerant atque emolliunt: mox alijs feminis quibus id muneris commissum est, tradunt. Illæ ea grana in os accepta, paulatim conficiunt, cominuuntq; deinde vi quadam & veluti tuffiendo excussa folio ad id comparato aut fortè scutella excipiunt: tum in amplum vas coniecta reliquo humori admiscent, nempe quòd sine hoc velut fermento nulla ei cæliæ vis insit, & tres quatuorve horas igni fufferue faciunt: postremò inde sublatum liquorem postquam deferbuit, refrixitque, linteolo colatum in vasa infundunt, ita perfectum ac temperatum vt non minus succus ille quàm verum vinum inebriet.

Indici potus
conficiendi
ratio.

ALIA præterea potus genera excogitarunt ex melle, pomis, radicibus, sed quæ, vt hoc, non inebrient. Magnam etiam arborum vim habent eæ terræ, quæ vuas quasdam agrestes ferant earū acini prunorum siluestrium specie quæ è spinis & arbutis nascuntur, nigro folliculo vestiuntur: sed quia multum illis ligni, parum pulpæ, inest, ex ijs indigenæ vinum non faciunt. Sunt & ibi arbores oliuarum feraces, sed insuauis odore, tum sapore etiam peiore sunt.

Vuæ agrestes
apud Indos.

VARIAS fructuū species, & eas abundè habent: quales sunt Houi, Platani, Pineæ, Guaiaua, Mamei, Guanauanæ. Houi prunorum damascenorum crassitudine, pauca carne, grandiore ligno: vbi maturuère flauescunt, subacidi saporis. Arbor eum fructum ferens, magna est, folia verò modica. Platani longiores quàm crassiores sunt: minores multum maioribus præstant. Arbor ipsa folia sesquipalmi latitudine, quatuor palmorum longitudine porrigit: inter quæ ramus enascitur, qui cætum ac plures platanos minores fundit: sin verò maiores, viginti quinque aut paulo amplius. Tenera est hæc arbor, nec nisi semel fructum fert qui annuo spacio perficitur: & ex ipsis radicibus alij stolones fruticant. Vbi maturuit fructus, legūt: immaturum adhuc & acerbum non decer-

Variæ pomorū
& fructuū
species.

decerpunt, sed excissam arborem loco calido reponūt: ibi platani celeriter maturescunt flauescuntque. Corio vestiuntur obtusa cultelli partis crassitudine: quod superest, pulpa est, sapore in dulcedinem vergens.¹ Pineæ arbusculis quibusdam proueniunt, flauicoloris vbi maturuerunt, iucundi odoris, & saporis, longi optimi. Itaque in delicijs sunt: mihi certè cōtigit, sicut & multis alijs, vt æger ceteros omnes cibos fastidirem præter hunc: &, mea quidem sentētia, haud quisquam fructus alius per omnes terras hoc amabilior suauiorque est. Demto cortice, quidquid subest pulpa est: dulcis in vniuersum sapor, subaustero aliquantulo temperatus.

Arbores frugiferae Indice, nobis ignota.

GVAIAVVS arbor Persici aut Armenij specie, folijs vt lauri, sed crassis & longioribus, celerrimè senescit: fructus eius, mespili similitudine, sed multo crassior, pendens in arbore maturescit: nisi maturus decerpatur, vermes gignit. Hi fructus multa semina & grana clausa habent: purpurei candidis præstant & optimi saporis sunt. Mamei arbor est mediocris nucis magnitudine, longiore quā latiore folio. Fructus eius in insula Hispaniola rotundi: in continenti verò longi & crassiores, & gustu iucundiores, sunt. tres quatuorve acinos, seu interiora ligna habent: pulpa in spadiceum colorem vergente, tenui tunica, sapore aliquantulum dulci.

GVANAVANVS arborem modica & gracilis, fructū fert cordis effigie, corio viridi & subtili, squamarum in morem vestitum, introrsus candidum. Exstant etiam, paulo diuersæ ab his formæ, orbiculares eius arboris fructus, crocei coloris & prioribus illis longè meliores, omnes verò intus acinos exiles spadicei coloris gerunt.

1. *Pinea, fructus Indic: genus, specie, odore, & sapore omnium longe nobilissimum: cardui altilis: aut nucis pineæ figura; unde nomen accepit: mediocris melonis crassitudine. Odorem ex se fragrantissimum fundit: gustum mali cotonei, persici, & pyri muschati, simul referens. Estur sublato illo quo, veluti strobili, squamatim compacto, (quamquam non ligneo) cortice includitur. Gōzall, Ouiedus Historia Indica lib. 7. ca. 13. Eundem plane fructum esse puto cum eo quem Brasilienses Indi Ananas vocant, quantum ex descriptione D. Ioannis Lerij, amici mei, colligo. Historia Nauig. Brasiliensis, nuper ab eo Gallice edita, cap. 13.*

2. *Hobus, seu Houus, procera & pulcra arbor: umbra quidem salubritate adeo commendata, vt quoties Indi in militiam aut peregre euntes, aut greges in pecuarijs pascentes, cubare sub dio necesse habent, Hobum semper, umbra tantum gratia, expetant & querant. quippe sub ea dormientibus caput nunquam grauari, vt aliarum arborum umbra-*

umbraculis, ferunt. Mirum præterea de hac arbore proditur. Si forte in squalidis siccitate campis, aquarū penuria peregre euntibus sitim accenderit: atque illi casu in Hobum inciderint, ablaqueato arboris pede, è radicibus eius taleam exscindunt. Mox alterum talea caput ori inserentes, velut gutti aut ampullæ epistomium, altero manu elato, tantam inde humoris vim exsugunt, ut facillime sitim restinguant. Guttatim videlicet primò inde stillante aqua, mox tractim & continuo veluti filo defluente, ut quamvis sitibundos expleat. Id se expertum scribit Ouedus Hist. Ind. lib. 8. cap. 2.

¶ India Occid. peculiaria insecta. Hispaniola brevis descriptio. Cur vino & tritico prope inepta sit. Sacchari ferax est. Mercatura, quæ hodie ibi exercentur.

CAPVT XXIX.

IN omnibus suprà memoratis insulis nullum quadrupedum animalium genus repertum est, præter exiguos quosdam cuniculos, canibus haud absimiles. Sed pestiferis insectis maximè infestantur: inter alia Niguæ¹ magnitudine pulicis, citra vllum sensum inter carnem & ungues, præsertim pedum, sese immergunt, alunturque in puluere. Sæpenumero accidit ut nullus exiis dolor sentiatur, donec in magnitudinem cicerum aut lentium excreuerint: ac tum iam ingenti lentium copia fruticante, acu aut spina ægrè euelluntur: atque id mali cineribus calidis sanatur. Porro Numidica mancipia, quæ Hispani in familijs habent, quòd non habeant vnde calceis pedes muniant, ea pestis peruicacissimè infestat: tantaq; copia eorum pedes appetit, ut nulla cura aut arte, præterquam igni aut ferro, arceri queant. Itaque multi ex eo digitis pedum aut pedibus integris mutilatis superfuere. Ego verò etiā in ea Peruani regni prouincia, quam Portum veterem appellant, præterquam quod, propter immodicos labores terra mariq; perpeffos, totum corpus & crura fœda porrigine obfessa ægrè trahebam, sæpe, intra pedes meos tantam vim Niguarum istarum reperi, ut nec opinata eares non parum formidinis mihi incuteret. Ac certè, nisi summa sollicitudine abluendo corpori flumina subinde adijssem, malè haud dubie rebus meis prospexissem: quemadmodum plerisque Hispanis vsuuenit, qui ter quaterve in die abluendi aqua corporis & eluendæ eius pestis pigritia, exesa mox & truncata membra circumtulère.

Indici pulices, infesti & noxij.

Hispaniolæ
descriptio,

IAM à me suprà dictum est, insulam Haytin ab Almirante Columbo Hispaniolam dictam fuisse: quæ mille & ducenta millia passuum in circuitu patet. Ea portubus, fluminibus, piscibus & facile abundat: sed in ea duo celeberrimi lacus, vnus falsas, alter dulces aquas egerens. Ceterum omnium fluminum quæ ab Hispanis in ea insula reperta sunt, vnus maximè auro abundat Cibaús. Principua insulæ vrbs San-dominica, ² est à Bartholomæo Columbo condita & ab eodē ita appellata, quòd quum litora insulæ perlustrans tutum aliquem & commodum portum appulsis eò ex Hispania nauibus quæreretur, ad eum fortè locum S. Dominici die applicuit: atque ex eo tota etiam insula San-dominici nomen retinet. Sita est ea vrbs in planicie maritima, & meo tempore quingentis focis & domibus constabat. AEdificia ibi bene structa neque aliter quàm in Hispania sunt. Ad Occidentalem eius partem ⁴ "Ozonea fluuius in mare delabitur, atque ibidem bonus & tutus portus est, ac multarum nauium capax: ibidem profundissimæ & latissimæ siluæ: in circuitu mille & ducenta passuū millia excedēs, latitudine ducenta & viginti implet. Arcticus polus ei gradus 22. & dimidium: Antarcticus vnde viginti & paulo ampliùs, eleuatur. Lōgitudo eius ab ortu in occasum porrecta sexcenta circiter passuum millia patet & totius in vniuersum insulæ forma folij castaneæ figuram exprimit.

⁵ Ozamam
eius vocant,

Gomara Hist.
Gen. lib. 1.
cap. 35.

Cur Indicum
solū frugibus
nostris ineptū
sit,

NON NVLLI dicunt in ea insula frumentum faciliè nasci, parum tamen colligi propter nimis luxuriantem vbertatem soli: deinde abundantia Maizij & indigenarum frugum fieri vt de seminando tritico non multum laborent Hispani. ³ Verùm ego dico, ibi nec parum nec multum frumenti colligi. Atq; huius rei causam quum ex Hispanis quibusdam natu grandibus sciscitatus essem, responderunt mihi, Immodicis caloribus fieri vt generandis nostris frugibus illud solum ineptum sit. atque id toti insulæ commune est. Principio quidem, quum primùm ab Hispanis incolæ coepta est, coloni aliquot in montibus Cibao vicinis paululum frumenti seminarunt. Inde, quòd planis locis montana frigidiora sunt, circiter medimnos quatuor retulere: sed quia in asperis illis & montosis saxetis agricolarum cultus cum vberrimo prouentu elaborare non poterat, in ijs sementem facere deinceps cura non fuit. Itaque ex Hispania farinæ annonam sibi prouident, quæ folliculis & cadis conuehitur. ac si fortè tardantibus nauibus panis defecerit, Cazabi Indico pane vesci Hispanos colonos necesse est, quum non multam Maizij copiam seminare soleant ob aduectitiæ illius farinæ spem.

EARVM arborum quæ ex Hispania eò transportatæ sunt, Vites in Hispaniola ægrè coalescunt. pauca coaluerunt: Malus Punica videlicet, Aurantia, Citria, Medica, & aliquot fici duntaxat. Vites ibi plantatæ exiguas quasdam vuas malignè fundunt, quarum libra dimidio ducato æstimatur. Ipsi Didaci Equitis secretarij vineam vidi multis vitibus & palmis cõsitam: quam quum vel optimè coleret, vix ad 40. vuarum libras colligebat. Ac ne ipsi quidem botri admodum iucundi saporis sunt, & ferè Februario & Martio vindemiari solent. AEstatis enim initium à Ianuario vsque ad exitum Aprilis: Hiems incipit à mense Maio, Decembri desinit. Neque ea tempestas anni Hiems dicitur, quia tum frigus ingruat: sed propter imbres continuos. alioqui enim æstate ipsa calidior est. Quippe tum remittentibus ventis, terra humidi calidiq; vapores exhalant, & multos morbos afferunt. AEstate contrà insulam Aquilones continuè perflant, perpetuaq; cæli serenitas conspicitur.

HORTENSIA olera, quales brasicæ vulgares & capitatæ, raphani, lactucæ, cucurbitæ, & melones, magna copia ibi luxuriant: sed cepæ & allia vix vnquam bona euadunt. Itaque eorum oleum vim magnam naues ex Hispania deuehunt, cum aliarum rerum commeatu, id est fabis, ciceribus, lentibus, amygdalis, nucibus, ficis, vuis passis, oleo, oryza, melle, caseo, ampullis, catinis, scutellis, aromatis, pannis, sericeis, aluta, vino, pane biscocto, alijsq; eiusmodi rebus quæ ea tellus non fert.

IBIDEM omne genus quadrupedum, pecudumq; ex Hispania transuectum ad propagandam stirpem, magno prouentu sobolescit & Hispani nonnulli sex octove millia animalium in pecuarijs atque armentis possidēt: Quàm multa visum est eorum cuilibet in suum vsum macrare licitum est, modò pelles ad dominum referat.

IN ea præterea insula magna Sacchari^s copia fit, ac dum ibi Hispaniola sacchari ferax. commoraretur triginta quatuor machinæ siue torcularia eliciendo saccharo occupabantur. Duæ quidem hæ res Saccharum videlicet & Coria, seu pelles, præcipuæ sunt eius insulæ merces: ac mercatores qui hodie ex Hispania eò nauigant, redeuntes nihil ferè præter hæc inde reuehunt. Quippe Hispani effodiendis metallis, argento & auro adeo feruidè incubuerunt, vt vix iam granum vnus reperiat, & maximi precij moneta, quæ hodie in San-dominici Aurum iam rarum in Hispaniola. oppido percutitur, quatuor tantum maravedis valet, id est solidum nostratem. Itaque si mercatoribus aurum & argentum comparare libeat, ex eo licet quod nunc tantum è Peruana & Cap-fondu-

rensi prouincijs, aduehitur à negotiatoribus qui ad equorum, m^aci-
piorum, & mulorum mercatum in Hispaniolam veniunt: ex eo,
inquam, auro possint emere, nisi intertrimentum ingens & iactu-
ra eos à tali mercatu deterreret. quippe⁶ ducatus ex auro puro pu-
toq; duorum alterius monetæ precium æquat. Itaque non alijs fe-
rè mercibus quàm corijs, saccharo, casia, & ⁷ Guaiacano, id est li-
gno sancto, naueis onustas reuehunt.

1. *Ab istis Niguis valde afflictis fuerunt Hispani primum in Hispaniolam Insulam appellentes, antequam malum detegerent, aut necessarium remedium edocerentur: ut etiam pleriq; pedum usum amiserint. Hoc insecti genus toto fere Indiæ Occidentalis continēte reperitur, præsertim regionibus planis quæ ut plurimum calidæ sunt & humidæ. Brasiliani Ton appellant, ut ex eorū scriptis liquet qui illius Regionis Historiam descripserunt.*

2. *Secunda Christophori Columbi in Indias nauigatione, urbē cui Isabella nomen indidit, in Septentrionali Hispaniola Insula parte condidit 1493. Sed circiter quadriennium aut quinquennium post, deserta est ea Colonia, Hispanis in aliud Insula latus quinquaginta Leucis inde distans, sese conferentibus, quo loco Bartholomæus Columbus. Hispaniola præfectus, urbē condidit D. Dominici nomine dictam. Huius mutationis causa ex tali occasione orta. Adolescens quidam Hispanis Arragnia Prouincia oriundus Michael Diaz, nuncupatus, è Gubernatoris familia, orto dissidio, alteri Hispano tria aut quatuor vulnera inflixit, quæ tametsi non essent lethalia, & esset Gubernatoris domesticus, istictamen herere non est ausus, metuens ne in vincula coniectus puniretur. Discedit itaq; comitantibus quinq; aut sex alijs Hispanis, qui huic pugna interfuerant, & Insula littus legentes Orientem versus, illam ambierunt, donec in Australe Insula littus peruenirent, quo loco urbs D. Dominici nunc condita. Isticq; constiterunt, quia pagum inueniunt ab Indis cultum.*

Temporis successu accidit, ut versante familiariter cum Incolis Michaelē Diaz, Nobilis quadam Matrona Inda, illius amore corripetur, & aliquot etiam proles ex eo conciperet. Huic vero, quæ postea baptisata, Catharina nomen accepit, adeo charus erat iste Diaz, ut illius causa, reliquos Hispanos perhumaniter exciperet, & illi etiam detegeret auri metallicas venas septem Leucis à D. Dominico distantes. Deinde illum rogabat, ut omnes Christianos ipsi amicos Isabella habitantes euocaret, se illis quacunq; ad victum, & aliàs necessaria essent, præbituram pollicita. Illi insuper probans, tota ea Insula nullam esse regionem velelegantiores vel fertiliorem suā: quæ ve amœniorem haberet flu-

ret fluvium, aut portum ad excipiendum naues commodiorem. Michael Diaz, cum ut sua amica petitioni satisfaceret, tum ut tam plausibilibus novis Bartholomaei Columbi gratiā promereretur; iter suscipit, & Indicibus itineris ab amica acceptis, per transversam Insulam progressus, tandem Isabellam peruenit, quinquaginta Leucis ab eo, in quo amica degebat, loco distantem.

Istic amicorum, cum quibus clam loquutus, opera Gubernatori se sistit cum istis novis. Gubernator non modo libenter illi quod actum erat remisit, sed ipsum etiam locum videre voluit. Amœnum deprehendit, quemadmodum adolescens illi descripserat, & urbi condenda valde aptum. Ozama fluvij, qui D. Dominici urbem secat, & Portus altitudinem exploratus, Isabellam redyt. Istinc omnes suos terrestri itinere, eorum autem impedimenta duabus carauellis imposita mari conduci curavit. Peruenerunt ad Ozama fluminis ostium 5. Augusti, Dominico die, & D. Dominico sacro, anno 1494. & urbis D. Dominici fundamēta iacere cœpit, non eo loco ubi nunc urbs sita est: sed in ripa Occidentali fluvij Ozama: iniquum enim censebat Dominā Catharinam; è suis sedibus, aut Incolas Indos eijcere. Illi autem urbi D. Dominici nomen indidit, à die videlicet quo isthuc appulit, tum etiam ab ipsius & Admiralijs Christoph. Parentis nomine, qui Dominicus appellabatur.

Postea tamen commendator Dn. Nicolaus Ouandus, in alteram fluminis ripam transtulit, ut in eam induceret aquam fluvij Houcia, tribus leucis inde distātis, quia Ozama aqua potui apta non est, ob maris reciprocationem quæ illam salam reddit.

3. Noster Auctor certo sibi persuadet, magnam istarum Indiarum partem, eius esse genij, ut neq; frumentum, neq; vinum in ea provenire possit. Sed Gonzal Oviedus longus longe aliter sentit. Nam hoc vitium non tribuit terra imperfectioni aut naturali antipathia, sed incolarum negligentia, qui in alijs rebus se occupant. Hæc enim scribit 11. cap. lib. 3. sue Historiæ naturalis, amplo primum discursu factō de rebus ex Hispania eo translatis, ut istic multiplicarint. Deniq; inquit, si omnia quæ ex Hispania illuc transuecta sunt, non aucta sint tali quantitate, quam soli fertilitas requirere videtur, Incolarum culpa est, qui tempus impendere malunt in res maiorem quæstum ipsis adferentes, ut brevi opulenti fiant, præsertim qui istic hærerere non cogitant. Nam hi aut negotiationem exercent, aut metallicis venis operam impendunt, aut piscationi unum indulgent, aut alijs similibus negotiationibus, nihil aliud animo voluentes, quam ut in patriam reuertantur, simul ac opulenti evaserint. Hinc fit ut pauci vel triticum serant, aut vites colere velint, adde quod eorum maxima pars qui eo proficiunt, solum illud habent in-

star Nouerca, tamet si plurimis indulgens mater fuerit. Propterea, si interdum contingat, ut neq^{ue} vinum neq^{ue} frumentum crescat hac in regione, soli vitio minime id adscribendum, sed incolis, qui in alijs rebus sese occupant, quam in terræ cultura. Rem autem ita sese habere ipsa experientia docet. Nam frumentum satum egregie prouenit & etiam copiose. Idem iudico de vitibus, quas si quispiam plantaret & coleret, dubium non est, quin facile crescerent: exemplo nobis esse possunt elegantes pergulae bonis & suauibus uuis onustæ, in hac urbe (S. Dominici uidelicet) conspicua. Imo etiam si nulli palmites ex Hispanijs huc transuecti essent: satis multæ vites siluestres per uniuersam Insulam sponte crescunt, quæ cura & cultura mitigata, bonum vinum præbere possent: arbitror enim quotquot in uniuerso orbe sunt generosæ vites, à sponte nascentibus originem sumpsisse.

Eas continentis India regiones quæ ad Septentrionem vergunt, qualis est Florida, Canada, Norembega, (à nonnullis Francia noua appellata) & aliæ à Gallis detectæ, qui inde redierunt, affirmant valde fertiles esse & ad culturam aptas, atq^{ue} eiusdem prope temperiei & altitudinis cum Gallia.

Brasilia Prouincia calidior est, ut quæ octo duntaxat gradibus ab Æquatore distat versus Austrum, & protenditur ad tricesimum quintum, supponentes, illius limites esse Flumen Argenteum. Propterea Galli qui sub Tropico Capricorni habitarunt, scribunt vitem quam eo transtulerant facile comprehendisse & in multos palmites luxuriasse amplis folijs præditos, sed uuas acerbæ produxisse, quæ tantum abfuit ut maturescerent, ut potius indurata exsiccarentur. Frumentum autem & secalem, in herbam luxuriasse, sed quum spicam produxissent, grana ad maturitatem non peruenisse: Hordeum autem ubertim & ad frugem peruenisse. Eam ob causam nonnulli censebāt solum illud nimia pinguedine sua frumentum & vites maturius protrudere quam sit necesse (nam apud nos antequam sua germina protrudāt, diutius sub terra latere volunt quam hordeum) & cum nimium adolescunt, minus habere efficaciæ, ad formandos fructus: Propterea, qui vellet similia grana ad maturitatem conducere, non fore stercorandum solum ut in Gallia solemus, sed potius frequentis seminis iniectione macrum reddendum & defatigandū. Hordeum si ubertim proueniat nihil mirum, pingue enim solum desiderat, & eius satione terra macrescit. Alij hoc vitium tribuunt partim glebæ nimis putri & tenui, partim solis Meridiani calori. Ut sit, ipsa experientia testis est, quibusdam Peru Prouincijs & alijs, quæ frigidiuscula sunt (veluti in Prouincia Quito) frumentum satis feliciter prouenire, in alijs minime. Propterea concessit illis

illis Regionibus grana & fructus temperici illorum & soli qualitati accommoda.

Qui D. Thome in insulam lustrarunt sub Aequatore sitam, Aphricam spectantē idem referunt quae de Brasilia dicuntur (sunt enim eiusdem fere altitudinis) nempe se saepius, & diuerso anni tempore frumentum seuisse, sed nūquam ad frugem peruenisse, quia tota facultas in gramen luxuriat. Idem etiam tentarunt qui istic sedes fixerunt? sed operā luferunt: atque diligenter examinatis huius rei causis, nullam aliam dare norunt, quā solum nimis pingue esse, statimq; germen producere, non concesso stipula spatio quo semen perficere queat. Idem vitium stirpibus quae in quorundam hortis repositae sint ad pergulas vestiendas (alias enim tota Insula non reperias) euenit: ut licet uuas ferant, vix tamen, cum tempestiuum est, bina aut terna grana matura in illis reperias, reliqua sunt acerba & immatura, quaedam etiam vites florem duntaxat proferunt, qui siccatur antequam in granam efformari possit. Id quae bis singulis annis euenit Ianuario & Februario, deinde Augusto & Septembri: gemina enim est in ea Insula Aestas.

4. Refert Ouedus ex reliquis animalium mitium gregibus qui in Hispaniolam transuecti fuerunt, suum multitudinem adeo auctam fuisse, ut plurimi eorum gregatim per siluas oberrarent, & ex domesticis feri essent reddituri. Quod ad armenta attinet, etiam adeo frequentia esse, ut sint nonnulli istic Hispani, qui decies sexies millena bouum capita possideant, carnemq; bubulam suo tempore tam vilis fuisse precij in vrbe S. Dominici, ut Relde (ponderis genus est 32. uncias pendens) duobus marauedis (area est moneta cuius 32. regalem argenteum conficiunt, hoc est binos batzios germanicos) duntaxat aestimarentur. Imo adeo negligi propter frequentiam, ut qui huiusmodi armenta habent per agros vagantia, saepenumero quadringentos aut quingentos boues & vaccas occidi curent, quorum coria (abiectis carnibus) duntaxat recipiant, & in Hispaniam transuehi curent.

5. Hispaniola & alijs Insulis occupatis, Hispani nonnulli sacchariferas harundines ex Canarijs Insulis eo transtulerunt & plantarunt. Sed primus omnium Baccalaureus quidam Iuris Gonsalus de Velosa nominatus quāstum ex eius cultura facere cœpit, licet iam ante succum alij extraxissent. Is enim propriis impensis Sacchari conficiendi peritos artifices ex Palma Insula euocauit, Molamq; conterendis Sacchari harundinibus idoneam fabricari iussit in ripa fluminis Nigua: deinde plures alii ipsius exemplum sequuti. Sed fœde hallucinatus est, qui Gomara Generalem Indiarum Historiam, Gallicam fecit, nec Gomara mentem assequutus est.

Sed ut facilius intelligi queat quales sint istæ mola siue prala: sciendum est ea esse duorum generum. Mola enim fabricantur ad fluuij aliquius ripas, ut earum rota fluuij labentis decursu impulsæ voluantur, non secus ac frumentacæ & papiracæ apud nos mola. Vbi nulla aquæ commoditas: Prala longè maioribus expensis fabricantur, & difficilius tractantur. Nam opus est athiopibus mæcipis aut equis ad rotas versandas, perinde ac fit in nostris trusatilibus molis, aut Pralis ad oleum exprimendum.

Contritis & probe compressis harundinibus, succum expressum in magnos lebetes transfundunt, & coquunt paulatim concrescit is, salis instar quod cum muria coquitur. Colligunt deinde & in formas quasdam metæ instar factas reponunt, atq; in panes siue metas cogunt decem, quindecim, aut viginti libras pendentes, super iniectis cineribus quibusdam aut cretacea farina, ad purgandum; alioqui nigrum maneret, & impurum.

Harundines autem sic contritas ex quibus expressus succus, abittere non solent: sed nonnulli suibus dant. Nulla autem est glans vel fagina vel cuiuscunq; alterius generis, quam avidius vorent istis harundinibus & vnde magis pinguescant. Insuper isto pastu caro adeo delicata & suavis redditur, ut pleriq; caponis carni longe præferant. Propterea solet agris etiam præscribi.

Exemptæ porro ex suis formis sacchari metæ depurate, alio loco reponuntur, ad resiccandum & conseruandum. Est autem is locus capax admodum instar horrei tectus, & undiq; ita obturatus & occlusus, ut neq; ventus penetrare, neq; pluuia permeare possit: caret enim fenestris, & solam habet ianuam. In eo ædificio longum tabulatum struunt septem aut octo pedes à terra subleuatum ligneis fulcris quatuor aut quinque pedes inter se disiunctis: His omnibus asseres imponunt, in quibus saccharacæ metæ ordine & serie collocantur: siccissima deinde ligna sub tabulatis illis reponunt, & ignem subiiciunt. Hac ligna neq; fumum, neq; flammam emittunt, quia locus nullum aerem recipit, sed paulatim absumuntur instar carbonum. Hac ratione indurantur illæ sacchari metæ, pen. in aeris penuria qui calidus & humidus est in illis Insulis maxima anni parte, & illius regionis hiems rite nuncupari potest, videlicet à Maio mense in Decembrem vsq;. Nam reliquo anni tempore, quo istic æstas est, nulla arte sed solius aeris beneficio resiccantur.

Cæterum ut hæ saccharo parando idonea mola summum adferunt questum, præ reliquis negotiationibus, ingentes etiam sunt faciendi sumptus. Nam antequam quis molam rebus omnibus instructam sibi comparare possit, dena aut duodena ducatorum millia impendere illi necesse erit,

fecerit, & tantundem (ut minimum) ad illam sartam teſtam cōſeruan-
dā. Alendi enim illi ſunt perpetuo octoginta aut centena athiopica man-
cipia, veletiam centena vicena, qui harundines credant, colligant, con-
uehant, rigent cum neceſſe eſt, purgent, & alias ad molam neceſſarias
operas preſtent. Opus deinde eſt vicina duo ampla ſtabula, in quorum
ſingulis bis aut ter mille vacca alantur, ad tot operarū ſuſtentationem.
Deinde multi carri neceſſarij ad cōuehendas ſacchari arundines, ligna,
ſaccharum etiam hinc inde tranſuehendum, & multa alia uſui neceſſa-
ria. Quæſtus tamen impenſas bene rependit. Præterea tanta eſt aqua-
rum & lignorum commoditas (quæ duo maxime requiruntur) in Hi-
ſpaniola Inſula, ut nullam negotiationem ita exerceant Hiſpani atque
iſtam: & naues, quæ ex Hiſpanijs biſcōctum panem, farinas, & alias
merces conuehere ſolite, vacuæ redibant: nunc extructis molis, onuſta
ſaccharo remittuntur, ita ut maiorem in reuehendis, quam aduehen-
dis mercibus quaſtum faciant.

6. Auri, etiam in illis terris, raritatem hodiernam & precium hiſ
verbis designat. Quum enim aurū prima notæ (quale illud Peruanum
eſt) ignobilioris notæ moneta (qualis eſt noſtra) non pari precio, ſed fere
duplo contrarependatur, nihil lucri aduentitiij facere poſſunt mercato-
res ex auro illo promercali, carius videlicet emto, ſicut ex alijs mercibus.

7. Guaiacan, à noſtris lignum Indicum, ſeu lignum Sanctum, ob
mirabiles effectus dictum: magna eſt arbor, Illicis magnitudine, ramo-
ſa, matrice magna, nigricante, materie quam Ebenum duriore: cortice
crasso, gummoſo ſeu pingui, & quum ſiccum eſt lignum, facile deciden-
te: folijs exiguis & duris, flore luteo, quem ſubſequitur fructus rotun-
dus, ſolidus, ſemina in ſe continens Meſpili modo. Frequens in Inſula
San-dominici. Eius uſus primum ea ratione innotuit. Magnis dolori-
bus luis Indicæ (malo enim ſic vocare quā, ut nonnulli, Morbum Gal-
licum: quando hæc lues primum ex conſuetudine Hiſpanorum cum In-
dicis mulieribus, mox Italogum cum Hiſpanis, orta eſt: unde mox in
Germanos quoq; & Gallos mali cōtagione ſerpsit) eo ergo morbo, quem
ab Indica concubina cōtraxerat, Hiſpanus quidam torquebatur. Eius
famulus Indus, in Hiſpaniola medicum agens, aquam Gayaci illi propi-
navit, qua non ſolum magnis illis cruciatibus liberauit: ſed priſtina et-
iam ſanitati reſtituit: eius exemplo, plurimi alii Hiſpani ſimili morbo
infecti, curati ſunt. Eius morbi cura Hiſpali ſtatim euulgata eſt, ab iis
qui ex ea Inſula redierunt. Hinc per totam Hiſpaniam & inde
per uniuerſum orbem, quem hæc ſcabies
occuparat.



IMPRESSVM FRANCO-
FVRTI AD MOENVN, TYPIS
IOANNIS FEYRABEND, IMPENSIS
THEODORI DE BRY.

A N N O

M. D. LXXXXIIII.





AMERICA
PARVA QVARTA.

Sive,

Insignis & Admiranda Historia de reperta
primū Occidentali India à Christophoro
Columbo Anno M. ccccxcii

Scripta ab Hieronymo Bezono Mediolanense
qui illic ānis xiii. versatus, diligēter omnia observa-
vit.

Addita ad singula ferē capita, non contemnenda scholia
in quibus agitur de earum etiam gentium idololatria.
Accessit præterea illarum Regionum Tabula
chorographica.

*Omnia elegantibus figuris in aes incisus expres-
sa à Theodoro de Bry Leodienſe, civē*

*Francofurtenſi Anno dñi h̄ xciii. Ad
Invictiss. Rudolph. ii. Rom. Imperator.
Cum privilegio S. C. Maiestatis.*



Hieronymi Benzoni in Indiam Occidentalem nauigationis initium.

I.



IERONYMVS Benzonus, India, quam Occidentalem appellant, lustranda desiderio flagrans, Hispali totius Baetica celeberrimo Emporio discedit, & ad oppidum S. Lucari de Barrameda lembo peruenit: istic nauem mercibus onustam nactus, in magnam Canariam nauigat. Inde in Palmam Insulam vehitur, ubi celocem vino onerari, & mox in Indiam traicere vere intellexerat.

Monendum porro Lectorem censeo, Sculptorem, quum Hispalis urbis legitimam piram ad manum non haberet, ex ingenio portus cuiusdam marini urbem delineatam is loco posuisse.



VATVORDECIM dierum nauigatione prospero vento peracta, noctu volucres quosdam pisces palmaris longitudinis, in nauem cadentes capiebant. Habent vero ex volucres membranaceas alas Vespertilionum fere instar, quibus explicatis, ad centum vel amplius passuum longitudinem supra aquas volant, nimirum ut alios pisces ipsos persequentes effugiant: deinde denuo merguntur ut à rapacium marinarum auium, quæ illis volantibus insidiantur periculo se subducant.



Ad Præfectum Erreram feruntur munera
ab vxore Reguli Prouinciæ Cumanæ.

III.



DUM in Cumana moratur, ad Petrum Erreram Præfectum venit præcipui eius Prouinciæ Reguli vxor, quæ sillum patriis fructibus plenum gestans, oris corporisq; habitu tam deformis & prodigiosa specie, ut rei nouæ miraculo stupefactus Benzoni, eam intuenso oculos explere non posset: monstri enim cuiusdam potius, quam humanam speciem habebat.

Crude-




IN Amaracapana ipso commorante, Petrus de Calyce Tribunus militum quatuor millia mancipiorum trahens, venit, plures adducturus, nisi lassitudine, penuria, & animi aegritudine permulti in via partim defecissent: partim nonnullis, quum agmen raptim ductum, impedimentis Hispanorum onusti facile sequi non possent, Hispani latera & pectora ferro traiecissent.



Indivolentes experiri immortalitatem Hispano- V.
rum Salsedum Hispanum in mari suffocant.



BORICHEN *Insula incola, Hispanoseam subigere adgressos, immortales esse credebant: eius rei periculum vnus è Primatibus eius Insula, cui nomen Vraioan, Dominus Prouinciæ Iaguaca facere volens, Hispanum quendam Salsedo nomine istac iter facientem comiter excipit, discedenti comites addit è suis subditis qui eius impedimenta ferant, cum mandatis, ut in flumine, quod transeundum, mergant & suffocent. Illi mandata sui Domini strenue exequuntur: Salsedum suffocatum ad suum herum ferunt. Ex eo primum intellexerunt incola, Hispanos perinde mortales esse ac reliquos homines.*



Columbus primus inuentor Indiæ Occidentalis. VI.



COLUMBUS trans Gades in Portugalliam, & omnem illam Oceani oram nauigans, sæpenumero animaduertit, & diligenter obseruauit, ventos quosdam statis anni temporibus ab occasu flare, qui multos dies constanti tractu spirarent: quos quum non aliunde, quam ex transmarina ora proficisci posse iudicaret, tamdiu circa eam rem cogitando animum versauit, ut eius certitudinem querere aliquando constitueret. Quapropter & Reipub. Genuensi, & Principibus aliquot suam operam obtulit, ut illam oram indagaret: sed ab omnibus neglectus, tandem sumptibus Ferdinandi & Isabella Regum Hispania, nauigationem instituit.

1



N O V O illo orbe à Columbo detecto, quum forte celebri conuiuio cum mul-
tis Nobilibus Hispanis ipse adhibitus esset, & inter eos de India sermo or-
tus, vnus eorum ad Columbum conuersus, sic eum alloquitur. Tametsi
Indiam non reperisses, non defuissent tamen in hac nostra Hispania, qui
idem quod tu tentare potuissent: abundat enim ea magnis viris & ingenio-
s. Ad ea nihil respondens Columbus, ouum inferri in mensam iubet, & omnes experiri
monet, vt faciant id nullo adminiculo fultum, stans & erectum in mensa ma-
neat: quam nulli succederet, ipse rationem qua id fieri
posset demonstrat.

Prima Columbi in Indiam nauigatio. Anno 1492. VIII.



COLUMBUS nauibus à Ferdinando Rege impetratis, cum Bartholomæo fratre à Palos urbe in Gomeram Insulam nauigat. Istic aqua & cateris necessarijs sumtis, Occidentem solem sequutus, iter instituit: quum porro emensa dierum aliquot nauigatione, nondum terra vlla in conspectu esset, milites in Columbum fremere incipiunt: ille mitigatis semel atq; iterum eorum animis, & suas rationes pro virili confirmans spemq; sibi esse, Deo bene iuvante, brevem terram nouam in conspectu fore, nauigationem prosequitur. Sed quum aliquot dies præea nauigassent, nec vlla tellus occurreret, fremitum redintegrant, & minitantur se illum in mare præcipitem duros, si pertinacius ultra tendere vellet: itaq; postridie vela demitti iubet. At credibile est, Columbum, quum hæc præciperet, haud procul terra abfuisse, idq; ex cæli conspectu deprehendisse, aura, & nubeculis quæ circa Orientem solem in horizonte apparerent.

Columbus in India primo appellens, magnis exci- IX. pitur muneribus ab Incolis.



PRIMA navigatione, quum Columbus terram attigit, crucem ligneam in littore statuit: deinde prouectus in Hoytin Insulam appellit, quam Hispaniolam nuncupat, & in terram cum multis Hispanis descendit. Ibi quum ab eius loci Cacico (regulum ita appellant) cui nomen Guacananillo, summa comitate exceptus esset, muneribus inuicem datis & acceptis, ambo firmitate futura sanxere. Columbus, induisis, pileolis, cultellis, speculis & similibus eum reuauit: Cacicus contra satis magno auri pondere Columbum remuneratus est.



Columbus supplicium ab Hispanis seditiosis sumit. X.



COLUMBUS aduersæ valetudinis causa, ab expeditione quam aduersus Caribes susceperat in Hispaniolam reuersus, eam valde turbatam reperit, ob rapinas, & alia per eius absentiam ab Hispanis perpetrata facinora. Is vero sumto à prudentia consilio, ut his malis occurreret, in omnes Hispanos seditionum auctores & scelerum compertos ultimo supplicio animaduertit, & Cacicos ipsos quacunq; ratione potuit, reconciliare sibi studuit. Ex ea seueritate tantum Hispanorum odium in Columbum ortum est, ut ne nomen quidem eius a quo animo ferrent, atq; etiam monachus quidam ordinis Benedictini Columbo sacris interdiceret: contra Columbo præcipiente, ne quid ex eius penu monachis subministraretur. Qua ex re factum est, ut multi de eo & fratre ipsius dira & atrocita ad Regem scriberent: Columbus itaq; simulac conualuit in Hispaniam regredi coactus est.

...the first of these was the ...
...the second was the ...
...the third was the ...
...the fourth was the ...
...the fifth was the ...
...the sixth was the ...
...the seventh was the ...
...the eighth was the ...
...the ninth was the ...
...the tenth was the ...
...the eleventh was the ...
...the twelfth was the ...
...the thirteenth was the ...
...the fourteenth was the ...
...the fifteenth was the ...
...the sixteenth was the ...
...the seventeenth was the ...
...the eighteenth was the ...
...the nineteenth was the ...
...the twentieth was the ...
...the twenty-first was the ...
...the twenty-second was the ...
...the twenty-third was the ...
...the twenty-fourth was the ...
...the twenty-fifth was the ...
...the twenty-sixth was the ...
...the twenty-seventh was the ...
...the twenty-eighth was the ...
...the twenty-ninth was the ...
...the thirtieth was the ...
...the thirty-first was the ...
...the thirty-second was the ...
...the thirty-third was the ...
...the thirty-fourth was the ...
...the thirty-fifth was the ...
...the thirty-sixth was the ...
...the thirty-seventh was the ...
...the thirty-eighth was the ...
...the thirty-ninth was the ...
...the fortieth was the ...
...the forty-first was the ...
...the forty-second was the ...
...the forty-third was the ...
...the forty-fourth was the ...
...the forty-fifth was the ...
...the forty-sixth was the ...
...the forty-seventh was the ...
...the forty-eighth was the ...
...the forty-ninth was the ...
...the fiftieth was the ...
...the fifty-first was the ...
...the fifty-second was the ...
...the fifty-third was the ...
...the fifty-fourth was the ...
...the fifty-fifth was the ...
...the fifty-sixth was the ...
...the fifty-seventh was the ...
...the fifty-eighth was the ...
...the fifty-ninth was the ...
...the sixtieth was the ...
...the sixty-first was the ...
...the sixty-second was the ...
...the sixty-third was the ...
...the sixty-fourth was the ...
...the sixty-fifth was the ...
...the sixty-sixth was the ...
...the sixty-seventh was the ...
...the sixty-eighth was the ...
...the sixty-ninth was the ...
...the seventieth was the ...
...the seventy-first was the ...
...the seventy-second was the ...
...the seventy-third was the ...
...the seventy-fourth was the ...
...the seventy-fifth was the ...
...the seventy-sixth was the ...
...the seventy-seventh was the ...
...the seventy-eighth was the ...
...the seventy-ninth was the ...
...the eightieth was the ...
...the eighty-first was the ...
...the eighty-second was the ...
...the eighty-third was the ...
...the eighty-fourth was the ...
...the eighty-fifth was the ...
...the eighty-sixth was the ...
...the eighty-seventh was the ...
...the eighty-eighth was the ...
...the eighty-ninth was the ...
...the ninetieth was the ...
...the ninety-first was the ...
...the ninety-second was the ...
...the ninety-third was the ...
...the ninety-fourth was the ...
...the ninety-fifth was the ...
...the ninety-sixth was the ...
...the ninety-seventh was the ...
...the ninety-eighth was the ...
...the ninety-ninth was the ...
...the hundredth was the ...



II

ER eos dies mirabilis & prodigiosus quidam casus in illa regione interuenit. Ab ortu enim tanta ventorum rabies coorta est, qualem nunquam antea Insulares se vidisse, aut audiuisse meminerant: inprimis vehementissimus Typhon (Hispani Huracan appellant) tanto impetu irruit, ut cælū simul ac terras rapere secum & miscere velle videretur. Omnes improuiso malo attoniti, præsentem mortem videre sibi ante oculos, confundi elementa, & finem rerū adesse, vulgo pauidi credebant. Tum ingenti sono cælum strepere, & inter horrendos tonitruum fragores crebri micare ignes, aër fulguribus, nox interdiu omnibus noctibus nigrior densiorq, adeo ut per obscurum alius cursantes, mutuo intueri non possent. Errabundi homines defixis præ formidine animis & statis similes per vias perq, auia discurrebant passim ac peruagabantur. Tanta vi interea ium & horrendo cum stridore colluctantium ventorum, ut à radicibus eruta arbores, & saxa magno cum fragore in planum prociderent, atq, ea ruina ingenti villarum mapae strage facta, multos mortales opprimeret. Solidas vero etiam cum incolis domus furiosi bines in sublime correptas dissipauere. Paucis horis ingentia detrimenta accepta, ut ne tres dmnauēs quæ ad portum secure in ancoris stare credebantur, eius calamitatis immunes essent. Ancoris enim ipsis, quanquam robustis, fractis, & ancoralibus firmis nouisq, truncatis, cum unus nauticis profundo mersæ sunt. Indi complures speluncis abditi, discrimen effugerunt.

Indi



TERTIA in Indiam expeditione, Columbus sinum Pariensem ingressus, Cubaguam appulit, quam ipse Perlarum Insulam nuncupauit, quia quum eum sinum nauibus percurreret, Indos è lintre ostreas piscantes conspexit: quas edules esse rati quum aperuissent Hispani, plenas vnionibus repere-
runt, unde magna illis letitia oborta. Peruenientes ad littus in terram e-
grediuntur, vbi mulieres Indicas pulcerrimos vniones collo & brachijs gestantes obser-
uant, quos vilibus rebus redimunt.

Columbus cum fratre Bartholomæo captus in XIII. Hispaniam mittitur.



Rex Ferdinandus intellectis discordijs qua oborta inter Columbum & Rolandum Ximenea: nouum Hispaniola Insula Prefectum, designat Franciscum Bombadillam, eumq; ampla autoritate & potestate instructum mittit, & de intestinis dissidijs, causisq; discordiarum Columbi & Rolandi cognoscere iubet. Is cum hoc mandato è Calicio portu anno 1499. quatuor carauellarum classe instructa sol-
in Hispaniolam traicit. Almirans & eius frater Bartholomæus, noui Prefecti appulsu au-
adeum honorifice excipiendum, ut Regio missu venientem, reuerenter obuiam egressi sunt.
rtum ut peruenerunt, rati, ut sibi, sic alijs animum sincerum esse, pro amica complexus &
ationis vice, capti fratres in vincula traduntur, & mox utriq; iniecta catena, seiunctiq; al-
altero, quo grauius dolerent, duabus carauellis in Hispaniam mittuntur. At simul ac ce-
in Hispaniam peruenerunt, & nunciatum Regi tam claros viros compedibus vinctos adeo
ac miserabili habitu adduci, motus in misericordiam, cursore Calicium misso, illos è custo-
nitti & vinculis leuari iubet: deinde splendido comitatu cultuq;, ut talibus viris dignum
in conspectum suum venire. Ut in Regiam peruenerunt, comiter à Rege excepti, & auditi
nt.

Pugnainter Columbum & Franciscum Poresium. XIII.



QUARTA navigatione Hispaniolam portus aditus prohibitus Columbus à Bombadilla, Iamaicam insulam tenuit. Ibi Franciscus Poresius unius Carauella Prætor cum fratre & maxima militum parte seditionem in eum commouet, & contractis aliquot Indorum lintribus in Hispaniolam profugere conatur. Sed quum tam exiguis lintribus impetum maris superare frustra tentasset, regressus est. Audito eius aduentu, Columbus cum fratre suos in aciem educit: ventum est ad manus: cadunt nonnulli: multi utrinque sauci: Franciscus Poresius cum fratre capitur.

THE JOURNAL OF THE AMERICAN MEDICAL ASSOCIATION
PUBLISHED WEEKLY
CHICAGO, ILL., MAY 1, 1914
Vol. 12, No. 18



FERDINANDVS Magallanus à Rege Portugallia offensus, Carolum V. Imperatorem adit, atq; illi demonstrat Moluccas Insulas Castellanorum iuris esse: sperare se, nauigatione ad Occidentem facta, fretum inuenturum in Occidentali India, per quod in mare Australe penetraret, & inde ad Moluccas insulas peruenire posset: Ea autem via minoribus sumtibus, & minore difficultate, aromata, aliasq; Orientis merces inuehi posse. Carolus ex eorum sententia qui rerum Indicarum Concilio præerant, illi naues instruit quibus eum præficit. Is Hispali soluens, post longam nauigationem tandem fretum inuenit centum decem leucas in longitudinem patens, binas in latitudinem, interdum plures, cui, ab Inuentoris nomine, Magallanici cognomen inditum.



PISCATIONE unionum vigente monachi aliquot, ut Indos Christiana fide imbuerent in India continentem transgrediuntur, quo etiam multi Hispani permutandarum cum Indis mercium causa commearunt. Sed Indi iam tum Hispanorum commercia & dura imperia pertesi, mane cuiusdam diei aurora prima, in eos irruunt & eorum cruentam stragem faciunt. Ex ijs tamen aliquot celocis ope quæ ad Cumanae fluminis ripam deligata stabat, perniciem effugientes Dominicam contendunt, & Bartholomæo Insula Prefecto Cumaensium rebellionem enuntiant.



DIDACVS Ocampus cum trecentis militibus ex Dominica portu soluens breui in Cumanam peruenit, & ad pelliciendos in naues barbaros, suos omnes, exceptis socijs naualibus, in alium nauis conditos sub tabulis delitescere iubet, vt Indi cum tam pauci Hispani apparerent, promptius subirent nauim, & persuasum haberent ipsos ex Hispania venire. Indi quidam alio nauim subeunt margaritas ferentes per simulationem commercij. Illi Christianorum auiditate conspecta in littus regrediuntur, paucos se in nauis reperisse homines Cacico reuerunt. Is multo plures quam antea Indos nauem ingredi iubet. Hispanus Dux militibus è latebris exeundi signum dat, qui improviso exorti Indos partim incautos capiunt, partim interficiunt: quotquot captiuos habuit dux, suspendi ad nauis antennam iubet.



HOIEDA à Carthagine 12. millia in mediterranea progreditur, ingentis praeda spe & cupidine illectus, & genti cuidam infesta arma infert, quum Indis credit affirmantibus eo loco magnam vim auri reperturum. Sed ea expeditione nihil prater vulnera & detrimentum ingens retulit. Nam tanta vi in eum irruerunt Barbari, ut fugam capeffere, amissis septuaginta quinque militibus, & ad mare redi coactus sit. Niqueſa autem cum magno militum numero superueniente, conſilium ineunt, iunctis viribus in eius gentis fines impetum facere ac ſuorum cadem ulciſci ſtatuunt. Itaque ſub ſperam maxima militum pars ſilentio è caſtris proſecti, modico ac ſuſpenſo gradu tota nocte conſicientes, ſub auroram Indos ſecuros & ſomno torpidos opprimunt. Illi excitati vulneribus, in ſupermapaliũ incendio perterriti fuga euadere conantur: ſed obſeptis à milite itineribus, videntes in armatos caduntur alij, alij incendio perire quam Hiſpanorum manibus praoptant, in ignes ſemetipſi precipitant. Omnes igitur ferro flammaque abſumpti ſunt prater paucos, quos adhuc lucis obſcuro fuga diſcrimini eripuit. Sex modo capti & Hoieda in ſervitutem trahi victores, quum frigefactis cineribus aurum querentes per pauxillum inueniſſent, eluſa avaritia, nec praeda proſpe inuenta, male alacres Carthaginem regreſſi ſunt.



NIQUESA noctu coorta tempestate, à suis abripitur. Qui centum millia de-
inde emensi ut eum inuenirent nec quidquam intelligerent, Olando, dum
Niquesa rediret, summam Imperij deferunt. Is quo omnem socijs spem fu-
gatolleret, naues fluctuantes temere ad littus ferri atq; allidi sinit: mox, ni-
mis festinati consilij errore animaduerso, è fractarum nauium tabulis ca-
rauellam vnā ad subitos & necessarios vsus fabricari iubet. Inde casas moliri, Mayzum
seminare cœperunt.

Indi Hispanis aurum sitientibus, aurum lique- XX.
factum infundunt.



INDI Hispanis offensi propter nimiam eorum tyrannidem & crudelitatem, atq; auaritiam, quoscumq; capiebant viuos, militares præsertim duces, reuinctis manibus pedibusq; proieiebant in terram: mox auro in os iacentis infuso, cum hac exprobratione auaritiæ, Ede, ede aurum Christiane: ad maiorem cruciatum ac probrum cultellis lapideis, alius brachium Hispani, alius humerum, alius crus, abscindebant & subiectis prunis torrentes mandebant.



Indicuiusdam Gnomologia insignis de Chri- XXI.
stianorum auaritia.



21

PANCHIACO Regulus amicitia cum Valboa contracta, illi grandem auri vim elaborati in vasa & monilia, dat. Verum conspicatus Hispanos, dum aurum hoc penditur, inter se rixari, & eductis gladijs sese mutuo ferire velle, aurum cum trutina evertit, illorum auaritiam acerbè carpens. Atq; si tanta auri cupiditate arderent, regiones demonstraturum in quibus abundantissime id inuenirent. Valboam deinde per difficilia itinera ad summa montium iuga deducit è quibus mare Australe ipsi demonstrat. Reuersus Panchiacum baptisandum curat & Carolum nuncupat.

F 2

Valboa

Valboa Indos nefandum Sodomiae scelus com- XXII.
mittentes, canibus obijcit dilaniandos.



VALBOA in ista ad montes profectione Regulum in Esquaragua superat & cedit cum multis Indis: pagum deinde ingressus Reguli fratrem & alios quosdam muliebri vestitu ornatos: valde admiratus, causam sciscitatur: intelligit casum Regulum & omnes eius aulicos nefando illo peccato naturae aduerso infectos. Attonitus Valboa adeo detestabile scelus ad istos Barbaros penetrasse, corripit omnes iubet numero forte quadraginta, & canibus quos circumducebat, lacerandos obijcit.

Indi sæuitiæ Hispanorum impatientes sibi ipsi XXIII.
manus violentas inferunt.



HISPANIOLÆ incolæ, postquam se perpetuis atq; intolerabilibus laboribus opprimi sentiunt, nec ullum finem adesse malis, in planctus & suspiria effusi, crebris votis mortem optabant. Itaq; multi abiecta omni spe abeuntes in siluas, ex arboribus semetipsi suspendebant, interfectis prius liberis. Femina, postquam herba cuiusdam succo fœtus sibi ipsa abegerant, virorum vestigia sequunt & laqueo vitam finirebant. Deniq; alius ex edito monte iacto in præceps corpore, alius in mare, alius in profluentem demersus: nonnulli etiam voluntaria inedia vitam finem inuenere. Erant etiam qui acutissimis è silice cultellis, aut mucronatis vallis pectora & latera transfigerent.





VIEDVS de Indorum Occidentalium Religione agens: nullam in illis nationibus picturam aut sculpturam antiquiorē vidisse ait, aut maiore reuerentia cultam, horrenda cacodemonis effigie deformi specie facta. Eum pro Deo agnoscūt, petentes ab eo quidquid desiderant. Quum autem Cacicorū Hispaniolæ aliquis suo numini sacrum & festum diem celebrare instituebat: omnibus subditis tam viris quā mulieribus, diem ad cōueniendum dicebat: qui ubi ad solenne illud confluxissent, omnes apte in ordine se disponebant. Cacicus ipse agmen antegressus princeps templū inibat, ubi sacerdotes ad idolo intentierant. Ingressus ut consederat, tympanū pulsabat: mox sequebatur vniuersa multitudo præeuntibus viris, qui nigro, rubro, & flauo distincta corpora, versicoloribus etiā vestimentis & aliarum avium pennis ornaauerant: colla, brachia, crura, coronis, torquibus atque cingulis ex concharum marinarum testis redimiti: femine puro corpore & nullis pigmentis fuisse: virgines quidem prorsus nude: quibus viri erant peplis muliebria velata. Tali habitu saltem & patria quadam carmina in laudem idoli canentes templum subibant. Cacicus tympano ingredienti saluabat: mox demisso in guttur bacillo vomitum ciebat: ut Idolo palam ostenderent, nihil se in pectore mali occultum gerere. His ceremoniis peractis, omnes complicatis statim cruribus humi confidentes, alios quosdam hymnos cum murmure quodam lugubri canebant: ac tum superueniebat aliud feminarum agmen canistra gestantium panibus plena, & floribusque odoratis conspersa: illæ ceteris canentibus circumfusæ, orationes quasdam illis præstabant: Alij ut inuicem responderent, sese erigebant: donec cantionibus peractis, mutato agmine nouam quandam in Reguli sui laudem ordirentur: postremo panem Idolo offerebant.

SPECIAL
Folio
G
159
A514
1594

87-B
24737
bound w:
87-B 24738
87-B 24838

